



6

17 -d

62




19

0

9

15.

~~5-14 d 62~~





# SELECTÆ

HISTORICORUM

CONCIONES , ET POETARUM

TUM VETERUM , TUM RECENTIORUM

SELECTISSIMA CARMINA

P R O

HUMANITATIS

ET RHETORICÆ STUDIOSIS

PARS PRIMÆ,

Quæ complectitur Selectas Conciones



VENETIIS,

TYPIS FRANCISCI PITTERI



MDCCLXXII.

*Superiorum permissu , ac Privilegio.*



1915

## LECTORI BENEVOLO .




**J**amdium in Scholis usus invaluit ,  
 ut Adolescentibus , qui ad elo-  
 quentiam informandi sunt , Ciceronis  
 tantummodo Orationes exhibcantur . An  
 satis autem hoc uno utilitati Adole-  
 scentium consulatur , non immerito du-  
 bitare quis poterit . Ubi enim longa o-  
 ratio , diuque elaborata ex illustri lo-  
 co habenda sit , nemo quidem sibi a-  
 lium potius , quam Ciceronem Orato-  
 rum Principem imitandum proposue-  
 rit . At quotus quisque est , cui sa-  
 pius orationes bujusmodi instruendæ  
 sint , atque exornandæ ? Contra vero in

*communi , ac quotidiana vivendi consuetudine quam sæpe evenit , ut aliquem laudare oporteat , vel objurgare , a vitiis abstertere , vel ad virtutem erigere ; ut suadendum aliquid sit , vel dissuadendum ; ut aliquis sit accusandus , vel ab aliorum criminibus liberandus ? Quæ quidem omnia cum non longo verborum ambitu exornanda , sed breviter perstringenda sint , eorum exempla haud facile apud Tullium reperias . Non ego tamen negare ausim , si quis forte Tullianas orationes diu , diligenterque versaverit ; ut in longo illo , atque elaborato dicendi genere , ita in hoc quoque breviori , subito , ac familiari , eum magnopere præstiturum . Sed quod inde non nisi labore improbo , diuturnoque studio sperare possent Adolescentes , id quidem facilius assequantur , si peculiaribus huius*

jus quoque generis iis exempla proposuerimus . Ea porro unde potius , quam ex Historicis desumenda ? In rem igitur Adolescentium facturos nos esse magnopere existimavimus , si exquisitas aliquot Historicorum conciones iis exhiberemus , ut dum ex Tullii Orationibus magniloquam , qua aliquando opus est , eloquentiam hauriunt , ex hisce quotidianam breviter , sed apte , appositeque dicendi rationem perdiscant . Eo consilio cujusque Orationum generis non unum , sed plura exempla delegimus , ne quid in hac re amplius desideraretur . Plura adhuc , si libuisset , excerpere potuissimus ; sed illud quoque cavendum erat , ne in ampliorem fortasse molem volumen excresceret . Ea tamen , quæ tradidimus , satis , superque sunt , si ab Adolescentibus ea , qua par est , diligentia perpendantur , at-

que addiscantur . . Quod si quis plura desideret , Orationes ille ex Historicis Latinis collectas sibi comparet , quas Cl. Ab. Millot in Regio hoc Athenaeo Historiae Professor quinque ab hinc annis Lugduni edidit , Gallica insuper elegantissima , versione exornatas , ex quibus etiam eas decerpimus , quas huc potissimum conferendas esse existimavimus .



# ORATIONES

E

LIVIO EXCERPTÆ.

O R A T I O I.

P. HORATII AD POPULUM,

*Pro Filio, qui cassis Curiatiis Sororem ipsam interfecerat, qua cum uni ex Curiatiis desponsa fuisset, ejus interitum immodice deflebat.*

**H**UNC CINE, quem modo decoratum ovantem-  
que victoria incedentem vidistis; Quirites,  
eum sub furca vinctum inter verbera & cruciatus  
videre potestis? Quod vix Albanorum oculi tam  
deforme spectaculum ferre possent. I, lictor, col-  
liga manus, quæ paulo ante armatæ imperium Po-  
pulo Romano pepererunt. I, caput obnube libe-  
ratoris urbis hujus. Arbori infelici suspende: ver-  
bera vel intra pomœrium, modo inter illa pila &  
spolia hostium; vel extra pomœrium, modo in-  
tra sepulchra Curiatorum. Quo enim ducere hunc  
juvenem potestis, ubi non sua decora eum a tanta  
fœditate supplicii vindicent?

## O R A T I O I I.

## MUTII SCÆVOLÆ AD PORSENAM.

*Porfena Clusinarum Rex Romam obsidebat. Caius Mutius Romanus adolescens ejus castra ipsum interfecit ingreditur. At cum eum minime noffet, Scribam pro Rege obtruncat. Comprehensus quid animi habuerit impavide Porfena proficitur.*

**R**omanus sum civis: C. Mucium vocant. Hostis hostem occidere volui. Nec ad mortem minus animi est, quam fuit ad cædem. Et facere & pati fortia, Romanum est. Nec unus in te ego hos animos gessi: longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo; terram hostemque in vestibulo habeas Regiæ. Hoc tibi Juventus Romana indicimus bellum. Nullam aciem, nullum prælium timearis, Uni tibi, & cum singulis, res erit.

## O R A T I O I I I.

## VETURIÆ AD FILIUM CORIOLANUM

*Patriam Volscorum armis obsidentem.*

**S**ine, priusquam complexum accipio, sciam, ad hostem, an ad filium venerim: captiva, matris in castris tuis sum. In hoc me longa vita, & infelix senectus traxit, ut exulem te, deinde hostem viderem? Potuisti populari hanc terram, quæ te genuit atque aluit? Non tibi, quamvis infesto animo & minaci perveneras, ingredienti fines ira cecidit? Non, quum in conspectu Roma fuit,



fuit, succurrit, intra illa mœnia domus ac Penates mei sunt, mater, conjux liberique? Ergo ego nisi peperissem, Roma non oppugnaretur. Nisi filium haberem, libera in libera Patria mortua essem. Sed ego nihil jam pati, nec tibi turpius quam mihi miserius possum; nec ut sim miserrima, diu futura sum. De his videris: quos, si pergis, aut immatura mors, aut longa servitus manet.

O R A T I O I V.

T. QUINTII CAPITOLINI AD POPULUM.

*Cum Patrum, ac Plebis discordia Civitatem distraharent, Æqui, Volscique Romam populabundi accessere. Tribunis delectum militum nihilominus impediuntibus, Quintius Consul Populum ad concionem vocavit, eumque ita objurgavit.*

**E**TI mihi nullius noxæ conscius, Quirites, sum; tamen cum pudore summo in concionem vestram processi. Hoc vos scire, hoc posteris memoræ traditum iri, Æquos & Volscos vix Herenicis modo pares, T. Quintio quartum Consule ad mœnia urbis Romæ impune armatos venisse. Hanc ego ignominiam (quanquam jamdiu ita vivitur, is status rerum est, ut nihil boni divinet animus) si huic potissimum imminere anno scissem, vel exilio, vel morte (si alia fuga honoris non esset) vitassem. Ergo si viri arma illa habuissent, quæ in portis fuere nostris, capi Roma me Consule potuit? Satis honorum, satis superque vitæ erat. Mori Consulem tertium oportuit.

Quem tandem ignavissimi hostium contempsere? Nos Consules, an vos, Quirites? Si culpa in nobis est, auferte imperium indignis; & si id parum est, insuper pœnas expetite. Si in vobis, nemo

Deorum nec hominum sit, qui vestra puniat peccata, Quirites: vosmet tantum eorum poeniteat. Non illi vestram ignaviam contemere, nec suae virtuti confisi sunt: quippe toties fusi fugatique, castris exuti, agro mulctati, sub jugum missi, & se & vos novere. Discordia Ordinum est venenum urbis hujus; Patrum & plebis certamina: dum nec nobis imperii, nec vobis libertatis est modus, dum tædet vos Patriciorum, nos plebeiorum Magistratum, sustulere illi animos.

Pro Deum fidem, quid vobis vultis? Tribunos plebis concupistis. Concordiae causa concessimus. Decemviros desiderastis. Creari passi sumus. Decemvirosum vos pertæsum est. Coegimus abire Magistratu. Manente in eisdem privatos ira vestra, mori atque exulare nobilissimos viros honoratissimosque passi sumus. Tribunos plebis creare iterum voluistis. Creastis. Consules facere vestrarum partium, etsi Patribus videbamus iniquum: Patricium quoque Magistratum plebi donum fieri vidimus. Auxilium tribunitium, provocationem ad populum, scita plebis injuncta Patribus, sub titulo æquandarum legum nostra jura oppressa tulimus, & ferimus. Qui finis erit discordiarum? Ecquando unam urbem habere, ecquando communem hanc esse Patriam licebit? Victi nos æquiore animo quiescimus, quam vos victores. Satisne est, nobis vos metuendos esse? Adversus nos Aventinum capitur, adversus nos sacer occupatur mons. Esquilias quidem ab hoste prope captas, & scandentem in aggerem Volscum hostem nemo submovit. In nos viri, in nos armati estis. Agite dum, ubi hic curiam circumsederitis, & ferum infestum feceritis, & carcerem impleveritis principibus, iisdem istis ferocibus animis egredimini extra portam Esquilinam: aut, si ne hoc quidem audetis, ex muris visitate agros vestros, ferro ignique vastatos, prædam abigi, fumare incensa passim tecta.

At enim communis res per hæc loco est pejore: ager uritur, urbs obsidetur, belli gloriæ penes hostes est. Quid tandem privatæ res vestræ quo in statu sunt? Jam unicuique ex agris sua damna nunciabuntur. Quid est tandem domi, unde ea expleatis? Tribuni vobis amissa reddent ac restituent? Vocis verborumque, quantum voletis, ingerent & criminum in principes, & legum aliarum super alias, & concionum. Sed ex illis concionibus nunquam vestrum quisquam re, fortuna domum auctior rediit. Ecquis retulit aliquid ad conjugem & liberos, præter odia, offensiones, simultates publicas privatasque? a quibus semper non vestra virtute innocentiaque, sed auxilio alieno tuti sitis. At hercules, quum stipendia nobis Consulibus, non Tribunis ducibus, & in castris, non in foro faciebatis, & in acie vestrum clamorem hostes, non in concione Patres Romani horrebant: præda parta, agro ex hoste capto, pleni fortunarum, gloriæque simul publicæ, simul privatæ, triumphantes domum ad Penates redibatis: nunc oneratum vestris fortunis hostem abire sinitis. Hærete affixi concionibus, & in foro vivite. Sequitur vos necessitas militandi, quam fugitis. Grave erat in Æquos & Volscos proficisci? Ante portas est bellum. Si inde non pellitur, jam intra mœnia erit, & arcem & Capitolium scandet, & in domos vestras vos persequetur. Biennio ante Senatus delectum haberi, & educi exercitum in Algidum jussit. Sedemus desides domi, mulierum ritu inter nos altercantes, præsentis pace læti, nec cernentes ex orio illo brevi multiplex bellum rediturum.

His ego gratiora dictu alia esse scio: sed me vera pro gratis loqui, etsi meum ingenium non moneret, necessitas cogit. Vellem equidem vobis placere, Quirites: sed multo malo vos salvos esse: qualicunque erga me animo futuri estis. Natura hoc ita comparatum est, ut qui apud multitudinem

nem sua causa loquitur, gravior eo sit, cujus mens nihil præter publicum commodum videt: nisi forte assentatores publicos, plebicolas istos, qui vos nec in armis, nec in otio esse sinunt, vestra vos causa incitare & stimulare putatis. Concitati, aut honori, aut quæstui illis estis: & quia in concordia Ordinum nullos se usquam esse vident, malæ rei se, quam nullius, turbarum ac seditionum, duces esse volunt. Quarum rerum si vos cædium tandem capere potest, & patrum vestrosque antiquos mores vultis pro his novis sumere, nulla supplicia recuso, nisi paucis diebus hos populatores agrorum nostrorum, fusos fugatosque castris exuero, & a portis nostris mœnibusque ad illorum urbes hunc belli terrorem, quo vos nunc attoniti estis, transtulero.

## O R A T I O V.

## CAMILLI AD PÆDAGOGUM,

*Qui, dum Camillus Faliscos obsidebat, Principum Civitatis liberos proditorio animo ad eum perduxerat.*

**N**ON ad similem tui nec populum; nec Imperatorem scelestus ipse cum scelesto munere venisti. Nobis cum Faliscis, quæ pacto sit humano, societas non est; quam ingeneravit natura utrisque, est, eritque. Sunt & belli, sicut pacis, jura: justæque ea non minus quam fortiter didicimus gerere. Arma habemus non adversum eam ætatem, cui etiam captis urbibus parçitur: sed adversus armatos & ipsos, qui nec læsi, nec læcessiti a nobis, castra Romana ad Vejos oppugnarunt: Eos tu, quantum in te fuit, novo scelere vicisti. ego Romanis artibus, virtute, opere, armis, sicut Vejos, vincam.

ORA-

## O R A T I O VI.

LEGATORUM  
FALISCOS ROMANIS DEDENTIUM.

*Camillus his dictis proditorem vinctum ad Faliscos remisit. Ea re commoti Falisci Legatos Romanam misere, qui urbem Romanis dederent.*

**P**ATRES Conscripti, victoria, cui nec Deus, nec homo quisquam invidet, victi a vobis & Imperatore vestro, dedimus nos vobis: rati, quo nihil victori pulchrius est, melius nos sub imperio vestro, quam legibus nostris victuros. Eventu huius belli duo salutaria exempla prodita humano generi sunt. Vos fidem in bello, quam presentem victoriam, maluistis: nos fide provocati, victoriam ultro detulimus. Sub ditione vestra, sumus. Mittite, qui arma, qui obsides, qui urbem patentibus portis accipiant. Nec vos fidei nostræ, nec nos imperii vestri pœnitebit.

## O R A T I O VII.

## ANNIBALIS AD SUOS MILITES.

*Annibal superatis Alpibus, militum animos spectaculo incitare cupiens, captivos aliquot inter se depugnare iussit, libertate victori proposita. Dum dimicarent, is habitus animorum inter spectantes Pœnos vulgo erat, ut non vincientium magis, quam bene morientium fortuna laudaretur. Tum Annibal, advocata consione, ita locutus fertur.*

**S**I quem animum in alienæ fortis exemplo paulo ante habuistis, eundem mox in æstimanda for-

fortuna vestra habueritis; vicimus, milites. Neque enim spectaculum modo illud, sed quædam veluti imago vestræ conditionis erat. Ac nescio an maiora vincula, maioresque necessitates vobis, quam captivis vestris fortuna circumdederit. Dextra lævaque duo maria claudunt; nullam, ne ad effugium quidem, navem habentibus: circa Padus amnis major ac violentior Rhodano, a tergo Alpes urgent, vix integris vobis ac vigentibus transitæ. Hic vincendum aut moriendum, milites est, ubi primum hosti occurristis. Et eadem fortuna quæ necessitatem pugnandi imposuit, præmia vobis ea victoribus proponit, quibus ampliora homines ne a Diis quidem immortalibus optare solent. Si Siciliam tantum ac Sardiniam parentibus nostris ereptas nostra virtute recuperaturi essemus, satis tamen ampla prætia essent. Quicquid Romani tot triumphis partum congestumque possident, id omne vestrum cum ipsis dominis futurum est. In hanc tam opimam mercedem agite: cum Diis bene juvantibus arma capite. Satis adhuc in Lusitaniæ Celtiberiæque montibus pecora consectando, nullum emolumentum tot laborum periculorumque vestrorum vidistis. Tempus est jam opulenta vos ac ditia stipendia facere, & magna operæ prætia mereri; tantum itineris per tot montes fluminaque, & tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec quam magni nominis bellum est, tam difficile existimaveritis victoriam fore. Sæpe & contemptus hostis cruentum certamen edidit, & incluyei populi Regesque perlevi momento victi sunt. Nam demto hoc uno fulgore nominis Romani, quid est, cur illi vobis comparandi sint? Ut viginti annorum militiam vestram cum illa virtute, cum illa fortuna taceam; ab Herculis columnis, ab Oceano, terminisque ultimisterarum, per tot ferocissimos Hispaniæ & Galliæ popu-

populos, vincentes huc pervenistis. Pugnabitis cum exercitu tyrone, hac ipsa æstate cæso, victo, circumfesso a Gallis, ignoto adhuc duci suo, ignorantique ducem. An me, in prætorio patris, clarissimi Imperatoris, prope natum, certe eductum, domitorem Hispaniæ Galliæque, victorem eundem non Alpinarum modo gentium, sed ipsarum, quod multo majus est, Alpium, cum semestri hoc conferam duce, desertore exercitus sui? Cui si quis demtis signis Pœnos Romanosque hodie ostendat, ignoraturum certum habeo, utrius exercitus sit Consul.

Non ego illud parvi æstimo, milites, quod nemo vestrum est, cujus non ante oculos ipse sæpe militare aliquod ediderim facinus; cui non idem ego virtutis spectator ac testis, notata temporibus locisque referre sua possim decora. Cum laudatis a me millies donatisque, alumnus prius omnium vestrum, quam Imperator, procedam acie adversus ignotos inter se, ignorantisque. Quocumque circumtuli oculos, plena omnia video animorum ac roboris: veteranum peditem; generosissimarum gentium equites frænatos & infrænatos; vos socios fidelissimos, fortissimosque; vos, Carthaginienses, tum ob patriam, tum ob iram justissimam pugnatos. Inferimus bellum, infestisque signis descendimus in Italiam; tanto audacius fortiusque pugnaturi, quanto major spes majorque est animus inferentis vim, quam arcentis. Accendit præterea animos & stimulat dolor, injuria, indignitas. Ad supplicium depoposcerunt me ducem primum, deinde vos omnes, qui Saguntum oppugnassetis: deditos ultimis cruciatibus affecturi fuerunt. Crudelissima ac superbissima gens, sua omnia sui que arbitrii facit: cum quibus bellum, cum quibus pacem habeamus, se modum imponere æquum censet: circumscribit includitque nos terminis montium fluminumque, quos ne excedamus, neque eos, quos statue, termi-

minos observat. Ne transferis Iberum: ne quid rei tibi sit cum Saguntinis. Ad Iberum est Saguntum: nusquam te vestigio moveris. Parum est, quod veterimas provincias meas Siciliam & Sardiniam adimis: etiam Hispanias? & si inde cessero, in Africam transcendes. Transcendes autem dico? duos Consules hujus anni, unum in Africam, alterum in Hispaniam miserunt. Nihil usquam nobis relictum est, nisi quod armis vindicaverimus. Illis timidis & ignavis licet esse, qui respectum habent, quos saus ager, sua terra, per tuta ac pacata itinera fugientes accipient: nobis necesse est fortibus viris esse, & omnibus inter victoriam mortemve certa desperatione abruptis, aut vincere, aut, si fortuna dubitabit, in prælio potius, quam in fuga mortem oppetere. Si hoc bene fixum omnibus destinatumque in animo est; iterum dicam, vicistis: nullum incitamentum ad vincendum homini a Diis immortalibus acrius datum est.

## O R A T I O VIII.

### M. MINUCII RUFI MAGISTRI EQUITUM IN FABIIUM DICTATOREM.

*Quod cum Annibale congredi recusaret.*

**S**pectatumne huc, ut rem fruendam oculis, fortiorum cædes & incendia venimus? nec si nullius alterius nos, ne civium quidem horum pudet, quos Sinuessam colonos patres hostri miserunt, ut ab Samnise hoste tuta hæc ora esset: quam nunc non vicinus Samnis urit, sed Pœnus advena, ab extremis orbis terrarum terminis, nostra cunctatione & socordia jam huc progressus? Tantum (pro!) degeneramus a parentibus nostris, ut præter quam oram illi Punicas vagari classes, dedecus esse Imperii sui duxerint, eam nos nunc plenam hostium

Nu.



Numidarumque ac Maurorum jam factam videamus? Qui modo Siguntum oppugnaturi indignando, non homines tantum, sed fœdera & Deos ciebamus, tendentem ad mœnia Romanæ coloniz Annibalem lenti spectamus? Fumus ex incendiis villarum agrorumque in oculos atque ora venit: strepunt aures clamoribus plorantium sociorum, sæpius nos, quam Deorum invocantium opem. Nos hic pecorum modo per æstivos saltus deviosque calles exercitum ducimus, conditi nubibus sylvisque. Si hoc modo peragrandò cacumina saltusque Furius recipere a Gallis urbem voluisset, quo hic novus Camillus, nobis Dictator unicus in rebus affectis quæsitus, Italiam ab Annibale recuperare parat, Gallorum Roma esset: quam vereor ne, sic cunctantibus nobis, Annibali ac Pœnis toties servaverint majores nostri. Sed vir, ac vere Romanus, quo die Dictatorem eum ex auctoritate Patrum jussuque Populi dictum, Veios allatum est, quum esset satis altum Janiculum, ubi sedens prospectaret hostem, descendit in æquum; atque illo ipso die media in urbe, qua nunc busta Gallica sunt, & postero die, citra Gabios, cecidit Gallorum legiones. Quid? post multos annos, quum ad Furculas Caudinas ab Samnite hoste sub jugum missi sumus; utrum tandem L. Papirius Cursor, juga Samnii perlustrando, an Luceriam premendo obsidendoque, & laceffendo victorem hostem, depulsum ab Romanis cervicibus jugum superbo Samniti imposuit? Modo Consuli Lutatio quæ alia res quam celeritas, victoriam dedit? quod postero die quam hostem vidit? classem gravem comœatibus, impeditam suomet ipsam instrumento atque apparatu, oppressit. Stultitia est, sedendo aut votis debellari credere posse: armari copias oportet, deducendas in æquum, ut vir cum viro congrediari. Audendo atque agendo res Romana crevit, non his segnibus consiliis, quæ timidi cauta vocant.

ORA-

## O R A T I O IX.

## EJUSDEM MINUCII AD SUOS MILITES.

*Accepta copiarum parte Minucius cum Annibale con-  
grediens precipitavit in insidias. Eo periculo Fa-  
bii beneficio creptus convocatis militibus eos sic  
est allocutus.*

SÆpe ego audiui, milites, eum primum esse vi-  
rum, qui ipse consulat quid in rem sit; secun-  
dum, eum qui bene monenti obediat: qui nec ipse  
consulere, nec alteri parere sciat, eum extremi in-  
genii esse. Nobis quoniam prima animi ingenique  
negata fors est, secundam ac mediam teneamus: &  
dum imperare discimus, parere prudenti in animum  
inducamus. Castra cum Fabio jungamus: ad præto-  
rium ejus signa quum tulerimus, ubi ego eum pa-  
rentem appellavero, quod beneficio ejus erga nos ac  
majestate ejus dignum est; vos milites, eos, quorum  
vos modo arma dextræque texerunt, patronos salu-  
tabitis: &, si nihil aliud, gratorum certe nobis a-  
nimorum gloriam dies hæc dederit.

O R A T I O X.

FABII MAXIMI  
AD L. ÆMILIUM PAULLUM.

*C. Terentius Varro Consul jactabat, se ubi primum hostem vidisset, cum eo congressurum. Longe alia mens erat L. Æmilio Paulo ejus Collega, qui tuta celeribus consiliis preferenda esse existimabat. Ut in hoc constanter perseveraret, Q. Fabius Maximus sic eum proficiscentem allocutus fertur.*

**S**I aut collegam ( id quod mallet. ) tui similem, Luci Æmili, haberes, aut collegæ tui similis esses, supervacanea esset oratio mea. Nam & duo boni Consules, etiam me indicente, omnia & Republica fide vestra faceretis; & mali, nec mea verba auribus vestris, nec consilia animis acciperetis. Nunc & collegam tuum, & te talem virum intuiti mihi, tecum omnis oratio est; quem video nequicquam & virum bonum, & civem fore, si altera parte claudicet Respublica. Malis consilis idem ac bonis juris & potestatis erit. Erras enim, L. Paule, si tibi minus certaminis cum C. Terentio, quam cum Annibale futurum censes. Nescio an infestior hic adversarius, quam ille hostis maneat: cum illo in acie tantum, cum hoc omnibus locis ac temporibus certaturus es: & adversum Annibalem legionisque ejus, tuis equitibus ac peditibus pugnandum est; Varro dux, tuis militibus te est oppugnaturus. Ominis etiam tibi causa absit C. Flamini memoria. Tamen ille Consul demum, & in provincia, & ad exercitum cœpit furere: hic prius quam peteret consulatum, deinde in petendo consulatu, nunc quoque Consul, prius quam castra videat, aut hostem insanit. Et qui tantas jam nunc pro-

cellas

cellas, prælia atque acies jactando inter togatos ciet; quid inter armatam juventutem censes facturum, & ubi extemplo verba res sequitur? Atqui si hic, quod facturum se denūciat, extemplo pugnaverit; aut ego rem militarem, belli hoc genus, hostem hunc ignoro, aut nobilior alius Thrasymeno locus nostris cladibus erit.

Nec gloriandi tempus adversus unum est; ut ego contemnendo potius quam appetendo gloriam, modum exceßerim. Sed ita res habet: una ratio belli gerendi adversus Annibalem est, qua ego gessi. Nec eventus modo hoc docet; stultorum iste magister est; sed eadem ratio quæ fuit, futuraque, donec eadem res manebunt, immutabilis est. In Italia bellum gerimus, in sede ac solo nostro; omnia circa plena civium ac sociorum sunt, armis, viris, equis, com meatibus juvant, juvabuntque: id jam fidei documentum in adversis rebus nostris dederunt, meliores, prudentiores, constantiores nos tempus diesque facit. Annibal contra in aliena, in hostili est terra, inter omnia inimica infestaque; procul ab domo, procul a patria; neque illi tetra, neque mari est pax; nullæ eum urbes accipiunt, nulla mœnia; nihil usquam sui videt; in diem rapto vivit; partem vix tertiam exercitus ejus habet, quem Iberum amnem trajecit; plures fames, quam ferrum absumpsit; nec his paucis jam victum suppeditat. Dubitas ergo, quin eum sedendo superaturi simus; qui senescat in dies, non com meatus, non supplementum, non pecuniam habeat? Quamdiu pro Geronii, castelli Apuliæ inopis, tanquam pro Carthaginis mœnibus? Sed ne adversus te quidem ego gloriabor. C. Servilius atque Atilius, proximi Consules, vide quemadmodum eum ludificari sint. Hæc una salutis est via, L. Paule, quam difficilem infestamque cives sibi magis quam hostes facient. Idem enim tui, quod hostium milites, volent; Idem Varro Consul Romanus, quod Annibal Pœnus Im-

perator cupiet. Duobus ducibus unus resistas oportet : resistes autem, adversus famam rumoresque hominum si satis firmus steteris : si te neque collegæ vana gloria, neque tua falsa infamia moverit. Veritatem laborare nimis sæpe ajunt, extingui nunquam. Gloriam qui spreverit, veram habebit. Sine timidam pro cauto, tardum pro considerato, imbellem pro perito belli vocent, malo te sapiens hostis metuat, quam stulti cives laudent. Omnia audentem contemnet Annibal : nil temere agentem metuet. Nec ego, ut nil agatur, moneo, sed ut agentem te ratio ducat, non fortuna : tuæ potestatis semper, tuæque omnia sint : armatus intentusque sis : neque occasione tuæ desis, neque suam occasionem hosti des. Omnia non properanti clara, certaque erunt. Festinatio improvida est, & cæca.

## O R A T I O XI.

## P. CORNELII SCIPIONIS AD EXERCITUM.

*P. Scipio, qui postea Africanus dictus est, ante quartum, & vicesimum ætatis annum missus in Hispanias Imperator, primo adventu in provinciam ita Milites est allocutus,*

**N**emo ante me novus Imperator militibus suis, prius quam opera eorum usus esset, gratias agere jure ac merito potuit. Me vobis, priusquam provinciam aut castra viderem, obligavit fortuna : primum, quod ea pietate erga patrem patruumque meum vivos mortuosque fuistis ; deinde quod amissam tanta clade provinciæ possessionem, integram & Populo Romano, & successori mihi, virtute vestra obtinuistis. Sed quum jam benignitate Deum id paremus atque agamus, non ut ipsi maneamus in Hispania, sed ne Pœni maneant ; nec ut pro ripa Iberi stantes arceamus transitum hostis, sed ut ultro

sciam.



transseamus, transferamusque bellum; veteor ne cui vestrum majus id audaciusque consilium, quam aut pro memoria cladium nuper acceptarum, aut pro ætate mea videatur. Adversæ pugnæ in Hispania, nullius in animo, quam meo, minus obliterari possunt: quippe cui pater & patruus, intra triginta dierum spatium, ut aliud super aliud cumlaretur familiæ nostræ funus, interfecti sunt. Sed ut familiaris pene orbitas ac solitudo frangit animum; ita publica quum fortuna, tum virtus, desperare de summa rerum prohibet. Ea fato quodam data nobis fors est, ut magnis omnibus bellis victi, vicerimus. Vetera omitto, Porcenam, Gallos, Samnites: a Punicis bellis incipiam. Quot classes, quot duces, quot exercitus priore bello amissi sunt? Jam quid hoc de bello memorem? Omnibus aut ipse adfui cladibus: aut quibus absui, maxime unus omnium eas sensi. Trebia, Thrasymenus, Cannæ quid aliud sunt, quam monumenta occisorum exercituum, Consulumque Romanorum? Adde defectionem Italiæ, Siciliæ, majoris partis Sardiniae. Adde ultimum terrorem ac pavorem castra Punica inter Anienem & mœnia Romana posita, & visum prope in portis victorem Annibalem. In hac ruina rerum stetit una integra atque immobilis virtus Populi Romani. Hæc omnia strata humi erexit ac sustulit. Vos omnium primi, milites, post Cannensem cladem vadenti Asdrubali ad Alpes Italiamque, qui si se cum fratre conjunxisset, nullum jam nomen esset Populi Romani, ductu auspicioque patris mei obstitistis. Et hæc secundæ res illas adversas sustinuerunt. Nunc, benignitate Deum, omnia secunda, prospera, in die lætiora ac meliora in Italia Siciliaque geruntur. In Sicilia Syracusæ Agrigentumque captum: pulsi tota insula hostes, receptaque provincia in ditione Populi Romani est. In Italia Arpi recepti, Capua capta. Iter omne ab urbe Roma trépida fuga emensus Annibal, in extremum angulum agri Bruttii

com.

compulsus, nihil jam majus precatur Deos; quam ut incolumi cedere atque abire ex hostium terra liceat. Quid igitur minus conveniat, milites, quam quum aliz super alias clades cumularentur, ac Dii prope ipsi cum Annibale starent, vos hic cum parentibus meis (æquentur enim etiam honore nominis) sustinuisse labantem fortunam Populi Romani: nunc eosdem, quia illic omnia secunda lætaque sunt, animis deficere? Nuper quoque quæ acciderunt, utinam tam sine meo luctu, quam vestro, transissent! Nunc Dii immortales, Imperii Romani præfides, qui centuriis omnibus, ut mihi imperium juberent dari, fuere auctores; iidem auguriis auspiciisque, & per nocturnos etiam visus omnia læta ac prospera portendunt. Animus quoque meus, maximus mihi ad hoc tempus vates, præfagit nostram Hispaniam esse: brevi extorre hinc omne Punicum nomen, maria terrasque fœda fuga impleturum. Quod mens sua sponte divinat, idem subjicit ratio haud fallax. Vexati ab iis sociis nostram fidem per Legatos implorant. Tres Duces discrepantes, prope ut defecerint alii ab aliis; trifariam exercitum in diversissimas regiones distraxere. Eadem in illos ingruit fortuna, quæ nuper nos afflixit. Nam & deseruntur ab sociis, ut prius ab Celtiberis nos; & diduxere exercitus; quæ patri patruoque meo causa exitii fuit. Nec discordia intestina coire eos in unum sinet, neque singuli nobis resistere poterunt.

Vos modo, milites, favete nomini Scipionum, soboli Imperatorum vestrorum, velut accisis recrescenti stirpibus. Agite, milites veteres, novum exercitum, novumque Ducem traducite Iberum, traducite in terras cum multis fortibus factis, sæpe a vobis peragratas. Brevi faciam, ut quemadmodum nunc noscitis in me patris patruique similitudinem oris vultusque, & lineamenta corporis; ita ingenii, fidei, virtutisque exemplum expressam

ad

ad effigiem vobis reddam; ut revixisse, aut penitus sibi quisque Scipionem Imperatorem dicat.

## O R A T I O XII.

### T. SCIPIONIS AD SEDITIOSOS MILITES.

*Octo millia Militum, qui Sucrone erant, cum Scipio gravi morbo implicitus esset, seditionem movent, Tribunos castris pellunt, imperii summam ad Albiū, & Atrium seditionis principes deferunt. Ubi Scipio convalescit, ut huic malo obviam iret, quia seditiosi stipendium non datum ad diem gesserant, edixit, ut ad stipendium petendum novam Carthaginē convenirent. His urbem ingressis seditionis auctores absque ullo tumultu comprehendendos curavit. Ceteros postera die ad concionem vocatos ita objurgavit.*

**N** Unquam mihi defuturam orationem, qua exercitum meum alloquerer, credidi: non quod verba nunquam potius quam res exercuerim, sed quia prope a pueritia in castris habitus, assueveram militaribus ingeniis. Ad vos quemadmodum loquar, nec consilium; nec oratio suppeditat: quos ne quo nomine quidem appellare debeam, scio. Cives? qui a patria vestra descistis: an milites? qui imperium, auspiciūque abnuistis, sacramenti religionem rupistis. Hostes? corpora, ora, vestitum, habitum civium agnosco: facta, dicta, consilia, animos hostium video. Quid enim vos, nisi quod Illergetes & Lacetani, aut optastis aliud, aut superastis? Et illi tamen Mandonium atque Indibilem, regiae nobilitatis viros, duces furoris sequuti sunt: vos auspiciū & imperiū ad Umbrum Atrium, & Calenum Albiū detulistis. Negate vos

id



id omnes fecisse, aut factum voluisse, milites: paucorum eum furorem atque amentiam esse. Libenter credam negantibus. Nec enim ea sunt commissa, quæ vulgata in omnem exercitum sine piaculis ingentibus expiari possint. Invitus ea tanquam vulnera attingo: sed nisi tacta tractataque sanari non possunt. Equidem pulsus Hispania Carthaginensibus, nullum locum tota provincia, nullos homines credebam esse, ubi vita invisa esset mea: sic me non solum adversus socios gesseram, sed etiam adversus hostes. In castris eni meis ( quantum me opinio fefellit? ) fama mortis meæ non accepta solum, sed etiam expectata est. Non quod ego vulgari facinus per omnes velim. Equidem si totum exercitum meum mortem mihi optasse crederem, hic statim ante oculos vestros morerer: nec me vita juvaret, invisa civibus & militibus meis. Sed multitudo omnis, sicut natura maris per se immobilis est, venti, & auræ ciet; ita aut tranquillum, aut procellæ in vobis sunt: & causa atque origo omnis furoris penes auctores est; vos contagione insanistis.

Qui mihi ne hodie quidem scire videmini, quo amentix progressi sitis: quid facinoris in me, quid in patriam, parentesque ac liberos vestros, quid in Deos sacramenti testes, quid adversus auspicia sub quibus militatis, quid adversus morem militiæ disciplinamque Majorum, quid adversus summi imperii majestatem ausi sitis. De me ipse taceo: temere potius, quam avide credideritis. Denique ego sum, cujus imperii tædere exercitum, minime mirandum sit. Patria quid de vobis meruerat, quam cum Mandonio & Indibili consociando consilia probebatis? Quid Populus Romanus, cum imperium ab Tribunis suffragio Populi creatis, ad homines privatos detulistis? quum, eo ipso non contenti, si pro Tribunis illos haberetis, fasces Imperatoris vestri ad eos, quibus servus, cui imperarent,

nunquam fuerat, Romanus exercitus detulistis. In prætorio tetenderunt Albius & Atrius: clasicum apud eos cecinit: signum ab iis petatum est: sederunt in tribunali P. Scipionis: lictor apparuit: submoto inceserunt: fasces cum securibus prælati sunt. Lapides pluere, & fulmina jaci de cælo, & insuetos fœtus animalia edere, vos portenta esse putatis: hoc est portentum, quod nullis hostiis, nullis supplicationibus, sine sanguine eorum qui tantum facinus ausi sunt, expiari possit.

Atque ego ( quanquam nullum scelus rationem habet ) tamen, ut in re nefaria, quæ mens, quod consilium vestrum fuerit, scire velim. Rhegium quondam in præsidium missa legio, interfectis per scelus principibus civitatis, urbem opulentam per decem annos tenuit: propter quod facinus tota legio, millia hominum quatuor, in foro Romæ securi percussa sunt. Sed illi primum, non Atrium Umbrum semilixam, nominis etiam abominandi ducem, sed Decium Jubellium Tribunum militum sequuti sunt: nec cum Pyrrho, nec cum Samnitibus aut Lucanis, hostibus Populi Romani, se conjunxerunt. Vos cum Mandonio & Indibili consilia communicastis, & arma confociaturi fuistis. Illi, sicut Campani Capuam Tuscis veteribus cultoribus ademptam, Mamertini in Sicilia Messanen, sic Rhegium habituri perpetuam sedem erant: nec Populum Romanum, nec socios Populi Romani ultro laceffituri bello. Sucronemne vos domicilium habituri eratis? ubi si vos decedens confecta provincia Imperator relinquerem, Deum hominumque fidem implorare debeatis, quod non rediretis ad conjuges liberosque vestros. Sed horum quoque memoriâ, sicut patriæ meique ejeceritis ex animis vestris. Viam consilii scelerati, sed non ad ultimum dementis exequi volo.

Mene vivo, & cætero incolumi exercitu, cum quo ego die uno Carthaginem cepi, cum quo qua-  
tuor

tuor Imperatores, quatuor exercitus Carthaginensium fudi, fugavi, Hispania expuli, vos octo milia hominum, minoris certe omnes pretii, quam Albius & Atrius sunt, quibus vos subjecistis, Hispaniam provinciam Populo Romano erepturi eratis? Amolior & amoveo nomen meum: nihil ultra facile creditam mortem meam a vobis violatus sim. Quid? si ego morerer, mecum expiratura Respublica, mecum casurum Imperium Populi Romani erat? Ne istuc Jupiter Optimus Maximus sint, urbem auspicato Diis auctoribus in æternum conditam, fragili huic & mortali corpori æqualem esse. Flaminio, Paulo, Graccho, Postumio Albino, M. Marcello. T. Quinto Crispino, C. Fulvio, Scipionibus meis, tot tam claris Imperatoribus uno bello absumptis, superstes est Populus Romanus, eritque mille aliis nunc ferro, nunc morbo morientibus. Meo unius funere elata Populi Romani esset Respublica? Vos ipsi hic in Hispania, patre & patruo meo, duobus Imperatoribus interfectis, Septimum Marcium ducem vobis adversus exultantes recenti victoria Pœnos delegistis.

Et sic loquor, tanquam sine duce Hispaniæ futuræ fuerint. M. Silanus eodem jure, eodem imperio mecum in provinciam missus, L. Scipio frater meus, & C. Lælius Legati, vindices majestatis imperii deessent? Utrum exercitus exercitui, an duces ducibus, an dignitas, an causa comparari poterat? Quibus si omnibus superiores essetis, arma cum Pœnis contra Patriam, contra cives vestros ferretis? Africam Italiæ, Carthaginem urbi Romæ imperare velletis? Quam ob noxam patriæ? Coriolanum quondam damnatio injusta, miserum & indignum exilium, ut iret ad oppugnandam patriam, impulit: revocavit tamen a publico paricidio privata pietas. Vos qui dolor, quæ ira incitavit? Stipendiumne diebus paucis Imperatore ægro serius numeratum, satis digna causa fuit, cur

patriæ indiceretis bellum ? cur ad Illergetes descisceretur a Populo Romano ? cur nihil divinarum humanarumve rerum inviolatum vobis esset ? Infanistis profecto, milites : nec major in corpus meum vis morbi, quam in vestras mentes invasit. Horret animus referre quid crediderint homines, quid speraverint, quid optaverint. Auferat omnia irrita oblivio, si potest : si non, utcumque silentium tegat.

Non negaverim tristem atrocemque vobis visam orationem : quanto creditis facta vestra atrociora esse, quam dicta mea ? Et me ea quæ fecistis, patri æquum censeris : vos ne dici quidem omnia æquo animo feretis ? Sed ne ea quidem ipsa ultra exprobrabuntur. Utinam tam facile vos obliviscamini eorum, quam ego obliviscar. Itaque quod ad vos universos attinet, si erroris pœnitet, satis superque pœnarum habeo. Albius Calenus, & Atrius UMBER, & cæteri nefariæ seditionis auctores sanguine luent quod admiserunt. Vobis supplicii eorum spectaculum non modo non acerbum, sed lætum etiam, si sana mens rediit, debet esse : de nullis enim quam de vobis infestius, aut inimicius consuluerunt.

## O R A T I O XIII.

### Q. FABII MAXIMI IN SENATU,

*Ne Scipio in Africam cum Exercitu mitteretur.*

**S**Cio multis vestrum videri, P. C., rem actam hodierno die agi, & frustra habiturum orationem, qui tanquam de integra re, de Africa provincia sententiam dixerit. Ego autem primum illud ignoro, quemadmodum jam certa provincia Africa Consulis viri fortis ac strenui sit, quam nec Senatus censuit in hunc annum provinciam esse,  
nec

nec Populus iussit: deinde, si est, Consulem pec-  
care arbitror, qui de re transacta simulando se re-  
ferre, Senatum ludibrio habet, non Senatorem mo-  
do, qui de quo consultitur suo loco dicit senten-  
tiam.

Atque ego certum habeo, dissentienti mihi ab  
ista festinatione in Africam trajiciendi, duarum re-  
rum subeundam opinionem esse: unius, infixæ in-  
genio meo cunctationis, quam metum pigritiamque  
homines adolescentes sane appellent, dum ne pœ-  
niteat, adhuc aliorum speciosiora primo adpectu  
consilia semper visa, mea usu meliora: alterius,  
obtrectationis atque invidiæ adversus crescentem in  
dies gloriâ Consulis. A qua suspitione, si me ne-  
que vitæ acta & mores mei, neque Dictatura cum  
quinque Consulatibus, tantumque gloriæ belli do-  
mique partæ vindicat, ut propius fastidium ejus sit,  
quam desiderium; ætâs saltem liberet. Quæ enim  
mihi æmulatio cum eo esse potest, qui ne filio qui-  
dem meo æqualis sit? Me Dictatorem, quum vi-  
gerem adhuc viribus; & in cursu maximarum re-  
rum essem, recusantem nemo aut in Senatu, aut  
ad Populum audivit, quominus insectanti me Mi-  
gistro equitum, quod fando nunquam ante auditum  
erat, imperium mecum æquaretur. Rebus, quam  
verbis assequi malui, ut qui aliorum judicio mihi  
comparatus erat, sua mox confessione me sibi præ-  
ferret: nedum ego perfunctus honoribus, certami-  
na mihi atque æmulationes cum adolescente floren-  
tissimo proponam: videlicet ut mihi jam vivendo,  
non solum rebus gerendis fesso, si huic negata fue-  
rit, Africa provincia decernatur. Cum ea gloria,  
quæ parva est, vivendum atque moriendum est.  
Vincere ego prohibui Annibalem, ut a vobis, quo-  
rum vigent nunc vires, etiam vinci posset.

Illud te mihi ignoscere, P. Corneli, æquum e-  
rit, si, quum in me ipso nunquam pluris famam  
hominum, quam Rempublicam fecerim; ne tuam

quidem gloriam bono publico præponam. Quamquam si aut bellum nullum in Italia, aut his hostis esset, quo victo nihil gloriæ quæreretur; qui te in Italia retineret, etsi id bono publico faceret, simul cum bello materiam gloriæ tuæ isse creptum videri posset. Quum vero Annibal hostis incolumi exercitu, quartumdecimum annum Italiam obsideat, pœnitebit te, P. Corneli, gloriæ tuæ, si hostem eum, qui tot funerum, tot cladum nobis causa fuit, tu Consul Italia expuleris, & sicut penes C. Lutatium prioris Punici perpetrati belli titulus fuit, ita penes te hujus fuerit? Nisi aut Amilcar Annibali dux est, præferendus, aut illud bellum huic, aut victoria illa major clariorque, quam hæc (modo contingat ut te Consule vincamus) futura est. Ab Drepano atque Eryce detraxisse Amilcarem, quam Italia expulisse Pœnos atque Annibalem, malis? Ne tu quidem, etsi magis partam, quam speratam gloriam amplecteris, Hispania potius quam Italia bello liberata gloriatus fueris. Nondum is est Annibal, quem non magis timuisse videatur, quam contempsisse, qui aliud bellum maluerit. Quin igitur ad hoc attingeris, nec per istos circuitus, ut quum in Africam trajeceris, sequenturum te illuc Annibalem speres, potius quam recto hinc itinere, ubi Annibal est, eo bellum intendis? Egregiam istam palmam belli Punici parati petis? Hoc & natura prius est, tua quam defenderis, aliena ire oppugnatum. Pax ante in Italia, quam bellum in Africa sit; & nobis prius decedat timor, quam ultro aliis inferatur. Si utrumque tuo ductu auspicioque fieri potest: Annibale hic victo, illic Chartaginem expugna. Sin alterutra victoria novis Consulibus relinquenda est; prior quum major clariorque, tum causa insequentis fuerit,

Nam nunc quidem, præterquam quod & in Italia & in Africa duos diversos exercitus alere ærarium non potest; præterquam quod unde classestueamur,

mur, unde commeatibus præbendis sufficiamus, nihil reliqui est, periculi tandem quantum adeatur, quem fallit? P. Licinius in Italia, P. Scipio bellum in Africa geret. Quid, si (quod omnes Dii omen avertant, & dicere etiam reformidat animus, sed quæ acciderunt, accidere possunt) & victor Annibal ire ad urbem pergat; tum demum te Consullem ex Africa, sicut Q. Fulvium a Capua arcessemus? Quid, quod in Africa quoque Mars communis belli erit? Domus tibi tua, pater patruusque, intra triginta dies cum exercitibus cæsi, documento sint; ubi per aliquot annos maximis rebus terra marique gerendis amplissimum nomen apud exteras gentes Populi Romani vestræque familiæ fecerant. Dies me deficiat, si Reges Imperatoresque mere in hostium terras transgressos cum maximis cladibus suis exercituumque suorum, numerare velim. Athenienses, prudentissima civitas, bello domi relicto, auctore æque impigro ac nobili juvene, magna classe in Siciliam transmissa, una pugna navali, florentem Rempublicam suam in perpetuum affixerunt. Externa & nimis antiqua repeto. Africa eadem ista, & M. Attilius, insigne utriusque fortunæ exemplum, nobis documento sint.

Næ tibi, P. Corneli, quæm ex alto Africam conspexeris, ludus & jocus fuisse Hispaniæ tuæ videbuntur. Quid enim simile? Pacato mari præter oram Italiæ Galliæque vestus, Emporias in urbem sociorum classem appulisti: expositos milites, per tutissima omnia, ad socios & amicos Populi Romani, Tarraconem duxisti: ab Tarracone deinde iter per præsidia Romana: circa Iberum exercitus patris patruique tui, post amissos Imperatores, ferociores & calamitate ipsa. Dux tumultuarius quidem ille L. Marcius, & militari suffragio ad tempus lectus, cæterum si nobilitas ac justî honores adornarent, claris Imperatoribus qualibet arte belli par: oppugnata per summum otium Carthago, nullo trium

Punicorum exercituum socios defendente. Cætera, neque ea elevo, nullo tamen modo Africo bello comparanda; ubi non portus ullus classi nostræ apertus, non ager pacatus, non civitas socia, non Rex amicus, non consistendi usquam locus, non procedendi. Quacunque circumspexeris, hostilia omnia atque infesta. An Syphaci Numidisque credis? Satis sit semel creditum. Non semper temeritas est felix, & fraus fidem in parvis sibi præstruit, ut quum operæ prætium sit, cum mercede magna fallat. Non hostes patrem patruumque tuum armis prius, quam Celtiberi focii fraude circumvenerunt: nec tibi ipsi a Magone & Asdrubale hostium ducibus, quantum ab Indibili & Mandonio in fidem acceptis periculi fuit. Numidis tu credere posses, defectionem militum tuorum expertus? Et Syphax & Masinissa se, quam Carthaginienses, malunt potentissimos in Africa esse: Carthaginienses, quam quemquam alium. Nunc illos æmulatio inter sese, & omnes causæ certaminum acuunt, quia procul externus metus est. Ostende illis Romana arma, & exercitum alienigenam: jam veluti ad commune restinguendum incendium concurrent.

Aliter iidem illi Carthaginienses Hispaniam defenderunt: aliter mœnia patriæ, templa Deum, aras, focos defendent; quum euntes in prælium pavida prosequetur conjux, & parvi liberi occursum bunt. Quid porro? Si satis confisi Carthaginienses consensu Africæ, fide sociorum Regum, mœnibus suis, quum tuo exercitusque tui præsidio nudatam Italiam viderint, ipsi ultro novum exercitum in Italiam aut ex Africa miserint, aut Magonem, quem a Balearibus classe transmissa jam præter oram Ligurum Alpinorum vectari constat, Annibali se conjungere jusserint? Nempe id eodem terrore erimus in quo nuper fuimus, quum Asdrubal in Italiam transcendit: quem tu, qui non solum Carthaginem, sed omnem Africam exercitu tuo es clausu-



surus, e manibus tuis in Italiam emisisti. Victum a te dices: eo quidem minus vellem, & id tua, non Reipublicæ solum causa, iter datum victo in Italiam esse.

Patere nos omnia quæ prospera tibi ac Reipublicæ in imperio evenere, tuo consilio assignare: adversa casibus incertis belli & fortunæ delegare. Quo melior fortiorque es, eo magis talem præsidem sibi patria atque universa Italia retinet: Non potes ne ipse quidem dissimulare, ubi Annibal sit, ibi caput atque arcem hujus belli esse: quippe qui præ te feras, eam tibi causam trajiciendi in Africam esse, ut Annibalem eo trahas. Sive igitur hic, sive illic, cum Annibale est tibi futura res. Utrum ergo tandem firmior eris in Africa solus; an hic tuo collegæque exercitu conjuncto? Ne Claudius quidem & Livius Consules tam recenti exemplo, quantum id intersit, documento sunt? Quid Annibalem, utrum tandem extremus angulus agri Brutii frustra jam diu poscentem ab domo auxilia, an propinqua Carthago, & tota socia Africa potentior armis virisque faciet? Quod istud consilium est, ibi male discernere, ubi tuæ dimidio minores copiæ sint, hostium multo majores, quam ubi duobus exercitiis, adversus unum tot præliis & tam diuturna & gravi militia fessum pugnandum sit?

Quam compar consilium tuum parentis tui consilio sit, reputa. Ille Consul profectus in Hispaniam, ut Annibali ab Alpibus descendenti occurreret, in Italiam ex provincia rediit: tu, quum Annibal in Italia sit, relinquere Italiam paras; non quia Reipublicæ id utile, sed quia tibi amplum & gloriosum censes esse: sicut quum provincia & exercitu relicto, sine lege, sine senatusconsulto, duabus navibus, Populi Romani Imperator fortunam publicam & majestatem Imperii, quæ tum in tuo capite periclitabantur, commisisti.

Ego P. Cornelium, P. C., Reipublicæ nobisque,

non sibi ipsi privatim creatum Consulem existimo : exercitusque ad custodiam urbis atque Italix scriptos esse, non quos regio more per superbiam Consules, quo terrarum velint, trajiciant.

## O R A T I O XIV.

P. CORNELII SCIPIONIS  
Q. FABIO RESPONENTIS.

**E**T ipse Q. Fabius principio orationis, P. C. commemoravit, in sententia sua posse obtentionem suspectam esse. Cujus ego rei non tam ipse ausim tantum virum insimulare, quam ea suspicio, vitio orationis an rei, haud sane purgata est. Sic enim honores suos & famam rerum gestarum extulit verbis, ad extinguendum invidiæ crimen, tanquam mihi ab infimo quoque periculum sit, ne mecum æmuletur, & non ab eo, qui, quia super cæteros excellat, quo me quoque niti non dissimulo, me sibi æquari nolit. Sic senem se perfunctum honoribus, & me infra ætatem filii etiam sui posuit; tanquam non longius quam quantum vitæ humanæ spatium est, cupiditas gloriæ extendatur, maximaque pars ejus in memoriam ac posteritatem promineat. Maximo cuique id accidere animo certum habeo, ut se non cum præsentibus modo, sed cum omnis ævi claris viris comparent. Equidem haud dissimulo, me tuas, Q. Fabi, laudes non assequi solum velle, sed (bona venia tua dixerim) si possim, etiam exsuperare. Illud nec tibi in me, nec mihi in minores natu animi sit, ut nolimus quemquam nostri similem evadere civem. Id enim non eorum modo, quibus inviderimus, sed Reipub. & pene omnis generis humani detrimentum sit.

Commemoravit, quantum essem periculi aditurus, si in Africam trajicerem: ut meam quoque, non  
so-

solum Reipublicæ & exercitus vicem videretur sollicitus. Unde hæc repente cura de me exorta? Quum pater patruusque meus interfecti, quum duo exercitus eorum prope occidione occisi essent, quum amissæ Hispaniæ, quum quatuor exercitus Pœnorum, quatuor duces omnia metu armisque tenerent, quum quæsitus ad id bellum Imperator nemo se ostenderet, præter me, nemo profiteri nomen ausus esset, quum mihi quatuor & viginti annos nato detulisset imperium Populus Romanus; quid ita tum nemo ætatem meam, vim hostium, difficultatem belli, patris patruisque recentem cladem commemorabat? Utrum major aliqua nunc in Africa calamitas accepta est, quam tunc in Hispania erat? An majores nunc sunt exercitus in Africa, duces plures melioresque, quam tunc in Hispania fuerunt? An ætas mea tunc maturior bello gerendo fuit, quam nunc est? An cum Carthaginienſi hoste in Hispania, quam in Africa bellum geri aptius est? Facile est post fusos fugatosque quatuor exercitus Punicos, post tot urbes vi captas, aut metu subactas in ditionem, post perdomita omnia usque ad Oceanum, tot Regulos, tot sævas gentes, post receptam totam Hispaniam, ita ut vestigium nullum belli reliquum sit, elevare meas res gestas: tam, Hercule, quam si victor ex Africa redierim, ea ipsa elevare, quæ nunc retinendi mei causa, ut terribilia eadem videantur, verbis extolluntur.

Negat aditum esse in Africam, negat ullos patere portus. M. Atilium captum in Africa commemorat. Tanquam M. Atilius primo accessu ad Africam offenderit. Neque recordatur, illi ipsi tam infelici Imperatori patuisse tamen portus Africæ, & res egregias primo anno gessisse, & quantum ad Carthaginienſes duces attinet, invictum ad ultimum permanſisse, Nihil igitur me isto tu exemplo terrueris. Si hoc bello, non priore, si nuper, & non annis ante quadraginta, ista clades accepta foret:

qui ego minus in Africam Regulo capto, quam Scipionibus occisis, in Hispaniam trajicerem? Nec felicius Xanthippum Lacedæmonium Carthagini, quam me patriæ meæ finerem natum esse: cresceretque mihi ex eo ipso fiducia, quod possit in hominis unius virtute tantum momenti esse.

At etiam Athenienses audiendi sunt, temere in Siciliam, omissio domi bello, transgressi. Cur ergo, quoniam Græcas fabulas enarrare vacat; non Agathoclem potius Syracusanum Regem, quum diu Sicilia Punico bello uteretur, transgressum in hanc eandem Africam, avertisse eo bellum unde venerat, refers?

Sed quid, ultro metum inferre hosti, & ab se remoto periculo alium in discrimen adducere, quale sit, veteribus externisque exemplis admonere opus est? Majus præsentiusve ullum exemplum esse, quam Annibal, potest? Multum interest, alienos populare fines, an tuos uri excindique videas: plus animi est inferenti periculum, quam propulstanti. Ad hoc major ignotarum rerum est terror: bona malaque hostium ex propinquo, ingressus fines, aspicias. Non speraverat Annibal fore, ut tot in Italia populi ad se deficerent, quot defecerunt post Cannensem cladem; quanto minus quicquam in Africa Carthaginensibus firmum ac stabile est, infidis sociis, gravibus ac superbis dominis? Ad hoc nos etiam deserti ab sociis, viribus nostris, milite Romano, stetimus. Carthaginensi nihil civilis roboris est: mercede paratos milites habent, Afros, Numidasque, levissima fidei mutandæ ingenia. Hic modo nihil moræ sit: una & trajecisse me audietis, & ardere bello Africam, & molientem hinc Annibalem, & obsideri Carthaginem. Lætiores & frequentiores ex Africa exspectate nuncios, quam ex Hispania accipiebatis. Has mihi spes subjicit fortuna Populi Romani, Dii fœderis ab hoste violati testes, Syphax & Masinissa Reges: quo-

quorum ego fidei ita innitar, ut bene tutus a perfidia sim. Multa quæ nunc ex intervallo non apparent, bellum aperiet. Et id est viri & ducis, non deesse fortunæ præbenti se, & oblata casu flectere ad consilium.

Habebo, Quinte Fabi, parem, quem das, Annibalem; sed illum potius ego traham, quam ille me retineat. In sua terra cogam pugnare eum, & Carthago potius præmium victoriæ erit, quam semiruta Brutiorum castella.

Ne quid interim, dum trajicio, dum expono exercitum in Africa, dum castra ad Carthaginem moveo, Respub. hic detrimenti capiat, quod tu, Q. Fabi, quum victor tota Italia volitaret Annibal, potuisti præstare, hoc, vide ne contumeliosum sit, concusso jam & pene fracto Annibale, negare, posse P. Licinium Consulem virum fortissimum præstare: qui ne a sacris absit Pontifex maximus, ideo in sortem tam longinquæ provinciæ non venit.

Si, Hercule, nihilo maturius hoc, quo ego censeo, modo perficeretur bellum: tamen ad dignitatem Populi Romani, famamque apud Reges gentesque externas pertinebat, non ad defendendam modo Italiam, sed ad inferenda etiam Africæ arma, videri nobis animum esse: nec hoc credi vulgarique, quod Annibal ausus sit, neminem ducem Romanorum audere: & priore Punico bello, tum quum de Sicilia certaretur, toties Africam ab nostris exercitibus & classibus oppugnatam, nunc quum de Italia certetur, Africam pacatam esse. Requiescat aliquando vexata tamdiu Italia; uratur evasteturque invicem Africa. Castra Romana potius Carthaginis portis immineant, quam nos iterum valium hostium ex mœnibus nostris videamus. Africa sit reliqui belli sedes: illuc terror fugaque, populatio agrorum, defectio sociorum, cæteræ belli clades,

des, quæ in nos per quatuordecim annos ingruerunt, vertantur,

Quæ ad Rempublicam pertinent, & bellum quod instat, & provincias de quibus agitur, dixisse satis est. Illa longa oratio, nec ad vos pertinens sit, si quemadmodum Q. Fabius meas res gestas in Hispania elevavit, sic & ego contra gloriam ejus eludere, & meam verbis extollere velim. Neutrum faciam, P. C. &, si ulla alia re, modestia certe, & temperando linguæ, adolescens senem vicero. Ita & vixi & res gessi, ut tacitus ea opinione, quam vestra sponte conceptam animis haberetis, facile contentus essem.

## O R A T I O X V.

### ANNIBALIS AD SCIPIONEM.

*Carthaginienſes cum moram temporis quærent & dum Annibal in Africam trajiceret, Legatos alios ad Scipionem, ut inducias facerent, alios Romam ad pacem petendam miſerant. Inducia conceſſa; quas tamen, poſtquam Annibal adventabat, ruperunt expugnatis navibus quæ com-  
meatus in caſtra Romana advehabant: Legatos quoque a Scipione Carthaginem miſſos, qui de hac injuria quærentur, prope violaverunt. Nihilominus Annibal ratus, ſi integer, quam ſi victus peteret pacem, æquiora impetrari poſſe, colloquium cum Scipione expetit, hiſque verbis eum ad pacem hortatur.*

**S**I hoc ita fato datum erat, ut qui primus bellum intuli Populo Romano, quique toties prope in manibus victoriam habui, is ultro ad pacem petendam venirem; lætor te mihi forte potiſſimum datum, a quo peterem. Tibi quoque inter multa egre-

egregia non in ultimis laudum hoc fuerit, Annibalem, cui de tot Romanis Ducibus victoriam Dīs dedissent, tibi cēssisse: teque huic bello, vestris prius quam nostris cladibus insigni, finem imposuisse. Hoc quoque ludibrium casus ediderit fortuna, ut cum patre tuo Consule ceperim arma, cum eodem primum Romano Imperatore signa contulerim; ad filium ejus inermis ad pacem petendam veniam.

Optimum quidem fuerat, eam patribus nostris mentem datam ab Dīs esse, ut & vos Italiæ, & nos Africæ Imperio contenti essemus. Neque enim ne vobis quidem Sicilia atque Sardinia satis digna pretia sunt pro tot classibus, tot exercitibus, tot tam egregiis amissis Ducibus. Sed præterita magis reprehendi possunt, quam corrigi. Ita aliena appetivimus, ut de nostris dimicaremus, nec in Italia solum vobis bellum, nobis in Africa esset: sed & vos in portis vestris prope ac mœnibus signa armaque hostium vidistis; & nos ab Carthagine fremitum castrorum Romanorum exaudimus. Quod igitur nos maxime abominaremur, vos ante omnia optaretis; in meliore vestra fortuna de pace agitur. Agimus ii, quorum & maxime interest pacem esse, & qui quodcunque egerimus, ratum civitates nostræ habituræ sint. Animo tantum nobis opus est non abhorrente a quietis consiliis.

Quod ad me attinet, jam ætas senem in patriam revertentem unde puer profectus sum, jam secundæ, jam adversæ res ita erudierunt, ut rationem sequi, quam fortunam malim. Tuam & adolescentiam, & perpetuam felicitatem, ferociora utraque quam quietis opus est consiliis, metuo. Non temere incerta casuum reputat, quem fortuna nunquam decepit. Quod ego fui ad Thrasymentum, ad Cannas, id tu hodie es. Vix dum militari ætate imperio accepto, omnia audacissime incipientem nusquam fefellit fortuna, Patris & patruus per-

persecutus mortem, ab calamitate vestrae domus decus insigne virtutis pietatisque eximiae cepisti: amissas Hispanias recuperasti, quatuor inde Punicis exercitibus pulsus: Consul creatus, quum cæteris ad tutandam Italiam parum animi esset, transgressus in Africam, duobus hic exercitibus cæsis, binis eadem hora captis simul incensisque castris, Syphace potentissimo Rege capto, tot urbibus Regni ejus, tot nostri Imperii ereptis, me, sextum decimum jam annum, hærentem in possessione Italiae detraxisti. Potest victoriam malle, quam pacem, animus. Novi vobis spiritus magnos magis quam utiles: & mihi talis aliquando fortuna affulsit. Quod si in secundis rebus bonam quoque mentem darent Dii, non ea solum quæ evenissent, sed etiam ea quæ evenire possent, reputaremus. Ut omnium obliviscaris aliorum, satis ego documenti in omnes casus sum. Quem modo castris inter Anienem atque urbem vestram positis: ac jam prope scandentem mœnia Romana videras: hic cernis, duobus fortissimis viris fratribus, clarissimis Imperatoribus orbatum, ante mœnia prope obsessæ patriæ, quibus terrui vestram urbem, ea pro mea deprecantem.

Maximæ cuique fortunæ minime credendum est. In bonis tuis rebus, nostris dubiis, tibi ampla ac speciosa danti est pax; nobis petentibus magis necessaria quam honesta. Melior tutiorque est certa pax, quam sperata victoria; hæc in tua, illa in Deorum manu est. Ne tot annorum felicitatem in unius horæ dederis discrimen. Cum tuas vires, tum vim fortunæ, Martemque belli communem propone animo. Utrinque ferrum, corpora humana erunt. Nusquam minus quam in bello eventus respondent. Non tantum ad id quod data pace jam habere potes, si prælio vincas, gloriæ adjeceris; quantum ademeris, si quid adversi eveniat. Simul parva ac sperata decora unius horæ fortuna evertet.



re potest. Omnia in pace jungenda tuæ potestatis sunt, P. Corneli: tunc ea habenda fortuna erit, quam Dii dederint. Inter pauca felicitatis virtutisque exempla M. Atilius quondam in hac eadem terra fuisset, si victor pacem petentibus dedisset patribus nostris: sed non statuendo tandem felicitati modum, nec cohibendo efferentem se fortunam, quanto altius elatus erat, eo scedius corrui.

Est quidem ejus, qui dat, non qui petit, condiciones dicere pacis: sed forsitan non indigni sumus, qui nobismetipsis multam irrogemus. Non recusamus, quin omnia propter quæ bellum initum est, vestra sint, Sicilia, Sardinia, Hispania, quicquid insularum toto inter Africam Italiamque continetur mari. Carthaginenses inclusi Africæ littoribus, vos (quando ita Diis placuit) æterna etiam terra marique videamus regentes Imperia. Haud negaverim, propter non nimis sincere petitam aut expectatam nuper pacem, suspectam esse vobis Punicam fidem. Multum per quos petita sit, ad fidem tuendæ pacis pertinet, Scipio. Vestri quoque (ut audio) patres non nihil etiam ob hoc, quia parum dignitatis in legatione erat, negaverunt pacem. Annibal peto pacem: qui neque peterem nisi utilem crederem, & propter eandem utilitatem tuebor eam, propter quam petii. Et quemadmodum, quia a me bellum cœptum est, ne quem ejus poeniteret, quoad ipsi invidere Dii, præstiti: ita annitar, ne quem pacis per me partæ poeniteat.

## O R A T I O XVI.

## SCIPIONIS ANNIBALI RESPONDENTIS.

**N**ON me fallebat, Annibal, adventus tui spe Carthaginienſes & præſentem induciarum fidem, & ſpem pacis turbaffe: neque tu id ſane diſſimulas, qui de conditionibus ſuperioribus pacis omnia ſubtrahas, præter ea, quæ jampridem in noſtra poteſtate ſunt. Cæterum, ſicut tibi curæ eſt, ſentire cives tuos, quanto per te onere leventur: ſic mihi laborandum eſt, ne quæ tunc pepigerunt, hodie ſubtracta ex conditionibus pacis, præmia perfidiæ habeant. Indigni, quibus eadem pateat conditio, ut etiam proſit vobis fraus, petitis. Neque patres noſtri priores de Sicilia, neque nos de Hiſpania fecimus bellum. Et tunc Mamertinorum ſociorum periculum, & nunc Sagunti excidium nobis pia ac juſta induerunt arma. Vos laceſſiſſe, & tu ipſe fateris, & Dii teſtes ſunt: qui & illius belli exitum ſecundus juſ faſque dederunt, & hujus dant & dabunt. Quod ad me attinet, & humanæ infirmitatis memini, & vim fortunæ reputo, & omnia quæcunque agimus, ſubjecta eſſe mille caſibus ſcio. Cæterum, quemadmodum ſuperbe & violenter me faterer facere, ſi priuſquam in Africam trajeciſſem, te tua voluntate cedentem Italia, & impoſito in naves exercitu ipſum venientem ad pacem petendam alpernarer; ſi nunc, quum prope manu conſerta reſſitantem ac tergiverſantem in Africam attraxerim, nulla ſum tibi verecundia obſtriſtus. Proinde ſi quid ad ea, in quæ tum pax conventura videbatur, (quæ ſint, noſti) multæ navium cum com meatu perinducias expugnatarum, Legatorumque violatorum, adjicitur; eſt quod referam ad Conſilium. Sin illa quoque gravia videntur, bellum parate, quoniam pacem pati non potuiſtis.

ORA,

## O R A T I O XVII.

M. PORCII CATONIS CONSULIS  
PRO LEGE OPIA.

*C. Oppius Tribunus Pl., dum Punicum bellum ardebat, legem tulit contra Mulierum luxum. Eo confecto M. Fundanius, & L. Valerius Tribuni Pl. de hac lege abroganda ad plebem ferebant. Matrona vias urbis, aditusque in forum obsidebant, rogantes, ut sibi pristinus ornatus redderetur. At M. Porcius Cato contra Tribunos pro Lege Oppia ita disseruit.*

**S**I in sua quisque nostrum matre familiæ, Quirites, jus & majestatem viri retinere instituisse, minus cum universis fœminis negotii habereamus. Nunc domi victa libertas nostra impotentia muliebri, hic quoque in foro obteritur & calcatur: & quia singulas sustinere non potuimus, universas horremus. Equidem fabulam & fictam rem ducebam esse, virorum omne genus in aliqua insula conjuratione muliebri ab stirpe sublatum esse. Ab nullo genere non æque summum periculum est, si cœtus & consilia, & secretas consultationes esse sinas.

Atque ego vix statuere apud animum meum possum, utrum pejor ipsa res, an pejore exemplo agatur. Quorum alterum ad nos Consules, reliquosque Magistratus; alterum ad vos, Quirites, magis pertinet. Nam utrum e Republica sit, necne, id quod ad vos fertur, vestra existimatio est, qui in suffragium ituri estis. Hæc consternatio muliebris, si ve sua sponte, si ve auctoribus vobis, M. Fundani, & L. Valeri, facta est, haud dubie ad culpam Magistratuum pertinens, nescio vobis, Tribuni, an Consulibus magis sit deformis: vobis, si fœminas ad concitandas tribunicias seditiones jam adduxistis:

nobis, si ut plebis quondam, sic nunc mulierum secessionem leges accipiendæ sunt.

Equidem non sine rubore quodam paulo ante per medium agmen mulierum in forum perveni. Quod nisi me verecundia singularum magis majestatis & pudoris, quam universalium tenuisset, ne compellatæ a Consule viderentur, dixissem: " Qui hic mos, est in publicum procurrendi, & obsidendi vias, & viros alienos appellandi? Istud ipsum suos quæque domo rogare non potuistis? An blandiores in publico quam in privato, & alienis, quam vestris estis? Quanquam ne domi quidem vos, si sui juris finibus matronas contineret pudor, quæ leges hic rogarentur abrogarenturve, curare decuit. "

Majores nostri, nullam ne privatam quidem rem agere fœminas sine auctore voluerunt; in manu esse parentum, fratrum, virorum. Nos ( si Diis placet ) jam etiam Rempublicam capessere eas patimur, & foro quoque, & concionibus, & comitiis immisceri. Quid enim nunc aliud per vias & compita faciunt, quam quod aliæ rogationes Tribunorum plebis suadent, aliæ legem abrogandam censent? Date frænos impotenti naturæ, & indomito animali; & sperate ipsas modum licentiæ facturas, nisi vos faciatis.

Minimum hoc eorum est, quæ iniquo animo fœminæ sibi aut moribus aut legibus injuncta patiuntur. Omnium rerum libertatem, immo licentiam ( si vera dicere volumus ) desiderant: Quid enim, si hoc expugnaverint, non tentabunt? Recensere omnia muliebria jura, quibus licentiam earum alligaverint majores nostri, per quæque subjecerint viris: quibus omnibus constrictas vix tamen continere potestis. Quid si carpere singula & extorquere, & exæquari ad extremum viris patiemi: tolerabiles vobis eas fore creditis? Extemplo, simul paræs esse cœperint, superiores erunt.

At, Hercule, ne quid novum in eas rogetur, recusant:

cusant : non jus, sed injuriam deprecantur. Immo, ut, quam accepistis, jussistis suffragiis vestris legem, quam usu tot annorum & experiendo comprobastis, hanc ut abrogetis : id est, ut unam tollendo legem, ceteras infirmetis. Nulla lex satis commoda omnibus est : id modo quaeritur, si majori parti, & in summam prodest. Si, quod cuquam privatim officiet jus, id destruet ac demolietur, quid attinebit universos rogare leges, quas mox abrogare, in quos latae sunt, possint?

Volo tamen audire quid sit, propter quod matronae consternatae procurrant in publicum, ac vix foro se & concione abstineant. Ut captivi ab Annibale redimantur, parentes, viri, liberi, fratres earum? Procul abest, absitque semper talis fortuna Reipublicae. Sed tamen quum fuit, negastis hoc piis precibus earum. At non pietas, nec sollicitudo pro suis, sed religio congregavit eas. Matrem Idæam a Pessinunte ex Phrygia venientem accepturæ sunt. Quid honestum dictu saltem seditioni prætenditur muliebri? “ Ut auro & purpura fulgeamus, inquit : „ ut carpentis, festis profestisque diebus, velut „ triumphantes de lege victa & abrogata, & captis „ & ereptis suffragiis vestris, per urbem vectemur : „ ne ullus modus sumptibus, ne luxuriae sit. “

Sepe me querentem de foeminarum, sæpe de virorum, nec de privatorum modo, sed etiam Magistratuum sumptibus audistis ; diversisque duobus vitiis, avaritia & luxuria civitatem laborare : quæ pestes omnia magna Imperia everterunt. Hæc ego, quo melior lætiorque in dies fortuna Reipublicae est, Imperiumque crescit, & jam in Græciam Asiamque transcendimus, omnibus libidinum illecebris repletas, & regias etiam attræctamus gazas : eo plus horreo, ne illæ magis res nos ceperint, quam nos illas. Infesta, mihi credite, signa ab Syracusis illata sunt huic urbi. Jam nimis multos audio Corinthi & Athenarum ornamenta laudantes mi-

stantesque, & antefixa fictilia Deorum Romanorum ridentes. Ego hos malo propitios Deos; & ita spero futuros, si in suis manere sedibus patiemur.

Patrum nostrorum memoria per Legatum Cineam Pyrrhus, non virorum modo, sed etiam mulierum animos donis tentavit. Nondum lex Oppia ad coercendam luxuriam muliebrem lata erat: tamen nulla accepit. Quam causam fuisse censetis? Eadem fuit, quæ majoribus nostris, nihil de hac re lege sancienti; nulla erat luxuria, quæ coerceretur. Sicut ante morbos necesse est cognitos esse, quam remedia eorum: sic cupiditates prius natæ sunt quam leges, quæ iis modum facerent. Quid legem Liciniam excitavit de quingentis jugeribus, nisi ingens cupido agros continuandi? Quid legem Cinciam de donis & muneribus, nisi quia vestigalis jam & stipendiaria plebs esse Senatui cœperat? Itaque minime mirum est, nec Oppiam; nec aliam ullam tum legem desideratam esse, quæ modum sumptibus mulierum faceret: quum aurum & purpuram data & oblata ultro non accipiebant. Si nunc cum illis donis Cineas urbem circumiret; stantes in publico invenisset quæ acciperent.

Atque ego nonnullarum cupiditatum ne causam quidem aut rationem inire possum. Nam ut quod alii liceat, tibi non licere, aliquid fortasse naturalis aut pudoris, aut indignationis habeat: sic æquato omnium cultu, quid unaquæque vestrum veretur ne in se conspiciatur? Pessimus quidem pudor est vel parcimoniæ, vel paupertatis: sed utrumque lex vobis dedit, quum id quod habere non licet, non habetis. "Hanc, inquit, ipsam exæquationem, nem non fero, illa locuples. Cur non insignis, auro & purpura conspicio? cur paupertas aliarum sub hac legis specie latet, ut quod habere non possunt, habituræ, si liceret, fuisse videantur?" Vultis hoc certamen uxoribus vestris injicere, Quirites, ut divites id habere velint, quod  
nulla

nulla alia possit, pauperes, ne ob hoc ipsum contemnantur, si supra vires se extendant? Næ, simul pudere, quod non oportet, cœperit; quod oportet, non pudebit. Quæ de suo poterit, parabit: quæ non poterit, virum rogabit. Miserrimum illum virum, & qui exoratus, & qui non exoratus erit! quum quod ipse non dederit, datum ab alio videbit. Nunc vulgo alienos viros rogant, & quod majus est, legem & suffragia rogant, & a quibusdam impetrant, adversus te & rem tuam & liberos tuos inexorabiles. Simul lex modum sumptibus uxoris tuæ facere desierit, tu nunquam facies. Nolite eodem loco existimare, Quirites, futuram rem, quo fuit antequam lex de hoc ferretur. Et hominem improbum non accusari tutius est, quam absolvi: & luxuria non mora tolerabilior esset, quam erit nunc, ipsis vinculis, sicut fera bestia, irritata, deinde emissa. Ego nullo modo abrogandam legem Oppiam censeo: vos quod facitis, Deos omnes fortunare velim.



## O R A T I O XVIII.

## PHILIPPI MACEDONUM REGIS,

CUM INTER DVOS FILIOS IVDIX SEDERET.

*Philippo Macedonum Regi duo filii fuere : Perseus  
 alter ex pellice susceptus, sed ordine nascendi  
 prior, alter Demetrius, ex legitima uxore. Hic  
 obfes olim ac pignus pacis missus Romam, gra-  
 tus fuit Romanis, ac semper deinde Romana  
 amicitia cultor. Sed eo nomine suspectus invi-  
 susque patri erat, bellum instaurare cupienti,  
 multo adhuc inuisior fratri, qui eum ut gra-  
 vem amulum metuebat. Venerat tempus exerci-  
 tus lustrandi. Sacro peracto, exercitus de more  
 decurrit, ac divisa bisariam dua acies concur-  
 rere ad simulacrum pugna. Regii juvenes duces  
 ei ludicro certamini dati. Infestissimis animis  
 pugnatum. Pars ea, qua sub Demetrio erat,  
 longe superior fuit. Convivium eo die sodalium,  
 qui simul decurrerant, uterque separatim ha-  
 buit; cum vocatus ad cœnam a Demetrio Per-  
 seus negasset. A victoribus inter epularum hila-  
 ritatem jocosa dicta in adversarios cum jacta-  
 rentur, ad has excipiendas voces speculator a  
 Perseo missus, a juvenibus forte egressis tricli-  
 nio male mulatur. Hujus rei ignarus Deme-  
 trius, hortatur convivas ut comissatum ad fra-  
 trem eant. Igitur illi qui speculatorem pulsave-  
 rant, ferrum veste abdiderunt, quo se tutari,  
 si qua vis fieret, possent. Præcurrit statim in-  
 dex ad Persea, qui ferro succinctos cum Deme-  
 trio venire nuntiet. Perseus infamanda rei gratia  
 januam obserari jubet. Postera die, accusat  
 Demetrium apud patrem, tamquam cum arma-  
 tis domum ad se interficiendum venisset. Philip-  
 pus,*



pus, arcesso statim Demetrio, cum confedisset inter duos filios, in hunc modum locutus fertur.

**S**Edeo miserrimus pater Judex inter duos filios, accusatorem parricidii, & reum; aut confecti, aut admissi criminis labem apud meos inventurus. Jampridem quidem hanc procellam imminentem timebam, quum vultus inter vos minime fraternos cernerem, quum voces quasdam exaudirem. Sed interdum spes animum subibat, deflagrare iras vestras, purgari suspiciones posse: etiam hostes armis positis foedus icisse, & privatas multorum simultates finitas: subituram vobis aliquando germanitatis memoriam, puerilis quondam simplicitatis consuetudinisque inter vos, meorum denique præceptorum: quæ vereor, ne vana surdis auribus cecinerim. Quoties ego, audientibus vobis, detestatus exempla discordiarum fraternarum, horrendos eventus eorum retuli, quibus se stirpemque suam, domos, regna, funditus evertissent? Meliora quoque exempla parte altera posui: sociabilem confortionem inter binos Lacedæmoniorum Reges, salutarem per multa sæcula ipsis patriæque: eandem civitatem, posteaquam mos sibi cuique rapiendi tyrannidem exortus sit, everfam: Jam hos Euinenem Atalumque fratres, a quam exiguis rebus, prope ut puderet regii nominis, mihi, Antiocho, & cuilibet Regum hujus ætatis, nulla re magis, quam fraterna unanimitate regnum æquasse. Ne Romanis quidem exemplis abstinui, quæ aut visa aut audita habebam: T. & L. Quintiorum, qui bellum mecum gesserunt; P. & L. Scipionum, qui Antiochum devicerunt; patris patrique eorum, quorum perpetuam vitæ concordiam mors quoque miscuit. Neque vos illorum scelus, similisque sceleri eventus detertere a vecordi discordia potuit: neque horum bona mens, bona fortuna, ad sanitatem flectere. Vivo & spirante me hæc.

hæreditatem meam ambo & spe & cupiditate improba crevistis. Eo usque me vivere vultis, donec alterius vestrum superstes haud ambiguum Regem alterum mea morte faciam. Nec fratrem, nec patrem potestis pati. Nihil cari, nihil sancti est: omnium vicem regni unius insatiabilis amor successit. Agite! conscelerare aures paternas: decernite criminibus, mox ferro decreturi: dicite palam quicquid aut veri potestis, aut comminisci libet. Reseratae aures sunt, quæ posthac secretis alterius ab altero criminibus claudentur.

## O R A T I O XIX.

PERSEI ACCUSATORIS  
IN DEMETRIUM FRATREM.

**A** Perienda nimirum nocte janua fuit, & armati commissatores accipiendi, præbendumque ferro jugulum, quando non creditur nisi perpetratum facinus; & eadem petitus insidiis audio, quæ latro atque insidiator. Non nequicquam isti unum Demetrium filium te habere, me subditum & pellice genitum appellant. Nam si gradum; si charitatem filii apud te haberem, non in me querentem deprehensas insidias, sed in eum, qui fecisset, sævires: nec adeo tibi vilis vita esset nostra, ut nec præterito periculo meo movereris, neque futuro, si insidiantibus sit impune.

Itaque si mori tacitum oportet, taceamus, precati tantum Deos, ut a me cœptum scelus in me finem habeat, nec per meum latus tu petaris. Sin autem, quod circumventis in solitudine natura ipsa subjicit, ut hominum quos nunquam viderint, fidem tamen implorent, mihi quoque ferrum in me strictum cernenti, vocem mittere liceat: per te, patrium nomen, quod utri nostrum sanctius sit, jampridem sentis, ita me audias, precor, tanquam si

si voce & comploratione nocturnus exercitus mihi  
 quiritanti intervenisses, Demetrium cum armatis  
 nocte intempesta in vestibulo meo deprehendisses.  
 Quod tum vociferarer in re presenti pavidus, hoc  
 nunc postero die queror. Frater, non commissantium  
 in vicem jamdiu vivimus inter nos. Regnare uti-  
 que vis: huic spei tuæ obstat ætas mea, obstat  
 gentium jus, obstat vetustus Macedoniæ mos, ob-  
 stat vero etiam patris judicium. Huc transcendere,  
 nisi per meum sanguinem, non potes. Omnia mo-  
 liris & tentas. Adhuc seu cura mea, seu fortuna,  
 restitit parricidio tuo. Hesternæ die in lustratione,  
 & decursu, & simulacro ludicro pugnae, funestum  
 prope prælium fecisti: nec me aliud a morte vin-  
 dicavit, quam quod me ac meos vinci passus sum.  
 Ab hostili prælio, tanquam fraterno lusu, pertra-  
 here me ad cœnam voluisti. Credis me, pater, in-  
 ter inermes convivæ cœnaturum fuisse, ad quem ar-  
 mati commissatum venerunt? Credis nihil a gladiis  
 nocte periculi fuisse, quem sudibus, te inspectante,  
 prope occiderunt?

Quid hoc noctis, quid inimicus ad iratum, quid  
 cum ferro succinctis juvenibus venis? Convivam me  
 tibi committere ausus non sum: commissatorem te  
 cum armatis venientem recipiam? Si aperta janua  
 fuisset, funus meum parares hoc tempore, pater,  
 quo querentem audis.

Nihil ego, tanquam accusator criminosæ, nec  
 dubia argumentis colligendo, ago. Quid enim? Ne-  
 gat se cum multitudine venisse ad januam meam?  
 an ferro succinctos secum fuisse? Quos nominavero,  
 arcesse. Possunt quidem omnia audere, qui hoc  
 ausi sunt: non tamen audebunt negare. Si depre-  
 hensos intra limen meum cum ferro ad te deduce-  
 rem, pro manifesto haberes; fatentes pro deprehen-  
 sis habe.

Execrare nunc cupiditatem regni, & furias fra-  
 ternas concita. Sed ne sint cæcæ, pater, execra-  
 tiones

tiones tuæ: discerne & dispice insidiatorem, & peritum insidiis: noxium huic esse caput. Qui occisurus fratrem fuit, habeat etiam iratos paternos Deos: qui periturus fraterno scelere fuit, perfugium in patris misericordia & iustitia habeat. Quo enim alio confugiam? cui non solenne iustitiale exercitus tui, non decursus militum, non domus, non epulæ, non nox ad quietem data naturæ beneficio mortalibus, tuta est. Si iero ad fratrem invitatus; moriendum est: si recepero intra januam commissum fratrem, moriendum est: nec cundo, nec mandando insidias evito. Quo me conferam? Nihil præter Deos, pater, & te colui: non Romanos habeo, ad quos confugiam: perisse expetunt, quia tuis injuriis doleo, quia tibi ademptas tot urbes, tot gentes, modo Thraciæ maritimam oram, indignor. Nec me, nec te incolumi, Macedoniam futuram suam sperant. Si me scelus fratris, te senectus assumserit, aut ne ea quidem expectata fuerit; Regem regnumque Macedoniæ sua futura sciunt. Si quid extra Macedoniam tibi Romani reliquissent, mihi quoque id relictum crederem receptaculum.

At in Macedonibus satis præsidii est. Vidisti hesternæ die impetum in me militum. Quid illis defuit, nisi ferrum? Quod illis defuit interdiu, convivæ fratris noctu assumerunt. Quid de magna parte Principum loquar, qui in Romanis spem omnem dignitatis & fortunæ posuerunt; & in eo, qui omnia apud Romanos potest? Neque Hercule istum mihi tantum fratri majori, sed prope est, ut tibi quoque ipsi Regi & patri præferant. Iste enim est, cujus beneficio poenam tibi Senatus remisit; qui nunc te ab armis Romanis protegit; qui tuam senectutem obligatam & obnoxiam adolescentiæ suæ esse æquum censeat. Pro isto Romani stant, pro isto omnes urbes tuo imperio liberatæ, pro isto Macedones, qui pace Romana gaudent: mihi præter te, pater, quid usquam aut spei aut præsidii est?

[Quo

Quo spectare illas litteras ad te nunc missas Quintii credis, quibus bene te consuluisse rebus tuis ait, quod Demetrium Romam miseris, & hortatur, ut iterum & cum pluribus quoque Macedonum remittas eum? T. Quintius nunc est auctor omnium rerum isti, & magister. Eum sibi, te abdicato patre, in locum tuum substituit: illic ante omnia clandestina concocta sunt consilia. Quæruntur adjutores consiliis, quam te plures, & Principes Macedonum cum isto mittere jubet. Qui hinc integri & sinceri Romam eunt, Philippum Regem se habere credentes, imbuti illinc & infecti Romanis delinimentis redeunt. Demetrius iis unus omnia est: eum jam Regem vivo patre appellant.

Hæc si indignor, audiendum est statim, non ab aliis solum, sed etiam a te, pater, cupiditatis regni crimen. Ego vero, si in medio ponitur, non agnosco. Quem enim suo loco moveo, ut ipse in ejus locum succedam? Unus ante me pater est: & ut diu sit, Deos rogo. Superstes ( & ita sim, si merebor, ut ipse me esse velit ) hæreditatem regni, si pater tradet, accipiam. Cupit regnum, & quidem scelerate cupit, qui transcendere festinat ordinem ætatis, naturæ, moris Macedonum, juris gentium. "Obstat frater major, ad quem jure, voluntatem etiam patris regnum pertinet. Tollatur: non primus regnam fraterna cæde petiero. Pater senex, & filio solus orbatus, de se magis timebit, quam ut filii necem ulciscatur. Romani, lætabuntur, probabunt, defendent factum." Hæ spes incertæ, pater, sed non inanes sunt. Ita enim res se habet: periculum vitæ propellere a me potes, puniendo eos, qui ad me interficiendum ferrum sumserunt: si facinori eorum successerit, mortem meam idem tu persequi non poteris.

aut prætermitti, aut in aliud tempus differri: ut perspiceretur, utrum ego tibi, an tu mihi, novo quidem & singulari genere odii, insidias fecisses. Ego tamen, quantum in hac subita perturbatione potero, separabo ea quæ tu confudisti: & noctis hujus insidias aut tuas, aut meas detegam.

Occidendi sui consilium me inisse videri vult: ut scilicet, majore fratre sublato, cujus jure gentium, more Macedonum, tuo etiam, ut ait, judicio regnum est futurum; ego minor in ejus quem occidissem, succederem locum. Quid ergo illa sibi vult pars altera orationis, qua Romanos a me cultos ait, atque eorum fiducia in spem regni me venisse? Nam si & in Romanis tantum momenti esse credebam, ut quem vellent, imponerent Macedoniæ Regem, & meæ tantum apud eos gratiæ confidebam; quid opus parricidio fuit? An ut cruentum fraterna cæde diadema gererem? ut illis, apud quos aut vera, aut certe simulata probitate partam gratiam habeo, si quam forte habeo, execrabilis & invisus essem. Nisi T. Quintium credis, cujus virtute & consiliis me nunc arguis regi, quum & ipse tali pietate vivat cum fratre, mihi fraternæ cædis fuisse auctorem.

Idem non Romanorum solum gratiam, sed Macedonum judicia, ac pene omnium Deorum hominumque consensum collegit, per quæ omnia semihic parem in certamine non futurum crediderit: idem tanquam in aliis omnibus rebus inferior essem, ad sceleris spem ultimam confugisse me insinuat. Vis hanc formulam cognitionis esse, ut uter timuerit, ne alter dignior videretur regno, is consilium opprimendi fratris cepisse judicetur?

Exequamur tamen quocunque modo conficti ordinem criminis. Pluribus modis se petitum criminatus est, & omnes insidiarum vias in unum diem contulit. Volui interdum eum post lustrationem, quum concurrimus, & quidem, si Diis placet, lu-

strationum die occidere : volui , quum ad cœnam invitavi , veneno scilicet tollere : volui , quum commissatum gladiis accincti me sequuti sunt , ferro interficere . Tempora quidem qualia sint ad parricidium electa , vides , lusus , convivii , commissationis . Quis dies ? qualis ? Quo lustratus exercitus , quo inter divisam victimam prælatis omnium , qui unquam fuere , Macedoniæ Regum armis regiis , duo soli tua tegentes latera , pater , prævecti sumus , & sequutum est Macedonum agmen . Hoc ego , etiam si quid ante admissem piaculo dignum , lustratus & expiatus sacro , tum cum maxime in hostiam itineri nostro circumdatam intuens a parricidium , venena , gladios in commissationem præparatos , volutabam in animo : ut quibus aliis deinde sacris contaminatam omni scelere mentem expiarem ?

Sed cæcus criminandi cupiditate animus , cum omnia suspecta efficere vult , aliud alio confundit . Nam si veneno inter cœnam tollere volui , quid minus aptum fuit , quam pertinaci certamine & concursu iratum te efficere , ut merito , sicut fecisti , invitatus ad cœnam abnueres ? Quum autem iratus negasses , utrum ut placarem te danda opera fuit , ut aliam quærerem occasionem , quoniam semel venenum paraveram : an ab illo consilio voluit transiliendum ad aliud fuit , ut ferro te , & quidem eo die , per speciem commissationis occiderem ? Quo deinde modo , si te metu mortis credebam cœnam evitasse meam , non ab eodem metu commissationem quoque evitaturum existimabam ?

Non est res qua erubescam , pater , si die festo inter æquales largiore vino sum usus . Tu quoque velim inquiras , qua lætitia , quo lusu apud me celebratum hesternum convivium sit ; illo etiam ( pravo forsitan ) gaudio provehente , quod in juvenili armorum certamine pars nostra non inferior fuerat . Misericordia hæc & metus crapulam facile excusserunt :

runt: quæ si non intervenissent, insidiatores nos sopiti jaceremus. Si domum tuam expugnaturus, capta domo dominum interfecturus eram, non temperassem vino in unum diem? non milites abstinuissem meos? Et ne ego me solus nimia simplicitate tuear, ipse quoque minime malus ac suspicax frater, nihil aliud scio, inquit, nihil arguo, nisi quod cum ferro commissatum venerunt. Si quæram, unde id ipsum scieris, necesse erit te fateri, aut speculatorum tuorum plenam domum fuisse meam, aut illos ita aperte sumsisse ferrum, ut omnes viderent.

Et ne quid ipse aut prius inquisisse, aut nunc criminose argumentari videretur, te quærere ex iis, quos nominasset, jubebat, an ferrum habuissent? ut tanquam in re dubia, quum id quæsissem, quod ipsi fatentur, pro convictis haberentur. Quin tu illud quæri jubes, num tui occidendi causa ferrum sumserint? num me auctore & sciente? Hoc enim videri vis, non illud quod fatentur & palam est, & sui se tuendi causa sumsisse dicunt. Recte an perperam fecerint, ipsi sui facti rationem reddent. Meam causam, quæ nihil eo facto contingitur, ne miscueris: aut explica, utrum aperte an clam te aggressuri fuerimus. Si aperte, cur non omnes ferrum habuimus? cur nemo præter eos qui tuum speculatorem pulsarunt? Si clam, quis ordo consilii fuit? Convivio soluto, quum commissator ego discessissem, quatuor substitissent, ut sopitum te aggredierentur? Quomodo fefellissent & alieni, & mei, & maxime suspecti, quia paulo ante in tria fuerant? Quomodo autem trucidato te ipsi evasuri fuerint? Quatuor gladiis domus tua capi & expugnari potuit? Quin tu, omissa ista nocturna fabula, ad id quod doles, quod invidiam urit, reverteris? "Cur, usquam regni tui mentio sit, Demetri? Cur dignior patris fortunæ successor quibusdam videris, quam ego? Cur spem meam, quæ, si tu non es,



„ ses, certa erat, dubiam & sollicitam facis? „ Hæc sentit Perseus, etsi non dicit: hæc istum inimicum, hæc accusatorem faciunt: hæc domum, hæc regnum tuum criminibus & suspicionibus replent. Ego autem, pater, quemadmodum nec nunc sperare regnum, nec ambigere unquam de eo forsitan debeam, quia minor sum, quia tu me majori cedere vis; sic illud nec debui facere, nec debeo, ut indignus tibi, pater, indignus omnibus videar. Id enim vitiis meis, non cedendo, cui jus fasque est, non modestia consequar.

Romanos objicis mihi: & ea quæ gloriæ esse debent, in crimen vertis. Ego nec obses Romanis ut traderer, nec ut Legatus mitterer Romam, peti: a te missus, ire non recusavi: utroque tempore ita me gessi, ne tibi pudori, ne regno tuo, ne genti Macedonum essem. Itaque mihi cum Romanis amicitie causa tu fuisti, pater: quoad tecum illis pax manebit, mecum quoque gratia erit; si bellum esse cœperit, qui obses, qui Legatus pro patre non inutilis fui, idem hostis illis acerrimus ero. Nec hodie ut profit mihi gratia Romanorum, postulo: ne obsit, tantum deprecor. Nec in bello cœpit, nec ad bellum reservatur. Pacis pignus fui: ad pacem retinendam Legatus missus sum. Neutra res mihi nec gloriæ, nec crimini sit. Ego si quid impie in te, pater, si quid scelerate in fratrem admisi, nullam deprecor poenam: si innocens sum, ne invidia conflagram, quum crimine non possim, deprecor.

Non hodie me primum frater accusat: sed hodie primum aperte: nullo meo in se merito. Si mihi pater succenseret, te majorem fratrem pro minore deprecari oportebat, te adolescentiæ, te errori veniam impetrare. In eo ubi præsidium esse oportebat, ibi exitium est. E convivio & comissionibus prope semisomnus raptus sum ad causam patricidii dicendam: sine advocatis, sine patronis, ipse  
pro

pro me dicere cogor. Si pro alio dicendum esset, tempus ad meditandum & componendam orationem sumissem; quum quid aliud quam ingenii fama periclitarer? Ignarus quid arcessitus essem, te iratum & jubentem dicere causam, fratrem accusantem audivi. Ille diu ante præparata, meditata in me oratione est usus: ego id tantum temporis, quo accusatus sum, ad cognoscendum quid ageretur, habui. Utrum momento illo horæ accusatorem audirem? an defensionem meditarer? Attonitus repente, no atque inopinato malo, vix quid objiceretur, intelligere potui: nedum satis sciam quo modo me tuear. Quid mihi spei esset, nisi patrem Judicem haberem? apud quem etiam si charitate a fratre majore vincor, misericordia certe reus vinci non debeo. Ego enim ut me mihi tibiue serves: precor: ille ut me in securitatem suam occidas, postulat. Quid eum, quum regnum ei tradideris, facturum credis in me esse, qui jam nunc sanguine meo sibi indulgeri æquum censet?





# ORATIONES

## E

### SALLUSTIO EXCERPTÆ.

---

#### ORATIO I.

#### CATILINÆ AD CONJURATOS.

*Catilina jamdiu de trucidando Senatu, & invadenda Republica cogitabat, multosque traxerat nobiles homines in nefarii consilii societatem: eos hic alloquitur.*

**N**I virtus fidesque vestra satis spectata mihi foret, necquicquam opportuna res cecidisset. Spes magna dominationis in manibus frustra fuisset: neque per ignaviam, aut vanâ ingenia, incerta procertis captarem. Sed quia multis & magnis tempestatibus vos cognovi fortes, fidosque mihi; eo animus ausus est maximum atque pulcherrimum facinus incipere; simul quia vobis eadem, quæ mihi, bona malaque esse intellexi. Nam idem velle atque idem nolle, ea demum firma amicitia est.

Sed ego quæ mente agitavi, omnes jam antea diversi audistis, Cæterum mihi in dies magis animus accenditur, quum considero quæ conditio vitæ futu-

futura sit, nisi nosmetipsos vindicamus in libertatem. Nam postquam Respublica in paucorum potentium jus atque ditionem concessit, semper illis Reges, Tetrarchæ vestigales esse: populi, nationes stipendia pendere: cæteri omnes, strenui, boni, nobiles atque ignobiles, vulgus fuimus, sine gratia, sine auctoritate: his obnoxii, quibus, si Respublica valeret, formidini essemus. Itaque omnis gratia, potentia, honos, divitiæ apud illos sunt, aut ubi illi volunt: nobis reliquerunt pericula, repulsas, iudicia, egestatem. Quæ quousque tandem patiemini, fortissimi viri? Nonne emori per virtutem præstat, quam vitam miseram atque inhonestam, ubi alienæ superbix ludibrio fueris, per dedecus amittere? Verum enimvero, pro Deum atque hominum fidem: victoria in manu nobis est: viget ætas: animus valet: contra illis, annis atque divitiis omnia consenuerunt. Tantummodo incepto opus est: cætera res expediet. Etenim quis mortalium, cui virile ingenium est, tolerare potest, illis divitias superare, quas profundant in extruendo mari & montibus cœquandis; nobis rem familiarem etiam ad necessaria deesse? illos binas, aut amplius, domos continuare; nobis harem familiarem nusquam ullum esse? Quum tabulas, signa, toreumata emunt, nova diruunt, alia ædificant, postremo omnibus modis pecuniam trahunt, vexant: tamen summa lubricine divitiæ suas vincere nequeunt. At nobis est inopia, foris æs alienum, mala res, spes multo asperior. Denique quid reliqui habemus præter miseram animam?

Quin igitur expergiscimini? En illa, illa quam sæpe optastis, libertas: præterea divitiæ, decus, gloria, in oculis sita sunt. Fortuna ea omnia victoribus præmia posuit. Res, tempus, pericula, egestas, belli spolia magnifica magis quam oratio mea vos hortentur. Vel imperatore, vel milite me utimini: neque animus, neque corpus a vobis aberit.

Hæc

Hæc ipsa, ut spero, vobiscum una Consul agam: nisi forte me animus fallit, & vos servire magis quam imperare parati estis.

## O R A T I O I I.

C: CÆSARIS IN SENATU

### DE CONJURATIONIS CATILINÆ SOCIIS.

*Catilina ad Manlium profecto, P. Lentulus & alii principes conjurationis qui Roma remanserant, intenti erant in occasionem incendenda urbis. At re tota patefacta, comprehensos Cicero in custodiam tradit: mox ad Senatum refert quid de his fieri placeat. Tum D. Junius Silanus Consul designatus, de convictis confessisque supplicium sumendum censuit; atque ei plerique assentiebantur. Sed Casar; ubi ad eum ventum est, rogatus a Consule sententiam, hæc dixit.*

**O**Mnes homines, P. C., qui de rebus dubiis consultant, ab odio, amicitia, ira atque misericordiz vacuos esse decet. Haud facile animus verum providet, ubi illa officiant: nec quisquam omnium libidini simul & usui paruit. Ubi intenderis ingenium, valet: si libido possidet, ea dominatur, animus nihil valet. Magna mihi copia est memorandi, P. C. qui Reges, aut qui populi ira aut misericordia impuls, male consuluerint. Sed ea malo dicere, quæ majores nostri contra libidinem animi sui recte atque ordine fecere.

Bello Macedonico, quod cum Rege Perse gessimus, Rhodiorum civitas magna atque magnifica, quæ Populi Romani opibus creverat, infida atque adversa nobis fuit: sed postquam bello confecto de Rhodiis consultum est, Majores nostri, ne quis divitiarum magis quam injuriæ bellum inceptum dice-

diceret, impunitos eos dimisere. Item bellis Punicis omnibus, quum sæpe Carthaginienſes & in pace & per inducias multa nefaria facinora feciſſent, nunquam ipſi per occaſionem talia fecere : magis, quod ſe dignum foret, quam quod in illos jure fieri poſſet, quærebant.

Hoc item providendum eſt, P. C., ne plus apud vos valeat P. Lentuli & cæterorum ſcelus, quam veſtra dignitas : neu magis iræ veſtræ, quam famæ conſulatis. Nam ſi digna pœna pro factis eorum reperitur, novum conſilium approbo : ſin magnitudo ſcleris omnium ingenia exuperat, iis utendum cenſeo, quæ legibus comparata ſunt.

Plerique eorum qui ante me ſententias dixerunt, compoſite ac magnifice caſum Reipub. miſerati ſunt : quæ belli ſævitia eſſet, quæ victis acciderent, enumeravere : rapi virgines, pueros : divelli liberos a complexu parentum : matres familiarum patrum quæ victoribus collibuiffent : ſana atque domos expoliari : cædem, incendia fieri : poſtremo armis, cadaveribus, cruore atque luctu omnia compleri. Sed, per Deos immortales, quo illa oratio pertinet ? an uti vos infeſtos conjurationi faceret ? Scilicet quem res tanta atque tam ærox non permovit, eum oratio accendet. Non ita eſt : neque cuiquam mortalium injuriæ ſuæ parvæ videntur : multum etiam eas gravius æquo habuere. Sed alia aliis licentia eſt, P. C. Qui demiffi in obſcuro vitam agunt, ſi quid iracundia deliquere, pauci ſciunt : fama atque fortunæ eorum pares ſunt : qui magno imperio præditi in excelſo ætatem agunt, eorum facta cuncti mortales novere. Ita in maxima fortuna minima licentia eſt : neque ſtudere, neque odiſſe, ſed minime irasci decet. Quæ apud alios iracundia dicitur, ea in imperio ſuperbia atque crudelitas appellatur.

Equidem ego ſic exiſtimo, P. C., omnes cruciatus minores, quam facinora illorum eſſe. Sed

plerique mortales postrema meminere: & in hominibus impiis, sceleris eorum obliti, de pœna differunt, si ea paulo savior fuerit.

D. Silanum virum fortem atque strenuum certo scio, quæ dixerit, studio Reipubl. dixisse: neque illum in tanta re gratiam aut inimicitias exercere: eos mœurs, eamque modestiam viri cognovi. Verum sententia ejus mihi non crudelis (quid enim in tales homines crudele fieri potest?); sed aliena a Republica nostra videtur. Nam profecto aut metus aut injuria te subegit, Silane, Consulem designatum, genus pœnæ novum decernere. De timore supervacaneum est differere: quum præsentis diligentia clarissimi viri Consulis tanta sint præsidia in armis. De pœna possum equidem dicere id quod res habet: in luctu atque miseriis mortem ærumnarum requiem, non cruciatum esse: eam cuncta mortalium mala dissolvere; ultra neque curæ neque gaudio locum esse.

Sed, per Deos immortales, quomobrem in sententiam non addidisti, uti prius verberibus in eos animadverteretur? An quia lex Porcia vetat? At aliæ item leges condemnatis civibus non animam eripi; sed exilium permitti iubent. An quia gravius est verberari, quam necari? Quid autem acerbum, aut nimis grave est in homines tanti facinoris convictos? Sin, quia levius est; qui convenit in minore negotio legem observare, quum eam in majore neglexeris?

At enim quis reprehendat quod in parricidas Reipubl. decretum erit? Tempus, dies, fortuna; cujus libido gentibus moderatur. Illis merito accidet, quicquid exenerit. Cæterum vos P. C. quid in alios statuatis, considerate. Omnia mala exempla ex bonis initiis orta sunt. Sed ubi imperium ad ignaros aut minus bonos pervenit, novum illud exemplum ab dignis & idoneis ad indignos & non idoneos transfertur. Lacedæmonii devictis Athenicis:

nientibus triginta viros imposuere, qui Rempublicam tractarent. Hi primo cœpere pessimum quemque & omnibus invisum; indemnatum necare. Eo populus lætari, & merito dicere fieri. Post, ubi licentia paulatim crevit, juxta bonos & malos lubricinos interficere, cæteros metum terrere. Ita civitas servitute oppressa, stultæ lætitiæ graves pœnas dedit. Nostra memoria victor Sulla, quum Damasippum, & alios hujusmodi, qui malo Reip. creverant, jugulari jussit, quis non factum ejus laudabat? Homines scelestos & factiosos, qui seditionibus Rempublicam exagitaverant merito necatos aiebant. Sed ea res magnæ initium cladis fuit. Namque utriusque domum aut villam, postremo vas aut vestimentum alicujus concupiverat, dabat operam ut is in proscriptorum numero esset. Ita illi, quibus Damasippi mors lætitiæ fuerat, paulo post ipsi trahabantur: neque prius finis jugulandi fuit, quam Sulla omnes suos divitiis explevit.

Atque ego hoc non in M. Tullio, neque his temporibus vereor: sed in magna civitate multa & varia ingenia sunt. Potest alio tempore, alio Consule, cui item exercitus in manu sit, falsum aliquid pro vero credi: ubi hoc exemplo per Senatûs decretum Consul gladium eduxerit, quis illi finem statuet? aut quis moderabitur?

Majores nostri, P. C. neque consilii, neque audaciæ unquam eguere: neque superbia obstabat quominus aliena instituta, si modo proba erant, imitarentur. Arma atque tela militaria a Samnitibus, insignia Magistratuum a Tuscis pleraque sumserunt: postremo, quod ubique apud socios aut hostes idoneum videbatur, cum summo studio domi exquebantur. Imitari, quam invadere bonis, malebant. Sed eodem illo tempore Græciæ morem imitati, verberibus animadvertabant in cives: de condemnatis summum supplicium fumebant. Postquam Respublica adolevit, & multitudine civium factiones valuerunt.



valere; circumveniri innocentes, alia hujuscemodi fieri cœpere. Tunc lex Portia aliarque leges paratæ sunt, quibus legibus exilium damnatis permisum est. Hanc ego causam, P. C., quo minus novum consilium capiamus, in primis magnam puto. Profecto virtus atque sapientia major in illis fuit, qui ex parvis opibus tantum imperium fecere, quam in nobis, qui ea bene parata vix retinemus.

Placet igitur eos dimitti, & augeri exercitum Catilinæ? Minime. Sed ita cenfeo, publicandas eorum pecunias: ipsos in vinculis per municipia habendos, quæ maxime opibus valent: neu quis de his postea ad Senatum referat], neve cum Populo agat: qui aliter fecerit, Senatum existimare, cum contra Remp. & salutem omnium facturum.

### O R A T I O I I I.

M. PORCII CATONIS  
CÆSARI RESPONDENTIS.

**L**ongè mihi alia mens est, P. C. quum res atque pericula nostra considero, & quum sententias nonnullorum mecum ipse reputo. Illi mihi differuisse videntur de pœna eorum, qui patriæ, parentibus, aris atque focis suis bellum paravere: res autem monet cavere ab illis magis, quam, quid in illos statuamus, consultare. Nam cætera maleficia tum persequare, ubi facta sunt: hoc nisi provideris ne accadat, ubi evenit, frustra judicia implores. Capta urbe, nihil sit reliqui victis. Sed, per Deos immortales, vos ego appello, qui semper domos, villas, signa, tabulas vestras pluris quam Remp. fecistis: si ista, cujuscumque modi sint, quæ amplexamini, retinere, si voluptatibus vestris otium præbere vultis; expergiscimini aliquando, & capeffite Rempublicam. Non nunc agitur de vestigali.

galibus, non de sociorum injuriis: libertas & anima nostra in dubio est.

Sæpenumero, P. C. multa verba in hoc Ordine feci: sæpe de luxuria atque avaritia nostrorum civium questus sum, multosque mortales ea causa ad-versos habeo. Qui mihi atque animo meo nullius unquam delicti gratiam fecissem, haud facile alterius lubricini malefacta condonabam. Sed ea tamen vos parvi pendebatis, tamen Respublica firma erat: opulentia negligentiam tolerabat. Nunc vero non id agitur, bonisne an malis moribus vivamus, neque quantum aut quam magnificum imperium Populi Romani sit: sed hæc, cujuscumque modi videntur, nostra an nobiscum una hostium futura sint. Hic mihi quisquam mansuetudinem & misericordiam nominat? Jampridem equidem nos vera rerum vocabula amisimus. Quia bona aliena largiri, liberalitas; malarum rerum audacia, fortitudo vocatur: eo Respublica in extremo sita est. Sint sane (quoniam ita se mores habent) liberales ex sociorum fortunis; sint misericordes in furibus ærarii: ne illi sanguinem nostrum largiantur: & dum paucis sceleratis parcunt, bonos omnes perditum erant.

Bene & compositè C. Cæsar paulo ante in hoc Ordine de vita & morte disseruit: credo; falsa existimans ea quæ de Inferis memorantur: diverso itinere malos a bonis loca tetra, inculta, fœda atque formidolosa habere. Itaque censuit pecunias eorum publicandas, ipsos per municipia in custodiis habendos: videlicet ne, si Romæ sint, aut a popularibus conjurationibus, aut a multitudine conducti per vim eripiantur. Quasi vero mali atque scelesti tantummodo in urbe, & non per Italiam totam sint; aut non ibi plus possit audacia, ubi ad defendendum opes minores sunt. Quare vanum equidem hoc consilium est, si periculum ex illis metuit: sin in tanto omnium metu solus non timet, eo magis refert me mihi atque vobis timere. Quare  
quum

quam de P. Lentulo cæterisque statuetis, pro certo habetote vos simul de exercitu Catilinæ & de omnibus conjuratis decernere. Quanto vos attentius ea agetis, tanto illis animus infirmior erit: si paululum modo vos languere viderint, jam omnes feroces aderunt.

Nolite existimare majores nostros armis Remp. ex parva magnam fecisse. Si ita reseisset, multo pulcherrimam eam nos haberemus. Quippe sociorum atque civium, præterea armorum atque equorum major copia nobis, quam illis. Sed alia fuere, quæ illos magnos fecere, quæ nobis nulla sunt: domi industria, foris justum imperium, animus in consulendo liber, neque delicto, neque lubrici obnoxius: Pro his nos habemus luxuriam atque avaritiam; publice egestatem, privatim opulentiam: laudamus divitias, sequimur inertiam: inter bonos & malos discrimen nullum: omnia virtutis præmia ambitio possidet. Neque mirum; ubi vos separatim sibi quisque consilium capitis, ubi domi voluptatibus, hic pecuniæ aut gratiæ servitis, eo fit ut impetus fiat in vacuam Rempublicam. Sed ego hæc omitto.

Conjuravere nobilissimi patriam incendere: Gallorum gentem infestissimam Romano nomini ad bellum arcessunt: dux hostium cum exercitu supra caput est: vos cunctamini etiam nunc? & dubitatis quid intra mœnia deprehensis hostibus faciatis? Misereamini, censeo: deliquere homines adolescentuli per ambitionem: atque etiam armatos dimittatis. Næ ista vobis mansuetudo & misericordia, si illi arma ceperint, in miseriam vertet.

Scilicet res ipsa aspera est: sed vos non timetis eam. Immo vero maxime: sed inertia & mollitia alius alium expectantes cunctamini? videlicet Diis immortalibus confisi, qui hanc Remp. in maximis sæpe periculis servavere. Non votis, neque supplicis muliebribus auxilia Deorum parantur: vigilando,

do, agendo, bene consulendo, prospere omnia ac-  
dunt: ubi socordiae cete atque ignaviae tradide-  
ris, nequicquam Deos implores; irati infestique  
sunt.

Apud majores nostros Aulus Manlius Torquatus  
bello Gallico filium suum, quod is contra impe-  
rium in hostem pugnaverit, necari jussit; atque  
ille egregius adolescens immoderatae fortitudinis  
morte poenas dedit: vos de crudelissimis parricia-  
dis quid statuatis, cunctamini? Videlicet vita cæ-  
tera eorum huic sceleri obstat. Verum parcite di-  
gnitati Lentuli, si ipse pudicitiae, si famae suae,  
si Diis, aut hominibus unquam ullis pepercit.  
Ignoscite Cethegi adolescentiae, nisi iterum patriae  
bellum fecit. Nam quid ego de Gabinio, Stati-  
lio, Cepario loquar? quibus si quicquam pensi  
unquam fuisset, non hæc consilia de Republ. ha-  
buissent.

Postremo, P. C. si mehercule peccato locus ef-  
fet, facile paterer vos ipsa re corrigi, quoniam  
verba contemnitis. Sed undique circumventi su-  
mus: Catilina cum exercitu faucibus urget: alii  
intra mœnia atque in sinu urbis sunt: neque pa-  
rari, neque consuli quicquam occulte potest: quo  
magis properandum est. Quare ita ego censeo:  
quum nefario consilio sceleratorum civium Resp.  
in maxima pericula venerit, iique indicio T. Vol-  
turtii & legatorum Allobrogum convicti, confessi-  
que sint, cædem, incendia, aliaque scæda atque  
crudelia facinora in cives patriamque paravisse: de  
confessis, sicuti de manifestis rerum capitalium, mo-  
re majorum, supplicium sumendum.

## O R A T I O I V.

## C. MARIi AD QUIRITES.

*C. Marius humili genere ortus, invita Nobilitate, at cupientissima plebe, Consul factus erat: ei-que provinciam Numidiam, & bellum adversus Jugurtham, adempta Metello, plebs decreverat. Cum igitur milites in supplementum scribere vellet, hortandi causa, & simul Nobilitatem exagitandi, concionem populi advocavit, dixitque.*

**S**Cio ego, Quirites, plerosque non iisdem artibus imperium a vobis petere, & postquam adepti sunt, gerere: primo, industrios, supplices, modicos esse; deinde per ignaviam & superbiam ætatem agere. Sed mihi contra videtur. Nam quo universa Resp. pluris est, quam consulatus aut prætura, eo majore cura illam administrari, quam hæc peti debere. Neque me fallit, quantum cum maximo beneficio vestro negotii sustineam. Bellam parare simul, & ærario parcere; cogere ad militiam eos, quos nolis offendere; domi forisque omnia curare, & ea agere inter invidos, occurrentes, factiosos, opinione, Quirites, asperius est. Ad hoc, alii si deliquere, vetus Nobilitas, Majorum fortia facta, cognatorum, & affinium opes, multæ clientelæ, omnia hæc præsidio adsunt: mihi spes omnes in memet sitæ: quas necesse est & virtute & innocentia tutari; nam alia infirma sunt.

Et illud intelligo, Quirites, omnium ora in me conversa esse: æquos, bonosque favere; quippe benefacta mea Reipub. procedunt: Nobilitatem locum invadendi quærere. Quo mihi acrius admittendum est, uti neque vos capiamini, & illi frustra sint. Ita ad hoc ætatis a pueritia fui, ut omnes labores

&amp;c

& pericula consueta habeam. Quæ ante vestra beneficia gratuito faciebam, ea uti accepta mercede deferam, non est consilium, Quirites.

Illis difficile est in potestatibus temperare, qui per ambitionem sese probos simulavere: mihi, qui omnem ætatem in optimis artibus egi, bene facere jam ex consuetudine in naturam vertit.

Bellum me gerere cum Jugurtha jussistis: quam rem Nobilitas ægerrime tulit. Quæso, reputate cum animis vestris, num id mutari melius sit, si quem ex illo globo Nobilitatis ad hoc, aut aliud tale negotium mittatis, hominem veteris prosapiæ, ac multarum imaginum, & nullius stipendii: scilicet ut in tanta re ignarus omnium trepidet, festinet,umat aliquem ex populo monitorem officii sui. Ita plerumque evenit, uti, quem vos imperare jussistis, is sibi Imperatorem alium quærat. Ac ego scio, Quirites, qui postquam Consules facti sunt, acta majorum & Græcorum militaria præcepta legere cœperint; homines præposterii. Nam gerere, quam fieri, tempore posterius, re atque usu prius est. Comparete nunc, Quirites, cum illorum superbia me hominem novum. Quæ illi audire & legere solent, eorum partem vidi, alia egomet gessi. Quæ illi litteris, ea ego militando didici. Nunc vos existimate, facta, an dicta pluris sint.

Contemnunt novitatem meam, ego illorum ignaviam: mihi fortuna, illis probra objectantur. Quamquam ego naturam unam, & communem omnium existimo, sed fortissimum quemque generosissimum esse. Ac si jam ex patribus Albinii aut Bestiæ queri posset, mene, an illos ex se gigni maluerint: quid responsuros creditis, nisi, sese liberos quam optimos voluisse? Quod si jure despiciunt me, faciam idem majoribus suis; quibus, uti mihi ex virtute nobilitas cœpit. Invident honori meo: ergo invideant labori, innocentia; periculis etiam meis: quoniam per hæc illum cepi. Verum homines corrupti

rupti superbia, ita ætatem agunt, quasi honores vestros contemnant: ita hos petunt, quasi honeste vixerint. Næ illi falsi sunt, qui diversissimas res pariter expectant, ignaviæ voluptatem, & præmia virtutis.

Atque etiam quum apud vos, aut in Senatu verba faciunt, pleraque oratione majores suos extollunt; eorum fortia facta memorando clariores se se putant: quod contra est. Nam, quanto vita illorum præclarius, tanto horum socordia flagitiosior. Et profecto ita se res habet: majorum gloria posteris lumen est; neque bona, neque mala eorum in occulto patitur. Hujusce rei ego inopiam patior, Quirites. Verum, id quod multo præclarius est, meamet facta mihi dicere licet. Nunc videte, quam iniqui sint. Quod ex aliena virtute sibi arrogant, id mihi ex mea non concedunt: scilicet quia imagines non habeo, & quia mihi nova nobilitas est, quam certe peperisse melius est, quam acceptam corrupisse.

Equidem ego non ignoro, si jam mihi respondere velint, abunde illis sacundam & compositam orationem fore. Sed in maximo vestro beneficio, quum omnibus locis me vosque maledictis lacerent, non placuit reticere: ne quis modestiam in conscientiam duceret. Nam me quidem, ex animi sententia, lædere nulla oratio potest: quippe vere, necesse est bene prædicet; falsam vitam moresque mei superant. Sed quoniam vestra consilia accusantur, qui mihi summum honorem; & maximum negotium imposuistis: etiam atque etiam reputate, num id poenitendum sit. Non possum, fidei causa, imagines, neque triumphos, aut consulatus majorum meorum ostentare: at, si res postulet, hastas, vexillum, phaleras, alia dona militaria, præterea cicatrices adverso corpore. Hæ sunt meæ imagines, hæc nobilitas, non hæreditate relicta, ut illa illis, sed quæ ego plurimis meis laboribus & periculis quæsi.

Non

Non sunt composita verba mea. Parum id facio. Ipsa se virtus satis ostendit: illis artificio opus est, uti turpia facta oratione regant. Neque litteras Græcas didici. Parum placebat eas discere; quippe quæ ad virtutem doctoribus nihil profuerunt. At illa multo optima Reipubl. doctus sum; hostes ferire; præsidia agitare; nihil metuere, nisi turpem famam; hyemem & æstatem juxta pati; humi requiescere; eodem tempore inopiam & laborem tolerare. His ego præceptis milites hortabor: neque illos arte colam; me opulenter: neque gloriam meam, laborem illorum faciam. Hoc est utile, hoc civile imperium. Namque, quum tute per molliem agas, exercitum supplicio cogere, est hoc dominum, non imperatorem esse. Hæc atque alia majores vestri faciundo, seque remque publicam celebrare. Quæ Nobilitas freta, ipsa dissimilis moribus; nos illorum æmulos contemnit; & omnes honores, non ex merito, sed quasi debitos, a vobis repetit. Cæterum homines superbissimi procul errant. Majores eorum omnia quæ licebat, illis reliquere; divitias; imagines, memoriam sui præclaram: virtutem non relinquere, neque poterant. Ea sola neque datur dono, neque accipitur.

Sordidum me & incultis moribus aiunt: quia parum scite convivium exorno; neque histrionem ullum, neque pluris pretii coquum, quam villam, habeo. Quæ mihi lubet confiteri, Quirites. Nam & ex parente meo, & ex aliis sanctis viris ita accepi, MUNDITIAS mulieribus, viris laborem convenire: omnibusque bonis oportere plus gloriæ, quam divitiarum esse: arma, non supellectilem decori esse.

Quin ergo, quod juvat, quod carum æstimabant, id semper faciant: ament, potent: ubi adolescentiam habuere, ibi senectutem agant in conviviis, dediti ventri & turpissimæ parti corporis: sudorem, pulverem, & alia talia relinquunt nobis,



quibus illa epulis jucundiora sunt? Verum non ita est. Nam ubi se flagitiis dedecoravere turpissimi viri, bonorum præmia ereptum eunt. Ita injustissime luxuria & ignavia, pessimæ artes, illis quæ coluere eas, nihil efficiunt, Reipubl. innoxie clauduntur.

Nunc, quoniam illis, quantum mores mei, non illorum flagitia poscebant, respondi: pauca de Rep. loquar. Primum omnium, de Numidia bonum habetote animum, Quirites. Nam quæ ad hoc tempus Jugurtham turata sunt, omnia removistis; avaritiam, imperitiam, superbiam. Dein exercitus ibi est locorum sciens, sed mehercule magis strenuus, quam felix. Nam magna pars ejus avaritia, aut temeritate Ducum attrita est. Quamobrem vos, quibus militaris ætas est, adnitimini mecum, & capeffite Remp. Neque quemquam ex calamitate aliorum, aut Imperatorum superbia metus ceperit. Egomet in agmine atque in prælio consultor, adem & socius periculi vobiscum adero: meque vosque in omnibus rebus juxta geram. Et profecto, Diis juvantibus, omnia mutata sunt, victoria, præda, laus: quæ si dubia, aut procul essent, tamen omnes bonos Reipubl. subvenire decet. Etenim nemo ignavia immortalis factus: neque quisquam, parens liberis, ut æterni forent, optavit; magis uti boni honestique vitam exigerent. Plura dicere, Quirites, si timidis virtutem verba adderent. Nam strenuis abunde dictum puto.

## ORATIONES

## E

## TACITO EXCERPTÆ.

## O R A T I O I I.

GERMANICI CÆSARIS  
AD SEDITIOSOS MILITES.

*Germanica Legiones turbata erant. Præerat Germanicus Cæsar, patre Druso genitus, a Tiberio patruo adoptatus. Is militum animos placaverat multis commodis eos augens. Sed cum Legati ab Senatu venissent, pavidos & conscientia recordes intrat metus, missos esse, ut irrita spercerent, quæ per seditionem expresserant. Rursus itaque turbantur legiones. Tum vero Germanicus uxorem ac filium parvulum præcui a furentibus summo loco statuit, & in locum tutum mittere. Tetigit ea res militum animos. Germanicum adeunt, orant ut mutet consilium. Isque ut erat recens dolore & ira, apud circumfusus ita cœpit.*

**N**on mihi uxor, aut filius, patre & Republica cariores sunt. Sed illum quidem sui majestas,

jestas, Imperium Romanum ceteri exercitus defen-  
 dent: conjugem & liberos meos, quos pro gloria  
 vestra libens ad exitium offerrem, nunc procul a  
 furentibus summoveo, ut quidquid istuc sceleris im-  
 minet, meo tantum sanguine pietur; neve occisus  
 Augusti pronepos, interfecta Tiberii nurus, no-  
 centiores vos faciat. Quid enim per hos dies inau-  
 sum, intemeratamve vobis? Quod nomen huic cœ-  
 tui dabo? Militesne appellem? qui filium Impera-  
 toris vestri vallo & arinis circumfeditis: an cives?  
 quibus tam projecta Senatus auctoritas. Hostium  
 quoque jus, & sacra legationis, & fas gentium ru-  
 pistis. Divus Julius seditionem exercitus verbo uno  
 compescuit, *Quirites* vocando, qui sacramentum e-  
 jus detrectabant. Divus Augustus vultu & adpectu  
 Actiacas legiones exterruit. Nos ut nondum eos-  
 dem, ita ex illis orfos, si Hispaniæ Syriæve mi-  
 les aspernaretur, tamen mirum & indignum erat.  
 Primane & vicesima legiones, illa signis a Tiberio  
 acceptis, tu tot præliorum socia, tot præmiis au-  
 cta, egregiam Duci vestro gratiam refertis? Hunc  
 ego nuncium patri, læta omnia aliis e provinciis  
 audienti, feram? ipsius tyrones, ipsius veteranos,  
 non missione, non pecunia satiatos: hic tantum  
 interfici Centuriones, ejici Tribunos, includi Le-  
 gato: infecta sanguine castra, flumina; meque pre-  
 cariam animam inter insensos trahere? Cur enim  
 primo concionis die ferrum illud quod pectori meo  
 infigere parabam, detraxistis? O improvidi amici! me-  
 lius & amantius ille qui gladium offerebat. Ceci-  
 dissem certe nondum tot flagitiorum exercitui meo  
 conscius: legissetis Ducem, qui meam quidem mor-  
 tem impunitam sineret, Vari tamen & trium le-  
 gionum ulcisceretur. Neque enim Dii sinant, ut  
 Belgarum, quaquam offerentium, decus istud &  
 claritudo sit, subvenisse Romano homini, compres-  
 sisse Germaniæ populos. Tua, dive Auguste, cœlo  
 recepta mens; tua, pater Druse, imago, tui me-  
 moria

moria, iisdem istis cum militibus, quos jam pudor & gloria intrat, eluant hanc maculam, irasque civiles in exitium hostibus vertant. Vos quoque quorum alia nunc ora, alia pectora contueor; si Legatos Senatui, obsequium Imperatori, si mihi conjugem ac filium redditis, discedite a contactu, ac dividite turbidos. Id stabile ad poenitentiam, id fidei vinculum erit.

## ORATIO II.

### GERMANICI MORIENTIS AD AMICOS.

*Germanicus jamjam moriturus, cum venenum sibi a Pisone Suria Præsida Plancinaque ejus uxore datum esse pro certo haberet, amicos orat, ne mortem suam inultam patiantur.*

**S**I fato concederem, justus mihi dolor etiam adversus Deos esset, quod me parentibus, liberis, patriæ intra juventam præmaturo exitu raperent. Nunc scelere Pisonis & Plancinæ interceptus, ultimas preces pectoribus vestris relinquo: referatis patri ac fratri, quibus acerbitatibus dilaceratus, quibus insidiis circumventus, miserrimam vitam pessima morte finierim. Si quos spes meæ, si quos propinquus sanguis, etiam quos invidia erga viventem movebat; inlacrimabunt, quondam florentem, & tot bellorum superstitem, muliebri fraude cecidisse. Erit vobis locus querendi apud Senatum, invocandi leges. Non hoc præcipuum amicorum munus est, prosequi defunctum ignavo questu; sed quæ voluerit, meminisse: quæ mandaverit, exsequi. Flebunt Germanicum etiam ignoti: vindicabitis vos, si me potius, quam fortunam meam fovebatis. Ostendite populo Romano divi Augusti nepotem, eandemque conjugem meam: numerate sex liberos. Misericor-

dia cum accusantibus erit: fingentibusque scelerata mandata, aut non credent homines, aut non ignorent.

## O R A T I O III.

### SENECÆ AD NERONEM.

*Seneca cum Neronem ad deteriores inclinare cerneret, seque variis criminationibus incesse, cedere invidia statuit, seque in otium penitus abdere. Igitur Casarem adit, atque in hunc modum alloquitur.*

**Q**uartusdecimus annus est, Cæsar, ex quo specuæ admotus sum; octavus, ut imperium obtines: medio temporis, tantum honorum atque opum in me cumulasti; ut nihil felicitati meæ desit, nisi moderatio ejus. Utar magnis exemplis, nec meæ fortunæ, sed tuæ. Atavus tuus Augustus M. Agrippæ Mytilenense secretum: C. Mæcenati, urbe in ipsa, velut peregrinum otium permisit: quorum alter bellorum socius, alter Romæ pluribus laboribus jactatus, ampla quidem, sed pro ingentibus meritis, præmia acceperant. Ego quid aliud munificentiae adhibere potui, quam studia, ut sic dixerim, in umbra educata? e quibus claritudo venit, quod juventæ tuæ rudimentis affuisse videor; grande hujus rei pretium. At tu gratiam immensam, innumeram pecuniam circumdedisti adeo ut plerumque intra meipsum volvam: Egone equestri & provinciali loco ortus, proceribus civitatis annuoror? Inter Nobiles & longa decora præferentes, novitas mea enituit? Ubi est animus ille modicis contentus? Tales hortos instruit, & per hæc suburbana incedit, & tantis agrorum spatiis, tam lato fœnore exuberat? Una defensio occurrit, quod muneribus tuis obniti non debui. Sed uterque mensuram im-

implevimus, & tu quantum Princeps tribuere amico posset, & ego quantum amicis a Principe accipere. Cætera invidiam augent: quæ quidem, ut omnia mortalia, infra tuam magnitudinem jacet: sed mihi incumbit: mihi subveniendum est. Quo modo in militia aut via fessus adminiculum orarem? ita in hoc itinere vitæ, senex, & levissimis quoque curis impar, cum opes meas ultra sustinere non possim, præsidium peto. Jube eas per procuratores tuos administrari, in tuam fortunam recipi. Nec me in paupertatem ipse detrudam, sed traditis quorum fulgore perstringor, quod temporis horrorem aut villarum curæ seponitur, in animum revocabo. Superest tibi robur, & tot per annos nixum fastigii regimen: possumus seniores amici quiete respondere. Hoc quoque in tuam gloriam cedet, eos ad summa vexisse, qui & modica tollerarent.

## O R A T I O I V.

## NERONIS SENECAE RESPONDENTIS.

Quod meditare orationi tuæ statim occurram, id primum tui muneris habeo, qui me non tantum prævisa, sed subita expedire docuisti. Avus meus Augustus Agrippæ & Mæcenati usurpare otium post labores concessit, sed in ea ipsa ætate, cujus auctoritas tueretur, quicquid illud & quaecunque tribuisset. Attamen neutram datis a se præmiis exiit. Bello & periculis meruerant: in his enim juvenia Augusti ætata est. Nec mihi tela & manus tuæ defuissent, in armis agenti. Sed quod præsens conditio poscebat, ratione, consilio, præceptis pueritiam, dein juventam meam fovisti. Et tua quidem erga me munera, dum vita suppetet, æterna erunt. Quæ a me habes, horti, & scænus, & villæ casibus obnoxia sunt: ac licet multa vi-

deantur, plerique haudquaquam artibus suis pares, plura tenuerunt. Pudet referre libertinos, qui ditiores spectantur. Unde etiam rubori mihi est, quod præcipuus charitate, nondum omnes fortuna antecellis. Verum & tibi valida ætas, rebusque & fructui rerum sufficiens; & nos prima imperii spatia ingredimur: nisi forte aut te Vitellio ter Consuli, aut me Claudio præponis. Sed quantum Volusio longa parsimonia quæsiuit, tantum in te mea liberalitas explere non potest. Quin, si qua in parte lubricum adolescentiæ nostræ declinat, revo- cas; ornatumque robur, subsidio impensius regis. Non tua moderatio, si reddideris pecuniam; nec quies, si reliqueris principem; sed mea avaritia, meæ crudelitatis metus in ore omnium versabitur. Quod si maxime continentia tua laudetur, non ta- men sapienti viro decorum fuerit, unde amico in- famiam paret, inde gloriam sibi recipere.

## O R A T I O V.

### GALGA CI AD BRITANNOS.

*Agricola jam perdomitis cæteris Britannia genti- bus, in extremos hujus regionis recessus pene- traverat, & adversus ferocem, indomitumque populum pugnam parabat. Hostium ingentes erant copia, ac super triginta millia armatorum convenerant. Tum Galgacus eorum Dux hac oratione militum animos accendit.*

**Q**Uoties causas belli & necessitatem nostram in- tueor, magnus mihi animus est, hodiernum diem consensumque vestrum, initium libertatis to- tius Britannicæ fore. Nam & universi servitutis ex- pertes & nullæ ultra terræ; ac ne mare quidem securum, imminente nobis classe Romana. Ita præ- lium atque arma quæ fortibus honesta, eadem etiam igna-

ignavis tutissima sunt. Priores pugnae quibus adversus Romanos varia fortuna certatum est, spem ac subsidium in nostris manibus habebant: quia nobilissimi totius Britanniae, eoque in ipsis penetralibus siti, nec servientium littora aspicientes, oculos quoque a contactu dominationis inviolatos habebamus. Nos terrarum ac libertatis extremos, recessus ipse ac sinus famae in hunc diem defendit. Nunc terminus Britanniae patet: atque omne ignotum pro magnifico est. Sed nulla jam ultra gens: nihil nisi fluctus & saxa: & interiores Romani. Quorum superbiam frustra per obsequium & modestiam effugeris. Raptores orbis, postquam cuncta vastantibus defuere terrae, & mare scrutantur: si locuples hostis est, avari: si pauper, ambitiosi: quos non oriens, non occidens satiaverit. Soli omnium opes atque inopiam pari affectu concupiscunt. Auferre, trucidare, rapere, falsis nominibus, imperium; atque ubi solitudinem faciunt, pacem appellant. Liberos cuique ac propinquos suos natura carissimos esse voluit: hi per delectus, alibi servituri, auferuntur. Conjuges sororesque etsi hostilem libidinem effugiant, nomine amicorum atque hospitum polluantur. Bona fortunaeque in tributum egerunt; in annonam frumentum. Corpora ipsa ac manus, silvis ac paludibus emuniendis, verbera inter ac contumelias, conterunt. Nata servituti mancipia semel veneunt, atque ultro a dominis aluntur: Britannia servitutem suam quotidie emit, quotidie pascit. Ac sicut in familia recentissimus quisque servorum & conservis ludibrio est: sic in hoc orbis terrarum vetere famulatu, novi nos & viles in excidium petimur. Neque enim arva nobis, & metalla, aut portus sunt, quibus exercendis referemur. Virtus porro ac ferocia subditorum ingrata imperantibus. Et longinquitas ac secretum ipsum quo tutius, eo suspectius. Ita sublata spe veniae, tandem sumite animum, tam quibus salus, quam



quibus gloria carissima est. Brigantes, fœmina duce, exurere coloniam, expugnare castra, ac, nisi felicitas in fœcundiam vertisset, exuere jugum potuere: nos integri & indomiti, & libertatem non in præsentia laturi, primo statim congressu non ostendemus, quos sibi Caledonia viros seposuerit?

An eandem Romanis in bello virtutem, quam in pace lasciviam adesse creditis? Nostri illi diffensionibus ac discordiis clari, vitia hostium in gloriam exercitus sui vertunt: quem contractum ex diversissimis gentibus, ut secundæ res tenent, ita adversæ dissolvent. Nisi si Gallos, & Germanos; & (pudet dictu) Britannorum plerosque, dominationi alienæ sanguinem commodantes, diutius tamen hostes quam servos, fide & affectu teneri putatis. Metus & terror est, infirma vincula charitatis: quæ ubi removeris, qui timere desierint, odisse incipient. Omnia victoriæ incitamenta pro nobis sunt. Nullæ Romanos conjuges accedunt: nulli parentes fugam exprobraturi sunt: aut nulla plerisque patria, aut alia est. Paucos numero circumtrepidos ignorantia, cœlum ipsum ac mare & silvas, ignota omnia, circumspectantes; clausos quodammodo ac vinctos Dii nobis tradiderunt. Ne terreat vanus aspectus, & auri fulgor atque argenti, quod neque tēgit neque vulnerat. In ipsa hostium acie inveniēmus nostras manus. Agnoscent Britanni suam causam: recordabuntur Galli priorem libertatem: deferent illos cæteri Germani, tanquam nuper Usipii reliquerunt. Nec quicquam ultra formidinis: vacua castella, senum coloniæ, inter male parentes & injuste imperantes ægra municipia & discordantia. Hic Dux, hic exercitus: ibi tributa, & metalla, & cæteræ servientium pœnæ: quas in æternum proferre, aut statim ulcisci, in hoc campo est. Proinde ituri in aciem, & majores vestros, & posteros cogitate.

## O R A T I O VI.


## A G R I C O L Æ

*Suos adhortantis ante pugnam contra Britannos.*

**O**ctavus annus est, commilitones, ex quo virtute & auspiciis Imperii Romani, fide atque opera vestra Britanniam vicistis. Tot expeditionibus, tot præliis, seu fortitudine adversus hostes, seu patientia ac labore pene adversus ipsam rerum naturam opus fuit: neque me militum, neque vos Ducis pœnituit. Ergo egressi, ego veterum Legatorum, vos priorum exercituum terminos, finem Britanniae non fama nec rumore, sed castris & armis tenemus. Inventa Britannia, & subacta. Equidem in agmine, quum vos paludes montesve & flumina fatigarent, fortissimi cujusque vocem audiebam, quando dabitur hostis? quando acies? Veniunt a latebris suis extrusti. Et vota virtusque in aperto, omniaque prona victoribus, atque eadem victis adversa. Nam ut superasse tantum itineris, silvas evasisse, transisse æstuaria, pulchrum ac decorum in frontem; ita fugientibus periculossima, quæ hodie prosperrima sunt. Neque enim nobis aut locorum eadem notitia, aut comineatum eadem abundantia: sed manus, & arma, & in his omnia. Quod ad me attinet, jampridem mihi decretum est, neque exercitus, neque Ducis terga tutum esse. Proinde & honesta mors turpi vita potior; & incolumitas ac decus eodem loco sita sunt. Nec inglorium fuerit, in ipso terrarum ac naturæ sine cecidisse. Si novæ gentes atque ignota acies constitisset, aliorum exercituum exemplis vos hortarer. Nunc vestra decora recensete, vestros oculos interrogate. Ii sunt quos proximo anno unam legionem furto noctis aggressos, clamore debella-

stis : ii cæterorum Britannorum fugacissimi , ideoque tamdiu superstites . Quomodo silvas saltusque penetrantibus , fortissimum quodque animal robore , pavidæ & inertis , ipso agminis sono pelluntur ; sic acerrimi Britannorum jampridem ceciderunt , reliquus est numerus ignavorum & metuentium . Quos quod tandem invenistis , non restiterunt , sed deprehensi sunt novissimi : ideo extremo metu corpora defixere in his vestigiis , in quibus pulchram & spectabilem victoriam ederetis . Transigite cum expeditionibus , imponite quinquaginta annis magnum diem . Approbate Reipublicæ nunquam exercitui imputari potuisse , aut moras belli , aut causas rebeſlandi .





# ORATIONES

E

Q. CURTIO EXCERPTÆ.

## O R A T I O I.

## CHARIDEMI AD DARIUM.

*Darius cum statuisset acie cum Alexandro decorare, innumerabilem prope peditum equitumque turbam contraxerat. Cujus universa aspectu admodum latus, Charidemum exulem Atheniensem percontari cepit, satisne ei videretur instructus ad obiterendum hostem. At ille in hunc ferme modum respondit.*

**V**erum & tu forsitan audire nolis, & ego, nisi nunc dixero, alias nequidquam confitebor. Hic tanti apparatus exercitus, hæc tot gentium & totius orientis excita sedibus suis moles, finitimis potest esse terribilis. Nitet purpura, auroque, fulget armis & opulentia, quantam qui oculis non subjecerint, animis concipere non possunt. Sed Macedonum acies torva sane & inculta, clypeis hastisque immobilis cuneos, & conferta robora virorum teget. Ipsi phalangem vocant peditum stabile agmen.

agmen. Vir viro, armis arma conferta sunt: ad nutum monentis intenti, sequi signa, ordines servare didicere. Quod imperatur, omnes exaudiunt: obistere, circumire, discurrere in cornu, mutare pugnam non Duces magis quam milites callent. Et ne auri argentique studio teneri putes, adhuc illa disciplina paupertate magistra stetit. Fatigatis humus cubile est. Cibus, quem occupant, faciat. Tempora somni arctiora quam noctis sunt: Jam Thesali equites, & Acarnanes, Ætolique, invicta bello manus, fundis, credo, & hastis igne duratis repellentur. Pari robore opus est. In illa terra, quæ hos genuit, auxilia quærenda sunt. Argentum istud atque aurum ad conducendum militem mitte.

## O R A T I O I I.

## EJUSDEM CHARIDEMI

*Cum Darii jussu, quia verum libere dixerat, ad supplicium duceretur.*

**H**Abeo paratum mortis meæ ultorem. Expetet poenas mei consilii spreti ipse contra quem tibi susi. Tu quidem licentia regni subito mutatus, documentum eris posteris, homines, cum se permisere fortunæ, etiam naturam dediscere.

ORA-

## O R A T I O III.

## DARII AD MILITES.

*Darius pluribus jam præliis fractus, iterum apud Arbelam decertaturus Milites, sic alloquitur.*

**T**errarum quas Oceanus hinc alluit, illinc claudit Hellespontus, paulo ante dominis, jam non de gloria, sed de salute, & quod saluti præponitis, de libertate pugnandum est. Hic dies Imperium, quo nullum amplius vidit ætas, aut constituet, aut finiet. Apud Granicum minima virium parte cum hoste certavimus: in Cilicia victos Syria poterat excipere: magna munimenta regni Tigris atque Euphrates erant. Ventum est eo, unde pulsus ne fugæ quidem locus est. Omnia tam diutino bello exhausta post tergum sunt: non incolas suos urbes, non cultores habent terræ. Conjuges quoque & liberi sequuntur hanc aciem: parata hostibus præda, nisi pro carissimis pignoribus corpora opponimus. Quod mearum fuit partium, exercitum, quem pene immensa planities vix caperet, comparavi: equos, arma distribui: commeatus, ne tantæ multitudini deessent, providi: locum in quo acies explicari posset, elegi. Cætera in vestra potestate sunt: audete modo vincere; famamque, infirmissimum adversus fortes viros telum, contemnite. Temeritas est, quam adhuc pro virtute timuistis: quæ ubi primum impetum effudit, velut quædam animalis amisso aculeo, torpet. Hi vero campi deprehendere præcitem, quam Ciliciæ montes absconderant. Videtis ordines raros, cornua extenta, mediam aciem variam & exhaustam. Nam ultimi, quos locavit aversos, terga jam præbent. Obteri utherville equorum ungulis possunt; etiamsi nil præ-

tes

ter falcatos currus emisero. Et bello vicerimus, si vincimus prælio: nam ne illis quidem ad fugam est locus: hinc Euphrates, illinc Tigris, prohibet inclusos. Et quæ antea pro illis erant, in contrarium conversa sunt. Nostrum mobile & expeditum agmen est; illud præda grave. Implicatos ergo spoliis nostris trucidabimus: eademque res & causa victoriæ erit, & fructus. Quod si quem e vobis nomen gentis movet, cogitet Macedonum illic arma esse, non corpora. Multum enim sanguinis invicem hausimus; & semper gravior in paucitate jactura est. Jam Alexander, quantuscumque ignavis & timidus videri potest, unum animal est: &, si quid mihi creditis, temerarium, & vecors, adhuc nostro pavore, quam sua virtute felicius. Nihil autem potest esse diuturnum, cui non subest ratio. Licet felicitas aspirare videatur, tamen ad ultimum temeritati non sufficit. Præterea breves & mutabiles vires rerum sunt; & fortuna nunquam simpliciter indulget. Forsitan ita Dii fata ordinaverunt, ut Persarum Imperium, quod secundo cursu per ducentos triginta annos ad summum fastigium evexerant, magno motu concuterent magis, quam affligerent, admonerentque nos fragilitatis humanæ, cujus nimia in prosperis rebus oblivio est. Modo Græcis ultro bellum inferebamus; nunc in sedibus nostris propulsamus illatum. Jactamur invicem varietate fortunæ. Videlicet Imperium, quod mutuo affectamus, una gens non capit.

Cæterum, etiamsi spes non subesset, necessitas tamen stimulare deberet. Ad extrema perventum est. Matrem meam; duas filias; Ochum in spem hujus Imperii genitum; illos Principes, illam sobolem regis stirpis; Duces vestros Regum instar, victos habet: nisi quod in vobis est, ipse ego majore parte captivus sum. Eripite viscera mea ex vinculis. Restituite mihi pignora, pro quibus ipse mori non recuso; parentem, liberos: nam conjugem

gem in illo carcere amisi. Credite nunc omnes tendere ad vos manus; implorare patrios Deos; opem vestram, misericordiam, fidem exposcere: ut servitute, ut compedibus, ut precario victu ipsos liberetis. An creditis æquo animo iis servire, quorum Reges esse fastidiant? Video admoveri hostium aciem: sed quo propius discrimen accedo, hoc minus iis, quæ dixi, possum esse contentus. Precor vos per Deos patrios æternumque ignem, qui præfertur altaribus; fulgoremque Solis intra fines regni mei orientis, per æternam memoriam Cyri, qui ædemtum Medis Lydisque Imperium primus in Persidem intulit: vindicate ab ultimo dedecore nomen gentemque Persarum. Ite alacres & spe pleni, ut quam gloriam accepistis a majoribus vestris, posteris relinquantis. In dextris vestris jam libertatem, opem, spem futuri temporis geritis. Effugit mortem quisquis contempserit: timidissimum quemque consequitur. Ipse non patrio more solum, sed etiam, ut conspici possim, curru vehor: nec recuso, quo minus imitemini me, siue fortitudinis exemplum, siue ignaviae sacro.



## O R A T I O IV.

## SCYTHARUM AD ALEXANDRUM.

*Cum Alexander in Scythis expeditionem pararet, ejus gentis Legati ad Alexandrum venire; quorum natu maximus sic eum allocutus est.*

**S**I Dii habitum corporis tui aviditati animi parem esse voluissent, orbis te non caperet: altera manu Orientem, altera Occidentem contingeres: & hoc assequutus, scire velles ubi tanti numinis fulgor conderetur. Sic quoque, concupiscis quæ non capis. Ab Europa petis Asiam, ex Asia transis in Europam: deinde, si humanum genus omne superaveris, cum sylvis, & nivibus, & fluminibus, ferisque bestiis gesturus es bellum. Quid? tu ignoras arbores magnas diu crescere, una hora extirpari? Stultus est, qui fructus earum spectat, altitudinem non metitur. Vide ne, dum ad cacumen pervenire contendis, cum ipsis famis, quos comprehenderis, decidas. Leo quoque aliquando minimarum avium pabulum fuit: & ferrum rubigo consumit. Nihil tam firmum est, cui periculum non sit etiam ab invalido. Quid nobis tecum est? nunquam terram tuam attigimus. Qui sis, unde venias, licetne ignorare in vastis sylvis viventibus? Nec servire ulli possumus, nec imperare desideramus. Dona nobis data sunt ( ne Scytharum gentem ignores ) jugum boum, aratrum, & sagitta, & patera. His utimur & cum amicis, & adversus inimicos. Fruges amicis damus boum labore quasitas: patera cum his vinum Diis libamus: inimicos sagitta eminus, hasta cominus petimus. Sic Syriæ Regem, & postea Persarum Medorumque superavimus; patuitque nobis iter usque in Ægyptum. At tu, qui te gloriaris ad latrones persequendos venire;

nire; omnium gentium, quas adisti, latro es. Liddiam cepisti; Syriam occupasti; Persidem tenes; Bactrianos habes in potestate; Indos petisti: jam etiam ad pecora nostra avaras & instabiles manus porrigis. Quid tibi divitiis opus est; quæ te esurire cogunt? Primus omnium satietate parasti famem; ut quo plura habes, acrius, quæ non habes cuperes. Non succurris tibi, quamdiu circum Bactra hæreas? Dum illos subigis, Sogdiani bellare ceperunt: bellum tibi ex victoria nascitur. Nam ut major fortiorque sis quam quisquam; tamen alienigenam dominum pati nemo vult. Transi modo Tannaim; scies quam late pateant, nunquam tamen consequeris Scythas: paupertas nostra velocior erit, quam exercitus tuus, qui prædam tot nationum vehit. Rursus quum procul abesse nos credes, videbis in tuis castris: eadem velocitate & sequimur, & fugimus. Scytharum solitudines Græcis etiam proverbii audio eludi. At nos deserta & humano cultu vacua, magis quam urbes & opulentos agros sequimur. Proinde fortunam tuam pressis manibus tene. Lubrica est, nec invita teneri potest. Salubre consilium; sequens quam præsens tempus ostendet melius. Impone felicitati tuæ frenos, facilius illam reges. Nostri sine pedibus dicunt esse fortunam, quæ manus porrigit, pennas quoque comprehendere non sinit. Denique si Deus es, tribueris mortalibus beneficia debes, non sua eripere, si autem homo es; id quod es, semper esse te cogita. Stultum est eorum meminisse propter quæ tui oblivisceris. Quibus bellum non intuleris, bonis amicis poteris uti: nam & firmissima est inter pares amicitia; & videntur pares, qui non fecerunt inter se periculum virium. Quos viceris, amicos tibi esse, cave credas: inter dominum & servum nulla amicitia est: etiam in pace, belli tamen jura servantur. Jurando gratiam Scythas sancire ne credideris: colendo fidem; jurant. Græcorum ista cautio est, qui pacta

consignant, & Deos invocant: nos religionem in ipsa fide novimus. Qui non reverentur homines, fallunt Deos. Nec tibi amico opus est, de cujus benevolentia dubites. Cæterum, nos & Asiæ & Europæ custodes habebis. Bactra, nisi dividat Tanais, contingimus: ultra Tansim usque ad Thraciam colimus: Thraciæ Macedoniam conjunctam esse fama est. Utrique Imperio tuo finitimos hostes an amicos velis esse, considera.

## ORATIO V.

### ALEXANDRI AD MILITES SEDITIOSOS.

*Alexander seniores militum in Graciam remittere statuerat quindecim millia tantum retenturus. At cum reliqui etiam seditiosis vocibus missionem postulare cepissent, eos Alexander hac oratione increpuit.*

**Q**uid hæc repens consternatio, & tam procax atque effusa licentia denunciat? Eloqui timeo; palam certe rupistis imperium, & precario Rex sum: cui non alloquendi, non noscendi monendique, aut intuendi vos: jus reliquistis. Equidem quum alios dimittere in patriam, alios mecum paulo post deportare statuerim; tam illos acclamantes video, qui abituri sunt, quam hos, cum quibus præmissos subsequi statui. Quid hoc est rei? dispari in causa idem omnium clamor est! Perverlim scire, utrum qui discedunt, an qui retinentur, de me querantur. *Crederes uno ore omnes sustulisse clamorem; ita pariter ex tota ratione responsum est, Omnes queri. Tum ille, Non Hercule, inquit, potest fieri, ut adducar querendi simul omnibus hanc causam esse, quam ostenditis, in qua major pars exercitus non est; utpote quum plures dimiserim, quam retenturus sum. Subest nimirum*

al.

altius malum, quod omnis avertit a me. Quando enim Regem universus exercitus deseruit? Ne servi quidem uno grege profugiant dominos; sed est quidam in illis pudor a cæteris destitutos relinquiendi. Verum ego tam furiosæ consternationis oblitus, remedia insanabilibus conor adhibere. Omnem Hercule spem, quam ex vobis conceperam, damno: nec ut cum milicibus meis (jam enim esse desistis) sed, ut cum ingratisissimis oportet, agere decrevi. Secundis rebus, quæ circumfluunt vos, insanire cœpistis, obliti status ejus, quem beneficio exuistis meo: digni Hercule qui in eodem consenescat; quoniam facilius est vobis adversam, quam secundam regere fortunam.

En tandem Illyriorum paulo ante & Persarum tributariis Asia & tot gentium spolia fastidio sunt: Modo sub Philippo seminaudis, amicula ex purpura sordent: aurum & argentum oculi ferre non possunt: lignea enim vasa desiderant, & ex cratibus scuta, rubiginemque gladiatorum. Hoc cultu nitentes vos accepi, & quingenta talenta æris alieni; quum omnis regia supellex haud amplius quam sexaginta talentorum esset: meorum operum fundamenta, quibus tamen (absit invidia) imperium maximæ terrarum parti imposui.

Asiæne pertæsum est, quæ vos gloria rerum gestarum Diis pares fecit? In Europam ire properatis Rege deserto, quum pluribus vestrum defuturum viaticum fuerit, ni æs alienum luissim: nempe in Asiatica præda. Nec pudet profundo ventre devictarum gentium spoliis circumferentes, reverti velle ad liberos conjugesque; quibus pauci præmia victoriæ potestis ostendere. Nam cæterorum, dum etiam spei vestræ obviam istis, arma quoque pignori sunt. Bonis vero militibus cariturus sum, pellicum suarum concubinis: quibus hoc solum ex tantis opibus superest, in quod impenditur.

Proinde fugientibus me pateant limites; facessite hinc

hinc otius: ego cum Persis abeuntium terga tuta-  
bor. Neminem teneo: liberate oculos meos, in-  
gratissimi cives. Laeti vos excipient parentes, libe-  
rique sine vestro Rege redeunt: obviam ibunt de-  
sertoribus transfugisque. Triumphabo mehercule de  
fuga vestra, & ubicumque ero, expetam poenas;  
hos, cum quibus me relinquitis, colendo, prae-  
ferendoque vobis. Jam autem sciatis & quantum si-  
ne Rege valeat exercitus, & quid opis in me uno  
sit.

**F I N I S.**

P A R S S E C U N D A

Q U Æ

S E L E C T I S S I M A

P O E T A R U M

TUM VETERUM, TUM RECENTIORUM

C A R M I N A

C O M P L E C T I T U R.



## LECTORI BENEVOLO.

CUM en atate Poëstos rudimentis Adolescentes instituantur, qua nulla iis est adhuc rerum experientia, nulla liberalium artium, atque disciplinarum cognitio, ratio autem ipsa infirma admodum, atque imbecillis; ille profecto desiperet, qui eorum quenquam, dum primis hisce elementis imbuuntur, Poëtam optimam fieri posse speraret. At illud saltem Institutores curare debent diligentissime, ut Adolescentes interea praesidiis omnibus, Adjumentisque communiantur, quibus per se ipsi, cum aetas tulerit, Poëtica Artis praestantiam assequi possint. Porro hoc in primis necesse est, ut Vates optimos noverint, quos impensius celant, quorumque aut vim, & impetum, aut veneres, gratiasque imitentur. Id vero quinam apte praestare possint, si unum ipsis Auctorem tantummodo, aut alterum exhibeamus? Multo fane consultius facturos nos esse putavimus, si omnium iis, aut ferme omnium optimorum Vatum exempla traderemus. Primo igitur ex Catullo, Tibullo, Propertio, Ovidio ea delegimus, qua puriora simul, atque elegantiora visa sunt. Tum quia Martialis, etsi sapius aetatis sua vitio nimis indulgit, interdum tamen nonnulla edidit elegantissima, ea quoque accurate decerpimus. Satyras duas Persii alteram, alteram Juvenalis addidimus, faciliores scilicet, & ingenio Adolescentium magis accommodatas. Lucretii satis duximus specimen aliquod exhibere, unde ejus praestantia conijci posset. Excerpta quoque nonnulla ex Lucano, Statio, Silio Italico, & Claudiano tradidimus, qui licet minus prebentur cum aliis de causis, tum ob nimiam styli luxuriam, atque tumiditatem; nihilominus eo saltem nomine ab Adolescentibus cognoscantur necesse est,



ut eorum vitia effugiant; tametsi plura in illis sunt, qua imitari etiam poteret. Ex Tullii pariter fragmentis nonnihil deprompsimus, ut pateat Oratorem illum eximium non adeo Musis invisum fuisse, ut falso vulgus existimat. Epigrammata quadam adjunximus Ausonii, Seneca, Plinii, aliorumque; nonnulla insuper, quorum incertus Auctor, nonnulla etiam ex Græco versa, ac elegantia cæteris comparanda. Denique cum sæculi XVI. Scriptores felici adeo studio Latinas Musas coluerint, quidni aliquid ex iis etiam delibaremus? Mirabitur fortasse quispiam cur ex Horatio, Virgilioque nihil sumserimus. At eos, utpote Poetarum Principes, integros Adolescentibus tradendos esse censuimus. Habes, amice Lector, totam collectionis hujusce variationem. Ea utere diligenter, ac vale...



C. VALERII  
CATULLI.

---

*HENDECASYLLABI.*

1. AD CORNELIUM NEPOTEM.

Ctti dono lepidum novum libellum,  
Arida modo pumice expolitum?  
Corneli, tibi; namque tu solebas  
Meas esse aliquid putare nugas,  
Jam tum, cum ausus es unus Italorum  
Omne ævum tribus explicare chartis  
Doctis, Juppiter, & laboriosis.  
Quare habe tibi quidquid hoc libelli est  
Qualecumque: quod, o patrima Virgo,  
Plus uno maneat perenne sæclo.

2. DE PASSERIS MORTE.

Lugete, o Veneres, Cupidinesque,  
Et quantum est hominum venustiorum;  
Passer mortuus est meæ puellæ,  
Passer deliciæ meæ puellæ,  
Quem plus illa oculis suis amabat.  
Nam mellitus erat, suamque norat  
Ipsam tam bene, quam puella matrem:

Nec sese a gremio illius movebat,  
 Sed circumfiliens modo huc, modo illuc,  
 Ad solam dominam usque pipilabat;  
 Qui nunc it per iter tenebricosum  
 Illuc, unde negant redire quemquam.  
 At vobis male sit, malæ tenebræ  
 Orci, quæ omnia bella devoratis;  
 Tam bellum mihi passerem abstulistis.  
 Oh factum male! oh miselle passer!  
 Tua nunc opera meæ puellæ  
 Flendo turgiduli rubent ocelli.

### 3. AD VERANNIUM EX HISPANIA REDUCEM.

Veranni omnibus e meis amicis  
 Antistes mihi millibus trecentis:  
 Venisti ne domum ad tuos penates,  
 Fratresque unanimos, tuamque matrem?  
 Venisti? o mihi nuntii beati!  
 Visam te incolumem, audiamque Hiberum  
 Narrantem loca, facta, nationes,  
 Ut mos est tuus: applicansque collum,  
 Jucundum os, oculosque suaviabor.  
 O quantum est hominum beatorum,  
 Quid me lætius est beatiusve?

### A AD LICINIUM CALVUM

*Qui Catullo per jocum miserat obsceniorum  
 Poetarum Carmina,*

Ni te plus oculis meis amarem,  
 Jucundissime Calve, munere isto  
 Odissem te odio Vatiniano.  
 Nam quid feci ego, quidve sum locutus,  
 Cur me tot male perderes Poetis?  
 Isti Diimala multa dent clienti,

Qui tantum tibi misit impiorum,  
 Quod si, ut suspicor, hoc novum, ac repertum  
 Munus dat tibi Sulla litterator:  
 Non est mi male, sed bene, ac beate,  
 Quod non dispereunt tui labores.  
 Dii magni, horribilem, & sacrum libellum,  
 Quem tu scilicet ad tuum Catullum  
 Misti, continuo ut die periret  
 Saturnalibus optimo dierum.  
 Non non hoc tibi, false, sic abibit.  
 Nam si luxerit, ad librariorum  
 Curram scrinia, Cæsios, Aquinos,  
 Suffenum, omnia colligam venena,  
 Ac te his suppliciis remunerabor.  
 Vos hinc interea valete, abite  
 Illuc, unde malum pedem tulistis  
 Sæcli incommoda pessimi Poetæ.

## 5. AD CÆCILIIUM.

Poetæ tenero meo sodali  
 Velim Cæcilio, papyre, dicas:  
 Veronam veniat, Novi relinquens  
 Comi mœnia, Lariumque litus.  
 Nam quasdam volo cogitationes  
 Amici accipiat sui, meique.  
 Quare, si sapiet viam vorabit.

## 1 IN ARRIUM.

*Commoda* dicebat, siquando commoda vellet  
 Dicere, & *hinsidias* Arrius insidias:  
 Et tum mirifice sperabat se esse locutum,  
 Cum quantum poterat, dixerat *hinsidias*.  
 Credo sic mater, sic Liber avunculus ejus,  
 Sic maternus avus dixerit, atque avia.  
 Hoc misso in Syriam, requierant omnibus aures:  
 Audiant eadem hæc leniter, & leviter:

Nec sibi postilla metuebant talia verba:

Cum subito adfertur nuntius horribilis:  
 Ionios fluctus, postquam illuc Arrius islet,  
 Jam non Ionios esse, sed *Hionios*.

## 2. DE SMYRNA CINNÆ POEMATE.

Smyrna mei Cinnæ, nonsem post denique messen,  
 Quam cœpta est, nonamque edita post hiemem,  
 Millia cum interea quingenta Hortensius uno  
 In pede stans fixo carmina ructat hians;  
 Smyrna cavas Attacis penitus mittetur ad undas:  
 Smyrnam incana diu sæcula pervolvent.  
 At Volusi annales Paduam morientur ad ipsam,  
 Et laxas scombris sæpe dabunt tunicas.  
 Parva mei mihi sunt cordi monimenta laboris;  
 At populus tumido gaudeat Antimachio.

## 3. INFERIÆ AD FRATRIS TUMULUM IN TROJANO LITORE EXTINGUITI.

Multas per gentes, & multa per æquora vestus,  
 Advenio has miseris, Frater, ad inferias:  
 Ut te postremo donarem munere mortis,  
 Et mutum nequidquam adloquerer cinerem,  
 Quandoquidem fortuna mihi tete abstulit ipsum,  
 Heu miser indigne frater adempte mihi.  
 Nunc tamen interea, prisco quæ more parentum  
 Tradita sunt tristes munera ad inferias,  
 Accipe fraterno multum manantia fletu:  
 Atque in perpetuum, Frater, ave, atque vale.

## 4. AD AMICUM.

Jucundum, mea vita, mihi proponis amorem  
 Hunc nostrum inter nos, perpetuumque fore.  
 Dii magni, facite, ut vere promittere possit,  
 Atque id sincere dicat, & ex animo:

Ut

Ut liceat nobis tota perducere vita  
 Alternum hoc sanctæ fœdus amicitiae :

## E L E G I Æ.

AD MANLIUM,

*Qui cum uxorem amisisset Catullium rogaverat, ut  
 Carmina consolatoria sibi scriberet, & libellos—  
 quosdam legendos mitteret.*

Quod mihi fortuna, casuque oppressus acerbo,  
 Conscriptam hoc lacrimis mittis epistolium:  
 Naufragum ut ejectum spumantibus æquoris undis  
 Sublevem, & a mortis limine restituam,  
 Quem veterum dulci scriptorum haud carmine Musæ  
 Oblectant, cum mens anxia pervigilet: 6.  
 Id gratum est mihi, me quoniam tibi ducis amicum;  
 Muneraque, & Musarum hinc petis, & Charitum.  
 Sed, tibi ne mea sint ignota incommoda, Manli,  
 Neu me odisse putes hospitis officium,  
 Accipe, queis merfer fortunæ fluctibus ipse,  
 Ne amplius a misero dona beata petas.  
 Tempore, quo primum vestis mihi tradita pura est,  
 Jucundum cum ætas florida ver ageret,  
 Multa satis lusi: non est Dea nescia nostri,  
 Quæ dulcem curis miscet amaritiem.  
 Sed totum hoc studium luctu fraterna mihi mors  
 Abscidit. O misero frater adempte mihi.  
 Tu mea, tu moriens fregisti commoda frater:  
 Tecum una tota est nostra sepulta domus:  
 Omnia tecum una perierunt gaudia nostra,  
 Quæ tuus in vita dulcis alebat amor,  
 Cujus ego interitu tota de mente fugavi  
 Hæc studia, atque omnes delicias animi.  
 Ignoscas igitur, si, quæ mihi luctus ademit, 7.  
 Hæc tibi non tribuo munera, cum nequeo.  
 Nam quod scriptorum non magna est copia apud me,

Hoc fit, quod Romæ vivimus; illa domus;  
 Illa mihi sedes, illic mea carpitur ætas:  
 Huc una ex multis capsula me sequitur.  
 Quod cum ita sit, nolim statuas, memento maligna  
 Id facere, aut animo non satis ingenuo:  
 Quod tibi non utriusque petiti copia facta est:  
 Ultro ego deferrem, copia si qua foret.  
 Non possum reticere, Deæ, qua Manlius in re  
 Juerit, aut quantis juerit officiis,  
 Ne fugiens sæclis obliuiscens ætas  
 Illius hoc cæca nocte tegat studium.  
 Sed dicam vobis: vos porro dicite multis  
 Millibus; & facite hæc charta loquatur anus.  
 Omnibus inque locis celebretur fama sepulchri,  
 Notescasque magis mortuus, atque magis:  
 Ne tenuem texens sublimis aranea telam  
 Deserto in Manlii nomine opus faciat:  
 Nam mihi quam dederit duplex Amathusia curam,  
 Scitis, & in quo me torruerit genere:  
 Cum tantum arderem, quantum Trinacria rupes,  
 Lymphaque in Octæis Malia Thermopylis:  
 Mæsta neque adiduo tabescere lumina fletu  
 Cessarent, tristisque imbræ madere gonæ:  
 Qualis in aerii pellucens vertice montis  
 Rivus, muscoso profilit e lapide,  
 Qui cum de prona præceps est valle volutus,  
 Per medium densi transit iter populi,  
 Dulce viatori lasso in sudore levamen,  
 Cum gravis exustos æstus hiulcat agros.  
 Ac velut in nigro jactatis turbine nautis  
 Lenius adspirans aura secunda venit,  
 Jam prece Pollucis, jam Castoris implorata:  
 Tale fuit nobis Manlius auxilium.  
 Is clausum lato patefecit limite campum,  
 Isque domum nobis, isque dedit dominam.  
 Se fert illa domum, & fulgentem in limine plantam  
 Innixa, arguta constituit soles;  
 Conjugis ut quondam flagrans advenit amore,

Prq.

Protesilaeam Laodamia domum  
Acceptam, frustra, nondum cum sanguine sacro  
Hostia cœlestes pacificasset heros.  
Nil mihi tam valde placeat, Rhamnusia virgo,  
Quod temere invitis suscipiatur heris.  
Quam jejuna pium desideret ara cruorem,  
Docta est amisso Laodamia viro;  
Quod scibant Parcæ non longo tempore abesse,  
Si miles muros isset ad Iliacos.  
Nam tum Helenæ raptu primores Argivorum  
Cœperat ad sese Troja ciere viros:  
Troja nefas, commune sepulcrum Europæ, Asiæque,  
Troja virum, & virtutum omnium acerba cinis:  
Quæ nempe & nostro letum miserabile fratri  
Adtulit: hei misero frater adempte mihi;  
Hei misero fratri jucundum lumen ademptum;  
Tecum una tota est nostra sepulta domus.  
Omnia tecum una perierunt gaudia nostra,  
Quæ tuus in vita dulcis aiebat amor.  
Quem nunc tam longe, non inter nota sepulchra,  
Nec prope cognatos compositum cineres,  
Sed Troja obscena, Troja infelice sepultum  
Detinet extremo terra aliena solo.  
Ad quam tum properans fertur unde undique pubes  
Græca, penetrales deseruisse focos,  
Ne Paris abducta gavisus libera sponsa  
Otia pacato degeret in thalamo.  
Quo tibi tum casu, pulcherrima Laodamia,  
Ereptum est vita dulcius, atque anima  
Conjugium; tanto te absorbens vortice amoris  
Æstus in abruptum detulerat barathrum.  
Quale ferunt Græji Peneum prope Cyllenæum  
Siccari emulsa pingue palude solum,  
Quod quondam cæsis montis fodisse medullis  
Audet falsiparens Amphitryoniades:  
Tempore quo certa Stymphalia monstra sagitta  
Perculit, imperio deterioris heri:  
Pluribus ut cœli tereretur janua Divis,



Hebe nec longa virginitate foret.  
 Sed tuus altus amor barathro fuit altior illo.  
 Quod Divum domitum ferre jugum docuit.  
 Nam neque tam carum confecto ætate parenti  
 Una caput feri nata nepotis alit:  
 Qui cum divitiis vix tandem inventus avitis  
 Nomen testatas intulit in tabulas,  
 Impia derisi gentilis gaudia tollens  
 Suscitavit ab cano vulturium capite.  
 Sed tu olim magnos vicisti sola furores,  
 Ut semel es flavo consiliata viro.  
 Hoc tibi, quod potui, confectum carmine munus  
 Pro multis, Manli, redditur officiis:  
 Ne vestrum scabra tangat rubigine nomen  
 Hæc atque illa dies, atque alia atque alia.  
 Huc addent Divi quam plutima, quæ Themis olim  
 Antiquis solita est munera ferre piis.

## JAMBICI TRIMETRI.

### 1. PHASELUM LAUDAT,

*Quo ex Bithynia in lacum Benacum revelus est.*

**P**haselus ille, quem videtis hospites,  
 Ait fuisse navium celerrimus,  
 Neque ullius natantis impetum trabis.  
 Nequisse præterire, sive palmulis  
 Opus foret volare, sive linteo.  
 Et hoc negat minacis Adriatici  
 Negare titus, insulasve Cycladas,  
 Rhodamve nobilem, horridamve Thraciam,  
 Propontida, trucemve Ponticum sinum.  
 Ubi iste post phaselus, antea fuit  
 Comata silva: nam Cytorio in jugo  
 Loquente sæpe sibilum edidit comas.  
 Amastri Pontica, & Cytore buxifer,  
 Tibi hæc fuisse, & esse cognitissima

Ait

Ait phaselus : ultima ex origine  
 Tuo stetisse dicit in cacumine,  
 Tuo imbuisse palmulas in æquore:  
 Et inde tot per impotentia freta  
 Herum tulisse, læva, sive dextera  
 Vocaret aura, sive utrumque Jupiter  
 Simul secundus incidisset in pedem:  
 Neque ulla vota litoralibus Diis  
 Sibi esse facta, quum veniret a mari  
 Novissimo hunc ad usque limpidum lacum,  
 Sed hæc prius fuere: nunc recondita  
 Senet quiete, seque dedicat tibi,  
 Gemelle Castor, & gemelle Castoris.

## 2. HORTORUM DEUS

*Custos pradioli, quæ sibi litantur, viatori exponit.*

Ego hæc, ego arte fabricata rustica,  
 Ego arida, o viator, ecce populus,  
 Agellulum hunc sinistra, tute quem vides,  
 Herique villulam, hortulumque pauperis  
 Tuor, malasque furis arceo manus.  
 Mihi corolla picta vere ponitur:  
 Mihi rubens arista Sole fervido:  
 Mihi virente dulcis uva pampino:  
 Mihique glauca duro oliva frigore.  
 Meis capella delicata pascuis  
 In urbem adulta lacte portat ubera:  
 Meisque pinguis agnus ex ovilibus  
 Gravem domum remittit æte dexteram:  
 Tenerque, matre mugiente, vaccula  
 Deum profundit ante templa sanguinem,  
 Proin viator hunc Deum vereberis,  
 Manumque forsum habebis: hoc tibi expedit.

## 1. AD EGNATIUM SEMPER RIDENTEM.

Egnatius, quod candidos habet dentes,  
 Renidet usquequaque: seu ad rei ventum est  
 Subsellium, cum orator excitat fletum,  
 Renidet ille: seu pii ad rogum filii  
 Lugetur, orba cum flet unicum mater,  
 Renidet ille: quidquid est, ubicumque est;  
 Quodcumque agit, renidet: hunc habet morbum  
 Neque elegantem, ut arbitror, neque urbanum.  
 Quare monendus es mihi, bone Egnati,  
 Si urbanus esses, aut Sabinus, aut Tiburs,  
 Aut porcus UMBER, aut obesus Etruscus,  
 Aut Lanuvinus ater, atque dentatus,  
 Aut Transpadanus, ut meos quoque attingam,  
 Aut quilibet, qui puriter lavit dentes:  
 Tamen renidere usquequaque te nollem:  
 Nam risu inepto res ineptior nulla est.

## 2. AD AGRUM SUUM.

O funde noster, seu Sabine, seu Tiburs,  
 Nam te esse Tiburtem autumant, quibus non est  
 Cordi, Catullum lædere: at quibus cordi est,  
 Quovis Sabinum pignore esse contendunt,  
 Sed seu Sabine, five verius Tiburs,  
 Fui libenter in tua suburbana  
 Villa, malamque pectore expui tussim:  
 Non immerenti quam mihi meus venter,  
 Dum sumptuosas adepto, esse dedit, cœnas.  
 Nam Sextianus dum volo esse conviva,  
 Orationem in Attium petitorum,  
 Plenam veneni, & pestilentiae legit.  
 Hic me gravedo frigida, & frequens tussis  
 Quassavit, usquedum in tuum sinum fugi,  
 Et me procuravi ocimoque, & urtica,  
 Quare refectus maximas tibi grates

Ago, meum quod non es ulta peccatum.  
Nec deprecor jam, si nefaria scripta  
Sexti recepso: quin gravedinem, tussim  
Non mi, sed ipsi Sextio ferat frigus,  
Qui tunc vocat me, cum malum legit librum.

*ANGELICI, VEL PRIAPEI.*

## 1. AD PRIAPUM.

**H**unc lucum tibi dedico, confecroque, Priape.  
Qua domus tua Lampfaci est, quaq; silva Priape  
Nam te præcipue in suis urbibus colit ora  
Hellepontia, cæteris ostreosior oris.

## 2. HORTORUM DEUS.

Hunc ego juvenes locum, villulamque palustrem  
Tectam vimine junceo, caricisque manipulis  
Quercus arida, rustica conformata securi,  
Nutrivi, magis & magis ut beata quotannis.  
Hujus nam domini colunt me, Deumque salutant,  
Pauperis tugurii pater, filiusque:  
Alter assidua colens diligentia, ut herbi  
Dumosa, asperaque a meo sit remota sacello:  
Alter parva ferens manu semper munera larga.  
Florido mihi ponitur picta vere corolla  
Primitu, & tenera virens spica mollis arista:  
Luteæ violæ mihi, luteumque papaver,  
Pallentesque cucurbitæ, & suave olentia mala.  
Uva pampinea rubens educta sub umbra.  
Sanguine hanc etiam mihi sed tacebitis aram  
Barbatus linat hirculus, cornipesque capella.  
Pro quæis omnia honoribus hæc necesse Priapo:  
Præstare, & domini hortulum, vineamque tueri.  
Quare hinc, o pueri, malas abstinete rapinas;  
Vicius prope dives est, negligensque Priapus:  
Inde sumite: semita hæc deinde vos feret ipsa.

CAR.

## CARMEN SÆCULARE.

## AD DIANAM.

**D**ianæ sumus in fide,  
 Puellæ, & pueri integri:  
 Dianam pueri integri,  
 Puellæque canamus.

O Latonia maximi  
 Magna progenies Jovis,  
 Quam mater prope Deliam  
 Deposivit olivam,

Montium domina ut fores,  
 Silvarumque virentium  
 Saltumque reconditorum  
 Anniumque sonantum.

Tu Lucina dolentibus  
 Juno dicta puerperis?  
 Tu potens trivialis, & notho es  
 Dicta lumine luna.

Tu cursu, Dea, menstruo  
 Metiens iter annuum,  
 Rustica agricolæ bonis  
 Tecta frugibus explēs.

Sis quocumque tibi placet  
 Sancta nomine, Romulique,  
 Ancique, ut solita es, bona  
 Sospites ope Gentem.

EPITHALAMION SEU  
 CARMEN NUPTIALE.

Vesper adest, juvenes consurgite: versper Olympo  
 Expectata diu vix tandem lumina tollit.

Surgere jam tempus, jam pingues linquere mensas,  
 Jam veniet virgo, jam dicetur Hymenæus.

Hymen, o Hymenæe Hymen ades, o Hymenæe.

Cæt.

Cœnitis, innuptæ, juvenes? confurgite contra.  
Nimirum æthereos ostendit Noctifer ignes.

Sic certe: viden, ut pernicious exsiluere?

Non temere exsiluere: cavent, quo jure parent se.  
Hymen, o Hymenæe Hymen ades, o Hymenæe.

Non facilis nobis, æquales, palma parata est.  
Adspicite, innuptæ secum ut meditata requirant.  
Non frustra meditantur: habent memorabile quod sic.  
Nos alio mentes, alio divisimus aures.

Jure igitur vincemur: amat victoria curam.

Quare nunc animos saltem committite vestros:

Dicere jam incipient, jam respondere decebit:

Hymen, o Hymenæe Hymen ades, o Hymenæe.

Hespere, qui cœlo fertur crudelior ignis?

Qui natum possis complexu avellere matris,

Complexu matris retinentem avellere natam,

Et juveni ardenti castam donare puellam?

Quid faciant hostes capta crudelius urbe?

Hymen, o Hymenæe Hymen ades, o Hymenæe.

Hespere, qui cœlo lucet jucundior ignis?

Qui desponsa tua firmes connubia flamma?

Quod pepigere viri, pepigerunt ante parentes:

Nec junxere prius, quam se tuus extulit ardor,

Quid datur a Divis felici optatus hora?

Hymen, o Hymenæe Hymen ades, o Hymenæe.

Hesperus e nobis, æquales, abstulit unam.

Namque tuo adventu vigilat custodia semper.

Nocte latent fures, quos idem sæpe revertens,

Hespere, mutato comprehendis nomine eosdem.

At lubet innuptis ficto te carpere questu.

Quid tum si carpunt, tacita quem mente requirunt?

Hymen, o Hymenæe Hymen ades, o Hymenæe.

Ut flos in septis secretus nascitur hortis,

Ignotus pecori, nullo contusus aratro,

Quem mulcent auræ, firmat Sol, educat imber:

Multi illum pueri, multæ optavere puellæ:

Idem cum tenui carptus defloruit ungui,

Nulli illum pueri, nullæ optavere puellæ:




Sic virgo, dum intacta manet, tum cara suis; sed  
 Cum castum amisit polluto corpore florem,  
 Nec pueris jucunda manet, nec cara puellis.  
 Hymen, o Hymenæe Hymen ades, o Hymenæe.

Ut vidua in nudo vitis quæ nascitur arvo,  
 Nunquam se extollit, nunquam mitem educat uvam,  
 Sed tenerum prono deflectens pondere corpus,  
 Jam jam contingit summum radice flagellum,  
 Hanc nulli agricolæ, nulli accolluere juvenci;  
 At si forte eadem est ulmo conjuncta marito,  
 Multi illam agricolæ, multi accolluere juvenci.  
 Sic virgo, dum intacta manet, dum inculta, senescit;  
 Cum par connubium maturo tempore adeptæ est,  
 Cara viro magis, & minus est invisæ parenti.

At tu ne pugna cum tali conjuge virgo;  
 Non æquum est pugnare, pater cui tradidit ipse,  
 Ipse pater cum matre, quibus parere necesse est.  
 Virginitas non tota tua est, ex parte parentum est.  
 Tertia pars matri data, pars data tertia patri,  
 Tertia sola tua est: noli pugnare duobus,  
 Qui genero sua jura simul cum dote dederunt.

Hymen, o Hymenæe Hymen ades, o Hymenæe.





# A L B I I T I B U L L I.

## E L E G I Æ.

### AD MESSALLAM.

*Cum secum in Macedoniam proficiscens morbo correptus Coreyra subsistere cogereetur.*

Bitis Ægeas sine me, Messalla, per undas,  
 O utinam memores ipse, cohorsque mei.  
 Me tenet ignotis ægrum Phæacia terris:  
 Abstineas avidas, mors modo nigra, manus.  
 Abstineas, mors atra, precor: non hic mihi mater,  
 Quæ legat in mœstos ossa perusta sinus:  
 Non soror, Assyrios cineri quæ dedat odores,  
 Et flet effusis ante sepulchra comis:  
 Delira non usquam, quæ, me cum mitteret urbe,  
 Dicitur ante omnes consuluisse Deos.  
 Illa sacras pueri sortes ter sustulit: illi  
 Rettulit e triviis omnia certa puer.  
 Cuncta dabant reditus: tamen est deterrita nunquam,  
 Quin fleret, nostras respiceretque vias.  
 Ipse ego solator, cum jam mandata dedissem,  
 Quærebam tardas anxius usque moras.

Aut



Aut ego sum caussatus aves, aut omina dira,  
 Saturni aut sacram me tenuisse diem.  
 O quoties ingressus iter mihi tristia dixi  
 Offensum in porta signa dedisse pedem?  
 Quid tua nunc Isis tibi, Delia, quid mihi profunt  
 Illa tua toties æra repulsa manu?  
 Nunc, Dea, nunc succurre mihi, nam posse mederi  
 Picta docet templis multa tabella tuis:  
 Ut mea votivas persolvens Delia, noctes  
 Ante sacras lino testa fores sedeat:  
 Bisque die resoluta comas tibi dicere laudes  
 Insignis turba debeat in Pharia.  
 At mihi contingat patrios celebrare Penates,  
 Reddereque antiquo menstrua thura Lari.  
 Quam bene Saturno vivebant Rege, prius quam  
 Tellus in longas est patefacta vias.  
 Nondum cæruleas pinus contempserat undas,  
 Effusum ventis præbueratque sinum:  
 Nec vagus ignotis repetens compendia terris  
 Presserat externa navita merce ratem.  
 Illo non validus subiit iuga tempore taurus:  
 Non domito frenos ore momordit equus:  
 Non domus ulla fores habuit, non fixus in agris;  
 Qui regeret certis finibus arva, lapis.  
 Ipsæ mella dabant quercus, ultroque ferebant  
 Obvia securis ubera lactis oves,  
 Non acies, non ira fuit, non bella, nec enses  
 Immiti sævus duxerat arte faber,  
 Nunc Jove sub domino cædes, & vulnera semper:  
 Nunc mare, nunc leti mille repente viæ.  
 Parce, Pater, timidum non me perjuria terrent,  
 Non dicta in sanctos impia verba Deos.  
 Quod si fatales jam nunc explevimus annos,  
 Fac lapis inscriptis stet super ossa notis:  
*Hic jacet immiti consumptus morte Tibullus,*  
*Messallam terra dum sequiturque mari.*  
 Sed me, nam casto fueriat hæc præmia amanti,  
 Ipsa Venus campos ducet in Elysios.

Hic

Hic choreæ, cantusque vigent, passimque vagantes  
Dulce sonant tenui guttore carmen aves.  
Fert cassiam non culta seges, totosque per agros  
Floret odoratis terra benigna rosis.  
At scelerata jacet sedes in nocte profunda  
Abdita, quam circum flumina nigra sonant:  
Tisiphoneque impexa feros pro crinibus anguea  
Sævit, & huc illuc impia turba fugit.  
Tum niget in porta Serpens, tum Cerberus ore  
Stridet, & æratas excubat ante fores,  
Illic Junonem tentare Ixionis ausi  
Versantur celeri noxia membra rota.  
Porrectusque novem Tityus per jugera terræ  
Addidas atro viscere pascit aves.  
Tantalus est illic, & circum stagna; sed screm  
Jam jam poturi deserit unda sitim:  
Et Danaï proles, Veneris quod numina læsit,  
In cava lethæas do lia portat aquas.  
Illic sit, quicumque meos violavit amores,  
Optavit lentas & mihi militias.  
At tu casta, precor, maneat, sanctique pudoris  
Adsideat custos sedula semper anus.  
Hæc tibi fabellas referat, positaque lucerna.  
Deducat plena stamina longa colo.  
Ac circa gravibus pensis adfixa puella  
Paulatim somno fessa remittat opus.  
Tunc veniam subito, nec quisquam nuntiet ante,  
Sed videar cælo missus adesse tibi.  
Tunc mihi, qualis eris longos turbata capillos  
Obvia festivo, Delia, curre pede.  
Hoc precor: hunc illum nobis aurora nitentem  
Luciferum roseis candida portet equis.

## 2. IN MESSALIÆ NATALEM DIEM.

Hunc cecinere diem Parcæ fatalia nentes  
Stamina, non ulli dissoluenda Deo.  
Hunc fore, Aquitanas posset qui sandere gentes,  
Quem

Quem tremere forti milite victus Atur;  
Evenere: novos pubes Romana triumphos  
Vidit, & evinctos brachia capta Duces.  
At te victrices lauros Messalla gerentem,  
Portabat nitidis currus eburnus equis.  
Non sine me est tibi partus honos, Tarbella Pyrene  
Testis, & Oceani litora Santonici:  
Testis Arar, Rhodanusq; celer, magnusq; Garumna,  
Carnuti & flavi cœrula lympha Tiger.  
An te Cydne canam, tacitis qui leniter undis  
Cœruleus placidis per vada serpis aquis?  
Quantus & æthereo contingens vertice nubes  
Frigidus intonfos Taurus arat Cilicas?  
Quid referam, ut volitet crebras intacta per urbes  
Alba Palæstino sancta columba suo?  
Utque maris vastum prospectet turribus æquor,  
Prima ratem ventis credere docta Tyros?  
Qualis &, arentes cum findit Sirius agros,  
Fertilis æstiva Nilus abundet aqua?  
Nile pater, quam possum te dicere caussa;  
Aut quibus in terris oculavisse caput?  
Te propter nullos tellus tua postulat imbres,  
Arida nec pluvio supplicat herba Jovi:  
Te canit, atque suum pubes miratur Osirim  
Barbara, Memphitem plangere docta bovem.  
Primus aratra manu solerti fecit Osiris,  
Et teneram ferro sollicitavit humum:  
Primus inexpertæ commisit semina terræ;  
Pomaque non notis legit ab arboribus.  
Hic docuit teneram palis adjungere vitem:  
Hic viridem dura cedere falce comam.  
Illi jucundos primum matura saporis  
Expressa incultis uva dedit pedibus.  
Ille liquor docuit voces inflectere cantu,  
Movit & ad certos nescia membra modos.  
Bacchus & agricolæ magno confecta labore  
Pectora tristitiæ dissoluenda dedit.  
Bacchus & afflictis requiem mortalibus adfert,

Cru-

Crura licet dura compede pulsa sonent.  
 Non tibi sunt tristes curæ, nec luctus, Osiri:  
 Sed chorus, & cantus, & levis aptus amor:  
 Sed varii flores, & frons redimita corymbis,  
 Fusa sed ad teneros lutea palla pedes,  
 Et Tyriæ vestes, & dulci tibia cantu,  
 Et levis occultis conscia cista sacris.  
 Huc ades, & centum ludis, Geniumque choreis  
 Concelebra, & multo tempora funde mero:  
 Illius & nitido stillent unguenta capillo  
 Et capite, & collo mollia ferta gerat.  
 Sic venias hodiernæ: tibi dem thuris honores,  
 Liba, & Mopsopio dulcia melle feram.  
 At tibi succrescat proles, quæ facta parentis  
 Augeat, & circa stet venerata senem.  
 Nec taceant monumenta viæ, quæ Tuscula tellus,  
 Candidaque antiquo detinet Alba laræ:  
 Namque opibus congesta tuis hic glareæ dura  
 Sternitur, hic apta jungitur arte silex.  
 Te canet agricola e magna cum venerit urbe  
 Serus, inoffensum retruleritque pedem.  
 At tu, natalis, multos celebrande per annos,  
 Candidior semper, candidiorque veni.

## 3. AMBARVALE SACRIFICIUM.

Quisquis adest, faveat: fruges lustramus, & agros,  
 Ritus ut a prisco traditus extat avo.  
 Bacche veni, dulcisque tuis e cornibus uva  
 Pendeat, & spicis tempora cinge Ceres.  
 Luce sacra requiescat humus, requiescat arator,  
 Et grave suspenso vomere cesset opus.  
 Solvite vincla jugis; nunc ad præsepia debent  
 Plena coronato stare boves capite.  
 Omnia sint operata Deo; non audeat ulla  
 Lanificam pensis imposuisse manum.  
 Casta placent Superis: pura cum veste venite,  
 Et manibus puris sumite fontis aquam.

Cer-

Cernite, fulgentes ut eat facer agnus ad aras,  
 Vinetaque post olea candida turba comas.  
 Dii patrii, purgamus agros, purgamus agrestes,  
 Vos mala de nostris pellite limitibus:  
 Neu seges eludat messem fallacibus herbis,  
 Neu timeat celeres tardior agna lupos.  
 Tunc nitidus plenis confusus rusticus areis  
 Ingerat ardenti grandia ligna foco;  
 Turbaque vernarum saturi bona signa coloni  
 Ludet, & ex virgis exstruet arte casas;  
 Eventura precor; viden, ut felicibus extis:  
 Significet placidos nuntia fibra Deos?  
 Nunc mihi fumosum veteris proferte Falernum  
 Consulis, & Chio solvite vincla cado.  
 Vina diem celebrent; non festa luce madere,  
 Est rubor, errantes & male ferre pedes.  
 Sed bene Messallam sua quisque ad pocula dicat,  
 Nomen & absentis singula verba sonent.  
 Gentis Aquitanæ celeberrima triumphis,  
 Et magna intonsis gloria victor avis,  
 Huc ades, adspiraque mihi, dum carmine nostro  
 Redditur agricolis gratia cœlitibus.  
 Rura cano, rurisque Deos: his vita magistris  
 Destituit querna pellere glande famem.  
 Illi compositis primum docuere tigillis  
 Exiguam viridi fronde operire domum.  
 Illi etiam tauros primum docuisse feruntur  
 Servitium, & plastro supposuisse rotam.  
 Tunc victus abiire feri, tunc consista pomus,  
 Tunc bibit irriguas fertilis hortus aquas.  
 Aurea tunc pressos pedibus dedit uva liquores,  
 Mixtaque securo est sobria lympha mero.  
 Rura ferunt messes, calidi cum sideris æstu  
 Deponit flavas annua terra comas.  
 Rura levis verno flores apis ingerit alveo,  
 Compleat ut dulci sedula melle favos.  
 Agricola assiduo primum satiat aratro  
 Cantavit certo rustica verba pede;

Et

Et satur arenti primum est modulatus avena  
 Carmen, ut ornatos duceret ante Deos.  
 Agricola & minio suffusus, Bacche, rubenti  
 Primus inexperta duxit ab arte choros:  
 Huic datus a pleno memorabile munus ovili  
 Dux pecoris hircus: duxerat hircus oves.  
 Rure puer verno primum de flore coronam  
 Fecit, & antiquis imposuit Laribus.  
 Rure etiam teneris curam exhibitura puellis  
 Molle gerit tergo lucida vellus ovis.  
 Hinc & femineus labor est, hinc pensa, colasque,  
 Fusus, & adposito pollice versat opus.  
 Atque aliqua assidue textrix operata Minervam  
 Cantat, & adpulso tela sonant latere.  
 Ipse quoque inter agros, interque armenta Cupido  
 Natus, & indomitas dicitur inter equas.  
 Illic indocto primum se exercuit arcu:  
 Hei mihi quam doctas nunc habet ille manus!  
 Sancte, veni dapibus festis, sed pone sagittas,  
 Et procul ardentes hinc procul abde faces.  
 Vos celebrem cantate Deum, pecorique vocate  
 Voce: palam pecori, clam sibi quisque vocet;  
 Aut etiam sibi quisque palam, nam turba jocosa  
 Obstrepit, & Phrygio tibia curva sono.  
 Ludite: jam nox jungit equos, currumque, sequuntur  
 Matris lascivo sidera fulva choro:  
 Postque venit tacitus fulvis circumdatus alis  
 Somnus, & incerto somnia nigra pede.

4.

## SOMNIUM.

Di meliora ferant, nec sint insomnia vera,  
 Quæ tulit extrema proxima nocte quies.  
 Ite procul, vanum, falsumque avertite visum:  
 Desinite in vobis querere velle fidem.  
 Divi vera monent: venturæ nuntia fortis  
 Vera monent Thuscis exta probata viris,  
 Somnia fallaci ludunt temeraria nocte,

Et

Et pavidas mentes falsa timere jubent.  
Et vanum ventura hominum genus omina noctis  
Farre pio placant, & saliente sale.  
Et tamen, utrumque est, siue illi vera moneri,  
Mendaci somno credere siue volent:  
Efficiat vanos noctis Lucina timores,  
Et frustra immeritum pertimuisse velit:  
Si mea nec turpi mens est obnoxia facto,  
Nec læsit magnos impia lingua Deos.  
Jam nox æthereum nigris emensa quadrigis  
Mundum, cæruleo laverat amne rotas.  
Nec me sopierat menti Deus utilis ægræ  
Somnus: sollicitas deficit ante domos.  
Tandem cum summo Phœbus prospexit ab orta,  
Pressit languentis lumina sera quies.  
Hic juvenis casta redimitus tempora lauro  
Est visus, nostra ponere sede pedem.  
Non illò quidquam formosius ulla priorum  
Ætas, humanum nec videt illud opus.  
Intonsi crines longa cervice fluebant:  
Stillabat Tyrio myrtea rore coma.  
Candor erat, qualem præfert Latonia Luna,  
Et color in niveo corpore purpureus:  
Ut juveni primum virgo deducta marito  
Inficitur teneras ore rubente genas:  
Ut cum contextunt amaranthis alba puellæ  
Lilia: ut autumno candida mala rubent.  
Ima videbatur talis illudere palla:  
Namque hæc in nitido corpore vestis erat.  
Artis opus raræ fulgens testudine, & auro  
Pendebat læva garrula parte lyra.  
Hanc primum veniens plectro modatus eburno  
Felices cantus ore sonante dedit.  
Sed postquam fuerant digiti cum voce locuti,  
Edidit hæc tristi dulcia verba modo:  
Salve cura Deum, casto nam rite poetæ  
Phœbusque, & Bacchus, Pieridesque favent:  
Sed proles Semelæ Bacchus, doctæque sorores  
Dice.

Dicere non norunt, quid ferat hora sequens.  
At mihi fatorum leges, ævique futuri  
Eventura pater posse videre dedit.  
Quare, ego quæ dico non fallax, accipe, vates;  
Quodque Deus vero Cynthus ore ferat.  
Tantum cara tibi, quantum nec filia matri,  
Quantum nec timido casta puella viro:  
Pro qua sollicitas cœlestia numina votis:  
Quæ tibi securos non finit ire dies:  
Et cum te fuscæ somnus velavit amictu,  
Vanum nocturnis fallit imaginibus:  
Carminibus celebrata tuis formosa Nexra  
Alterius mavult esse puella viri;  
Diversasque suas agitat mens impia curas,  
Nec gaudet casta nupta Nexra domo.  
Ah crudele genus; nec fidum scœmina nomen;  
Ah pereat, didicit fallere si qua virum.  
Sed flecti poterit; mens est mutabilis illis:  
Tu modo cum multa brachia tende fide.  
Improba spes docuit validos tentare labores:  
Improba spes docuit verbera sæva pati.  
Me quondam Admeti niveas pavisse juventas,  
Non est in vanum fabula ficta jocum.  
Tunc ego nec citharæ poteram gaudere sonora,  
Nec similes chordis reddere voce sonos:  
Sed perlucenti cantus meditabar avena,  
Ille ego Latonæ filius, atque Jovis.  
Ergo ne dubita blandas adhibere querelas:  
Vincuntur molli pectora dura prece  
Quod si vera canunt sacris oracula templis,  
Hæc illi nostro nomine dicta refer:  
Hoc tibi conjugium promittit Delius ipse  
Felix, ac alium desine velle virum.  
Dixit, & ignavus defluxit pectore somnus.  
Ah ego ne possim tanta videre mala!  
Nec tibi crediderim votis contraria vota,  
Nec tantum crimen pectori inesse tuo.  
Nam te nec vasti genuerunt æquora ponti,



Nec flammam volvens ore Chimæra fero:  
 Nec canis anguinea redimitus terga cæterva,  
 Cui tres sunt linguæ, tergeminumque caput:  
 Scyllaque virgineam canibus succincta figuram:  
 Nec te conceptam sæva læna tulit:  
 Barbara nec Scythiæ tellus, horrendave Syrtis:  
 Sed culta, & duris non habitanda domus:  
 Et longe ante alias omnes mitissima mater,  
 Isque pater, quo non alter amabilior.  
 Hæc Deus in melius crudelia somnia vertat,  
 Et jubeat tepidos irrita ferre Notos.

# 5. AD LIBERUM PATREM.

Candide Liber ades, sic sit tibi mystica vitis  
 Semper: sic hedera tempora victa feras.  
 Aufer & ipse meum pariter medicando dolorem:  
 Sæpe tuo cessit munere victus amor.  
 Care puer, madeant generoso pocula Baccho,  
 Et nobis prona funde Falerna manu.  
 Ite procul durum curæ genus, ite labores;  
 Fulserit hic niveis Delius alitibus.  
 Vos modo proposito dulces faveatis amici,  
 Neve neget quisquam, me duce, se comitem.  
 Aut si quis vini certamen mite recuset,  
 Fallat eum testo sæpe puella dolo.  
 Ille facit vires animos Deus, ille ferocem  
 Contudit, & dominæ misit in arbitrium.  
 Armenias tigres, & fulvas ille lænas  
 Vicit, & indomitis mollia corda dedit.  
 Hæc ipse, & majora valet. Sed poscite Bacchi  
 Munera: quem vestrum pocula sicca juvant?  
 Convenit ex æquo, nec torvus Liber in illos,  
 Qui se, quique una vina jocosa colunt.  
 Jam venit iratus nimium, nimiumque severus,  
 Qui timet irati numina magna, bibat.  
 Quales his pœnas, qualis, quantusque minetur,  
 Cadinæ matris præda cruenta docet.

Sed

Sed procul a nobis hic sit timor: illaque, si qua est;  
Quid valeat læsi sentiat ira Dei.  
Quid precor, ah demens! venti temeraria vota;  
Aeris & nubes diripienda ferant.  
Quamvis nulla mei superest tibi cura, Neera:  
Sis felix, & sint candida fata tua.  
At nos securæ reddamus tempora mensæ:  
Venit post multas una serena dies.

## AD PHOEBUM

*Pro Sulpicia agrotante.*

Huc ades, & teneræ morbos expelle puellæ;  
Huc ades, intonsa Phœbe superbe coma.  
Crede mihi propera, nec te jam, Phœbe, pigebit  
Sulpiciæ medicas adplicuisse manus.  
Effice, ne macies pallentes occupet artus,  
Neu notet informis pallida membra color.  
Et quodcumque mali est, & quidquid triste timemus,  
In pelagus rapidis evehat amnis aquis.  
Sancte, veni, tecumque feras quicumque sopores,  
Quicumque & cantus corpora fessa levant.  
Neu Sponsum torque, metuit qui fata puellæ,  
Votaque pro domina vix numeranda facit.  
Interdum vovet: interdum, quod langueat illa;  
Dicit in æternos aspera verba Deos.  
Phœbe, fave: laus magna tibi tribuetur, in uno  
Corpore servato, restituisse duos.  
Jam celebrer, jam lætus eris, cum debita reddet  
Certatim sanctis lætus uterque focus.  
Tunc te felicem dicet pia turba Deorum:  
Optabant artes & sibi quisque tuas.

# SEXTI AURELII PROPERTII.

## ELEGIÆ:

### I. AD CALLIMACUM, ET PHILETEN

*Græcos Elegiarum Scriptores.*

**C**Allimachi manes, & Coi sacra Philetæ,  
In vestrum, quæso, me finite ire nemus.  
Primus ego ingredior puro de fonte sacerdos  
Itala per Grajos orgia ferre choros.  
Dicite, quo pariter carmen tenuistis in antro,  
Quove pede ingressi, quamve bibistis aquam.  
Ah valeat, Phœbum quicumque moratur in armis.  
Exactus tenui pumice versus eat,  
Quo me fama levat terra sublimis; & a me  
Nata coronatis Musa triumphat equis;  
Et mecum in curru parvi vectantur amores,  
Scriptorumque meas turba secuta rotas.  
Quid frustra missis in me certatis habenis?  
Non datur ad Musas currere lata via.  
Multi, Roma, tuas laudes annalibus addent,  
Qui finem imperii Bæstra futura capent.  
Sed quod pace legas, opus hoc de monte Sororum  
Detulit intacta pagina nostra via.  
Mollis, Pegasides, vestro date fersa poetæ:

Non

Non faciet capiti dura corona meo.  
 At mihi quod vivo detraxerit invida turba,  
 Post obitum duplici sœnore reddet honos.  
 Omnia post obitum fingit majora vetustas:  
 Majus ab exsequiis nomen in ora venit.  
 Nam quis equo pulsas abiegnos nosceret arces?  
 Fluminaque Hæmonio comminus ille viro?  
 Idæum Simoenta Jovis cunabula parvi?  
 Hæstora per campos ter maculasse rotas?  
 Deiphobumq; , Helenumq; , & Polydàmanta sub armis?  
 Qualemcumque Parim vix sua nosset humus.  
 Exiguo sermone fores nunc, Ilion, & tu  
 Troja bis Oetæi numine capta Dei:  
 Nec non ille tui casus memorator Homerus  
 Posteritate suum crescere sensit opus.  
 Meque inter seros laudabit Roma nepotes,  
 Illum post cineres auguror esse diem.  
 Ne mea contempto lapis indicet ossa sepulchro.  
 Provisum est, Lycio vota probante Deo.

## 2. DE CARMINUM VI, ET PERENNITATE.

Orphea detinuisse feras, & concita dicunt  
 Flumina Threicia sustinuisse lyra.  
 Saxa Cithæronis Thebas agitata per artem  
 Sponte sua in muti membra coisse ferunt.  
 Quin etiam, Polypheme, fera Galatea sub Ætæa  
 Ad tua rorantes carmina flexit equos.  
 Miremur, nobis & Baccho, & Apolline dextro,  
 Turba puellarum si mea verba colit?  
 Quod non Tænariis domus est mihi fulta columnis,  
 Nec camera auratas inter eburna trabes,  
 Nec mea Phæaciis æquant pomaria silvas,  
 Non operosa rigat Martius antra liquor.  
 At Musæ comites, & carmina cara legeuti,  
 Et defessa choris Calliopea meis.  
 Fortunate meis quisquis celebrabere chartis,  
 Carmina virtutis sunt monumenta tuæ.

Nam neque Pyramidum sumptus ad sidera ducti,  
 Nec Jovis Elæi cœlum imitata domus:  
 Nec Mausolei dives fortuna sepulchri  
 Mortis ab extrema conditione vacat.  
 Aut illis flamma, aut imber subducat honores,  
 Annorum aut ictu pondera victa ruent.  
 At non ingenio quæsitum nomen ab ævo  
 Excidet. Ingenio stat sine morte decus.

### 3. DE AUGUSTI VICTORIIS.

Sed tempus lustrare aliis Heliconæ choreis,  
 Et campum Hæmonio jam dare tempus equo:  
 Jam libet & fortes memorare ad prælia turmas,  
 Et Romana mei dicere castra Ducis.  
 Quod si deficient vires, audacia certe  
 Laus erit. In magnis & voluisse fati est.  
 Nunc volo subducto gravior procedere vultu:  
 Nunc aliam citharam me mea Musa docet.  
 Surge, anima, ex humili jam carmine: sumite vires.  
 Pierides: magni nunc erit oris opus,  
 Jam negat Euphrates equites post terga tueri.  
 Parthorum, & Crassos se tenuisse dolet.  
 India quin, Auguste, tuo dat colla triumpho:  
 Et domus intactæ te tremat Arabiæ.  
 Et si qua extremis tellus se subtrahit oris,  
 Sentiet illa tuas postmodo capta manus.  
 Hæc ego castra sequar, vates, tua castra canendo.  
 Magnus ero: servant hunc mihi fata diem.  
 Ut caput in magnis ubi non est tangere signis.  
 Ponitur hic imos ante coronæ pedes.  
 Sic nos, nunc inopes laudis conscendere carmen,  
 Pauperibus sacris vilia thura damus.  
 Nondum etiam Aferæ nos norunt mea carmina fontes:  
 Sed modo Permessi flumine lavit amor.

4. DE EJUSDEM IN ORIENTEM  
EXPEDITIONE.

Arma Deus Cæsar dices meditatur ad Indos,  
 Et freta gemmiferi findere classe maris.  
 Magna viri merces, parat ultima terra triumphos,  
 Tigris, & Euphrates sub tua jura fluent.  
 Sera sub Aufoniis veniet provincia virgis:  
 Adfuescent Latio Partha trophæa Jovi.  
 Ite, agite expertæ bello date lintea proræ,  
 Et solitum armigeri ducite munus equi.  
 Omnia fausta cano, Crassos, cladesque piate:  
 Ite, & Romanæ consulite historiar.  
 Mars pater, & sacræ fatalia lumina Vestæ;  
 Ante meos obitus sit, precor, illa dies,  
 Qua videam spoliis onerato Cæsaris axe  
 Ad vulgi plausus sæpe resistere equos;  
 Tela fugacis equi, & brachii militis arcus,  
 Et subter captos arma sedere Duces.  
 Ipsa tuam prolem serva Venus: hoc sit in ævum,  
 Cernis ab Ænea quod superesse, caput.  
 Præda sit hæc illis, quorum meruere labores:  
 Mi sat erit, Sacra plaudere posse via.  
 Pacis Amor Deus est, pacem veneramur amantes:  
 Stant mihi cum Domina prælia dura mea:  
 Nec tamen inviso pectus mihi carpitur auro,  
 Nec bibit e gemma divite nostra sitis:  
 Nec mihi mille jugis Campania pinguis aratur,  
 Nec miser æra peto classe, Corinthe, tua.  
 O prima infelix fingenti terra Prometheo!  
 Ille parum cauti pectoris egit opus.  
 Corpora disponens mentem non vidit in arte;  
 Recta animi primum debuit esse via.  
 Nunc maris in tantum ventis jactamur, & hostem  
 Quærimus, atque armis nequimus arma nova.  
 Haud ullas portabis opes Acherontis ad undas:  
 Nudus ab inferna, stulte, vehere rate.

Victor cum victis pariter miscebitur umbris:

Consule cum Mario, capte Jugurtha, sedes.  
Lydus Dulichio non distat Crœsus ab Iro.

Optima mors, parca quæ venit apta die.

Me juvat in prima coluisse Heliconæ juventa,

Musarumque choris implicuisse manus,

Me juvat & multo mentem vincere Lyæo,

Et caput in verna semper habere rosa.

Atque jocos ubi jam gravis interceperit ætas,

Sparserit integras alba senectæ comas:

Tum mihi Naturæ libeat perdiscere mores:

Quis Deus hanc mundi temperet arte domum?

Qua venit exoriens, qua deficit, unde coactis

Cornibus in plenum menstrua Luna redit:

Unde salo superant venti: quid flamine captet

Eurus, & in nubes unde perennis aqua:

Sit ventura dies, mundi quæ subruat arces:

Purpureus pluvias cur bibat arcus aquas:

Aut cur Perrhebi tremuere cacumina Pindi,

Solis & auratis luxerit orbis equis:

Cur segnis versare boves, & plaustra Bootes:

Pleiadum spisso cur coit igne chorus:

Curve suos fines altum non exeat æquor,

Plenus & in partes quatuor annus eat.

Sub terris sint jura Deum, & tormenta Gigantum:

Tisiphones atro si furit angue caput:

Aut Alemæoniæ furis, aut jejunia Phinei:

Num rota, num scopuli, num sitis inter aquas:

Num tribus infernum custodit faucibus antrum

Cerberus, & Tityo jugera pauca novem:

An ficta in miseras descendit fabula gentes,

Et timor haud ultra, quam rogus, esse potest.

Exitus hic vitæ superest mihi: vos, quibus arma

Grata magis, Crassi signa referte domum.

## 5. DE URBE ROMA.

Hoc quodcumque vides, hospes, quam maxima  
Roma est.

Ante Phrygem Æneam collis, & herba fuit.

Atque ubi navali stant sacra palatia Phœbo,

Evandri profugæ procubuerunt boves,

Fictilibus crevere Deis hæc aurea templa,

Non fuit opprobrium facta sine arte casa,

Tarpeiusque pater nuda de rupe tonabat,

Et Tiberis nostris advena bobus erat.

Quo gradibus domus ista Remi se sustulit, olim

Unus erat fratrum maxima regna focus.

Curia, prætexto quæ nunc nitet alta Senatu,

Pellitos habuit rustica corda patres.

Buccina cogebat priscos ad verba Quirites;

Centum illi in prato sæpe Senatus erat.

Nec sinuosa cavo pendebant vela theatro,

Pulpita solemnes non oluere crocos.

Nulli cura fuit externos quærere Divos;

Cum tremere patrio pendula turba sacro.

Annuaque accenso celebrare Palilia sæno,

Qualia nunc curto lustra novantur equo.

Vesta coronatis pauper gaudebat asellis;

Ducebant mæcræ vilia sacra boves.

Parva saginati lustrabant compita porci,

Pastor & ad calamos exta litabat ovis.

Verbera pellitus setosa movebat arator,

Unde Licens Fabius sacra Lupercus habet.

Nec rudis infestis miles radiabat in armis:

Miscebant ulla prælia nuda fude.

Prima galeritus posuit prætoria Lucmo:

Magnaue pars Tatio rerum erat inter oves.

Hinc Taties, Ramnesque viri, Luceresque coloni;

Quatuor hinc albos Romulus egit equos.

Quippe suburbanæ parva minus urbe Bovillæ,

Et qui nunc nulli, maxima turba Gabii;



Et stetit Alba potens albæ suis omine nata,  
 Hac, ubi Fidenas longe erat ire, via.  
 Nil patrium nisi nomen habet Romanus alumnus.  
 Sanguinis altricem nunc pudet esse lupam.  
 Huc melius profugos misisti Troja Penates:  
 O quali vecta est Dardana puppis ave!  
 Jam bene spondebant tunc omnia, quod nihil illam  
 Læserat abiegni venter apertus equi,  
 Cum pater in nati tremulus cervice pependit,  
 Et verita est humeros urere flamma pios.  
 Tunc animi venere Decii, Brutique secures,  
 Vexit & ipsa sui Cæsaris arma Venus.  
 Arma resurgentis portans victricia Trojæ,  
 Felix terra tuos cepit, Sule, Deos.  
 Si modo Avernalis tremulæ cortina Sibyllæ  
 Dixit Ave ntino rura pianda Remo:  
 Aut si Porgameæ sero rata carmina vatis  
 Longævum ad Priami vera fuere caput.  
 Vertite equum Danaï, male vincitis. Ilia tellus  
 Vincet, & huic cineri Jupiter arma dabit.  
 Optima nutricum nostris, Lupa Martia, rebus,  
 Qualia creverunt mœnia lacte tuo.  
 Mœnia namque pio conor disponere versu:  
 Hei mihi quod nostro est parvus in ore sonus.  
 Sed tamen exiguo quodcumque e pectore rivi  
 Fluxerit, hoc patriæ ferviat omne meæ.  
 Ennius hirsuta cingat sua dicta corona:  
 Mi folia ex hedera porrige, Bacche, tua,  
 Ut nostris tumefacta superbiat Umbria libris;  
 Umbria Romani patria Callimachi.  
 Scandentes si quis cernet de vallibus arces,  
 Ingenio muros æstimet ille meo.  
 Roma save, tibi surgit opus: date candida, cives,  
 Omina, & inceptis dextera cantet avis.  
 Sacra, diesque canam, & cognomina prisca locorum:  
 Has meus ad metas sudet oportet equus.

6.

## VERTUMNUS.

Quid mirare meas tot in uno corpore formas?

Accipe Vertumni signa paterna Dei.

Thuscus ego, & Thuscis orior: nec pœnitet inter  
Prælia Volfinios deferuisse focos.

Hæc me turba juvat, nec templo lætor eburno:

Romanum satis est posse videre forum.

Hæc quondam Tiberinus iter faciebat; & ajunt

Remorum auditos per vada pulsa sonos.

At postquam ille suis tantum concessit aluminis,

Vertumnus verso dicor ab amne Deus.

Seu quia vertentis fructum percipimus anni,

Vertumni rursus credidit esse sacrum,

Prima mihi variat liventibus uva racemis,

Et coma lætenti spicea fruge tumet.

Hic dulces cerasos, hic autumnalia pruna

Cernis, & æstivo mora rubere die.

Insitor hic solvit pomosa vota corona,

Cum prius invito stipite mala tulit.

Mendax fama nocēs, alius mihi nominis index

De se narranti tu modo crede Deo.

Opportuna mea est cunctis natura figuris:

In quamcumque voles verte, decorus ero.

Indue me Cois, siam non dura puellas;

Atque virum sumpta quis neget esse toga?

Da falcem, & torro frontem mihi comprime scæno:

Jurabis nostra gramina secta manu.

Arma tuli quondam, & ( memini ) laudabar in illis:

Corbis at imposito pondere messor eram.

Sobrius ad lites; at cum est imposita corona,

Clamabis capiti vina subisse meo.

Cinge caput mitra, speciem furabor Iacchi!

Furabor Phœbi, si modo plectra dabis.

Cassibus impositis venor: sed arundine sumpta

Favus plumoso sum Deus aucupio.

Est etiam aurigæ species Vertumnus, & ejus,

Trajicit alterno qui leve pondus equo.  
 Suppetat hoc, pisces calamo prædabor, & ibo  
 Mundus demissis institor in tunicis.  
 Pastorem ad baculum possum curare, vel idem  
 Sirpiculis medio pulvere ferre rosam.  
 Nam quid ego adjiciam, de quo mihi maxima fama est,  
 Hortorum in manibus dona probata meis?  
 Czruleus cucumis, tumidoque cucurbita ventre  
 Me notat, & junco brastica vineta, levi.  
 Nec flos ullus hiat pratis, quin ille decenter  
 Impositum fronti langueat ante meæ.  
 At mihi, quod formas unus vertebat in omnes,  
 Nomen ab eventu patria lingua dedit.  
 At tu, Roma, meis tribuisti præmia Thuscis,  
 Unde hodie vicus nomina Thuscus habet.  
 Tempore, quo lociis venit Lycomedius armis,  
 Atque Sabina feri contudit arma Tati.  
 Vidi ego labentes acies, & tela caduca,  
 Atque hostes turpi torga dedisse fugæ.  
 Sed facias, Divum sator, ut Romana per ævum  
 Transeat ante meos turba togata pedes.  
 Sex superant versus: te, qui ad vadimonia curris,  
 Non moror: hæc spatii ultima meta meis.  
 Stipes acernus eram properanti, falce dolatus,  
 Ante Numam grata pauper in urbe Deus.  
 At tibi, Mamuri: formæ cælator ahenæ,  
 Tellus artifices ne terat Osca manus:  
 Qui me tam dociles posuisti fundere in usus.  
 Unum opus est: operi non datur unus, honos.

### 7. DE PRÆLIO ACTIACO.

Sacra facit vates: sint ora faventia sacris,  
 Et cadat ante meos icæta juvenca focos.  
 Cera Philetæis certet Romana corymbis,  
 Et Cyrenæas urna ministret aquas.  
 Costum molle date, & blandi mihi thuris honores,  
 Terque focum circa laneus orbis eat.

Spas-

Spargite me lymphis, carmenque recentibus atia  
Tibia Mydoniis libet eburna Cadis.  
Ite procul fraudes, alio sint aere noxæ:  
Pura novum vati laurea mollit iter.  
Musa, Palatini referamus Apollinis ædem:  
Res est, Calliope, digna favore tuo.  
Cæsaris in nomen ducuntur carmina: Cæsar  
Dum canitur, quæso, Jupiter, ipse vaces,  
Et Phœbi fugiens Athamana ad litora portus,  
Qua sinus Ionæ murmura condit aquæ,  
Actia Julæ pelagus monumenta carinæ,  
Nautarum votis non operosa via.  
Huc mundi coiere manus: stetit æquore moles  
Pinca, nec remis æqua favebat avis.  
Altera classis erat Teucro damnata Quirino,  
Pilaque feminea turpiter apta manu.  
Hinc augusta ratis plenis Jovis omine velis,  
Signaque jam patriæ vincere docta suæ.  
Tandem acies geminos Nereus lunarat in arcus,  
Armorum & radiis picta tremebat aqua:  
Cum Phæbus linquens stantem, se vindice, Delon  
( Nam tulit iratos mobilis unda Notos )  
Adstitit Augusti puppim super, & nova flamma  
Luxit in obliquam ter sinuata facem.  
Non ille adtulerat crines in colla solutos,  
Aut testudineæ carmen inerm lyræ.  
Sed qualis adspexit Pelopejum Agamemnona vultus,  
Egessitque avidis Dorica castra rogis:  
Aut qualis flexos solvit Pythona per orbem  
Serpentem, imbelles quem timuere lyræ.  
Mox ait: O longa mundi servator ab Alba  
Auguste, Hæcoreis cognite major avis:  
Vince mari: jam terra tua est: tibi militat arcus,  
Et favet ex humeris hoc onus omne meis.  
Solve metu patriam, quæ te nunc vindice freta  
Imposuit proræ publica vota tuæ.  
Quam nisi defendes, murorum Romulus augur  
Ire Palatinæ non bene vidit aves.

Et nimium remis audent, proh turpe! Latinis,  
 Principe te, fluctus regia vela pati.  
 Nec te, quod classis centenis remiget alis,  
 Terreat! invito labitur illa mari.  
 Quodque vehunt proræ Centaurica saxa minantes,  
 Tigna cava, & pictos experiare metus.  
 Frangit, & attollit vires in milite caussa;  
 Quæ nisi iusta subest, excutit arma pudor.  
 Tempus adest: committe rates: ego temporis auctor  
 Ducam laurigera Julia rostra manu.  
 Dixerat, & pharetræ pondus consumit in arcus.  
 Proxima post arcus Cæsaris hasta fuit.  
 Vincit Roma fide Phœbi: dat femina pœnas:  
 Sceptra per Ionias fracta vehuntur aquas.  
 At pater Idalio miratus Cæsar ab astro,  
 Sum Deus, & nostri sanguinis ista fides.  
 Prosequitur cantu Triton, omnesque marinæ:  
 Plauserunt circa libera signa Deæ.  
 Illa petit Nilum cymba male nixa fugaci,  
 Hoc unum, jussio non moritura die.  
 Dii melius: quantus mulier foret una triumphus,  
 Ductus erat per quas ante Jugurtha vias.  
 Actius hinc traxit Phœbus monumenta, quod ejus.  
 Una decem vicit missa sagitta rates.  
 Bella satis cecini: citharam jam poscit Apollo.  
 Victor; & ad placidos exiit arma choros.  
 Candida nunc molli subeat convivia lupo,  
 Blanditæque fluant per mea colla rosæ;  
 Vinaque fundantur prælis elisa Falernis,  
 Terque laveat nostras spica Cilissa comas.  
 Ingenium potis irritat Musa poetis.  
 Bacche, soles Phœbo fertilis esse tuo.  
 Ille paludosos memoret servire Sicambros:  
 Cepheam hic Meroen, fuscaque regna canat.  
 Hic referat sero confellum fridere Parthum;  
 Reddat signa Remi, mox dabit ipse sua.  
 Sive aliquid pharetris Augustus parcat Eois.  
 Diserat in pueros ista trophæa suos.

Gaude, Crasse, nigras si quid sapias inter arenas,  
 Ire per Euphratem ad tua busta licet..  
 Sic noctem patera, sic ducam carmine, donec  
 Injiciat radios in mea vina dies..

# CORNELIA,

*Jam Vita funesta ad Virum suum E. Æmilium  
 Paulum Censorem Epistolam hanc conscribere  
 fingitur..*

**D**esine, Paulle, meum lacrymis urgere sepulchrum;  
 Panditur ad nullas janua nigra preces.  
 Cum semel infernas intrarunt funera leges,  
 Non exorato stant adamante viæ.  
 Te licet orantem fuscæ Deus audiat aulæ,  
 Nèmpè tuas lacrymas litora surda bibent..  
 Vota movent Superos: ubi portitor æra recepit,  
 Obserat herbosos lurida porta rogos..  
 Sic mœstæ cecinere tubæ, cum subdita nostrum  
 Detraheret lecto sax inimica caput..  
 Quid mihi conjugium Paulli, quid currus avorum  
 Profuit, aut famæ pignora tanta meæ?  
 Num minus immites habui Cornelia Parcas?  
 En sum, quod digitis quinque levatur, onus:  
 Damnatæ noctes, & vos vada lenta paludes,  
 Et quæcumque meos implicat unda pedes,  
 Inmatura licet, tamen huc non noxia veni..  
 Det Pater hic umbræ mollia jura meæ..  
 Aut si quis posita judex sedet Æacus urna,  
 In mea sortita judicet ossa pilæ..  
 Adsideant fratres, juxta Minoida sellam  
 Eumenidum intento turba severa foro.  
 Sisyphæ, mole vaces: taceant Ixionis orbes:  
 Fallax Tântaleon corripere liquor:  
 Cerberus & nullas hodie petat improbus umbras,  
 Et jaceat tacita lapsa catena fera..  
 Ipsa loquor pro me: si falso, pœna sororum

Infelix humeros urgeat urna meos.

Si cui fama fuit per avita decora trophæi,

Afra Numantinos regna loquuntur avos.

Altera maternos exæquat turba Libones,

Et domus est titulis utraque fulta suis.

Mox ubi jam facibus cessit prætexa maritis,

Vinxit & acceptas altera vitta comas:

Jungor, Paulle, tuo sic discessura cubili:

In lapide hoc uni nupta fuisse legat.

Testor majorum cineres tibi, Roma, colendos,

Sub quorum titulis Africa tonsa jaces:

Et Persen proavi simulantem pectus Achillis,

Quique tuas proavus fregit. Achille, domos:

Me neque censuræ legem moluisse, nec ulla

Labe mea nostros erubuisse focos.

Non erat exuviis tantis Cornelia damnum:

Quin & erat magnæ pars imitanda domus.

Nec mea mutata est ætas: sine crimine tota est:

Viximus inignes inter atramque facem,

Mi natura dedit leges a sanguine doctas,

Nec possim melior judicis esse meta.

Quælibet austeras de me terat urna tabellas,

Turpior adfensu non erit ulla meo.

Vel tu, quæ tardam movisti fune Cybellen,

Claudia turritæ rara ministra Deæ:

Vel cui commissos cum Vesta reposceret ignes,

Exhibuit vivos carbasus alba focos,

Nec te dulce caput, mater Scribonia, læsi.

In me mutatum quid, nisi fata, velis?

Maternis laudor lacrymis, urbisque querelis,

Defleta & gemitu Cæsaris ossa mea.

Ille sua nata dignam vixisse sororem

Increpat, & lacrimas vidimus ire Deo.

Et tamen emerui generosos vestis honores.

Nec mea de sterili facta rapina domo.

Te Lepide, & te, Paulle, meum post fata levamen,

Condita sunt vestro lumina nostra sinu.

Vidimus & fratrem sellam geminasse Curulem,

Con:

Consule quo facto tempore rapta soror:  
Filia? tu speciem censuræ nacta paternæ,  
Fac teneas unum nos imitata virum.  
Et serie fulcite genus: mihi cymba volenti  
Solvitur, aucturis tot mea fata malis.  
Hæc est feminei merces extrema triumphî,  
Laudat ubi emeritum libera fama rogum.  
Et bene habet; numquam mater lugubria sumpsi,  
Venit in exsequias tota caterva meas.  
Nunc tibi commendo communia pignora natos,  
Hæc cura & cineri spirat inusta meo.  
Fungere maternis vicibus, pater: illa meorum  
Omnis erit collo turba ferenda tuo.  
Oscula cum dederis tua flentibus, adjice matris:  
Tota domus cœpit nunc onus esse tuum.  
Et si quid doliturus eris, sine testibus illis;  
Cum venient, siccis oscula falle genis.  
Sat tibi sint noctes, quas de me, Paulle, fatiges:  
Somniaque in faciem credita sæpe meam.  
Atque ubi secreto nostra ad simulacra loqueris,  
Ut responsuræ singula verba jace.  
Seu tamen adversum mutarit janua lectum,  
Sederit & nostro cauta noverca toro,  
Conjugium, pueri, laudate, & ferte paternum:  
Capta dabit vestris moribus illa manus.  
Nec matrem laudate nimis? collata priori  
Vertet in offensas libera verba suas.  
Seu memor ille mea contentus manserit umbra:  
Et tanti cineres duxerit esse meos.  
Discite venturam jam nunc sentire senectam,  
Cœlibis ad curas nec vacet ulla via.  
Quod mihi detractum est, vestros accedat ad annos:  
Prole mea Paulum: sic juvat esse senem.  
Causa perorata est. Flentes me surgite testes,  
Dum pretium vitæ grata rependit humus.  
Moribus & cœlum patuit: sim digna merendo;  
Cujus honoratis ossa vehantur equis.





P. O V I D I I  
N A S O N I S.

---

E L E G I Æ.

EX TRISTIUM LIBRIS.

2. DE SUO AB URBE DISCESSU.

CUM subit illius tristissima noctis imago,  
 Quæ mihi supremum in Urbe fuit;  
 Cum repeto noctem, qua tot mihi cara reliqui;  
 Labitur ex oculis nunc quoque gutta meis.  
 Jam prope lux aderat, qua me discedere Cæsar  
 Finibus extremæ jusserat Ausoniæ.  
 Nec mens, nec spatium fuerat satis apta paranti;  
 Torpuerant longa pectora nostra mora.  
 Non mihi servorum, comitis non cura legendi  
 Non aptæ profugo vestis, opisque fuit.  
 Non aliter stupui, quam qui Jovis ignibus ictus  
 Vivit, & est vitæ nescius ipse suæ.  
 Ut tamen hanc animo nubem dolor ipse removit  
 Et tandem sensus convalescere mei;  
 Alloquor extremum mæstos abiturus amicos,  
 Qui modo de multis unus & alter erant.  
 Uxor amans flentem flens acrius ipsa tenebat;  
 Imbre per indignas usque cadente genas.

Nata

Nata procul Libycis aberat diversa sub oris:  
Nec poterat fati certior esse mei.  
Quocunque adspiceres, luctus gemitusque sonabant;  
Formaque non taciti funeris intus erat.  
Fœmina, virque meo, pueri quoque funere morrent?  
Inque domo lacrymas angulus omnis habet.  
Si licet exemplis in parvo grandibus uti;  
Hæc facies Trojæ, cum caperetur, erat.  
Jamque quiescebant voces hominumque canumque;  
Lunaque nocturnos alta regebat equos.  
Hanc ego, suspiciens, & ab hac Capiſolia cernens,  
Quæ nostro frustra juncta fuere Lari:  
Numina vicinis habitantia sedibus, inquam,  
Jamque oculis nunquam templa videnda meis,  
Dique relinquendi, quos Urbs habet alta Quirini;  
Este salutari tempus in omne mihi.  
Et quanquam fero clypeum post vulnera fumo:  
Attamen hanc odiis exonerato fugam:  
Cœlestique viro, quis me deceperit error,  
Dicite proculpa ne scelus esse putet.  
Ut, quod vos scitis, pœnæ quoque sentiat auctor;  
Placato possum non miser esse Deo.  
Hac prece adoravi Superos ego: pluribus uxor;  
Singultu medios præpediente sonos.  
Illa etiam ante Lares passis prostrata capillis.  
Contigit extinctos ore tremente focos:  
Multaque in adversos effudit verba Penates,  
Pro deplorato non valitura viro.  
Jamque moræ spatium nox præcipitata negabat,  
Versique ab axe suo Parrhasis Arctos erat.  
Quid facerem? blando patriæ retinebar amore;  
Ultima sed justæ nox erat illa fugæ.  
Ah quoties aliquo dixi properante: quid urges?  
Vel quo festinet ire, vel unde, vide.  
Ah quoties certam me sum mentitus habere  
Horam, proposuæ quæ foret apta viæ.  
Ter limen tetigi; ter sum revocatus: & ipse  
Indulgens animo, pes mihi tardus erat.

Sæpe, Vale dicto, rursus sum multa locutus;  
 Et quasi discedens oscula summa dedi.  
 Sæpe eadem mandata dedi: meque ipse fefelli,  
 Respiciens oculis pignora cara meis.  
 Denique, Quid propero, Scythia est, quo mitti-  
 mur, inquam:  
 Roma relinquenda est: utraque justa mora est.  
 Uxor in æternum vivo mihi viva negatur:  
 Et domus, & fidæ dulcia membra domus.  
 Quosque ego fraterno dilexi more sodales,  
 ( O mihi Thesea pectora juncta fide! )  
 Dum licet amplectar: nunquam fortasse licebit  
 Amplius in lucro, quæ datur hora, mihi est.  
 Nec mora; sermonis verba imperfecta relinquo,  
 Complectens animo proxima quæque meo.  
 Dum loquor, & flemus; cœlo nitidissimus alto  
 Stella gravis nobis Lucifer ortus erat.  
 Dividor haud aliter, quam si mea membra relinquam:  
 Et pars abrupti corpore visa suo est.  
 Sic Priamus doluit, tunc cum in contraria versus  
 Ultiores habuit proditiōis equos.  
 Tum vero exoritur clamor, gemitusque meorum;  
 Et feriunt mœstæ pectora nuda manus.  
 Tum vero conjux humeris abeuntis inhærens  
 Miscuit hæc lacrymis tristia dicta suis:  
 Non potes avelli; simul ah, simul ibimus, inquit!  
 Te sequar, & conjux exulis exul ero.  
 Et mihi facta via est: & me capit ultima tellus.  
 Accedam profugæ sarcina parva rati.  
 Te jubet e patria discedere Cæsaris ira;  
 Me pietas, pietas hæc mihi Cæsar erit.  
 Talia tentabat: sic & tentaverat ante:  
 Vixque dedit victas utilitate manus.  
 Egredior ( siye illud erat sine funere ferri )  
 Squallidus inamissis hirta per ora comis.  
 Illa dolore mei tenebris narratur obortis  
 Semianimis media procubuisse domo:  
 Utque resurrexit, fœdatis pulvere turpi

Crinibus, & gelida membra levavit humo:  
Se modo, desertos modo complorasse penates:  
Nomen & erepti sæpe vocasse viri:  
Nec genuisse minus, quam si natæve, meumve  
Vidisset structos corpus habere rogos:  
Et voluisse mori; moriendo ponere sensus:  
Respectuque tamen non posuisse mei.  
Vivat, & absentem, quoniam sic fata tulerunt;  
Vivat, & auxilio sublevet usque suo.  
Tingitur Oceano custos Erymanthidos Uræ,  
Æquoreaſque ſuo ſidere turbat aquas:  
Nos tamen Ionium non noſtra ſindimus æquor  
Sponte: ſed audaces cogimur eſſe metu.  
Me miſerum, quantis increſcunt æquora ventis;  
Erutaque ex imis fervet arena vadis!  
Monte nec inferior proræ, puppique recurvæ  
Inſilit, & pictos verberat unda Deos.  
Pinea texta ſonant; pulſi ſtridore rudentes:  
Aggemit & noſtris ipſa carina malis.  
Navita conſeſſus gelido pallore timorem  
Jam ſequitur victam; non regit arte, ratem,  
Utque parum validus non proficientia victor  
Cervicis rigidæ frena remittit equo:  
Sic non quo voluit, ſed quo rapit imperus undæ,  
Aurigam video vela dediffe rati.  
Quod niſi mutatas emiſerit Æolus auras;  
In loca jam nobis non adeunda ſerar.  
Nam procul, Illyricis læva de parte relictis;  
Interdicta mihi cernitur Italia:  
Deſinat in veritas, quaſo, contendere terras,  
Et mecum magno pareat aura Deo.  
Dum loquor, & cupio pariter timeoque revelli,  
Increpuit quantis viribus unda latus!  
Parcite, cærelei, vos patete, Numina ponti;  
Infeſtumque mihi ſit ſatis eſſe Jovem.  
Vos animam ſævæ ſeſſam ſubducite morti.  
Si modo, qui periit, non periſſe poteſt.

## 2. DE AMICI PERFIDIA.

In caput alta suum labentur ab æquore retro  
 Flumina, conversis Solque recurret equis.  
 Terra feret stellas: cœlum findetur aratro:  
 Unda dabit flammæ: & dabit ignis aquas.  
 Omnia naturæ præpostera legibus ibunt:  
 Parsque suum mundi nulla tenebit iter.  
 Omnia jam fient, fieri quæ posse negabam:  
 Et nihil est, de quo non sit habenda fides.  
 Hæc ego vaticinor, quia sum deceptus ab illo,  
 Laturum misero quem mihi rebar opem.  
 Tantane te, fallax, cepere obliviam nostri?  
 Afflictumne fuit tantus adire timor?  
 Ut neque respiceres, nec solarere jacentem;  
 Dure? nec exequias prosequerere meas?  
 Illud amicitiae sanctum ac venerabile nomen  
 Re tibi pro vili, sub pedibusque jacet?  
 Quid fuit, ingenti prostratum mole sodalem  
 Visere, & alloqui parte levare tui?  
 Inque meos si non lacrymam dimittere casus,  
 Pauca tamen ficto verba dolore queri?  
 Idque, quod ignori faciunt, valedicere saltem;  
 Et vocem populi publicæque ora sequi?  
 Denique lugubres vultus, nunquamque videndos  
 Cernere supremo, dum licuitque, die?  
 Dicendum semel toto non amplius ævo  
 Accipere, & parili reddere voce, Vale?  
 At fecere alii nullo mihi scødere junctis:  
 Et lacrymas animi signa dedere sui.  
 Quid nisi convictu, causisque valentibus essem  
 Temporis & longi victus amore tibi?  
 Quid nisi tot lusus, & tot mea seria nosces,  
 Tot nossem lusus, serisque ipse tua?  
 Quid si dumtaxat Romæ mihi cognitus esses,  
 Adscitus toties in genus omne loci?  
 Cunctane in æquoreos abierant irrita ventos?

Cum-

Cunctane Lethæis merſa feruntur aquis ?  
Non ego te placida genitum reor urbe Quirini,  
Urbe, meo quæ jam non adeunda pede eſt .  
Sed ſcopulis, ponti quos hæc habet ora ſiniſtriæ  
Inque feris Scythiæ, Sarmaticisque jugis :  
Et tua ſunt ſilicis circum præcordia venæ ;  
Et rigidum ferri ſemina pectus habet .  
Quæque tibi quondam tenero ducenda palato  
Plena dedit nutrix ubera, tigris erat .  
At mala noſtra minus, quam nunc, aliena putaffes ;  
Dutitiæque mihi non agerere reus .  
Sed quoniam accedit fatalibus hoc quoque damnis,  
Ut careant numeris tempora prima ſuis ;  
Effice, peccati ne ſim memor hujus : & illo  
Officium laudem, quo queror, pre tuum .

### 3. DE INFIDO AMICORUM VULGO .

Detur inoffenſæ metam tibi tangere vitæ ;  
Qui legis hoc nobis non inimicus opus .  
Atque utinam pro te poſſint mea vota valere,  
Quæ pro me duros non tetigere Deos !  
Donec eris felix, multos numerabis amicos .  
Tempora ſi fuerint nubila, ſolus eris .  
Adſpicias, ut veniant ad candida teſta columbæ ;  
Accipiat nullas ſordida turris aves .  
Horrea formicæ tendunt ad inania nunquam :  
Nullus ad amiſſas ibit amicus opes .  
Utque comes radios per Solis euntibus umbra,  
Cum latet hic preſſus nubibus, illa fugit ;  
Mobile ſic ſequitur Fortunæ lumina vulgus :  
Quæ ſimul inducta nube teguntur, ſp̄it .  
Hæc precor ut ſemper poſſint tibi falſa videri ;  
Sunt tamen eventa vera fatenda meo .  
Dam ſtetimus, turbæ quantum ſatis eſſet, habebat  
Nota quidem, ſed non ambitioſa domus .  
At ſimul impulſa eſt, omnes timuere ruinam ;  
Cautaque communi terga dedere fugæ .

Saxa nec admiror metuunt si fulmina , quorum  
 Ignibus afflari proxima quæque solent.  
 Sed tamen in duris remanentem rebus amicum  
 Quamlibet inviso Cæsar in hoste probat.  
 Nec solet irasci ( neque enim moderatior alter ),  
 Cum quis in adversis, si quid amavit, amat.  
 De comite Argolici postquam cognovit Orestæ;  
 Narratur Pyladen ipse probasse Thoas.  
 Quæ fuit Actoridæ cum magno semper Achille,  
 Laudari solita est Hectoris ore fides.  
 Quod pius ad manes Theseus comes islet amico,  
 Tartareum dicunt indoluisse Deum.  
 Euryali Nisique fide tibi, Tarne, relata,  
 Credibile est lacrymis immauisse genas.  
 Est etiam miseris pietas; & in hoste probatur.  
 Hei mihi, quam paucos hæc mea dicta movent?  
 Hic stætus, hæc rerum nunc est fortuna mearum,  
 Debebat lacrymis nullus adesse modus.

#### 4. FATUM SUUM CONQUERITUR.

Ergo erat in fatis Scythiam quoque visere nostris,  
 Quæque Lycaonio terra sub axe jacet?  
 Nec vos, Pierides, nec stirps Latoja vestro  
 Docta sacerdoti turba tulistis opem?  
 Nec mihi quod lusi vero sine crimine, prodest;  
 Quodque magis vita Musa jocosa mea est?  
 Plurima sed pelago terraque pericula passum  
 Ustus ab assiduo frigore Pontus habet.  
 Quique fugax rerum, securaque in otia natus,  
 Mollis & impatiens ante laboris eram:  
 Ultima nunc patior, nec me mare portubus orbem  
 Perdere, diversæ nec potuere viæ.  
 Sufficitque malis animus, nam corpus ab illo  
 Accepit vires, vixque ferenda tulit.  
 Dum tamen & terris dubius jactabar & undis,  
 Fallebat curas, ægraque corda labor.  
 Ut via finita est, & opus requievit cundi,

Et

Et pœnæ tellus est mihi tacta meæ:  
Nil nisi flere libet, nec nostro parcior imber  
Lumine, de verna quam nive manat aqua.  
Roma domusque subit, desideriumque locorum,  
Quidquid & amissa restat in Urbe mei.  
Heu mihi, quod nostri toties pulsata sepulchri  
Ianua, sed nullo tempore aperta fuit.  
Cur ego tot gladios fugi, totiesque minata  
Obruit infelix nulla procella caput?  
Dii, quos experior nimium constanter iniquos,  
Participes iræ quos Deus unus habet,  
Exstimulate, precor, cessantia fata, meique  
Interitus clausas esse vetate fores.

## 5. DE EXILII SUI HORRORE.

Si quis adhuc istic meminit Nasonis adempti,  
Et supere est sine me nomen in Urbe meum;  
Suppositum stellis nunquam tangentibus æquor  
Me sciat in media vivere barbarie.  
Sauromatæ cingunt fera gens, Bessique, Gætæque:  
Quam non ingenio nomina digna meo!  
Dum tamen aura tepet, medio defendimur Istro.  
Ille suis liquidus bella repellit aquis.  
At cum tristis hyems squallentia protulit ora,  
Terraque marmoreo candida facta gelu est:  
Dum patet & Boreas, & nix injecta sub Arcto;  
Tum liquet has gentes axe tremente premi.  
Nix jacet, & jactam nec Sol, pluviaeve resolvunt:  
Indurat Boreas, perpetuanque facit.  
Ergo, ubi deliquit nondum prior, altera venit:  
Et solet in multis bima manere locis.  
Tantaque commoti vis est Aquilonis, ut altas  
Æquet humo turres, tectaque rapta ferat.  
Pellibus, & furtis arcent male frugora braccis;  
Oraque de toto corpore sola patent.  
Sæpe sonant moti glacie pendete capilli,  
Et nitet inducto candida barba gelu:



Udaque consistunt formam servantia testæ  
Vina; nec hausta meri, sed data frustra bibunt.  
Quid loquar, ut vincti concrecant frigore rivi,  
Deque lacu fragiles effodiantur aquæ?  
Ipse, papyrisero qui non angustior amne  
Miscetur vasto multa per ora freto,  
Ceruleos ventis latices durantibus Ister  
Congelat, & testis in mare serpit aquis.  
Quaque rates ierant, pedibus nunc itur: & undas  
Frigore concretas ungula pulsant equi.  
Perque novos pontes subter labentibus undis  
Ducunt Sarmatici barbara plaustra boves.  
Vix equidem credar: sed cum sint præmia falsi  
Nulla, ratam testis debet habere fidem.  
Vidimus ingentem glacie consistere pontum,  
Lubricaque immotas testa premebat aquas.  
Nec vidisse sat est, durum calcavimus æquor:  
Undaque non udo sub pede summa fuit.  
Si tibi tale fretum quondam, Leandre, fuisset;  
Non foret angustæ mors tua crimen aquæ.  
Tum neque se pandi possunt delphines in auras  
Tollere: conantes dura coercet hyems.  
Et quamvis Boreas jactatis insonet alis,  
Fluctus in obsessio gurgite nullus erit.  
Inclusæque gelu stabunt, ut marmore, puppes:  
Nec poterit rigidas findere remus aquas.  
Vidimus in glacie pisces hæreere ligatos:  
Et pars ex illis tum quoque viva fuit.  
Sive igitur nimii Boreæ vis sæva marinas,  
Sive redundatas flumine cogit aquas;  
Protinus, æquato siccis Aquilonibus Istro,  
Invenitur celeri barbarus hostis equo:  
Hostis equo pollens, longeque volante sagitta  
Vicinam late depopulatur humum.  
Diffugiunt alii; nullisque tuentibus agros,  
Incustoditæ diripiuntur opes.  
Ruris opes parvæ pecus, & stridentia plaustra;  
Et quas divitias incola pauper habet.

Pars agitur victis post tergum capta lacertis,  
Respiciens frustra rura Laremque suum.  
Pars cadit hamatis misere confixa sagittis:  
Nam volucris ferro tinctile virus inest.  
Quæ nequeunt secum ferre aut abducere, perdunt:  
Et cremat infantes hostica flamma casas.  
Tum quoque, cum pax est, trepidant formidine belli,  
Nec quisquam pressa vomere sulcat humum.  
Aut videt, aut metuit locus hic, quem non videt, hostem.  
Cessat iners rigido terra relicta situ.  
Non hic pampinea dulcis latet uva sub umbra;  
Nec cumulant altos fervida musta lacus.  
Poma negat regio: nec haberet Acontius, in quo  
Scriberet hic dominæ verba legenda suæ.  
Aspicere est nudos sine fronde, sine arbore campos.  
Heu loca felici non adeunda viro!  
Ergo, tam late pateat cum maximus orbis,  
Hæc est in pœnam terra reperta meam!

## 6. DE SENECTUTE SUA EXILIO DAMNATA.

JAM mea cygneas imitantur tempora plumas,  
Inficit & nigras alba senecta comas:  
Jam subeunt anni fragiles, & inertior ætas;  
Jamque parum firmo me mihi ferre grave est.  
Nunc erat, ut posito deberem sine laborum  
Vivere, me nullo sollicitante metu.  
Quæque meæ semper placuerunt otia menti.  
Carpere; & in studiis molliter esse meis:  
Et parvam celebrare domum, veteresque Penates,  
Et quæ nunc domino rura paterna carent:  
Inque sinu dominæ, carisque nepotibus, inque  
Securus patria consenuisse mea.  
Hæc mea sic quondam peragi speraverat ætas,  
Hos ego si annos ponere dignus eram.  
Non ita Dis visum, qui me terraque marique  
Actum Sarmaticis exposuere locis.  
In cava ducuntur quassæ navalia puppes,

Ne temere in mediis dissoluantur aquis,  
Ne cadat, & multas palmas inhonestet adeptas,  
Languidus in pratis gramina carpit equus.  
Miles, ut emeritis non est satis utilis annis,  
Ponit ad antiquos, quæ tulit arma, Lares.  
Sic igitur, tarda vires minuente senectæ,  
Me quoque donari jam rude tempus erat.  
Tempus erat, nec me peregrinum ducere cælum;  
Nec siccam Getico fonte levare sitim:  
Sed modo, quos habui, vacuum secedere in hortos:  
Nunc hominum visu rursus, & Urbe frui.  
Sic animo quondam non divinante futura  
Optabam placide vivere posse senex,  
Fata repugnarunt: quæ, cum mihi tempora prima  
Mollia præbuerint, posteriora gravant.  
Jamque, decem lustris omni sine labe peractis  
Parte premor vitæ deteriore meæ.  
Nec procul a metis, quas pene tenere videbar,  
Curriculo gravis est facta ruina meo.  
Ergo illum demens in me sævire coegi,  
Mitius immensus quo nihil orbis habet?  
Ipsaque delictis victa est clementia nostris:  
Nec tamen errori vita negata meo?  
Vita procul patria peragenda sub axe Boreo,  
Qua maris Euxini terra sinistra jacet.  
Hoc mihi si Delphi, Dodonaque diceret ipsa;  
Esse viderentur vanus uterque locus.  
Nil adeo validum est, adamas licet alliget illud,  
Ut maneat rapido firmitus igne Jovis,  
Nil ita sublime est, supraque pericula tendit.  
Non sit ut inferius, suppositumque Deo.  
Nam quanquam vitio pars est contracta malorum;  
Plus tamen exitii numinis ira dedit.  
At vos admoniti nostris quoque casibus este,  
Æquantem Superos emeruisse virum.

## 7. DE AMICI INCONSTANTIA.

Tu quoquestrarum quondam fiducia rerum,  
Qui mihi confugium, qui mihi portus eras;  
Tu quoque suscepti curam dimittis amici,  
Officiiue pium tam cito ponis onus?  
Sarcina sum, fateor, quam si tu tempore duro  
Depositurus eras, non subeunda fuit.  
Fluctibus in mediis navem, Palinure, relinquis?  
Ne fuge, neve tua sit minor arte fides.  
Nunquid Achilleos inter fera praelia fidi  
Deferuit levitas Automedontis equos?  
Quem semel excepit, nunquid Podalirius ægrotæ  
Promissam medicæ non tulit artis opem?  
Turpius ejicitur, quam non admittitur hospes.  
Quæ patuit, dextræ firma sit ara meæ.  
Nil, nisi me solum, primo tutatus es, at nunc  
Me pariter serva, judiciumque tuum.  
Si modo non aliqua est in me nova culpa, tuamque  
Mutarunt subito crimina nostra fidem.  
Spiritus hic, Scythica quem non bene ducimus aura;  
Quod cupio, membris exeat ante meis,  
Quam tua delicto stringantur pectora nostro,  
Et videar merito vilior esse tibi.  
Non adeo toti fatisurgemur iniquis,  
Ut mea sit longis mens quoque mota malis.  
Finge tamen motam, quoties Agamemnone natum  
Dixisse in Pyladen verba proterva putas?  
Nec procul a vero est, quod vel pulsarit amicum,  
Mansit in officiis non minus ille suis.  
Hoc est cum miseris solum commune beatis,  
Ambobus tribui quod solet obsequium.  
Ceditur & cæcis, & quos prætexta verendos,  
Virgaque cum verbis imperiosa facit.  
Si mihi non parcis, fortunæ parcere debes  
Non habet in nobis ullius ira locum.  
Elige nostrorum minimum de parte laborum:

Isto, quo reris, grandius illud erit.  
 Quam multa madidæ celebrantur arundine fossæ;  
 Florida quam multas Hybla tuetur apes,  
 Quam multæ gracili terrena sub horrea ferre  
 Limite formicæ grana reperta solent,  
 Tam me circumstant denforum turba malorum.  
 Crede mihi, vero est nostra querela minor.  
 His qui contentus non est, in litus arenas,  
 In segetem spicas, in mare fundat aquas.  
 Intempestivos igitur compesce timores;  
 Vela nec in medio deferre nostra mari.

### 8. DE EXILII SUI ACERBITATE.

Ut sumus in Ponto, ter frigore constitit Ister:  
 Facta est Euxini dura ter unda maris.  
 At mihi jam videor patria procul esse tot annis,  
 Dardana quot Grajo Troja sub hoste fuit.  
 Stare putes, adeo procedunt tempora tarde:  
 Et peragit lentis passibus annus iter.  
 Nec mihi solstitium quidquam de noctibus aufert:  
 Efficit angustos nec mihi bruma dies:  
 Scilicet in nobis rerum natura novata est;  
 Cumque meis curis omnia longa facit.  
 Num peragunt solitos communia tempora motus,  
 Suntque magis vitæ tempora dura meæ,  
 Quem tenet Euxini mendax cognomine litus,  
 Et Scythici vere terra sinistra freti?  
 Innumeræ circa gentes fera bella minantur;  
 Quæ sibi non rapto vivere turpe putant.  
 Nil extra tutum est; tumulus defenditur ægre  
 Mœnibus exiguis, ingenioque loci.  
 Cum minime credas, ut aves, densissimus hostis  
 Advolat, & prædam vix bene visus agit.  
 Sæpe intra muros clausis venientia portis  
 Per medias legimus noxia tela vias.  
 Est igitur rarus, qui rus colere audeat: isque  
 Hac arat infelix, hac tenet arma manu.

Sub galea pastor junctis pice cantat avenis ;  
Proque lupo pavidæ bella verentur oves .  
Vix ope castelli defendimur : & tamen intus  
Mitta facit Grajis barbara turba metum .  
Quippe simul nobis habitat discrimine nullo  
Barbarus , & tecti plus quoque parte tenet .  
Quos ut non timeas , possis edisse videndo ,  
Pellibus & longa tempora tecta coma .  
Hos quoque , qui geniti Graja creduntur ab urbe ;  
Pro patrio cultu Persica bracca tegit .  
Exercent illi sociæ commercia linguæ .  
Per gestum res est significanda mihi .  
Barbarus hic ego sum , quia non intelligor ulli .  
Et rident stolipi verba Latina Getæ .  
Meque palam de me tuto male sæpe loquuntur :  
Forſitan obſciant exiliumque mihi .  
Utque ſit , in me aliquid , ſi quid dicentibus illis  
Abnuerim quoties annuerimque , putant .  
Adde , quod injuſtum rigido juſ dicitur enſe :  
Dantur & in medio vulnera sæpe foro .  
O duram Lacheſin , quæ tam grave ſidus habenti  
Fila dedit vitæ non breviora meæ .  
Quod patriæ vultu , veſtroque caremus , amici ,  
Quodque hic in Scythicis ſinibus eſſe queror .  
Utraque pœna gravis , merui tamen Urbe carere ,  
Non merui tali forſitan eſſe loco .  
Quid loquor ah demens ? ipſam quoque perdere vitam  
Cæſaris offenſo numine dignus eram .

## EX LIBRO I. DE PONTO.

## 1. AD RUFINUM.

Hanc tibi Naso tuus mittit, Rufine, salutem,  
 Qui miser est, ulli si suus esse potest.  
 Reddita confusæ nuper solatia menti  
 Auxilium nostris, spemque tulere malis.  
 Utque Machaoniis Præantius artibus heros  
 Lenito medicam vulnere sensit opem?  
 Sic ego mente jacens, & acerbo saucius ictu,  
 Admonitu cœpi fortior esse tuo.  
 Et jam deficiens sic ad tua verba revixi,  
 Ut solet infuso vena redire mero.  
 Non tamen exhibuit tantas facundia vires,  
 Ut mea sint dictis pectora sana tuis.  
 Ut multum nostræ demas de gurgite curæ,  
 Non minus exhausto, quod superabit, erit.  
 Tempore ducetur longo fortasse cicatrix.  
 Horrent admotas vulnera cruda manus.  
 Non est in medico semper, releverut ut æges.  
 Interdum docta plus valet arte malum.  
 Cernis, ut e molli sanguis pulmone remissus  
 Ad Stygias certo limine ducat aquas?  
 Adferat ipse licet sacras Epidaurius herbas;  
 Sanabit nulla vulnera cordis ope.  
 Tollere nodosam nescit medicina podagram,  
 Nec formidatis auxiliatur aquis.  
 Cura quoque interdum nulla medicabilis arte;  
 Aut ut sit, longa est extenuanda mora.  
 Cum bene firmarunt animum præcepta jacentem  
 Sumtaque sunt nobis pectoris arma tui;  
 Rursus amor patriæ, ratione valentior omni,  
 Quod tua texuerunt scripta, retexit opus.  
 Sive pium vis hoc, sive hoc muliebri vocari;  
 Confiteor misero molle cor esse mihi.  
 Non dubia est Ithaci prudentia; sed tamen optat  
 Fu-

Fumum de patriis posse videre focis:  
Nescio qua natale solum dulcedine captos  
Ducit, & immemores non finit esse sui.  
Quid melius Roma? Schitico quid frigore pejus?  
Huc tamen ex illa barbarus urbe fugit.  
Cum bene sit clausæ cavea Pandione natæ;  
Nititur in silvas illa redire suas.  
Aduetos tauri saltus, adueta leones  
(Nec feritas illos impedit) antra petunt.  
Tu tamen exilii morsus e pectore nostro  
Fomentis speras cedere posse tuis.  
Efficace, vos ipsi ne tam mihi sitis amandi,  
Talibus ut levius sit caruisse malum.  
At, puto, qua fueram genitus, tellure carenti,  
In tamen humano contigit esse loco.  
Orbis in extremi jaceo desertus arenis:  
Fert ubi perpetuas obruta terra nives.  
Non ager hic pomum; non dulces educat uvas:  
Non salices ripa, robora monte virent.  
Neve fretum terra laudes magis: æquora semper  
Ventorum rabie, solibus orba tument.  
Quocumque adspicias, campi cultore carentes,  
Vastaque, quæ nemo vindicet, arva jacent.  
Hostis adest dextra, lævaque a parte timendus;  
Vicinoque metu terret utrumque latus.  
Altera Bistonias pars est sensura sarissas,  
Altera Sarmatica spicula missa manu.  
I nunc, & veterum nobis exempla virorum,  
Qui forti casum mente tulere, refer.  
Et grave magnanimi robur mirare Rutili,  
Non usi reditus conditione dati.  
Smyrna virum tennit, non Pontus & hostica tellus;  
Pene minus nullo Smyrna petenda loco.  
Non doluit patria Cynicus procul esse Sinopeus:  
Legit enim sedes, Attica terra, tuas.  
Arma Neoclides qui Persica contudit armis,  
Argolica primam sensit in urbe fugam.  
Pulsus Aristides patria Lacedæmona fugit:



Inter quas dubium, quæ prior esset, erat.  
 Cæde puer facta Patroclus Opunta reliquit;  
 Thessaliâque adit, hospes Achillis, humum.  
 Exul ab Hæmonia Pirenida cessit ad undam,  
 Quo ducē trabs Colchas sacra cucurrit aquas.  
 Lique Agenorides Sidonia mænia Cadmus,  
 Poneret ut muros in meliore loco.  
 Venit ad Adrastum Tydeus Calydone fugatus;  
 Et Teucrum Veneri grata recepit humus.  
 Quid referam veteres Romanæ gentis; apud quos  
 Exulibus tellus ultima Tybur erat?  
 Persequar ut cunctos; nulli datus omnibus ævis  
 Tam procul a patria est, horridiorve locus.  
 Quo magis ignoscat sapientia vestra dolenti,  
 Qui facit ex dictis non ita multa tuis.  
 Nec tamen inficior, si possint nostra coire  
 Vulnera; præceptis posse coire tuis.  
 Sed vereor, ne me frustra servare labores;  
 Neu juven admota perditus æger ope.  
 Nec loquor hæc, quia sit major prudentia nobis;  
 Sed sim, quam medico, notior ipse mihi.  
 Ut tamen hoc ita sit, munus tua grande voluntas  
 Ad me pervenit, consulturque boni.

2.

## AD MAXIMUM.

Ille tuos quondam non ultimus inter amicos,  
 Ut sua verba legas, Maxime, Naso rogat.  
 In quibus ingenium desiste requirere nostrum,  
 Nescius exilii ne videre mei.  
 Cernis, ut ignavum corrumpant otia corpus;  
 Ut capiant vitium, ni moveantur aquæ?  
 Et mihi, si quis erat, ducendi carminis usus,  
 Deficit; estque minor factus inerte situ.  
 Hæc quoque, quæ legitis (si quod mihi, Maxime, credis)  
 Scribimus invita, vixque coacta, manu.  
 Non libet in tales animum contendere curas;  
 Nec venit ad duros Musa vocata Getas.

Ut

Ut tamen ipse vides, luctor deducere versum.  
Sed non fit fato mollior ille meo.  
Cum relego, scripsisse pudet: quia plurima cerno,  
Me quoque, qui feci, iudice digna lini.  
Nec tamen emendo: labor hic quam scribere major,  
Mensque pati durum sustinet ægra nihil.  
Scilicet incipiam lima mordacius uti,  
Et sub iudicium singula verba vocem?  
Torquet enim Fortuna parum, nisi Nilus in Hebrum  
Confluat? & frondes Alpibus addat Athos?  
Parcendum est animo miserabile vulnus habenti.  
Subducant oneri colla perusta boves.  
At, puto, fructus adest, iustissima causa laborum,  
Et sata cum multo scœnore reddit ager.  
Tempus ad hoc nobis (repetas licet omnia) nullum  
Profuit (atque utinam non nocuisset!) opus.  
Cur igitur scribam miraris? miror & ipse:  
Et mecum quæro sæpe, quid inde feram.  
An populus vere sanos negat esse poetas,  
Sumque fides hujus maxima vocis ego?  
Qui sterili toties cum sim deceptus ab arvo,  
Damnosa persto condere semen humo.  
Scilicet est cupidus studiorum quisque suorum;  
Tempus & adsueta ponere in arte juvat.  
Saucius ejurat pugnam gladiator, & idem  
Inmemor antiqui vulneris arma capit.  
Nil sibi cum pelagi dicit fore naufragus undis:  
Mox ducit remos, qua modo navit aqua:  
Sic ego constanter studium non utile carpo;  
Et repeto, nollem quas coluisse Deas.  
Quid potius faciam? non sum qui segnia ducam  
Ocia, mors nobis tempus habetur iners.  
Nec juvat in lucem nimio marcescere vino:  
Nec tenet incertas alea blanda manus.  
Cum dedimus somno, quas corpus postulat, horas,  
Quo posam vigilans tempora longa modo?  
Moris an oblitus patrii contendere discam  
Sarmaticos arcus; & trahat arte loci?

Hoc quoque me studium prohibent adsumere vires;  
Mensque magis gracili corpore nostra valet.  
Cum bene quæsieris, quid agam; magis utile nil est  
Artibus his, quæ nil utilitatis habent.  
Consequor ex illis casus obliviam nostri.  
Hanc satis est messem si mea reddit humus.  
Gloria vos acuat: vos ut recitata probentur  
Carmina, Pieris invigilate choris.  
Quod venit ex facili, satis est componere nobis:  
Et nimis intenti causa laboris adest.  
Cur ego sollicita poliam mea carmina cura?  
An verear, ne non approbet illa Getes?  
Forsitam audacter faciam, sed glorior, istum  
Ingenio nullum majus habere meo.  
Hoc ( ubi vivendum ) satis est si consequor arvo,  
Inter inhumanos esse poeta Getas.  
Quo mihi diversum fama contendere in orbem?  
Quem Fortuna dedit Roma sit ille locus.  
Hoc mea contenta est infelix Musa theatro;  
Sic merui; magni sic voluere Dei.  
Nec reor hinc istuc nostris iter esse libellis,  
Quo Boreas penna deficiente venit.  
Dividimur cælo; quæque est procul urbe Quirini,  
Adspicit hirsutos comminus Ursa Getas.  
Per tantum terræ, tot aquas vix credere possim.  
Indicium studii transiluisse mei.  
Finge legi; quodque est mirabile, finge placere:  
Auctorem certe res juvet ista nihil.  
Quo tibi, si calida positus laudare Syene;  
Aut ubi Taprobanen Indica cingit aquas;  
Altius ire libet? si te distantia longe  
Pleiadum laudent signa, quid inde feras?  
Sed neque pervenio scriptis mediocribus istuc;  
Famaque cum domino fugit ab Urbe suo.  
Vosque, quibus perii, tunc cum mea fama sepulta est,  
Nunc quoque de nostra morte tacere reor.

## EX FASTIS.

1.

*Kalendæ Januarii.*

Prospera lux oritur: linguis animisque favete:  
 Nunc dicenda bona sunt bona verba die,  
 Lite vacent aures, insanaque protinus absint  
 Jurgia: differ opus livida turba tuum.  
 Cernis odoratis ut luceat ignibus æther,  
 Et sonet accensis spica Ciliis focis?  
 Flamma nitore suo templorum verberat aurum:  
 Et tremulum summa spargit in æde jubar.  
 Vestibus intactis Tarpeias itur in arces:  
 Et populus festo concolor ipse suo est.  
 Jamque novi præeunt fasces: nova purpura fulget.  
 Et nova conspicuum pondera sentit ebur.  
 Colla rudes operum præbent serienda juvenci:  
 Quos aluit campis herba Falisca suis.  
 Jupiter, arce sua cum totum spectet in orbem,  
 Nil nisi Romanum, quod tueatur, habet.  
 Salve festa dies, meliorque revertere semper.  
 A populo rerum digna potente coli.

2.

*Ianus prisca tempora commemorat, &  
 cum presentibus comparat.*

Vix ego Saturno quenquam regnante videbam,  
 Cujus non animo dulcia lucra forent.  
 Tempore crevit amor, qui nunc est summus habendi,  
 Vix ultra, quo jam progrediatur, habet.  
 Pluris opes nunc sunt, quam prisca temporis annis,  
 Dum Populus pauper, dum nova Roma fuit:  
 Dum casa Martigenam capiebat parva Quirinum:  
 Et dabat exiguum fluminis ulva torum.  
 Jupiter angusta vix motus stabat in æde:  
 Inque Jovis dextra fictile fulmen erat.  
 Frondibus ornabant, quæ nunc Capitoliæ gemmis:  
 Pa-

Pascebatque suas ipse senator oves.  
 Nec pudor, in stipula placidam cepisse quietem;  
 Et fœnum capiti suposuisse, fuit.  
 Jura dabat populis posito modo prætor aratro  
 Et levis argenti laminæ crimen erat.  
 At postquam Fortuna loci caput extulit hujus;  
 Et tetigit summo vertice Roma deos:  
 Creverunt & opes & opum furiosa cupido:  
 Et, cum possideant plurima, plura petunt.  
 Quærere ut absument, absumpta requirere certant:  
 Atque ipsa vitiis sunt alimenta vices.  
 Sic, quibus intumuit suffusa venter ab unda,  
 Quo plus sunt potæ, plus sitiuntur aquæ.  
 In pretio pretium nunc est: dat census honores,  
 Census amicitias pauper ubique jacet.

### 3. *De Veterum Hominum vivendi ratione.*

Ante Jovem genitum terras habuisse feruntur  
 Arcades: & luna gens prior illa fuit.  
 Vita seris similis nullos agitata per usus.  
 Artis adhuc expert, & rude vulgus erat.  
 Pro domibus frondes norant, pro frugibus herbas:  
 Nectar erat palmis hausta duabus aqua:  
 Nullus anhelabat sub adunco vomere taurus:  
 Nulla sub imperio terra colentis erat:  
 Nullus adhuc erat usus equi: se quisque ferebat:  
 Ibat ovis lana corpus amicta sua.  
 Sub Jove durabant: & corpora nuda gerebant  
 Docta graves imbres & tolerare notos.

### 4. *De Sacrificiis.*

Victima, quæ dextra cecidit victrice, vocatur.  
 Hostibus a domitis hostia nomen habet.  
 Ante, deos homini quod conciliare valeret,  
 Far erat, & puri lucida mica salis.  
 Nondum pertulerat lacrymatas cortice myrrhas  
 Acta

Acta per æquoreas hospita navis aquas.  
 Thura nec Euphrates, nec miserat India, costum:  
 Nec fuerant rubri cognita fila croci.  
 Ara dabat fumos herbis contenta Sabinis:  
 Et non exiguo laurus adusta sono.  
 Si quis erat, factis prati de flore coronis,  
 Qui posset violas addere; dives erat.  
 Hic, qui nunc aperit precussi viscera tauri;  
 In sacris nullum culter habebat opus.  
 Prima Ceres avidæ gavisa est sanguine prociæ  
 Ulta suas merita cæde nocentis opes.  
 Nam fata vere novo teneris lactentia succis  
 Eruta setigeræ comperit ore suis,  
 Sus dederat pœnas: exemplo territus hujus.  
 Palmite debueras abstinnisse, caper.  
 Quem spectans aliquis dentes in vite prementem  
 Talia non tacito verba dolore dedit:  
 Rode caper vitem; tamen hinc, cum stabis ad aram;  
 In tua quod spargi cornua possit, erit.  
 Verba fides sequitur: noxæ tibi deditus hostis  
 Spargitur affuso cornua, Bacche, mero.  
 Culpa sui nocuit: nocuit quoque culpa capellæ:  
 Quid bos? quid placidæ commeruistis oves?  
 Flebat Aristæus, quod apes cum stirpe necatas,  
 Viderat inceptos destituisse favos.  
 Cæcula quem genitrix ægre solata dolentem.  
 Addidit hæc dictis ultima verba suis:  
 Siste puer lacrymas: Proteus tua damna levabit:  
 Quoque modo repares quæ periere, dabit:  
 Decipiat ne te versis tamen ille figuris;  
 Impediant geminas vincula firma manus.  
 Pervenit ad vatem juvenis: resolutaque somno  
 Alligat æquorei brachia capta senis.  
 Ille suam faciem transformat, & alterat arte,  
 Mox domitus vinclis in sua membra redit.  
 Oraque cærulea tollens rorantia barba,  
 Quæ, dixit, repares arte requiris apes?  
 Obrue mactati corpus tellure juvenci.

Quod

Quod petis a nobis, obrutus ille dabit.  
 Jussa facit pastor: servente, examina putri  
 De bove: mille animas una necata dedit.  
 Pavit ovis pratum: verbenas improba carpsit;  
 Quas pia Dis turis ferre solebat anus  
 Quid tuti superest? animam cum ponat in aris  
 Lanigerumque pecus, ruricolæque boves?  
 Placat equo Persis raddiis Hyperiona cinctum;  
 Ne detur celeri victima tarda deo.  
 Quæ semel est triplici pro virgine cæsa Dianæ,  
 Nunc quoque, pro nulla virgine, cerva cadit.  
 Extæ canum vidi Triviæ libare Sabæos,  
 Et quicumque tuas accolit, Hæme, nives.

## HEROIDUM.

## EPISTOLA I.

## PENELOPE ULYSSI.

Hanc tua Penelope lento tibi mittit, Ulysse:  
 Nil mihi rescribas; attamen ipse veni.  
 Troja jacet certe Danaïs invisa puellis:  
 Vix Priamus tanti, totaque Troja fuit.  
 O utinam tunc, cum Lacedæmona classe petebat,  
 Obrutus insanis esset adulter aquis  
 Non ego deserto jacuissem frigida lecto:  
 Nec quererer tardos ire reliqua dies:  
 Nec mihi, quærenti spatiosam fallere noctem,  
 Lassaret viduas pendula tela manus.  
 Quando ego non timui graviora pericula veris?  
 Res est solliciti plena timoris amor.  
 In te fingebam violentos Troas ituros:  
 Nomine in Hectoreo pallida semper eram.  
 Sive quis Antilochum narrabat ab Hectore victum,  
 Antilochus nostri causa timoris erat.  
 Sive Meneziadem falsis cecidisse sub armis:  
 Flebam successu posse carere dolos

San.

Sanguine Tlepolemus Lyciam tepefecerat hastam :

Tlepolemi læto cura novata mea est.

Denique quisquis erat castris jugulatus Achivis,

Frigidius glacie pectus amantis erat.

Sed bene consuluit casto deus æquus amori :

Versa est in cineres sospite Troja viro,

Argolici rediere duces: altaria fumant:

Ponitur ad patrios barbara præda deos.

Grata ferunt Nymphæ pro salvis dona maritis :

Illi victa suis Troica fata canunt:

Mirantur justique senes, trepidæque puellæ:

Narrantis conjux pendet ab ore viri.

Atque aliquis posita monstrat fata prælia mensa,

Pingit & exiguo Pergama tota mero.

Hæc ibat Simois: hic est Sigeia tellus:

Hic steterat Priami regia celsa senis.

Illic Æacides, illic tendebat Ulysses:

Hic lacer admissio terruit Hector equos.

Omnia namque tuo senior te querere misso

Retulerat nato Nestor: at ille mihi

Restulit, & ferro Rhesumque Dolonaque casos:

Utque sit hic somno proditus: ille dolo.

Aufus es, o nimium nimiumque oblite tuorum,

Thracia nocturno tangere castra dolo,

Totque simul mactare viros adiutus ab uno.

At bene cautus eras, & memor ante mei.

Usque metu micuere sinus: dum victor amicum

Dictus es Ismariis: hic per agmen equis,

Sed mihi quid prodest vestris disiecta lacertis.

Ilios: & murus, quod fuit ante, solum?

Si maneo qualis Troja durante manebam:

Virque mihi dempto sine carendus abest.

Diruta sunt aliis: soli mihi Pergama restant.

Incola captivo quæ bove victor arat,

Jam seges est ubi Troja fuit: ressecandaque falce

Luxuriat Phrygio sanguine pinguis humus.

Semiseputa virum curvis feriuntur aratris

Ossa: ruinas occulit herba domos.



Victor abes: nec scire mihi, quæ causa morandi,  
Aut in quo lateas ferreus orbe, licet  
Quisquis ad hæc vertit peregrina litora puppim:  
Ille mihi de te multa rogatus, abit  
Quamque tibi reddat, si te modo viderit usquam:  
Traditur huic digitis charta notata meis:  
Nos Pylon, antiqui Neleia Nestoris arva  
Mifimus: incerta est fama remissa Pylo.  
Mifimus & Sparten: Sparte quoque nescia veri:  
Quas habitas terras, aut ubi lentus abes?  
Utilius starent etiam nunc moenia Phœbi:  
Iraſcor votis heu levis ipsa meis.  
Scirêm ubi pugnares: & tantum bella timerem:  
Et mea cum multis juncta querela foret.  
Quid timeam ignoro: timeo tamen omnia demens:  
Et patet in curas area lata meas.  
Quæcunque æquor habet, quæcunq; pericula tellus:  
Tam longæ causas suspicor esse moræ.  
Hæc ego dum stulte meditor ( quæ vestralibido est )  
Esse peregrino captus amore potes.  
Forſitan & narres quam ſit tibi ruſtica conjux:  
Quæ tantum lanas non ſinat eſſe rudes.  
Fallar: & hoc crimen tenues vanefcat in auras:  
Neve revertendi liber abeſſe velis.  
Me pater Icarius viduo diſcedere lecto  
Cogit: & immenſas increpat uſque moras.  
Increpet uſque licet: tua ſim, tuæ dicar oportet.  
Penelope conjux ſemper Ulyſſis ero.  
Ille tamen pietate mea, precibuſque pudicis  
Frangitur: & vires temperat ipſe ſuas.  
Dulicchii, Samiique, & quos tulit alta Zacynthos,  
Turba ruunt in me luxurioſa proci:  
Inque tua regnant, nullis prohibentibus, aula:  
Viſcera noſtra, tuæ dilaniantur opes.  
Quid tibi Piſandrum, Polybumq; Medontaq; dirum,  
Eurimachique avidas, Antinoique manus,  
Atque alios referam, quos omnes turpiter abſens  
Ipſe tuo partis ſanguine rebus alia

Irus,

Irus, egens pecorisque Melantius auctor edendi.  
Ultimus accedunt in tua damna pudor.  
Tres sumus imbelles numero: sine viribus uxor,  
Laertesque senex, Telemachusque puer.  
Ille per insidias pene est mihi nuper ademptus:  
Dum parat invitis omnibus ire Pylon.  
Dii precor hoc jubeant, ut euntibus ordine fatis,  
Ille meos oculos comprimat, ille tuos  
Hoc faciunt custosque bovum, longævaque nutrix,  
Tertius, immundæ cura fidelis haræ.  
Sed neque Laertes, ut qui sit inutilis annis:  
Hostibus in mediis regna tenere potest.  
Telemacho veniet, vivat modo, fortior ætas:  
Nunc erat auxilium illa tuenda patris.  
Nec mihi sunt vires inimicos pellere testis:  
Tu citius venias portus, & aura tuis.  
Est tibi, sitque precor, natus, qui mollibus annis  
In patrias artes erudiendus erat.  
Respice Laerten: ut jam sua lumina condas,  
Extremum fati sustinet ille diem.  
Certe ego, quæ fueram te discedente puella,  
Protinus ut redeas facta videbor anus.

## EX METAMORPHOSIBUS.

### I. QUATUOR MUNDI ÆTATES.

Aurea prima Sata est ætas, quæ vindice nullo  
Sponte sua sine lege fidem rectumque colebat.  
Pœna metusque aberant: nec vincla minacia collo  
Ære ligabantur, nec supplex turba timebat  
Judicis ora sui: sed erant sine iudice tuti,  
Nondum cæsa suis, peregrinum ut viseret orbem,  
Montibus in liquidas pinus descenderat undas:  
Nullaque mortales, præter sua, littora norant:  
Nondum præcipites cingebant oppida fossæ:  
Non tuba directi, non æris cornus flexi,  
Non galeæ, non ensis erat: sine militia usa

Mollia

Mollia securæ peragebant otia gentes.  
 Ipsa quoque immunis, rostroque intacta, nec ullis  
 Saucia vomeribus, per se dabat omnia tellus:  
 Contentique cibis nullo cogente creatis,  
 Arbuteos fœtus montanaque fraga legebant,  
 Cornaque, & in duris hærentia mora rubetis,  
 Etquæ deciderant patula Jovis arbore glandes.  
 Ver erat æternum; placidique tepentibus auris,  
 Mulcebant Zephyri natos sine semine flores.  
 Mox etiam fruges tellus inarata ferebat:  
 Nec renovatus ager gravidis canebat aristis.  
 Flumina jam lactis jam flumina Jæctaris ibant:  
 Flavaque de viridi stilabant ilice mella.

Postquam Saturno tenebrosa in Tartara misso,  
 Sub Jove mundus erat, subitque argentea proles.  
 Auro deterior, fulvo pretiosior ære:  
 Jupiter antiqui contraxit tempora veris,  
 Perque hyemes, æstusque, & inæquales autumnos,  
 Et breve ver spatium exegit quatuor annum.  
 Tum primum siccis aer fervoribus ustus  
 Canduit, & ventis glacies astricta pependit.  
 Tum primum subiere domos: domus antra fuerunt;  
 Et densi frutices, & junctæ cortice virgæ.  
 Semina tum primum longis Cerealia sulcis  
 Obruta sunt, pressique jugo gemuere juvenci.

Tertia post illam successit ahenea proles.  
 Scævior ingeniis, & ad horrida promptior arma,  
 Non scelerata tamen, de duro est ultima ferro.  
 Protinus irrupit venæ pejoris in ævum  
 Omne nefas: fugere pudor, verumque, fidesque,  
 In quorum subiere locum fraudesque, dolique,  
 Insidiæque, & vis, & amor sceleratus habendi.  
 Vela dabat ventis, nec adhuc bene noverat illos  
 Navita, quæque diu steterant in montibus altis  
 Fluctibus ignotis insultavere carinæ,  
 Communemque prius, ceu lumina Solis & auræ,  
 Cautus humum longo signavit limite mensor,  
 Nec tantum segetes, alimenta que debita dives

Posce-

Poscebatur humus, sed itum est in viscera terræ,  
Quasque recondiderat, Stygiisq; admoberat umbris,  
Effodiuntur opes, irritamenta malorum,  
Jamque nocens ferrum, ferroque nocentius aurum  
Prodierat: prodit bellum, quod pugnat utroque,  
Sanguineaque manu crepitantia concutit arma.  
Vivitur ex raptō: non hospes ab hospite tutus,  
Nec focer a genero, fratrum quoque gratia rara est.  
Imminet exitio vir conjugis, illa mariti:  
Lurida terribiles miscent aconita novercæ:  
Filius ante diem patrios inquit in annos.  
Victa jacet pietas & virgo cæde madentes  
Ultima cœlestium terras Astræa reliquit.

2. MINERVA INVIDIÆ DOMUM  
INGREDITUR.

Protinus Invidiæ nigro squallentia tabo  
Tecta petit. Domus est imis in vallibus hujus  
Abdita, Sole carens, non ulli pervia vento;  
Tristis, & ignavi plenissima frigoris, & quæ  
Igne vacet semper; caligine semper abundet.  
Huc ubi pervenit bello metuenda Virago,  
Constitit ante domum ( neque enim succedere tectis  
Fas habet ), & postes extrema cuspide pulsat.  
Concussæ patuere fores: videt intus edentem  
Vipereas carnes, vitiorum alimenta suorum,  
Invidiam; visaque oculos avertit, at illa  
Surgit humo pigre, semesarumque relinquit  
Corpora serpentum, passuque incedit inertī.  
Utque Deam vidit, formamque, armisque decoram,  
Ingemuit, vultumque Deæ ad suspiria duxit.  
PALOR in ore sedet, macies in corpore toto.  
Nusquam recta acies: livente rubigne dentes.  
Pectora felle virent: lingua est suffusa veneno,  
Risus abest, nisi quem visi movere dolores:  
Nec fruitur somno vigilantibus excita curis:  
Sed videt ingratos, intabescitque videndo  
Successus hominum, carpitque & carpitur una;  
Sup-

Suppliciumq; suum est: quamvis tamen oderat illas  
 Talibus affata est breviter Tritonia dictis:  
 Infice tæbe tus natarum Cecropis unam:  
 Sic opus est: Aglauros ea est. Haud plura locuta  
 Fugit, & impressa tellurem repulit hasta.  
 Illa Deam obliquo fugientem lumine cernens,  
 Murmura parva dedit, successorumque Minervæ  
 Indoluit: baculumque capit, quem spina totum  
 Vincula cingebant: adopertaque nubibus atris  
 Quacumque ingreditur, florentia proterit arva,  
 Exuritque herbas, & summa papavera carpit:  
 Afflatuque suo populos, urbesque domosque  
 Polluit: & tandem Tretonida conspicit arcem  
 Ingeniisque opibusque, & festa pace nitentem:  
 Vixque tenet lacrymas, quia nil lacrymabile cernit.

### FABULA DÆDALI, ET ICARI.

Dædalus interea Creten, longumque perosus  
 Exilium, tactusque loci natalis amor,  
 Clausus erat pelago: Terras licet, inquit & undas  
 Obstruat, at cælum certe patet: ibimus illac.  
 Omnia possideat, non possidet æra Minos.  
 Dixit: & ignotas animum dimittit in artes,  
 Naturamque novat: nam ponit in ordine pennas  
 A minima cœptas, longam brevior sequente,  
 Ut clivo crevisse putes: sic rustica quondam  
 Fistula disparibus paulatim surgit avenis.  
 Tunc lino medias, & ceris alligat imas,  
 Atque ita compositas parvo curvamine flectit,  
 Ut veras imitetur aves. Puer Icarus una  
 Stabat, & ignarus sua se tractare pericla,  
 Ore renidenti, modo quas vaga moverat aura,  
 Captabat plumas, flavam modo pollice ceram  
 Mollibat, lusuque suo mirabile patris  
 Impediebat opus. Postquam manus ultima cœpto  
 Imposita est, geminas opifex libravit in alas  
 Ipse suum corpus, moraque pependit in aura.

In-

Instruit & natum; medioque ut limite curras.  
Icare, ait, moneo, ne si demissior ibis,  
Unda gravet pennas: si celsior, ignis adurat.  
Inter utrumque vola; nec te spectare Booten,  
Aut Helicen jubeo, strictumque Orionis ensen;  
Me dute carpe viam. Pariter præcepta volandi  
Tradit, & ignotas humeris accommodat alas.  
Inter opus, monitusque genæ maduere seniles;  
Et patriæ tremuere manus: dedit oscula nato  
Non iterum repetenda suo: pennisque levatus  
Ante volat, comitique timet, velut ales, ab alto  
Quæ teneram prolem produxit in æra nido:  
Hortaturque sequi; damnosæque erudit artes:  
Et movet ipse suas, & nati respicit alas:  
Hos aliquis tremula dum caprat arundine pisces;  
Aut pastor baculo, stivæque innixus arator  
Vidit, & obstupuit, quique æthera carpere possent,  
Credidit esse Deos. Et jam Junonia læva  
Parte Samos fuerat, Delosque, Parosque relictæ;  
Dextra Lebyntoserat, sæcundaque melle Calymna.  
Cum puer audaci cœpit gaudere volatu,  
Deferuitque ducem, cœlique cupidine tactus  
Altius egit iter. Rapidi vicina Solis,  
Mollit odoratas pennarum vincula ceras.  
Tepuerant ceræ: nudos quatit ille lacertos,  
Remigioque carens non ullas concipit auras:  
Oraque cærulea patrium clamantia nomen  
Excipiuntur aqua, quæ nomen traxit ab illo.  
At pater infelix, nec jam pater, Icare, dixit.  
Icare, dixit, ubi es? qua te regione requiram  
Icare, dicebat; pennas conspexit in undis,  
Devovitque suas artes, corpusque sepulchro  
Condidit, & tellus a nomine dicta sepulti est.

## FAMÆ DOMUS.

Orbe locus medio est inter terrasque, fretumque,  
 Cœlestesque plagas, triplicis confinia mundi,  
 Unde quod est usquam; quamvis regionibus absit,  
 Inspicitur, penetratque cava vox omnis ad aures,  
 Fama tenet, summaque domum sibi legit in arce,  
 Innumerosque aditus; ac mille foramina testis  
 Addidit, & nullis inclusit limina portis.  
 Nocte dieque patet, tota est ex ære sonanti;  
 Tota fremit, vocesque refert, iteratque quod audit,  
 Nulla quies intus, nullaque silentia parte.  
 Nec tamen est clamor, sed parvæ murmura vocis:  
 Qualia de pelagi ( si quis procul audiat ) undis  
 Esse solent, qualemve sonum, cum Juppiter atras  
 Increpuit nubes, extrema tonitrua reddunt.  
 Atria turba tenet, veniunt leve vulgus, euntque:  
 Mistaque cum veris passim commenta vagantur  
 Millia rumorum, confusaque verba volutant.  
 E quibus hi vacuas implent sermonibus aures.  
 Hi narrata ferunt alio, mensuraque ficti  
 Crescit, & auditis aliquid novus adjicit auctor.  
 Illic Credulitas, illic temerarius Error,  
 Vanaque Læticia est, consternatique Timores,  
 Se ditioque recens, dubioque auctore Susurri.  
 Ipsa quid in cœlo rerum, pelagoque geratur  
 E tellure videt, totumque inquit in orbem.

# AULI PERSII FLACCI.

---

## SATYRA.

### AD PLOTIUM MACRINUM:

*Eos insectatur, qui stulta, aut iniqua  
a Diis petunt.*

**H**unc, Macrine diem numera meliore lapillo,  
Qui tibi labentes apponit candidus annos.  
Funde merum Genio. Non tu prece poscis emaci,  
Quæ nisi seductis nequeas committere Divis.  
At bona pars Procerum tacita libabit acerra.  
Haud cuivis promptum est murmurque, humilesque  
sufurros

Tolere de templis, & apperto vivere voto.  
Mens bona fama, fides; hæc clare, & ut audiat hospes:  
Illa sibi inuorsum, & sub lingua immurmurat: o si  
Ebullet patrum præclarum funus, & o si  
Sub rastro crepet argenti mihi seria dextro  
Hercule, pupillumve utinam, quem proximus hæres  
Impello, expungam! namque est scabiosus, & acri  
Bile tumet. Nerio jam tertia conditur uxor.  
Hæc sancte ut poscas, Tiberino in gurgite mergis  
Mane caput bis terque, & noctem flumine purgas.  
Heus age, responde, minimum est, quod scire laboro.

H

De



De Jove quid sentis? est ne ut praeponere cures.  
 Hunc cuiquam? cui nam? vis Stajo? an scilicet haeres.  
 Quis potior, iudex pueritve quis aptior orbis?  
 Hoc igitur, quo tu Jovis aurem impellere tentas,  
 Dic aedum Stajo, pro Jupiter, o bone, clamet,  
 Jupiter. At sese non clamet Jupiter ipse?  
 Ignovisse putas: quia, cum tonat ocyus illex  
 Sulfure discutitur sacro, quam tuque, domusque?  
 An, quia non fibris ovium, Ergenaeque jubente  
 Triste jaces lucis, evitandumque bidental;  
 Idcirco stolidam praebet tibi vellere barbam  
 Jupiter? aut quidnam est, qua tu mercede Deorum  
 Emeris auriculas pulmone, & lactibus unctis?  
 Ecce avia, aut metuens Divum matertera cunis  
 Exemit puerum, frontemque, atque uda labella  
 Infami digito, & lustralibus ante salivis  
 Expiat urentes oculos inhibere perita:  
 Tum manibus quatit, & spem macram supplice voto  
 Nunc Licini in campos, nunc Crassi mittit in aedes.  
 Hunc optent generum Rex & Regina: puellae  
 Hunc rapiant: quicquid calcaverit hic, rosa fiat.  
 Ast ego nutrici non mando vota: negato  
 Jupiter haec illi, quamvis te albata rogarit.  
 Poscis opem nervis, corpusque fidele senectae:  
 Esto age: sed grandes patinae, tucetaque crassa  
 Annuere his Superos vetuere, Jovemque morantur.  
 Rem struere exoptas: caeso bove, Mercuriumque  
 Arcessis fibra: da fortunare Penatais;  
 Da pecus, & gregibus fetum. Quo, pessime pacto,  
 Tot tibi cum in flammis junicum omenta liquecant?  
 Attamen hic extis, & opimo vincere facto  
 Intendit: jam crescit ager, jam crescit ovile,  
 Jam dabitur, jam jam: donec deceptus, & exspes  
 Nequidquam fundo suspiret nummus in imo.  
 Si tibi crateras argenti, incusaque pingui  
 Auro dona feram, fudes, & pectore laevo  
 Excutias guttas, laetari praetrepidum cor.  
 Hinc illud subiit auro sacras quod ovato

Perducis facies: nam Fratres inter ahenos,  
 Somnia pituita qui purgatissima mitunt,  
 Præcipui sunt, sitque illis aurea barba.  
 Aurum, vasa Numæ, Satufniaque impulit æra,  
 Vestalesque urnas, & Thuscum fictile iuvat.  
 O Curvæ in terris animæ & cœlestium inane!  
 Quin damus id Superis, de magna quod dare lance  
 Non possit magni Metallæ lippa propago:  
 Compositum jus, fasque animi, sanctosque recessus  
 Mentis, & incoctum generoso pectus honesto?  
 Hoc cedo, ut admoveam templis, & farre litabo.

## INTERPRETATIO.

*Macrine, signa albo lapillo hunc diem (natalem nempe), qui faustus novos tibi annos apponit. Funde merum Genio. Tu non is es, qui precibus, muneribusque emere a Diis contendas res nefarias, & iniquas, qua ab iis non nisi seorsum ductis (secreto scilicet) peti possunt. At bonapars Procerum tacite, & clam sacrificabit (acerra est arca, qua ihus ponebatur). Non omnes quent publice in templis ea a Diis postulare, qua animo exoptant. Plerique clare, ut ab aliis audiantur, mentem bonam, famam, fidem exposcunt, vota autem, qua corde concipiunt, hac sunt: o utinam patrui funus contingat (ebullet, seu bulla exeat); utinam raistro, qui mehercule felix esset, seriam (vas oblongum) argento plenam effodiam; utinam pupillum extrudam, cui ego, si interierit, haeres proximus substitutus sum! Is certe scabie laborat, ac bile tuncet. Me miserum! Nerius jam tertiam uxorem sepulchro condidit, mea autem adhuc vivit. Improbe, ut sancta (per ironiam) hac poscas, mane his, terque in Tiberino flumine apud abluis, & noctis piacula expurgas. Heus*

age responde; pauca abs te peto. Quid sentis de Jove? Eum ne alicui saltem anteposendam existimas? Srajo ne saltem homini scelestissimo? Quis enim haeres agnor, quis orphanis mellor est iudex, quam Stajus? (ironice). Age dum igitur, dic Stajo hac eadem, quibus Jovem orare audes. Ille licet improbiissimus, tamen voti hujusmodi iniquitate perculsus clamabit: o Jupiter, o bone Jupiter! Non eadem igitur ratione ad tua vota clamabit Jupiter se ipsum nominans? Putasne illum ignovisse, quia cum conat, fulmine arbores percipiuntur, non tu, & tua domus? An quia nondum, jubente Ergena Aruspice, & mactatarum ovium fibris, jaces in lucis tanquam triste & vitandum bidentia (bidentia locus ille dicebatur; ubi fulmina concidissent, qui illico casis bidentibus, ovibus nempe expiabatur, claudebaturque, ne quis illuc accederet): idcirco putas abs te Jovem impune contemni posse? An vero existimas Deos posse corrumpi pulmene, & lactibus unctis? (lactes, ait Plinius, ea esse intestina, quae ventriculo proxime adherent). Ecce autem alia ex parte (ad supersticiosos nunc transit) avia, vel matertera Deorum metuens, & perita eludere oculos fascinantium, puerum a cunis extrahit, & ejus frontem, ac labra digito infami (nempe medio, qui infamis dicebatur) salivis lustralibus prius illinit, tum quatit manibus, & inani spe sua mittit illum nunc in Licinii campos, nunc in ades Crassi (nempe divitias illi Licinii, & Crassi nequidquam auguratur): illum, ait, Rex, & Regina sibi generum optent: puella ipsum concupiscant; ejus sub pedibus rosa oriantur. Ast ego quidem hac vota nutrici non impero. Tu, Jupiter, vota hujusmodi respue, licet illa albis induta vestibus (quibus sacrificantes utebantur) te obsecraverit. Tu (ad alios se se convertit) pascis robur nervis, & senectae valetudinem. Esto age (hac  
vota

vota iniqua non sunt ) sed grandes patina , & crassa tucta ) genus farciminis ex suillis carnibus minutim concisis ) impediunt , quominus Diste voci compotem faciant , Augere optas rem familiarem ; Mercurio sacrificas , dicens : fac ut domus mihi locupletior fiat , da pecus , & fetum gregibus , At , pessime , qua ratione hoc fies , cum vitulas quotidie mactes , qua gregem possent amplificare ? ( Junices sunt vitula adulta . Omentum est membrana , qua ventriculus , intestinaque integuntur ) . Attamen ille demens extis , & epimo facto ( genus est panis , vel libi , quod Diis offertur ) Mercurius vincere contendit , secum reputans : jam crescit ager , jam crescit ovile , jam dabitur , jam jam ; donec deceptus , & ex spes ne nummum quidem sibi in arca fundo superesse videat . Si tibi ego crateras argenti afferam , & vasa aurea calata , tu illico pra gaudio sudabis , & e lava pectoris parte ( ubi cor situm est ) sudoris guttas excuties , trepidum tibi cor exultabit : idcirco existimans hisce muneribus Deos pariter delectari , eorum simulacra inauras ( auro ovato , aut quia imagines , qua inaurantur ovo prius linuntur ; aut aurum intelligit ex hostibus captum , quod ovationes , & triumphos comitabatur , & ex quo inde templa , simulacra , & alia in honorem Deorum extruebantur ) . Ais enim inter Fratres ahenos ( nonnulli Castorem , & Pollucem intelligunt ; alii probabilius Deos omnes , ut sensus sit : inter reliquas Deorum imagines ex are confectas praecipuo honore habeantur , & barba aurea decorentur Dii illi , qui somnia mittunt purgatissima a pituita , nempe fausta : pituita enim morbus est gallinarum , qui ex edacitate nascitur ; edaces autem , & cibo gravati homines tristitia tantum habere somnia dicebantur ) . Aurum a templis expulit vasa Numa , qua fistilia erant , & vasa aera , qua Saturni tempore in sacrificiis adhibebantur . Aurum mutavit urnas Vestales , qua

pariter feciles erant, & simulacra fictilia, quibus olim Thufci utebantur. O anima in terram defixa, & cœlestium aut ignara, aut immemores? Cur non potius id Superis exhibemus, quod Ippus Messalla filius (scilicet Messallinus Cotta homo gula deditissimus, qui Senex maximo oculorum vitio laboravit) ex magnis lancibus, quibus mensam instruit, dare non possit? Cur scilicet potius quam exquisitas ilapes, & ampla munera non iis exhibemus animi integritatem, sanctas, atque innoxias mentis cogitationes, pectus honestate plenum, atque perfectum? (incoctum significat bene coctum; pectus igitur honesto incoctum pectus exprimit, cui honestas alte inhareat, & in succum quodammodo, ac sanguinem transferit). Hæc cedo &c. Fac, ut probitatem, & mores. integros ad templum afferam, & Deos vel solo farre placabo. Litare enim proprie est Deos placare, votumque impetrare.



# D. JUNII JUVENALIS.

---

## SATYRA.

*Offendit veram Nobilitatem in Virtute positam esse.*

**S**temmata quid faciunt, quid prodest, Pontice, longo  
Sanguine cen eri, pictosque ostendere vultus  
Majorum, & stantes in curribus Aemilianos,  
Et Curios jam dimidios, nasumque minorem  
Corvini, & Galbam auriculis, nasoque carentem?  
Quis fructus generis tabula jactare capaci  
Fumosos Equitum cum Dictatore magistros,  
Si coram Lepidis male vivitur? effigies quo  
Tot bellatorum, si luditur alea pernox  
Ante Numantinos, si dormire incipis ortu  
Luciferi, quo signa Duces, & castra movebant?  
Cur Altobrogicis, & magna gaudeat ara  
Natus in Herculeo Fabius Lare, si cupidus, si  
Vanus & Euganeæ quantumvis mollior agna;  
Si tenerum attritus Catinensi pumice lumbum  
Squallentes traducit avos, emptorque veneni  
Frangenda miseram funestat imagine gentem?

Tota licet veteres exornent undique ceræ  
Atria, Nobilitas sola est, atque unica virtus.  
Paullus, vel Cossus, vel Drusus moribus esto:  
Hos ante effigies majorum pone tuorum.  
Præcedant ipsas illi te Consule virgas.

Prima mihi debes animi bona. Sanctus haberi;  
Justitiæque tenax factis, dictisque mereris;  
Agnosco procerem; salve Getulice, seu tu  
Sullanus. Quocunque ali de sanguine rarus  
Civis, & egregius patriæ contingis ovantis.  
Exclamare libat, populus quod clamat Osiri  
Invento. Quis enim generosum dixerit hunc, qui  
Indignus genere, & præclaro nomine tantum  
Insignis? nanum cujusdam, Atlanta vocamus;  
Aethiopem, cycnum parvam, extortamque puellam,  
Europen, canibus pigris, scabieque vetusta  
Lævibus, & siccae lambentibus ora lucernæ,  
Nomen erit pardus, tigris, leo, si quid adhuc est,  
Quod fremit in terris violentius. Ergo cavebis,  
Et metues, ne tu sis Creticus, aut Camerinus.  
His ego quem monui, tecum est mihi sermo, Rubelli  
Plance. Tumes alto Drusorum sanguine, tanquam  
Feceris ipse aliquid, propter quod nobilis esses,  
Ut te conciperet, quæ sanguine fulget Juli,  
Non quæ ventoso conducta sub aere textit.  
Vos humiles, inquis, vulgi pars ultima nostri,  
Quorum nemo queat patriam monstrare parentis;  
Ast ego Cecropides. Vivas, & originis hujus  
Gaudia longa feras. Tamen ima plebe Quiritem  
Facundum invenies; solet hic defendere causas.  
Nobilis indocti; veniet de plebe togata,  
Qui juris nodos, & legum ænigmata solvat.  
Hic petit Euphratem juvenis, domitique Batavi  
Custodes aquilas, armis industrius: at tu  
Nil nisi Cecropides, truncoque simillimus Hermæ.  
Nullo quippe alio vincis discrimine, quam quod.  
Illi marmoreum caput est, tua vivit imago.  
Dic mihi Teucrorum proles, animalia muta  
Quis generosa putet, nisi fortia? nempe volucrem  
Sic laudamus equum, facili cui plurima palma  
Fervet, & exultat rauco victoria circo.  
Nobilis hic; quocunque venit de gramine, cujus  
Clara fuga ante alios, & primus in æquore pulvis.  
Sed.

Sed venale pecus Corythæ, posteritas &  
 Hirpini, si rara jugo victoria sedit,  
 Nil ibi majorum respectus, gratia nulla  
 Umbrarum, dominos pretiis mutare jubentur  
 Exiguus, tritoque trahunt epirhedra collo  
 Segnipedes, dignique molam versare Nepotis.  
 Ergo, ut miremar te, non tua, primum aliquid da,  
 Quod possim titulis incidere præter honores,  
 Quos illis damus & dedimus, quibus omnia debes.  
 Hæc satis ad juvenem, quem nobis fama superbum  
 Tradit, & inflatum plenumque Nerone propinquo.  
 Rarus enim ferme sensus communis in illa  
 Fortuna. Sed te censeris laude tuorum,  
 Pontice, noluerim, sic ut nihil ipse futuræ  
 Laudis agas. MISERUM est aliorum incumbere famæ;  
 Ne collapsa ruant subductis tecta columnis.  
 Stratus humi palmes viduas disiderat ulmos  
 Esto bonus miles, tutor bonus, arbiter idem  
 Integer ( ambigæ si quando citabere testis,  
 Incertæque rei ), Phalaris liret, imperet, ut sis  
 Falsus, & admoto dicet pejuria tauro.  
 Summum crede nefas animam præferre pudori,  
 Et propter vitam vivendi perdere causas.  
 Dignus morte perit, cenet licet ostrea centum  
 Gaurana, et Cosmi toto mergatur ahenò  
 Expectata diu tandem provincia cum te  
 Rectorem accipiet, pone iræ frena, modumque;  
 Pone & avaritiæ; miserere inopum sociorum.  
 Olla vides Regum vacuis exhausta medullis,  
 Respice quid moneant leges, quid Curia mondet,  
 Præmia quanta bonos maneat; quam fulmine justo  
 Et Capito, & Tutor ruerint damnante Senatu,  
 Piratæ Cilicum. Sed quid damnatio confert,  
 Cum Panfa eripiat, quidquid tibi Nacta reliquit?  
 Præconem, Chærippe, tuus circumspice, pannis,  
 Jamque tace. FVROK est post omnia perdere naulum,  
 Non idem genitus olim, nec vulnus erat par  
 Damnorum, sociis florentibus & modo victis.



Plena domus tunc omnis, & ingens stabat acervus  
 Nummorum Spartana chiamys, conchyliis. Coa,  
 Et cum Parrhasii tabulis, signisque Myronis.  
 Phidiacum vivebat ebur, nec non Polycleti.  
 Multius ubique labor: raræ sine Mentore mensæ.  
 Inde Dolabella est; atque hinc Antonius, inde  
 Sacrilegus Verres referebant navibus altis  
 Occulta & spolia, & plures de pace triumphos,  
 Nunc sociis jugapauca boum, grex parvusequarum  
 Et pater armenti capto eripietur aggelio:  
 Ipsi deinde Lares; si quod spectabile signum,  
 Si quis in ædícula Deus unicus: hæc etenim sunt  
 Pro summis, nam sunt hæc maxima. Despicias tu  
 Forsitan imbelles Rhodios, unctamque Corinthum.  
 Despicias merito; quid enim resinata juvenus,  
 Cruraque totius facient tibi levia gentis?  
 Horrida vitanda est Hispania, Gallicus axis,  
 Illyricumque latus. Parce & messoribus illis,  
 Qui saturant urbem Circo, scenaque vacantem.  
 Quanta autem inde feres tam diræ præmia culpæ?  
 Cum tenue nuper Marius discinxerit Afros?  
 Curandum in primis, ne magna injuria fiat  
 Fortibus, & miseris: tollas licet omne quod usque est  
 Auri, atque argenti; scutum, gladiumque relinques,  
 Et jacula, & galeam, SPOLIATIS arma supersunt.  
 Quod modo proposui non est sententia. verum  
 CREDITE me vobis folium recitare Sibyllæ.  
 Si tibi sancta cohors comitum, si nemo tribunal  
 Vendit acerfecomes, si nullum in conjugio crimen,  
 Nec per conventus, nec cuncta per oppida curvis  
 Unguibus ire parat nummos raptura Celæno:  
 Tunc licet a Pico numeres genus, atque si te  
 Nomina delectant, omnem Titandia pugnam  
 Inter maiores, ipsumque Promethea ponas:  
 De quocunque voles proavum tibi sumito libro.  
 Quod si præcipitem rapit ambitus, atque libido.  
 Si frangis virgis sociorum in sanguine, si te  
 Delectant hebetes læssæ lictore securæ.

Incipit ipforum contra te stare parentum  
 Nobilitas, claramque facem præferre pudendis:  
 OMNE animiviciū tanto conspectius in se  
 Crimen habet, quanto major: qui peccat, habetur.  
 Quo mihi te solitum falsas signare tabella?  
 In templis, quæ fecit avus, statumque parentis  
 Ante triumphalem? quò, si nocturnus adulter  
 Tempora Santonico velas adoperta cucullo?  
 Præter majorum cineres, atque ossa volucris  
 Carpentò rapitur pinguis Damaspippus, & ipse;  
 Ipse rotam stringit multo sufflamine Consul.  
 Nocte quidem; sed Luna videt, sed sidera testes  
 Intendunt oculos. Finitum tempus honoris  
 Cum fuerit, clara Damaspippus luce stigillum  
 Sumet, & occursum nusquam trepidabit amici  
 Jam senis, ac virgæ prior annuet, atque maniplos  
 Solvet, & infundet jumentis hordea lassis.  
 Interea, dum lanatas, torvamque juvencum  
 More Numæ cædit Jovis ante altaria, jurat  
 Solam Eponam & facies olida ad præsepia pictas,  
 Sed cum pervigiles placet instaurare popinas:  
 Obvius assiduo Syrophœnix udus amomo  
 Currit; Idumææ Syrophœnix incola portæ  
 Hospitis affectu dominum, Regemque salutat;  
 Et cum venali Cyane succincta lagena:  
 Defensor culpæ dicet mihi: fecimus & nos  
 Hæc juvenes: esto: desisti nempe, nec ultra  
 Fovisti errorem. BREVE sit, quod turpiter audes:  
 Quædam cum prima rasescentur crimina barba:  
 Indulge veniam pueris, Damaspippus ad illos  
 Thermarum calices, inscriptaque lintea vadit  
 Maturus bello Armeniæ, Syriæque tuendis  
 Amnibus, & Reno, atque Iltro. Præstare Neronem  
 Securus valet hæc ætas: mitte ostia, Cæsar,  
 Mitte: sed in magna Legatum quære popina,  
 Invenies aliquo cum percussore jacentem,  
 Permissum nautis, aut furibus, aut fugitivis,  
 Inter carnificas, & fabros sandapilarum,

Et resupinati cessantia tympana Galli.  
 Æqua ubi libertas, communia pocula, lectus  
 Non alius cuiquam, nec mensa remotior ulli.  
 Quid facias talem sortitus, Pontice, servum?  
 Nempe in Lucanos, aut Thusca ergastula mittas.  
 At vos, Trojugenæ, vobis ignoscitis & quæ  
 Turpia cerdoni, Volesos, Brutosque decebunt.  
 Quid, si numquam adeo scedis, adeoque pudendis.  
 Utimur exemplis, ut non pejora, super sint.  
 Consumtis opibus vocem, Damasippe, locasti  
 Sippario, clamorū ageres, ut phasma Catulli.  
 Laureolum velox etiam bene Lentulus egit,  
 Judice me, dignus vera cruce; nec tamen ipsi.  
 Ignoscas populo: populi frons durior hujus,  
 Qui sedet, & spectat triscurria patriciorum:  
 Planidedes audit Fabios: ridere potest qui  
 Mamercorum alapas: quanti sua funera vendant,  
 Quid refert? vendunt nullo cogente Nerone.  
 Nec dubitant Celsi Prætoris vendere ludis.  
 Finge tamen gladios inde, atque hinc pulpita pone.  
 Quid satius? mortem sic quisquam exhorruit, ut sit  
 Zelotypus Thymæles stupidi collega Corinthi?  
 Res haud mira tamen; citharædo Principe natus  
 Nobilis; hæc ultra quid erit, nisi ludus? & illud  
 Dedecus urbis habes: nec mirmillonis in armis,  
 Nec clypeo Graccum pugnantem, aut falce supina.  
 Damnat enim tales habitus, & damnat, & odit,  
 Nec galea frontem abscondit, movet ecce tridentem,  
 Postquam vibrata pendentia retia dextra  
 Nequiquam effudit, nondum ad spectacula vultum  
 Erigit, & tota fugit agnoscendus arena.  
 Cedamus tunicæ, de faucibus aurea cum se  
 Porrigat, & longo jactetur spira galero.  
 Ergo ignominiam graviolem pertulit omni  
 Vulnere: cum Gracco jussus pugnare secutor,  
 Libera si dentur populo suffragia, quis tam  
 Perditus, ut dubitet Senecam præferre Neroni?  
 Cujus supplicio non debuit una parari

Simias, nec serpens unus, nec culeus unus.  
Par Agamemnonidæ crimen: sed causa facit rem  
Dissimilem: quippe ille Deis auctoribus ultor  
Patris erat cæsi media inter pocula: sed nec  
Electræ jugulo se polluit, aut Spartani  
Sanguine conjugii; nullis aconita propinquis  
Miscuit; in scena numquam cantavit Orestes;  
Troica non scripsit: quid enim Virginius armis  
Debit ulcisci magis, aut cum Viridice Galba?  
Quid Nero tam sæva, crudaque tyrannide fecit?  
Hæc opera, atque hæc sunt generosi Principis artes  
Gaudentis fœdo peregrina ad pulpita saltu  
Prostitui, Grajæque apium meruisse coronæ  
Majorum effigies habeant insignia vocis  
Ante pedes Domiti longum tu pone Thyestæ  
Syrma, vel Antigonæ, seu personam Menalippes:  
Et de marmoreo citharam suspende Colosso.  
Quis, Catilina, tuis natalibus, atque Cethegi  
Inveniet quidquam sublimius? arma tamen vos  
Nocturna, & flammæ domibus, templisque parastis;  
Ut Braccatorum pueri, Senonumque minores,  
Ausi quod liceat tunica punire molestis.  
Sed vigilat Consul, vexillaque vestra coercet.  
Hic novus Arpinas ignobilis, & modo Romæ  
Municipalis Eques gelatum ponit ubique  
Præsidium attonitis, & in omni gente laborat.  
Tantum igitur muros intra toga contulit illi  
Nominis, & tituli, quantum non Leucade, quantum  
Thessaliæ campis Octavius abstulit udo  
Cædibus assiduis gladio: sed Roma parentem,  
Roma patrem patriæ Ciceronem libera dixit.  
Arpinas alius Volscorum in monte solebat  
Pescere mercedes alieno lassus aratro;  
Nodosam post hæc frangebatur vertice vitem;  
Si lentus pigra muniret castra dolabra.  
Hic tamen & Cimbros, & summa pericula rerum  
Excipit, & solus trepidantem protegit urbem.  
Atque ideo postquam ad cimbros, stragemque volabant  
Qui

Qui numquam attigerant majora cadavera corvæ,  
Nobilis ornatur lauro collega secunda.  
Plebejæ Deciorum animæ, plebeja fuerunt  
Nonna: pro totis legionibus hi tamen, & pro  
Omnibus auxiliis, atque omni plebe Latina  
Sufficiunt Diis infernis, Terræque parenti.  
Pluris enim Decii, quam qui servantur ab illis:  
Ancilla natus trabeam, & diadema Quirini,  
Et fasces meruit Regum ultimus ille bonorum  
Producta laxabant portarum claustra tyrannis  
Exsulibus juvenes ipsius Consulis, & quos  
Magnum aliquid dubia pro libertate deceret.  
Quod miraretur cum Coclite Mucius, & quæ  
Imperii fines Tiberinum Virgo natavit.  
Occulta ad patres produxit crimina servus  
Matronis lugendus: at illos verbera iustis  
Afficiunt pœnis, & legum prima securis.  
Malo pater tibi sit Therites, dummodo tu sis  
Æacidæ similis, Vulcanique arma capellas,  
Quam te Theritæ similem producat Achilles.  
Et tamen, ut longe repetas, longeque revolvas  
Nomen, ab infami gentem deducis asylo.  
Majorum primus quisquis fuit ille tuorum,  
Aut pastor fuit aut illud, quod dicere nolo.



# M. VALERII MARTIALIS.

---

## HEXDECASYLLABI.

### I. DE HORTIS JULII MARTIALIS.

**J**uli jugera pauca Marcialis,  
 Hortis Hesperidum beatiora,  
 Longo Janiculi jugo recumbunt.  
 Latè collibus imminent recessus;  
 Et planus modico tumore vertex  
 Cœlo perfruitur sereniorè,  
 Et curvas nebula tegente valles  
 Solus luce nitet peculiari.  
 Puris leniter admoventur astris  
 Celsæ culmina dedicata villæ.  
 Hinc septem dominos videre montes,  
 Et totam licet æstimare Romam,  
 Albanos quoque, Tusculosque colles,  
 Et quodcumque jacet sub Urbe frigus,  
 Fidenas veteres, brevesque Rubras;  
 Et quod virgineo cruore gaudet,  
 Annæ pomiferum nemus Perennæ.  
 Illic Flaminæ, Salarisq[ue]  
 Gestator patet, effuso tacente,  
 Ne blando rota sit molesta somno,

Quem

Quem nec rumpere nauticum celeusmas,  
 Nec clamor valet helciariorum:  
 Cum sit tam prope Milviusca sacrumque  
 Lapsæ per Tiberim volent rinæ.  
 Hoc rus, seu potius domus vocanda est,  
 Commendat Dominus: tuam putabis  
 Tam non invida, tamque liberalis,  
 Tam comi patet hospitalitate.  
 Credas Alcinoi pios Penates,  
 Aut facti modo divitis Molochi.  
 Vos nunc omnia parva qui putatis,  
 Centeno gelidum ligone Tibur,  
 Vel Prænestæ domate, pendulamque  
 Uni dedite Setiam colono:  
 Dum, me iudice, præferantur istis  
 Juli jugera pauca Martialis.

## 2. IN CAUSSIDICUM A PROPOSITO ABERRANTEM.

Non de vi, neque ræde, nec veneno,  
 Sed lis est mihi de tribus capellis.  
 Vicini queror has abesse furto.  
 Hoc Judex sibi postulat probari.  
 Tu Cannas, Mithridaticumque bellum,  
 Et perjuria Punici furoris,  
 Et Syllas, Mariosque, Mutiosque  
 Magna voce sonas, manuque tota.  
 Jam dic, Postume, de tribus capellis.

## 3. LIBELLUM SUUM CÆSIO MITTIT.

Nosti si bene Cæsum, libelle,  
 Montanæ decus Umbrizæ Sabinum,  
 Auli municipem mei Pudentis,  
 Illi tu dabis hæc vel occupato.  
 Instent mille licet, premantque curæ;  
 Nostris carminibus tamen vacabis.

Nam

Nam me diligit ille, proximumque  
Turni nobilibus leget libellis.  
O quantum tibi nominis paratur!  
O quæ gloria! quam frequens amator!  
Te convivia, te forum sonabit,  
Ædes, compita, porticus, tabernæ:  
Uni mitteris, omnibus legeris.

## 4. AD JULIUM MARTIALEM.

Triginta mihi, quatuorque messes  
Tecum, si memini, fuerè, Juli,  
Quorum dulcia mista sunt amaris;  
Sed jucunda tamen fuere plura;  
Et si calculus omnis huc & illuc  
Diversus, bicolorque digeratur,  
Vincit candida turba nigriorem.  
Si vitare velis acerba quædam,  
Et ristes animi cavere morsus,  
Nulli te facias nimis sodalem.  
Gaudebis minus, & minus dolebis.

## 5. AD JULIUM MARTIALEM.

Vitam quæ faciunt beatiorè,  
Jucundissime Martialis, hæc sunt.  
Res non parva labore, sed relicta,  
Non ingratus ager, focus perennis,  
Lis nunquam, toga rara, mens quieta,  
Vires ingenuæ, salubre corpus,  
Prudens simplicitas, pares amici,  
Convictus facilis, sine arte mensa,  
Nox non ebria, sed soluta curis,  
Non tristis torus, attamen pudicus,  
Somnus, qui faciat breves tenebras,  
Quod sis, esse velis, nihilque malis,  
Summum nec metuas diem, nec optes.



## EPIGRAMMATUM.

## 1. AD VESPASIANUM.

**Q**Uæ tam seposita est, quæ gens tam barbara,  
 Cæsar,  
 Ex qua spectator non sit in Urbe tua?  
 Venit ab Orpheo cultor Rhodopeius Hæmo,  
 Venit & epoto Sarmata pastus equo;  
 Et qui prima bibit deprehensæ flumina Nili,  
 Et quem supremæ Tethios unda ferit.  
 Festinavit Arabs, festinavere Sabæi,  
 Et Cilices nimbis hic maduere suis.  
 Crinibus iam nodum tortis venere Sicambri,  
 Atque aliter tortis crinibus Æthiopes.  
 Vox diversa sonat, populorum est vox tamen una;  
 Cum verus Patriæ diceris esse Pater.

## 2. DE REGULO A RUINA SERVATO.

Itur ad Herculei gelidas quæ Tiburis arces,  
 Canaque sulphureis Albula fumât aquis;  
 Rura, nemusque sacrum, dilectaque jugera Musis:  
 Signat vicina quartus ab Urbe lapis.  
 Hic rudis æstivas præstabat porticus umbras,  
 Heu quam pæne novam porticus ausa nefasti  
 Nam subito collapsa ruit, cum mole sub illa  
 Gestatus bijugis Regulus esset equis.  
 Nimirum timuit nostras fortuna querelas,  
 Quæ par tam magnæ non erat invidiæ.  
 Nunc & damna juvant; sunt ipsa pericula tanti:  
 Stantia non poterant tecta probare Deos.

AD

## 3. AD QUINCTILIANUM.

Quinctiliane, vagæ moderator summe juventæ,  
 Gloria Romanæ, Quinctiliane, togæ.  
 Vivere quod propero pauper, nec inutilis annis,  
 Da veniam, properat vivere nemo satis.  
 Differat hoc, patrios optat qui vincere census,  
 Atriæque immodicis arctat imaginibus.  
 Me focus, & nigros non indignantia fumos  
 Testa juvant, & fons vivus, & herba rudis.  
 Sit mihi verna satur, sit non doctissima conjux,  
 Sit nox cum somno, sit sine lite dies,

4. DE INIQUA IN VIVENTES:  
POETAS FAMA.

Esse quid hoc dicam, vivis quod fama negatur;  
 Et sua quod rarus tempora lector amat?  
 Hi sunt invidiæ nimirum, Regule, mores;  
 Præferat antiquos semper ut illa novis,  
 Sic veterem ingrati Pompeji quærimus umbram:  
 Sic laudant Catuli vilia templa fenes.  
 Ennius est lectus salvo tibi, Roma, Maronè;  
 Et sua riserunt Sæcula Mæonidem.  
 Rara coronato plausere theatra Menandro:  
 Norat Nasonem sola Corinna suum.  
 Vos tamen, o nostri, ne festinate, libelli:  
 Si post fata venit gloria, non propero.

5. EA SOLUMMODO TUTA ESSE,  
*Quæ Amicis donantur.*

Callidus effracta nummos fur auferet arca:  
 Prosterne patrios impia flamma Lares;  
 Debitor usuram pariter, sortemque negabit.  
 Non reddet sterilis semina jacta seges.  
 Dispensatorem fallax spoliabit amicus:

Mer-

Mercibus extractas obruet unda rates.  
 Extra fortunam est, quidquid donatur amicis:  
 Quas dederis, solas semper habebis opes.

6. AD MARCELLINUM.

Marcelline, boni soboles sincera Parentis,  
 Horrida Parrhasio quem tegit Urfa iugo:  
 Ille vetus pro te, patriusque quod optat amicus,  
 Accipe, & hæc memori pectore vota tene.  
 Cauta sit ut virtus, nec temerarius ardor  
 In medios enses, lævaque tela forat.  
 Bella velint, Martemque ferum rationis egentes:  
 Tu potes & patriæ miles, & esse decus.

7. IN LAUDEM NERVÆ TRAJANI.

Tanta tibi est recti reverentia, Cæsar, & æqui,  
 Quanta Numæ fuerat; sed Numa pauper erat.  
 Ardua res hæc est, opibus non tradere mores;  
 Et cum tot Cræsos viceris, esse Numam.

8. IN ÆLIAM TUSSIENTEM.

Si memini, fuerant tibi quatuor, Ælia, dentes;  
 Exspuit una duos tussis, & una duos.  
 Jam secura potes totis tussire diebus;  
 Nil istie, quod agat, tertia tussis habet.

9. IN LIUIDUM.

Qui ducis vultus, & non legis ista libenter;  
 Omnibus invidas, livide, nemo tibi,

## 10. IN ATTALUM.

Semper agis causas, & res agis, Attale, semper :  
 Est, non est, quod agas, Attale, semper agis .  
 Si res, & causas defunt, agis, Attale, inulas,  
 Attale, ne quod agas desit, agas animam.

## 11. IN CAJUM.

Si donare vocas promittere, nec dare, Cai :  
 Vincam te donis, muneribusque meis .  
 Accipe Callaïcis quidquid fodit Astur in arvis  
 Aurea quidquid habet divitis unda Tagi .  
 Quidquid Erythrea niger invenit Indus in alga :  
 Quidquid & in nidis unica servat avis ,  
 Quidquid Agenoreo Tyros improba cogit aheno  
 Quidquid habent omnes, accipe, quomodo das .

## 12. IN ZOILUM.

Crine ruber, niger ore, brevis pede, lumine laesus  
 Rem magnam praestas, Zoile, si bonus es.

## 13. EPITAPHIUM URBICI PUERI.

Conditus hic ego sum Bassi dolor Urbicus infans  
 Cui genus, & nomen maxima Roma dedit  
 Sex mihi de prima deerant trieteride menses ;  
 Ruperunt tetricæ cum mala pensa Deæ ,  
 Quid species, quid lingua mihi quid profuit ætas ?  
 Da lacrymas tunulo, qui legis ista, meo .  
 Sic ad Lethæas, nisi Nestore ferior, undas  
 Non eat, optabis, quem superesse tibi.

SELECTA QUÆDAM.

EX T. PETRONIO

ARBITRO.

1. *Pecunia quidlibet obtineri.*

Quisquis habet nummos, secunda naviget aura,  
 Fortunamque suo temperet arbitrio.  
 Carmina componat, declamet, concrepet omnes,  
 Et peragat causas, sitque Catone prior.  
 Jurisconsultus paret, non paret, habeto,  
 Atque esto quidquid Servius, & Labeo.  
 Multa loquor: quidvis nummis presentibus opta,  
 Et veniet: clausum possidet arca Jovem.

2. *Amicitiam ob utilitatem solummodo  
 ab hominibus coli.*

Nomen amicitiae, si quatenus expedit, hæret,  
 Calculus in tabula mobile ducit opus.  
 Cum Fortuna manet, vultum servatis, amici,  
 Cum cecidit, turpi vertitis ora fuga.  
 Grex agit in scena mimum: pater ille vocatur:  
 Filius hic: nomen divitis ille tenet.  
 Mox ubi ridendas inclusit pagina partes,  
 Vera redit facies, dissimulata aperit.

3. *De Avaris.*

Non bibit inter aquas, poma aut pendencia car-  
 pit  
 Tantalus infelix, quem sua vota premunt.

Di.

Divitis hæc magni facies erit, omnia cernens  
Qui timet, & sicco concoquit ore famem.



# EX D. MAGNO

## AUSONIO.

### 1. *De Agathocle Syracusarum Tyranno.*

**F**ama est fistilibus cenasse Agathoclea Regem;  
Atque abacum Samio sæpe onerasse luto.  
Fercula gemmatis cum poneret ho rrida vasis,  
Et misceret opes, pauperiem que simul,  
Querenti causam respondit: Rex ego qui sum  
Sicaniz, figulo sum genitore satus.  
Fortunam reverenter habe, quicumque repente  
Dives ab exili progrediere loco.

### 2. *In Didonis Imaginem.*

Illa ego sum Dido, vultu quam conspicias, hospes,  
Assimilata modis, pulchraque mirificis.  
Talis eram, sed non, Maro quam mihi finxit, erat mens;  
Vita nec incestis læta cupidinibus.  
Namque nec Æneas vidit me Troius unquam,  
Nec Libiam advenit classibus Iliacis;  
Sed furias fugiens, atque arma procacis Iarbæ,  
Servavi, fateor, morte pudicitiam.  
Pectore transfixo, castos quod pertulit enses,  
Non furor, aut læso crudus amore dolor.  
Sic cecidisse juvat. Vixi sine vulnere famæ.  
Ultra virum, positis mœnibus oppetii.  
Invida cur in me stimulaſti, Musa, Maronem,  
Fingeret ut nostræ damna pudicitiz?

Vos

Vos magis Historicis, lectores, credite de me;  
 Quam qui furta Deum, concubitusque canunt.  
 Falsidici vates, temerant qui carmine verum,  
 Humanisque Deos assimilant vitiis!

3. *De picta Rhetoris Rufi Imagine.*

Hæc Rufi tabula est: nil verius. Ipse ubi Rufus?  
 In cathedra. Quid agit? Hoc quod & in tabula.

4. *De Matre Spartana.*

Mater Lacæna clypeo obarmans filium  
 Cum hoc, inquit, aut in hoc redi.



E X M. A N N Æ O

S E N E C A.

1. *De Corsica Insula.*

**B**arbara præruptis inclusa est Corsica faxis,  
 Horrida, desertis undique vasta locis.  
 Non poma Autumnus, segetes non educat æstus;  
 Canaque Palladio munere bruma caret.  
 Umbrarum nullo ver est lætabile sætu,  
 Nullaque in infauſto nascitur herba ſolo.  
 Non panis, non hauſtus aquæ, non ultimus ignis;  
 Hic ſola hæc duo ſunt, exul, & exilium.

*In Maledicum, qui ipsum exulem  
maligne irridebat.*

Dum sua compositus nondum bene concutit arma  
Miles, & e nostra lancea sort a manu:  
Bellus homo, & valde capitalia crimina ludis,  
Deque tuis manant atra venena jocis.  
Sed tu perque jocos dicis, vinumque: quid ad rem  
Si plorem, risus si tuus ista facit?  
Quare tolle jocos, non est jocus esse malignum;  
Nunquam sunt grati, qui nocuere, sales.



## EX C. PLINIO

### SECUNDO.


1. *Hominum mentes dociles esse debere.*

Ut laus est ceræ, mollis, cedensque sequatur  
Si doctos digitos, iustaque fingat opus.  
Et nunc informet Martem, castamque Minervam:  
Nunc Venerem effingat, nunc Veneris puerum.  
Sic hominum ingenium flecti, ducique per artes  
Non rigidas docta mobilitate decet.

2. *Epitaphium Virginii Rufi.*

Hic situs est Rufus, pulso qui Vindice quondam  
Imperium adseruit non sibi, sed Patriæ.





## EX CL. CLAUDIANO.

*De Sane rustico Veronensi.*

Felix qui patriis ævum transegit in agris!  
Ipsa domus puerum vidit, & ipsa senem.  
Qui baculo nitens, in qua reptavit arena,  
Unius numerat sæcula longa casæ.  
Illum non vario traxit fortuna tumultu,  
Nec bibit ignotas mobilis hospes aquas.  
Non freta mercator tremuit, non classica miles,  
Non rauci lites pertulit ille fori.  
Indocilis rerum, vicinæ nescius urbis  
Adspectu fruitur liberiore poli.  
Frugibus alternis, non Consule, computat annum;  
Autumnum pomis, ver sibi flore notat.  
Idem condit ager soles, idemque reducit,  
Metiturque suo rusticus orbe diem.  
Ingentem meminit parvo qui germine quæscum,  
Æquævumque videt consenuisse nemus.  
Proxima cui nigris Verona remotior Indis,  
Benacumque putat litora rubra lacum.



## EX INCERTIS

## AUCTORIBUS.

*De Carminum, ac Poetarum aternitate;*

Hæc urbem circa stulti monumenta doloris,  
 Quasque vides moles, Appia, marmoreas;  
 Pyramidasque aufas vicinum attingere cælum,  
 Pyramidas, medio quas fugit umbra die.  
 Et Mausoleum miseræ solatia mortis,  
 Intulit æternum quo Cleopatra virum,  
 Concutiet, sternetque dies; quoque altius extat  
 Quodque opus, hoc illud carpēt, edetque magis.  
 Carmina sola carent fato, motemque repellunt;  
 Carminibus vives semper, Homere, tuis.

*Epitaphium Virgilii.*

Mantua me genuit, Calabri rapuere, tenet nunc  
 Parthenope; cecini pascua, rura, Duces

*In Hominem gloriosum.*

Quod tua mille domus solidas habet alta columnas;  
 Quod tua marmoreo janua poste nitet:  
 Aurea quod summo splendent laquearia tecto;  
 Imum crusta tegit quod pretiosa locum:  
 Atria quod circa dives tegit omnia cultus;  
 Hoc animos tollit nempe, beate, tuos?  
 Ædibus in totis gemmæ licet omnia claudant,  
 Turpe est, nil domino turpius esse suo.

*De Matre Byzantina.*

Viderat exanimem mater Byzantia natum;  
 Forte facit patriis dum sua vota sacris.  
 Impositumque suis juvenem, quæ gesserat, armis;  
 Et madida hostili tela, manusque nece.  
 Mox nec scissa comam mater, nec territa casu,  
 Fœmina fortuna celsior ipsa sua:  
 Natè, ait, egregium patriæ per sæcula nomen.  
 Quam non degeneri funere, natè, jaces!  
 Nunc demum peperisse juvat dolor omnis abesto;  
 Nunquam ego, te nato, non bene mater ero.

## EPIGRAMMATA E GRÆCO VERSA.

## DE FAUSTO PUMILIONE,

*Qui ab exiguo equo ceciderat.*

*Vers. Ausonii.*

Faustulus insidens formicæ, ut magno Elephanto;  
 Decidit, & terræ terga supina dedit.  
 Moxq; idem ad mortem est multatus calcibus ejus,  
 Perditus ut posset vix retinere animam.  
 Vix tamen est satus: quid rides, improbe livor,  
 Quod cecidi? cecidit non aliter Phaeton.

DE THRASYBULO SPARTANO  
ADOLESCENTE.

*Vers. Ausonii.*

Excipis adverso quod pectore vulnera septem,  
 Arma supervcheris quod, Thrasybule, tua.

Non

Non dolor hic patris, Pitanz sed gloria major:  
 Rarum tam pulchro funere posse frui.  
 Quem postquam mœsto socii posuere pheretro,  
 Talia magnanimus edidit orsa pater:  
 Flete alios, natus lacrymis non indiget ullis  
 Et meus, & talis, & Lacedæmonius.

## DE MATRE SPARTANA.

Vers. Marulli.

Mater Lacæna conspicata filium  
 Relicta inermem parmula,  
 Progressa contra trajicit ferro latus,  
 Super neqatam his increpans:  
 Abi hinc, morere, non digna me proles;  
 Mentite patriam, & genus.

## BITONIS RUSTICI VOTUM.

Pani caprum. Nymphisq; rosas, thyrsūq; Lyæo.  
 Arbore sub viridi dat tria dona Biton.  
 Æquanimes capite hæc, Divi; semperque fovete,  
 Pan, pecudes; Nymphæ, flumina; Bacche, solum.

## DE CUPIDINE AB APE PUNCTO.

Ex Anacreonte. Vers. Andr. Daſtli Florent.

Nactus apes, furax populat dum mella Cupido,  
 Prædantis digitos aspera punxit apis.  
 Idoluit, persansque manum, tellure repulsa,  
 Matris Acidaliæ constitit ante pedes.  
 Quantula, Mater, ait lacrymis gemebundus obortis,  
 Est fera! quanta mihi vulnera fecit apis!  
 Cui Venus arridens: apibusne simillimus ipsis  
 Detrahis? en quantus vulnera quanta facis.

IN MATREM, AC FILIUM,

IN MATREM, AC FILIUM,

*Quorum uterque uno oculo carbat*

*Verf. Amalthei.*

Lumina Acon dextro, capta est Leonilla sinistro,

Et potis est forma vincere uterque Deos.

Blande puer, lumen quod habes concede parenti;

Sic tu cecus Amor, sic erit illa Venus.

DE MILITE SPARTANO,

*Verf. Averan.*

Non ego Messanz luctator, & editus Argis:

Sparta mihi Patria est laude superba virum:

Arte illi vincunt, ego vi: Lacedæmone natos

Sic virtute decet, non superare dolo.

## E X C E R P T A.

## EX T. LUCRETII CARI

## DE RERUM NATURA LIBRO I.

Æ Neadum genetrix, hominum, divumque voluptas:  
 Alma Venus, cœli subter labentia signa  
 Quæ mare navigerum, quæ terras frugiferentes  
 Concelebras; per te quoniam genus omne animantum  
 Concipitur, visitque exortum lumina solis:  
 Te, Dea, te fugiunt venti, te nubila cœli,  
 Adventumque tuum; tibi suaves dædala tellus  
 Submitteit flores, tibi rident æquora ponti,  
 Placatumque nitet diffuso lumine cœlum.  
 Nam simul ac species patefacta est verna diei,  
 Et referata viget genitalis aura favoni,  
 Aeris primum volucres te, Diva, tuumque  
 Significant initium percussæ corda tua vi:  
 Inde feræ pecudes persultant pabula læta,  
 Et rapidos tranant amnes: ita capta lepore,  
 Te sequitur cupide, quo quamque inducere pergis.  
 Denique per maria, ac montes, fluviosque rapaces,  
 Frondiferasque domos avium, camposque virentes,  
 Omnibus incutiens blandum per pectora amorem,  
 Efficis, ut cupide generatim sæcla propagent:  
 Quæ quoniam rerum naturam sola gubernas,  
 Nec sine te quidquam dias in luminis oras  
 Exoritur: neque sit lætum, nec amabile quidquam:  
 Te sociam studeo scribendis versibus esse,  
 Quos ego de rerum natura pangere conor  
 Memmiadæ nostro, quem tu, Dea, tempore in omni


Omnibus ornatum voluisti excellere rebus :  
 Quo magis æternum da dictis, diva, leporem :  
 Effice, ut interea fera mœnena militasi  
 Per maria, ac terras omnes sopita quiescant.

## EX LIBRO II.

Suave, mari magno turbantibus æquora ventis,  
 E terra magnum alterius spectare laborem.  
 Non quia vexari quemquam est jucunda voluptas,  
 Sed quibus ipse malis careas, quia cernere suave est.  
 Suave etiam belli certamina magna tueri,  
 Per campos instructa, tua sine parte pericli :  
 Sed nil dulcius est, bene quam munita tenere  
 Edita doctrina sapientum templa serena :  
 Despicere unde queas alios, passimque videre  
 Errare: atque viam palantis quærere vitæ,  
 Certare ingenio, contendere nobilitate,  
 Noctes atque dies niti præstante labore  
 Ad summas emergere opes, rerumque potiri.  
 O miseras hominum mentes, o pectora ceca !  
 Qualibus in tenebris vitæ, quantisque periculis  
 Degitur hoc ævi, quodcumque est ! nonne videre,  
 Nil aliud sibi naturam latrare, nisi ut, quod  
 Corpore sejunctus dolor absit, mente fruatur  
 Jucundo sensu, cura semotu' inेतuque ?  
 Ergo corpoream ad naturam pauca videmus  
 Esse opus omnino, quæ demant cumque dolorem,  
 Deliciis quoque uti nullas substernere possint :  
 Gratius interdum neque natura ipsa requirit.  
 Si non aurea sunt juvenum simulacra per ædes  
 Lampadas igniferas manibus retinentia dextris  
 Lumina nocturnis epulis ut suppeditentur,  
 Nec domus argento fulget, auroque renidet ;  
 Nec citharis reboant laqueata, aurataque templa :  
 Quin tamen inter se prostrati in gramine molli,  
 Propter aquæ rivum, sub ramis arboris altæ  
 Non magnis opibus jucunde corpora curant,

Præ.

Præsertim cum tempestas arridet, & anni  
 Tempora conspergunt viridantes floribus herbas :  
 Nec calidæ citius decedunt corpore febres ,  
 Textilibus si in picturis, ostroque rubenti  
 Jacteris, quam si plebeja in veste cubandum est.  
 Quapropter quoniam nil nostro in corpore gazzæ,  
 Proficiunt, neque nobilitas, neque gloria regni :  
 Quod superest, animo quoque nil prodesse putandum.



## EX M. TULLII CICERONIS

### FRAGMENTIS.

#### PROGNOSTICA.

**A**Tque etiam ventos præmonstrat sæpe futuros  
 Inflatum mare, cum subito, pœnitensque tumescit,  
 Saxaque cana, salis niveo spumata liquore,  
 Tristificas certant Neptuno reddere voces:  
 Aut densus stridor cum celso e vertice montis  
 Ortus, adaugescit scopulorum sæpe repulso.  
 Rava fulix itidem fugiens e gurgite ponti,  
 Nuntiat horribiles clamans instare procellas,  
 Haud modicos tremulo fundens e gurgite cantus.  
 Sæpe etiam pertriste canit de pectore carmen,  
 Et matutinis acredula vocibus instat,  
 Cum primum gelidos rores aurora remittit.  
 Fusæque non nunquam cursans per litora cornix  
 Demersit caput, & fluctum cervice recepit.  
 Vos quoque signa videtis, aquai dulcis aluminae,  
 Cum clamore paratis inanes fundere voces,  
 Absurdoque sono fontes, & stagna cietis.  
 Mollipedesque boves spectantes lumina cœli,  
 Naribus humiferum duxere ex aere succum.



## Ex MARIO.

Hic Jovis altifoni subito pinnata satelles  
 Arboris e trunco serpentis faucis morfa  
 Ipsa feris subigit transfigens unguibus anguem  
 Semianimum, & varia graviter cervice micantem:  
 Quem se intorquentem lanians, rostroque cruentans,  
 Jam satiata animos, jam duros ulta dolores  
 Abiicit efflantem, & laceratum affligit in undas,  
 Seque obitu a Solis nitidos convertit ad ortus.  
 Hanc ubi præpetibus pennis, lapsuque volentem  
 Conspexit Marius divini numinis augur,  
 Fausta que signa suæ laudis, reditusque notavit:  
 Partibus intonuit cœli Pater ipse sinistris.  
 Sic aquilæ clarum firmavit Jupiter omen.




EX MARCI  
 MANILII

ASTRONOMICON LIBRO I.

CArmine divinas artes, & conscia fati  
 Sidera, diversos hominum variantia casus,  
 Cœlestis rationis opus, deducere mundo  
 Aggredior, primusque novis Heliconæ movere  
 Cantibus, & viridi nutantes vertice sylvas,  
 Hospita sacra ferens nulli memorata priorum.  
 Nunc mihi tu, Cæsar, patriæ princepsque paterque,  
 Quî regis augustis parentem legibus orbem,  
 Concessumque patri mundum Deus ipse mereris,  
 Das animum, viresque facis, ad tanta canendum.  
 Jam propiusque favet mundus scrutantibus ipsum,  
 Et rapit æthereos per carmina pandere sensus.  
 Hoc sub pace vacat tantum: juvat ire per ipsum  
 Aera,

Aëra, & immenso spatiantem vivere cœlo:  
Signaque, & adversos stellarum noscere cursus.  
Quod solum novisse parum est: impensius ipsa  
Scire juvat magni penitus præcordia mundi.  
Quæque regat, generetque suis animalia signis  
Cernere, & in numerum Phœbo modulante referre.  
Bina mihi positis lucent altaria flammis,  
Ad duo templa precor duplici circumdatus æstu,  
Carminis & rerum, certa tum lege canentem  
Mundus, & immenso vatem circumstrepit orbe:  
Vixque soluta suis immittit verba figuris.  
Quem primum infernis licuit cognoscere terris  
Munera cœlestum? quis enim condentibus illis  
Clepsisset furto mundum, quo cuncta reguntur?  
Quis foret humano conatus pectore tantum,  
Invitis ut diis cuperet deus ipse videri?  
Tu princeps auctorque sacri, Cyllenie, tanti.  
Per te jam cœlum in terris, jam sidera nota:  
Sublimes aperire vias, unumque sub orbem  
Et per inane suis parentia finibus astra,  
Nominaque, & cursus signorum pandere vires,  
Major uti facies mundi foret, & veneranda  
Non species tantum, sed & ipsa potentia rerum  
Sentirentque deum gentes, quam maximus esset,  
Qui sua disposuit per tempora, cognita ut esset  
Omnibus & mundi facies, cœlumque supernum.



## EX M. ANNÆI

## LUCANI

## PHARSALIÆ LIBRO I.

*Cæsar Rubiconem transit.*

**T**Am gelidas Cæsar cursu superaverat Alpes,  
 Ingentesque animo motus, bellumque futurum  
 Ceperat. Ut ventum est parvi Rubiconis ad undas,  
 Ingens visa Duci patriæ trepidantis imago,  
 Clara per obscuram vultu mæstissima noctem,  
 Turrigero cînos effundens vertice crines,  
 Cæsarie lacera, nudisque adstare lacertis,  
 Et gemitu permissa loqui: quo tenditis ultra?  
 Quo fertis meâ signa, viri? si jure venitis,  
 Si cives: huc usque licet. Tunc perculis horror  
 Membra ducis, riguere comæ, gressuque coercens  
 Languor in extrema tenuit vestigia ripa.  
 Mox ait, O magnæ qui mœnia prospicis urbis,  
 Tarpeja de rupe Tonans, Phrygiique Penates  
 Gentis Iulæ, & rapti secreta Quirini,  
 Et residens celsa Latialis Juppiter Alba,  
 Vestalesque foci, summique o Numinis instar  
 Roma; fave cœptis: non te Furialibus armis  
 Persequor; en adsum victor terraque, marique  
 Cæsar ubique tuus; liceat modo, nunc quoque miles.  
 Ille erit ille nocens, qui me tibi fecerit hostem.  
 Inde moras solvit belli, tumidumque per amnem  
 Signa tulit propere: sicut squalentibus arvis  
 Æstiferæ Libyes viso leo cominus hoste  
 Subsedid dubius totam dum colligit iram:  
 Mox ubi se sævæ stimulavit verberare caudæ,  
 Erexitque jubas, vasto & grave murmur hians

In


Infremuit: tum torta levis si lancea Mauri  
Hæreat, aut latum subeant venabula pectus,  
Per ferrum tanti securus vulneris exit,

Fonte cædite modico: parvisque impellitur undis  
Puniceus Rubicon, cum fervida canduit æstas  
Perque imas serpit valles, & Gallia certus  
Limes ab Aufoniis distorminat arva colonis.  
Tum vires præbebat hiems, atque auxerat undas  
Tertia jam gravido pluvialis Cynthia cornu,  
Et madidis Euri resolutæ flatibus Alpes.

Primus in obliquum sonipes opponitur amnem  
Excepturus aquas: molli tum cætera rumpit  
Turba vado faciles jam fracti fluminis undas.  
Cæsar ut adversam superatio gurgite ripam  
Attegit, Hesperiaæ vetitis & constitit arvis:  
Hic, ait, hic pacem, temerataque jura relinquo:  
Te, Fortuna, sequor: procul hinc jam scædera, suato  
Credidimus fatis, utendum est iudice bello.

Sic fatus, noctis tenebris rapit agmina ductor  
Impiger, & torto Balearis verberare fundæ  
Ocyor, & missa Parthi post terga sagitta:  
Vicinumque minax invadit Ariminum, & ignes  
Solis Lucifero fugiebant astra relictos  
Jamque dies primos belli visura tumultus  
Exoritur: seu sponte Deum, seu turbidus Austes  
Impulerat, mæstam tenuerunt nubila lucem.

Constitit ut capto jussus deponere miles  
Signæ foro, stridor lituum, clangorque tubarum:  
Non pia concinuit cum raucæ classica cornu  
Rupta quies populis, stratisque excita juvenus  
Diripiunt sacris affixa Penatibus arma,  
Quæ pax longa dabat: nuda jam crate fluentes  
Invadunt clypeos, curvataque cuspide pila,  
Et scabros nigraë morfu rubiginis enses.



EX P. STATII

PAPINII

THEBAIDOS LIBRO I.

*Tisiphone ab Oedipo invocata ex Inferis  
Thebas contendit.*

**T**Alia jactanti crudelis Diva severos  
Advertit vultus. Inamœnum forte sedebat  
Coccyton juxta, resolutaque vertice crines  
Lambere sulfureas permiserat anguibus undas.  
Ilicet igne Jovis lapsisque citatior astris  
Tristibus exiliit ripis. Discedit inane  
Vulgus, & occursum dominæ pavet. Illa per umbras,  
Et caligantes animarum examine campos,  
Tenariæ limen petit itemeabile portæ.  
Sensit adesse dies: piceo nox obvia nimbo  
Lucentes turbavit equos: procul arduus Atlas  
Horruit, & dubia cœlum cervice remisit.  
Arripit extemplo Maleæ de valle resurgens  
Notum iter ad Thebas, neque enim velocior ullas  
Itque, reditque vias, cognataque Tartara mavult.  
Centum illi flantes umbrabant ora Cerastræ,  
Turba minor diri capitis: sedet intus abactis  
Ferreæ lux oculis, qualis per nubila Phœbes  
Atracæa rubet arte labor: suffusa veneno  
Tenditur, ac sanie gliscit cutis: igneus atro  
Ore vapor, quo longa sitis, morbique, famesque,  
Et populis mors una venit: riget horrida tergo  
Palla, & cœrulei redeunt in pectore nodi.  
Atrepos hos, atque ipsa novat Proserpina cultus.  
Tum geminas quatit illa manus, hæc igne rogali  
Fu-

Fulgurat, hæc vivo manus æra verberat Hydro,  
 Ut stetit, abrupta qua plurimus arce Cytheron  
 Occurrit cœlo, fera sibila crine virenti  
 Congeminat, signum terris, unde omnis Achæi  
 Ora maris late, Pelopejaque regna resultant .



## EX SILII ITALICI

## PUNICORUM BELLORUM LIBRO I.

*Annibal perpetuum in Romanos  
 odium jurat .*

**N**obilis hoc ortu, & dextra spectatus Amilæ,  
 Ut fari, primamque datum distinguere lingua  
 Annibali vocem, solers nutrire furores  
 Romanum sævit puerili in pectore bellum.  
 Urbe fuit media sacrum genitricis Elisæ  
 Manibus, & patriæ Tyriis formidine cultum,  
 Quod taxi circum, & piceæ squallentibus umbris  
 Abdiderant; cœlique arcebant lumine, templum.  
 Hoc sese ( ut perhibent ) curis mortalibus olim  
 Exuerat regina loco: stant marmore mæstæ  
 Effigies, Belusque parens, omnisque nepotum  
 A Belo series: stat gloria Gentis Agenor,  
 Et qui longa dedit terris cognomina Phænix:  
 Ipsa sedet tandem æternum conjuncta Sychæo.  
 Ante pedes ensis Phrygius jacet: ordine centum  
 Stant aræ cœlique Deis, Hereboque potenti.  
 Hic crine effuso atque Ennææ numina divæ:  
 Atque Acheronte vocat stygia cum veste sacerdos.  
 Immugit tellus, rumpitque horrenda per umbras  
 Sibila; in accensis flagrant altaribus ignes:  
 Tum magico volitant cantu per inania manes  
 Exciti, vultusque in marmore sudat Elisæ.  
 Annibal hæc patrio jussu ad penetralia fertur.

In.

Ingressique habitus, atque ora explorat Amilcar.  
 Non ille errantis Massilæ palluit iras;  
 Non diros templi ritus, asperaque tabo  
 Limina, & audito surgentes cardine flammæ;  
 Olli permulcens genitor caput, oscula libat,  
 Attollitque animos hortando, & talibus implet.  
 Gens rediyiva Phrygum Cadmææ stirpis alumnos  
 Fœderibus non æqua premit. Si fata negarint  
 Dedecus id patriæ nostra depellere dextra;  
 Hæc tua sit laus, nate, velis. Age, concipe bella  
 Latura exitium Laurentibus; horreat ortus.  
 Jam pubes Tyrrena tuos, partusque recusent  
 Te surgente, puer, Latæ producere matres.  
 His acuit stimulis, subicitque haud mollia dictu  
 Romanos terra, atque undis, ubi competer ætas;  
 Ferro, ignique sequar, Rhœtææque sæta revolvam  
 Non Superi mihi, non Martem cohibentia pacta,  
 Non celsæ obstiterint alpeæ, Tarpejæque saxa.  
 Hanc mentem jaro nostri per numina Martis;  
 Per manes, regina, tuos. Tum nigra triforami  
 Hostia mactatur Divæ, raptimque recludit.  
 Spirantes artus poscens responsa Sacerdos.  
 Ac, fugientem animam properatis consolit exitis.  
 Ast ubi quæsitæ artis de more vetusto  
 Intravit mentes Saperum, sic deinde profatur:  
 Ætoles late consterni milite campos,  
 Idæoque lacus flagrantés sanguine cerno:  
 Quanta procul moles scopulis ad sidera tendit,  
 Cujus in aerio pendent tua vertice castra:  
 Jamque jugis agmen rapitur, trepidantia fumant  
 Mœnia, & Hesperio tellus porrecta sub axe  
 Sidonijs lucet flaminis; fluit ecce cruentus  
 Eridanus; jacet ore truci; super arma, virosque;  
 Tertia qui tulerit sublimis opima Tonanti,  
 Heu quænam subitis horrescit turbida nimbis.  
 Tempestas, ruptoque polo micat igneus æther!  
 Magna parant Superi, tonat alti regia cœli,  
 Bellantemque Jovem cerno. Venientia fata,  
 Sci-

Scire ultra vetuit Juno, fibræque repente.  
Conticuere : latent casus, longique labores.

## EX C. VALERII FLACCI

### ARGONAUTICON LIBRO III.

*Hylas ad flumen Ascanium a Nymphea raptus,  
& ab Hercule anxie conquisitus.*

**S**ic ait ( 1 ) & celerem frondosa per avia cervum  
Suscitat, ac juveni sublimem cornibus offert.  
Ille animos tardusque fuga, longumque resistens,  
Sollicitat, suadetque pari contendere cursu.  
Credidit Hylas, prædæque pari contendere cursu  
Insequitur : simul Alcides hortatibus urget  
Prospiciens. Jamque ex oculis aufertur uterque ;  
Cum puerum instantem quadrupes fessaq; minantem  
Tela manu procul ad nitidi spiracula fontis  
Ducit, & intactas levis ipse superfugit undas.  
Hoc pueri spes fusa modo est, nec tendere certat  
Amplius, utque artus & concita pectora sudor  
Diluerat, gratos avidus procumbit ad amnes.  
Stagna vaga sic luce micant, ubi Cynthia cælo  
Prospicit, aut medii transit rota candida Phœbi :  
Tale jubar diffudit aquis ; nil umbra, comæque,  
Turbavitque sonus surgentis ad oscula Nymphæ.  
Illa avidas injecta manus, heu sera cientem  
Auxilia, & magni referentem nomen amici,  
De-

---


( 1 ) Juno ad Nympham, quæ mox Hylam rapuit.



Detrahit, adjunctæ prono nam pondere vires :  
 Jam pater umbrosis Tirynthius arcibus ornos  
 Depulerat, magnoque jugi stridore revulsas  
 Terga super fulvi porrexerat horrida monstri,  
 Litora curva petens: alio nam calle reversum  
 Credit Hylan, captaque dapes hausisse, ferina.  
 Sed neque apud socios, structasque in litore mensas  
 Unanimum videt æger Hylan, nec longius acrem  
 Intendens aciem: varios hinc excitat æstus,  
 Nube mali percussus amor, quibus hæserit oris,  
 Quis tales impune moras casusve, laborve  
 Attulerit. Densam interea descendere noctem  
 Jam majore metu. Tum vero & pallor, & amens  
 Cum picco sudore rigor. Ceu pectora nautis  
 Congelat hiberni vultus Jovis, agricolisve  
 Cum coit umbra minax: comitis sic afficit error  
 Alciden, sævæque monet meminisse novæ:  
 Continuo, volucris ceu pectora tactus aëlo,  
 Ethnicum Calabris taurus per confraga septis,  
 Obvia quæque ruens: tali se concitat ardens  
 In juga senta fuga, pavet omnis conscia late  
 Sylva, pavent montes, luctu succensus acerbo  
 Quid struat Alcides, tantaque quid appetat ira.  
 Ille, velut refugi quem contigit improba Mauri  
 Lancea, sanguineus vasto leo murmure fertur:  
 Frangit & absentem vacuis sub dentibus hostem:  
 Sic furiis accensa gerens Tirynthius ora  
 Fertur, & intento decurrit montibus arcu.  
 Heu miseræ, quibus ille, feræ quibus incidit usquam  
 Immeritis per lustra viris. Volat ordine nullo  
 Cuncta petens, nunc ad ripas dejectaque saxis  
 Flumina, nunc notas nemorum procurrit ad umbras.  
 Rursus Hylan, & rursus Hylan per longa reclamat  
 Avia: respondent sylvæ, & vaga certat imago.  
 At Certa sociis immota fides, Austrisque secundis  
 moræ: nec parvus Hylas: quamquam omnibus æque  
 Grata rudimenta Herculeo sub nomine pendent.  
 Illum omnes lacrymis, mœstisque reposcere votis.

In-

Incertique metu nunc longas litore voces  
 Spargere: nunc seris ostendere noctibus ignes.  
 Ipse vel excelsi cum densa silentia montis,  
 Strata vel oblati ductor videt æquora ventis,  
 Stat lacrymans, magnoque viri cunctantur amore.  
 Illius incessus, habilemque ad terga pharetram,  
 Illum inter proceres, mœstæque silentia mensæ  
 Quærit inops, quondam ingenti comprehensa trahentem  
 Vina manu, & duræ referentem monstra novercæ.



## EX CL. CLAUDIANI

## DE RAPTO PROSERPINÆ LIBRO I.

*Pluto Mercurium ad Jovem mittit.*

**T**UM Maja genitum, servida dicta reporter:  
 Imperat acciri, Cyllenius adstitit ales  
 Somniferam quatens virgam, testusque galero.  
 Ipse rudi fultus folio, nigraque verendus.  
 Majestate sedet; squallent immania sædo  
 Sceptra situ, sublime caput mœstissima nubes  
 Asperat, & diræ riget inclementia formæ.  
 Terrorem dolor augebat. Tunc talia celso  
 Ore, tonat; tremefacta silent dicente tyranno.  
 Atria; latratum triplicem compescuit ingens  
 Janitor, & pressio lacrymarum fontè resedit  
 Cocytus, tacitisque Acheron obmutuit undis,  
 Et Phlegethontæ requierunt murmura ripæ.  
 Atlantis Tegeæ nepos, commune profundis,  
 Et superis numen, qui fas per limen utrumque  
 Solus habes, geminoque facis commercia mundo;  
 I celet, & proscinde Notos, & iussa superbo  
 Redde Jovi. Tantum ne tibi sævissime fratrum

In me juris erit? Si nobis noxia vires:  
 Cum cœlo fortuna tulit, non robur, & arma  
 Perdidimus si rapta dies; an forte jacentes,  
 Ignavosque putas quod non Cyclopea tela  
 Stringimus, aut vanas tonitru deludimus auras?  
 Nonne satis visum est, grati quod luminis expers  
 Tertia supremæ patior dispendia sortis,  
 Informesque plagis, cum te lætissimus ornet  
 Signifer, & vario cingant splendore Triones?  
 Sed thalamos etiam prohibes? Nereia glauco  
 Neptunum gremio complectitur Amphitryte:  
 Te consanguineo recipit post fulmina fessum  
 Juno sinu: quid enim narrem Latonia facta?  
 Quid Cererem, magnamq; Themis? tibi tanta creandi  
 Copia: te felix natorum turba coronat:  
 Ast ego deserta mœrens inglorius aula  
 Implacidas nullo solabor pignore curas?  
 Non adeo toleranda quies, primorida testor  
 Noctis, & horrendæ stagna intemerata paludis:  
 Si dicto parere negas, patefacta ciebo  
 Tartara, Saturni veteres laxabo catenas:  
 Obducam tenebris lucem: compage soluta  
 Lucidus umbroso miscebitur axis Averno.



EX SÆCULI XV.,

ET XVI.

SCRIPTORIBUS  
SELECTA CARMINA.

---

JACOBI PONTANI.

HENDECASYLLABI.

1.

DE AMICI REDITU.

**E** Roma meus Ælius revisit  
Dulcem Parthenopem, lares paternos.  
O lucem niveam, diemque faustum!  
Antiquum video, & bonum sodalem,  
Et caram teneo manum, fruorque  
Gratis colloquii, fruor cachinnis,  
Et lætis salibus, facetiisque.  
O vere niveum, diemque faustum!  
Quid non pro reduci libens amico  
Perfolvam? Puer, i, voca sodales  
Albinum, Elysiūque, compatremque,

Et dulcem Altilium, bonum Marullum,  
 Ad cœnam veniant, bibamus uncti,  
 Uncti, permadidi, atque lippientes.  
 Albinus numerum novem Sororum,  
 At monstra Herculeæ ebibat Marullus.  
 Bis septem volo Compater puellas  
 Junonis; volo, quot Deæ marinæ  
 Cinxerunt nivæ latus ministræ,  
 Cum Trojam pereret misella mater,  
 Ductet Altilius ciens coronam.  
 Saltans Elysius bibat, quot olim  
 Didonis famulæ penum struebant,  
 Dum cœnam profugo parat marito.  
 Me tot pocula, totque, totque, totque,  
 Tot me pocula javerint bibentem,  
 Tot charchesia laverint madentem,  
 Quotquot Di simul, & Deæ biberunt,  
 Aut quot, dum illa canit senex Homerus,  
 Siccavit calices, replevit obbas.  
 Dulce est ob reducem madere amicum.

2.

## IN NAT ALEM SUUM.

Dulces filiolar, paterni ocelli,  
 Dalcis nate, patris tui voluptas,  
 Et conjux requies senis mariti,  
 Mecum templa piis adite votis:  
 Natalis meus est: Deos rogate,  
 Atque hunc, atque alios agamus annos,  
 Fausto fidere, candidis lapillis,  
 Dum caros mihi redditis nepotes,  
 Qui blanda oscula, balbulasque voces  
 Incomto simul ore blandiantur,  
 Inculto simul ore suavientur,  
 Mox convivia villula propinqua  
 Securis animis, dolore pulso,  
 Nocturnas incamus ad lucernas.  
 Hic patri liceat seni salernum

Dis.

Diffusum cyatho minutiore  
 Roratum ingeminare ter, quaterque,  
 Dum lassos oculos sopor reclinet.  
 At vos, queis pudor eripit Lyrum,  
 Nativæque sitis levatur unda,  
 Dulci intingite melle, cinnamoque;  
 Hæc sunt pocula virginis Dianæ,  
 Si quando ad Superum dapes vocatur,  
 Tu myrrum foribus, rosamque mensæ  
 Appone, & violis humum colora,  
 Resperge & cyprio domum liquore,  
 Nec desit lyra, eburneusque pecten,  
 Qui gratas genio citet choreas  
 Et dulces genium decens choreæ  
 Hunc vos, hunc hilares rogate, mentem  
 Det recti cupidam, simulque honesti.  
 Permittatque alia a Deis regenda.


## EPIGRAMMATA.

I. NUTRIX PUERUM AD SOMNUM  
INVITAT.

Scite puer, mellite puer, nate unice dormi;  
 Claude tenelle oculos: conde tenelle genas.  
 Ipse sopor, non condis, ait, non claudis ocellos?  
 En cubat ante tuos Luscule lassa pedes.  
 Languidulos bene habet) conditq; & claudit ocellos  
 Lucius, & roseo est fufus in ore sopor.  
 Aura veni, soveasque meum placidissima natum:  
 An strepitant frondes? Jam levis aura veni.  
 Scite puer, mellite puer, nate unice dormi:  
 Aura foveat flatu, mater amata sinu.

## 2. IN IDEM ARGUMENTUM.

Fuscula nox, Orcus quoq; fuscus: aspice, ut alis  
 Per noctem volitet fuscus ille nigris.  
 Hic vigiles captat pueros, vigilesque puellas,  
 Nate oculos, cohibe, ne capiare vigil.  
 Hic captat, seu quas sensit vagire puellas,  
 Seu pueros: voces comprime, nate, tuas.  
 Ecce volat, nigraque caput caligine densat,  
 Et querit natum fuscus ille meum.  
 Ore fremit, dentesque ferus jam dente lacessit:  
 Ipse vorat querulos, pervigilesque vorat.  
 Et niger est, nigrisque comis, nigroque galero:  
 Tu puerum clauso, Lisa, reconde sinu.  
 Luciolum tege, Lisa: ferox quos pandit hiatus e  
 Quasque aperit fauces: ut quicque usque caput!  
 Me miseram! an ferulas gestat quoque? Parce, quiescit  
 Lucius, & sunt, qui rus abuisse putent,  
 Rura meus Lucillus habet; nil ipse molestus,  
 Nec vigilat noctu, conqueriturve die.  
 Ne sævi, hirsutasque manus tibi comprime, sæve:  
 Et tacet, & dormit Lucius ipse meus.  
 Et matri blanditur, & oscula dulcia figit,  
 Bellaque cum bella verba sorore canit.



# ANGELI POLITIANI

## EPIGRAMMATA.

### 1. AD PAMPHILUM.

**M**ittis vina mihi: mihi, Pamphile, vina supersunt.  
Vis mage quod placeat mittere? Mitte sitim.

### 2. AD LAURENTIUM MEDICEM.

Det tibi Nestoreos, Laurenti, Jupiter annos;  
Nestoreum quoniam pectus, & ora dedit.

### 3. THEODORI GAZÆ EPITAPHIUM.

Cum terram hinc nosset Theodorus, & aëra & undas  
Jam restant, inquit, sidera: terra, vale,

### 4. AD FURES.

Ite alio, Fures, nulla hic occasio lucri;  
Nam fida est custos addita pauperies.



## 5. AD BERNARDUM BEMBUM.

Ut miseros quondam nautas Acheloia Siren  
 In pœnam traxit carmine blandifono:  
 Sic, Bernarde, tuo quemvis succendis amore,  
 Seu quid mente agitas, seu geris, aut loqueris.  
 Si causam Veneti tutaris, Bembe, Senatus,  
 Mox Pitho in labris stat veneranda tuis:  
 Seria si tractas, credam tractare Minervam:  
 Si joca, dat puros Gratia nuda sales:  
 Carmina seu cantas, tibi Musæ in pectore cantant:  
 Sive taces tacito ridet in ore lepos:  
 Si graderis, placido non dura Modestia vultu  
 Est comes, & dulcis cum Gravitate Modus.  
 Blandus Honos vestem furtim componit, ovanque  
 Te circum plena ludit Amor pharetra.  
 Fronte Decor, sedet ore Fides, in pectore Candor,  
 Inque tuis omnes sunt oculis Veneres.  
 Sic nos devincis, nec victos, Bembe, relaxas,  
 Sic te quisquis adit, mox tua philtra bibit.  
 Frustra ad te florem Cylleni ferret Uliſſes  
 Sed pro te optasset linquere vel patriam.

## 6. DE SIMONETTÆ FUNERE.

Dum pulchra effertur nigro Simonetta feretro,  
 Blandus & exanimi spirat in ore lepos,  
 Nactus Amor tempus, quo non sibi turba caveret,  
 Jecit ab occlusis mille facès oculis.  
 Mille animos cepit viventis imagine risus,  
 Ac morti insultans: est mea, dixit, adhuc.  
 Est mea, dixit, adhuc, nondum totam eripis illam:  
 Illa vel exanimis militat ecce mihi.  
 Dixit, & ingemuit, neque enim satis apta triumphis  
 Illa puer vidit tempora, sed lacrymis.

## 7. DE ALCONE, ET SERPENTE.

Vidit ut implicitum puero pater anxius anguem,  
 Intendit dubia cornua flexa manu:  
 Inque feræ fauces calamus sic torfit, ut audax  
 Terruerit natum non minus angue senex.  
 Sed nunquam pius errat amor: puer hoste perempto  
 Salvus erat, stupuit morte direpta salus.  
 Victor ab hac pharetram quercu suspendit, & arcum,  
 Fortunæ, atque artis quæ monumenta suæ.

## E L E G I A

## AD SISMUNDUM STUPHAM.

*In ejus Uxoris Albiera Albitia immaturum exitum.*

Et merito; quis enim tantum perferre dolorem?  
 Aut quis jam miseris temperet a lacrymis?  
 Sed tamen heu frustra crudelia fœdera damnas  
 Sismunde, & frustra numina surda vocas.  
 Proh dolor! ah quantos rapta pro conjuge fletus  
 Ingeminas: quanto perluis imbre genas!  
 Sollicitasque . . . fratres, miserumque parentem,  
 Inque tuo tota est vulnere nigra domus.  
 Nigra domus tota est fient mœsti ad limina cives,  
 Flent socii lacrymis & tua damna piis.  
 Ipse ego qui dudum reges magno ore canebam  
 Dardanaque Argolica Pergama rapta manu;  
 Heu nil dulce sonans taceo jam bella tubasque,  
 Et refero ad nigros carmina mœsta rogos:  
 Ac tetum infaustus vates consortia luctus  
 En repeto, & querulam pectine plango lyram,  
 Nec Sismunde tuos gemitus, ægrumque dolorem  
 Arceo, sunt lacrymis funera digna piis.  
 Majus habes vulnus secreto in pectore, quam quo

Te deceat madidas non habuisse genas.  
Nam poteras dudum nulli invidisse Deorum,  
Dum subiit vellis aura secunda tuis.  
Nunc tibi dira suum vertit Fortuna tenorem,  
Uxor abest, animæ portio magna tuæ.  
Uxor abest, heu, heu, sed qualem nulla tulerunt  
Sæcula, sed qualem tempora nulla ferent.  
Uni quicquid habet, dederat Natura decoris,  
Uni etiam dederat Gratia quicquid habet.  
Candor erat dulci suffusus sanguine, qualem  
Alba ferunt rubris lilia mixta rosis.  
Ut nitidum læti radiabat sidus ocelli,  
Sæpe amor accensas rettulit inde faces.  
Solverat effusos quoties sine lege capillos,  
Infesta est trepidis visa Diana feris:  
Sive iterum adductos fulvum collegit in aurum;  
Coma Cytheriaco est pectine visa Venus.  
Usque illam parva furtim componere Amores  
Sunt soliti, & facili Gratia blanda manu,  
Atque honor, & teneri jam cana modestia vultus  
Et decor, & probitas, purpureusque pudor  
Casta fides: risusque hilaris, moresque pudici,  
Incessusque decens, nudaque simplicitas,  
Quæ cuncta in cineres fati gravis intulit hora,  
Mors cuncta immiti tarpfit acerba manu.  
Occidis, Albiere, prima fraudata juventa,  
Exigeres vitæ cum tria lustra tuæ.  
Occidis amborum correpta ante ora parentum,  
Occidis ante tui lumina mæsta viri.  
Ah dolor! i nunc & rebus confide secundis,  
Quas fortuna levi fertque refertque manu.  
Tolle animum, & victo molire ex hoste triumphos,  
Laurigerum morti subjiçiere caput.  
Erige Tænareis radiantia testæ columnis,  
Parca tamen rapida te trahet inde maris.  
Ingenio, formæ, validæ confide juventæ,  
Albiere ecce gravi morte soluta jacet.  
Tu mihi nunc tanti fuerit quæ causa doloris,  
Ac-

Attonito vati, mœsta Thalia, refer:  
Annua pelliti referentem sacra Joannis  
Extulerat roseo Cynthius ore diem.  
Cum celebres linquens Sirenum nomine muros,  
Herculeumque petens regia nata torum,  
Candida Syllanæ vestigia protinus urbi  
Intulerat longæ fessâ labore viæ.  
Pro se quisque igitur pueri, juvenesque, senesque,  
Matresque, & teneræ splendida turba nurus  
Illius adventum celebrant, atque unicus urbis  
Est vultus festo murmure cuncta fremunt.  
Est via, Panthagiam Syllani nomine dicunt.  
Omnibus hic Superis templa dicata micant.  
Hic domus æthereas perrumpens Lentia nubes  
Provehit ad rutilos culmina celsa polos.  
Quam prope ridentes submitunt prata colores,  
Spicæque florifero germine vernat humus.  
Hic dum cornipedes primi sub arceris oras  
Tyrrenæ expectant signa canora tubæ,  
Regia nata leves gaudet celebrare choreas,  
Jamque nurus certa brachia lege movent.  
Emicat ante alias vultu pulcherrima nymphas  
Albiera, & treminulum spargit ab ore jubar.  
Aura quatit fusos in candida terga capillos;  
Irradiant dulci lumina nigra face.  
Tamque suas vincit comites, quam Lucifer ore  
Purpuero rutilans astra minora premit.  
Attoniti Albieram spectant juvenesque, senesque:  
Ferreus est, quem non forma, pudorve movet.  
Mentibus Albieram lætis, plausuque secundo,  
Albieram nutu, lumine, voce probant.  
Vertit in hanc torvos Rhamnusia luminis orbes,  
Exiguoque movet murmura parva sono.  
Tum miseræ letale favens, oculisque nitorem  
Adjicit, & solito celsius ora levat.  
Tantaque perturbans extemplo gaudia, tristem,  
Qua pereat virgo, quærit acerba viam.  
Hic Febrim æthereas carpentem prospicit auras,

Exerere Icarus dum parat ora canis.  
 Illam Erebo, Noctæque satam comitantur euntem  
 Luctusque, & tenebris Mors adoperta caput.  
 Et Gemitus gravis, & Gemitu commixta Querela,  
 Singultusque frequens, Anxietasque ferox:  
 Et Tremor, & Macies, pavidoque Infansia vultu,  
 Semper & ardenti pectore anhela Sitis:  
 Horridus atque Rigor, trepidæque Insomnia mentis  
 Inconstansque Rubor, terrificusque Payor.  
 Marmaricique trahunt dominæ juga curva leones,  
 Ignea queis rabido murmure corda fremunt.  
 Vertice Diva feras ardenti attollit Echidnas,  
 Quæ saniem Stygio semper ab ore vomunt.  
 Sanguinei flagrant oculi, cava tempora frigent.  
 Colla madens sudor, pectora pallor obit:  
 Atque animi interpret liventi lingua veneno  
 Manat, & atra quatit fervidus ora vapor:  
 Spiritus unde gravis tetrum devolvit odorem,  
 Letifera strident guttura plena facie.  
 Sputa cadunt rictu croceo contracta colore.  
 Perpetuo naris laxa fluore madet.  
 Nulla quies, nulli que permunt membra arida somni,  
 Faucibus in falsis tussis acerba sonat.  
 Risus abest; rari squalent rubigine dentes,  
 Sordida lunato prominet ungue manus.  
 Dextera fumiferam præfulgens lampada quassat.  
 Sithoniasque gerit frigida læva nives,  
 Olli templa olim posuit Romana propago:  
 Abstulit lævas nec tamen inde manus.  
 Sacra illam Aetisco tenuere palatia Phœbo,  
 Quique olim vicus nomine Longus erat.  
 Area quin etiam diræ templa ardua Febris  
 Ostendit, Marii quæ monumenta tenet.  
 Hoc ubi crudelis vidit Rhamnusia nostrum,  
 Exacuit sævo lurida corda sono.  
 Aspicias hanc, inquit, Virgo fata Nocte, puellam.  
 Cujus & hinc radiis ora serena micant,  
 Quæ gaudet fati, fortisque ignara futuræ.

Quam

Quam digito, atque oculis densa caterva notat?  
Hanc nive tu gelida, rapidis hanc infice flammis:  
Sic opus est, vires sentiat illa tuas.

Dixerat, & pariter gressumque avertit, & ora:  
Non oculos poterat jam tolerare truces.

Continuo arduos stimulis citat illa leones,  
Sæpius & ducto versat in orbe facem.

Interea humentem noctis variántia pailam

Hesperus in rutillo sparferat astra polo.

Albiera patrios jam candida membra penates

Intulerat, molli constiteratque toro:

Jam tenero placidum spirabat pectore somnum;

Venit ad obstrufos cum Dea sæva lares.

Quo Dea, quo tendis? non te lacrymabilis ætas;

Non te forma movet? non pudor, aut probitas?

Nonne movent lacrymæq; viri, lacrymæq; parentum?

Mortalem potes ah perdere sæva Deam?

Limina contingerat, tremuerunt limina, pallor

Infecit postes, & patuere fores.

Virgineum petit illa torum, pavidæque puellæ

Pectore ab obscæno talia dicta refert:

Quæ placidam carpis secura mente quietem

Et fati & fortis nescia virgo tuæ,

Nondum sæva mez sensisti vulnera dextræ,

Quæ tibi ego, & mecum quæ tibi fata parant.

Stat vacua tua Parca colo, moritura puella,

Ne gemes, cum dulce est vivere, dulce mori est.

Sic ait, æstiferamque excussit lampada: & acres

Virginis injecit dura sub ossa faces.

Tum letale gelu invergens, guttasque veneni,

Inferta heu venis effugit inde nece.

Excitat illa gravi geminos clamore parentes

Advocat absentem nuntia fama virum.

Vicinæ extemplo matres, trepidæque puellæ

Conveniunt, teneras imbre rigante genas.

Jam fera virgineas populatur flamma medullas,

Jam gelida torpēt horrida membra nive.

Liquitur infelix, non ars operosa medentum,


Non facta a misero conjugē vota juvant.  
Liquitur, & quanquam diræ vestigia mortis  
Cernit, & extremum sentit adesse diem;  
Corde tamen gemitum premit, & spem fronte serena  
Tristitiamque acie dissimulante tegit.  
Scilicet augeret trepidi ne dura mariti  
Lamenta, & curas anxietate graves.  
Jam decima infauftam referebat lampade lucem  
Cynthius, & picea texerat ora face,  
Cum miseræ extremus jam presserat error ocellos:  
Fugerat heu vultus, fugerat ora color.  
Aspicit illa tamen dulcem moritura maritum:  
Illum acie solum deficiente notat.  
Illius aspectu morientia lumina pascit,  
Mens illum e media morte reversa videt.  
Quis tibi tunc Sismunde dolor, cum virginis artus  
Aspiceres anima jam fugiente mori?  
Non tamen illa tui, non illa oblita parentum  
Te vocat, & tales fundit ab ore sonos:  
Pars animæ Sismunde meæ, si conjugis in te  
Quicquam juris habent ultima verba tuæ,  
Parce precor lacrymis, vixi, cursumque peregi,  
Jam procul a vobis me mea fata vocant.  
Immatura quidem morior, sed pura sub umbras  
Discedam & nullis sordida de maculis.  
Discedam virgo, facibus nec victa maritis  
Cessi, conjugii nil nisi nomen habes.  
Est mihi dulce mori, vitamque impendere famæ,  
Edita mortali conditione sui.  
At nisi nunc morerer, fueram moritura subinde;  
Est mihi dulce etiam te superante mori.  
Nil mihi jam poterant anni conferre seniles,  
Vita brevis longi temporis instar habet.  
Mi dederat teneri leges natura pudoris,  
Mi dederat mores cum probitate pios.  
Nil mutari in me cuperes, nisi tristia fata:  
Humanæ vici conditionis opus.  
Vidi ego te summi defunctum munere honoris,  
Vi-

Vidi omnem festam pace nitere domum.  
Et nisi me gemini possunt nil flere parentes:  
Parce igitur manes sollicitare pios.  
Parce, precor, lacrymis conjux: sic lætus in auras  
Evadet tenues spiritus inde meus.  
Mœsta sed amborum nimis, ah nimis ora parentum  
Solare, heu nostro torpet in ore sonus.  
Heu rapior, tu vive mihi, tibi mortua vivam,  
Caligant oculi jam mihi morte graves.  
Jamque vale, o conjux, carique valete parentes,  
Heu procul hinc nigra condita nocte feror.  
Sic ait, & dulcem moriens complexa maritum  
Labitur, inque illo corpus inane jacet;  
Corpus inane jacet cara cervice recumbens  
Conjugis, heu fati tristia jura gravis!  
Hoc licuit vobis, o ferrea pectora, Parcæ:  
Credo ego jam divum numina posse mori,  
Quis nunc quis gemitus miserorum, & verba parentum  
Nesciat in tantis heu repetita malis?  
Ora rigat lacrymis frater, rupitque capillos  
Mœsta soror, teneras & secat ungue genas.  
Non fecus Hectoreo Trojanæ in funere matres  
Fleverunt scissis publicâ fata comis.  
Implentur clamore lares, clamore resultant  
Atria, luctifonis flectibus aula fremit.  
Heu quid agas, conjux? quæ vocem in verba relaxes?  
Quo fletu incuses tristia fata miser?  
Non lacrymas miserandus habes, non verba dolentum.  
Attonitus pigro torpet in ore sonus.  
Extinctæ igeminas tantum misera oscula, & arcte  
Impedis amplexu frigida membra tuo:  
Dilectosque premis vultus, premis ora, nec ullum  
Invenit inclusus pectore luctus iter.  
Quoque magismersum premis alto in corde dolorem;  
Hoc magis ille furit, æstuat atque magis.  
Sic magis inclusus furit intra obstacula torrens,  
Quæ si dimoveas, lenior inde fluet:



Quin etiam invisæ rupiffes vincula vitæ;  
 Conjugis ut manes prosequerere pios.  
 Sed prohibent fratres; & blandi cura parentis;  
 Sed prohibent focii pectora fida tui.  
 Jam virgo effertur nigra composita feretro,  
 Defectas humili fronde revincta comas:  
 Heu ubi nunc blandi risus, ubi dulcia verba,  
 Quæ poterant ferri frangere duritiem?  
 Lumina fidereas ubi nunc torquentia flammæ,  
 Heu ubi Puniceis æmula labra rosis?  
 Proh superi, quid non homini brevis eripit hora?  
 Ah! miseri! & somnus, & levis umbra sumus,  
 Non tamen aut niveos pallor mutaverat artus,  
 Aut gelido macies federat ore gravis:  
 Sed formosa levem mors est imitata soporem.  
 Is nitidos vultus, oraque languor habet.  
 Virginea sic lecta manu cadentia languent  
 Liliaque, & niveis texta corona rosis.  
 Hic ceu nulla prius fuerint lamenta, novatur  
 Luctus, & indignis imbribus ora madent;  
 Præedit jam pompa frequens, jam mœsta Sacerdos.  
 Verba canit, sacris turribus æra sonant,  
 Funerea cives pullati veste sequuntur,  
 Et spargunt mœstas ore madente genas.  
 Denique plebs vidui deplorant fata mariti,  
 Atque illum digito, luminibusque notant.  
 O quantum impexi crines, oculique, genæque  
 Noctis habent? quantus nubilat ora dolor?  
 Quid nunc exequias celebres, opulentaque dicam  
 Munera? quid donis templa referta piis?  
 Omnis ceratis radiat funalibus ara:  
 Omnis odoratis ignibus ara calet:  
 Æternamque canunt requiem, lucemque verendi  
 Sacricolæ, & lymphis corpus inane rigant,  
 Et tandem gelidos operosi marmoris artus.  
 Includit tumulus, & breve carmen habet.  
 Hoc jacet Albieræ pulchrum sub marmore corpus:  
 Nu-

Nulla quidem tantum marmora laudis habent.  
Exonat tumulum corpus, sed spiritus astra:  
O quanta accessit gloria, lausque Polo!



JACOBI,  
SIVE  
ACTII SINCERI  
SANNAZARII.

*HENDECASYLLABI.*

IN TUMULUM MAXIMILLÆ.

**H**ic hic siste, precor, gradum, viator.  
Hoc sub marmore Maximilla clausa est:  
Quacum frigiduli jacent Amores  
Et Lusus, Veneresque, Gratizque.  
Hanc illi miseræ severa Clotho  
Pro dulci thalamo domum paravit.  
Has matri dedit, has patri querelas  
Pro plausu, choreisque nuptiarum,  
Quid firmum tibi, quid putes, viator,  
Mansurum inviolabile, aut perenne?  
Si quæ deliciae juvenculorum,  
Et decus fuerat puellularum,  
Nunc heu jacet ecce Maximilla,  
Luctus perpetuus juvenculorum,  
Æternæ & lacrymæ puellularum.

## 1. IN TUMULUM LADISLAI REGIS.

Miraris niveis pendentia saxa columnis,  
 Hospes, & hunc, acri qui sedet altus equo?  
 Quid si animos, roburque ducis, præclaraque nollis  
 Pectora, & invictas dura per arma manus?  
 Hic Capitolinis dejecit sedibus hostem:  
 Bisque triumphata victor ab urbe redit:  
 Italiamque omnem bello concussit, & armis:  
 Intulit Etruseo signa tremenda mari.  
 Neve foret Latio tantum diademate felix,  
 Ante suos vidit Gallica sceptrâ pedes.  
 Quamque rebellantem pressisset pontibus Arnum;  
 Mors vetuit sextam claudere olympiadem.  
 I nunc, regna para, fastusque adtolle superbos:  
 Mors etiam magnos orbuit atra Deos.

## 2. IM LAUDEM VENETÆ URBIS.

Viderat Adriacis Venetam Neptunus in undis  
 Stare urbem; & toto ponere jura mari:  
 Nunc mihi Tarpejas quantumvis, Jupiter, arces  
 Obiice, & illa tui mœnia Martis, ait.  
 Si pelago Tibrin præfers, urbem adspice utramque:  
 Illam homines dices, hanc posuisse Deos.

## 3. IN TUMULUM CAUDOLÆ.

Heu quæ te rigidi rapuit vis effera fati;  
 Quis matri miseræ tot peperit lacrymas,  
 Flos veterum, Caudola, virum? tibi mœsta sepulchrum  
 Ilja dedit, tristes Actius hos titulos;  
 Hos titulos; qui te nigras descendere ad umbras,  
 Obduci Stygia non patiantur aqua.  
 Tempora miretur quivis sua; talis Achilles,  
 Talis, quum caderet, Martius Hector erat;  
 I, precor, i nullos non durature per annos,  
 Nestoreos qui jam vivere dignus eras.

DE

## 4. DE ANDREA MATTHEO AQUIVIVO.

Cernis, ut exsultet patriis Aquivivus in armis,  
 Duraque spumanti frena relaxet equo?  
 Quis mites illum Permessi hausisse liquores  
 Credat, & imbelles excoluisse lyras?  
 Confurgunt niveæ fulgenti in casside crissæ:  
 At clypeus torvo Gorgonis ore tumet.  
 Macte animo, rigidum Musas qui stringere ferrum;  
 Qui Martem doctos cogis amare choros.  
 Hæc Ducis est virtus, non uni insistere palmæ  
 Sed nomen factis quærere, & ingeniis.

## E L E G I Æ.

## 1. AD JOANNEM PARDUM HISPANUM.

Parde, decus patriæ, spes maxima, Parde,  
 tuorum,  
 Atque idem Hispani gloria rara soli:  
 Quem juvat immensi caussas exquirere mundi,  
 Primaque constanti corpora juncta fide:  
 An magnum æterno volvatur numine cœlum:  
 An propria hoc ingens mole laboret opus:  
 Cur falsi fluctus: cur ignibus æstuet Ætna:  
 Cur vomat epotas vasta Charybdis aquas:  
 Unde nitor stellis: cur nox majorve, minorve:  
 Cur non ipsa suo lumine Luna micet.  
 Felix, cœlestes eui fas nunc scandere sedes:  
 In quæ post obitum fata manere sinant.  
 At nos per silvas, & sordida rura capellas  
 Versamus: quando Phyllis amare jubet.  
 Et teneris nostros ulmis incidimus ignes,  
 Quos legat errantium cœtus Hamadryadum.  
 Et nunc capreolos, & nunc venamur onagros:  
 Interdum sævas fallimus arte feras.  
 Sæpe juvat pictas visco captare volucres:

Nec

Nec Satyris ipso cedimus aucupio.  
Quod mihi si liceat tenui revocare cicuta  
Trinacrii niveas upilionis oves;  
Rura colam semper: populi valeatis, & urbes:  
Rura dabunt oculis grata theatra meis.  
Illic gramineas, pastorum bella, palæstras  
Adspiciam, & celeri præmia parta pede.  
Nec me pœniteat sudibus certare columnis;  
Aut armare cavis pectora corticibus.  
Pugnabunt tauri, pugnabunt cornibus hirci:  
Victores molli cespite ferta ferent:  
Plenaque pellitus lustrabit ovilia pastor:  
Ponet & agricolis rustica liba Deis.  
Stabunt capripedes abiegno robore Fauni:  
Stabit & indocta falce dolata Pales.  
Quorum solemnnes ictus cadet agnus ad aras;  
Ictus, ut innumeras expiet agnus oves.  
Tum milium, & niveo statuet fumantia lacte  
Pocula; votivas concipietque preces:  
Et ter transiliet flammantes potus aristas,  
Ter quoque non tardo rustica turba pede.  
Dii facite, inter oves, interque armenta canendo,  
Deficiam; & silvis me premat atra dies:  
Ut me non docta deploret pastor avena:  
Utque sub umbroso contumulei platano:  
Ossaque pascentes venerentur nostra capellæ:  
Nec procul a tumula candida balet ovis.  
Exsultent alii Panchæo munere manes;  
Et quærant Pariis marmora cæsa jugis.  
Mi sat erit, veteres recolat si Phyllis amores?  
Conferat & vernas ante sepulchra rosas.

## 2. AD JOANNEM SANGRIUM,

*Cum se morituum crederet.*

Si me sœvus Amor patriis pateretur in oris.  
 Vivere, vel saltem matre vidente mori?  
 Ut, quæ vix uno nunc sunt ingesta libello,  
 Essent illa suis continuata locis?  
 Forsitan immites potuissim temnere Parcas,  
 Ductaque de pulla tristia pensa colo:  
 Nec me plebejo ferret Libitina sepulchro;  
 Aut raperet nomen nigra favilla meum.  
 Nunc cogor dulcesque lacus, & amœna vireta,  
 Pieridumque sacros destituisse choros:  
 Nec pote, quæ primis effudit Musa sub annis,  
 Emendaturo subdere iudicio.  
 Sic heu, sic teneræ sulcis rescantur aristæ:  
 Implumes nido sic rapiuntur aves.  
 Proh superi, tenues ibit Syncerus in auras?  
 Nec poterit nigri vincere fata rogi?  
 At tu, quandoquidem Næmesis jubet, optime Sangri,  
 Nec fas est homini vincere posse Deam:  
 Accipe concussæ tabulas, atque arma carinæ;  
 Naufragique mei collige reliquias:  
 Errantesque cie quocumque in litore manes;  
 Taliaque in tumulto carmina cæde meo:  
*Altius hic jaceo: spes mecum extincta quiescit:*  
*Solus de nostro funere restat Amor.*

## 3. IN CUMARUM RUINAS.

Hic, ubi Cumææ surgebant inclyta famæ  
 Mœnia, Tyrrheni gloria prima maris;  
 Longinquis quo sæpe hospes properabat ab oris,  
 Visurus tripodas, Delie magne, tuos;  
 Et vagus antiquos intrabat navita portus,  
 Quærens Dædalix conscia signa fugæ:

(Cre-

(Credere quis quondam potuit, dum fata manebant?)

Nunc silva agrestes occulit alta feras.

Atque ubi fatidicæ latuere arcana Sibyllæ,

Nunc claudit futuras vespere pastor oves.

Quæque prius sanctos cogebat curia patres,

Serpentum facta est, alituumque domus,

Plenaque tot passim generosis atria ceris,

Ipsa sua tandem subruta mole jacent.

Calcanturque olim sacris onerata trophæis

Limina: distractos & tegit herba Deos.

Tot decora, artificumque manus, tot nota sepulchra,

Torque pios cineres una ruina premit.

Et jam intra solasque domos, disjectaque passim

Culmina setigeros advena figit apros.

Nec tamen hoc Grajis cecinit Deus ipse carinis:

Prævia nec lato missa columba mari.

Et querimur, cito si nostræ data tempora vitæ

Diffugiunt? urbes mors violenta rapit.

Atque utinam mea me fallant oracula vatem,

Vanus & a longa posteritate ferar:

Nec tu semper eris, quæ septem amplecteris arces;

Nec tu, quæ mediis æmula surgis aquis.

Et te (quis putet hoc?)ATRIX MEA, durus arator

Vertet: & Urbs, dicet, hæc quoque clara fuit.

Fata trahunt homines, fatis urgentibus urbes,

Et quodcumque vides, auferet ipsa dies.

## 6. AD DEOS NEMORUN

*Cum domum pararet extruere.*

Dii nemorum, salvete: ego vos de rape propinqua,

De summis patriæ mœnibus adspicio:

Adspicio; venerorque; cavæ, mihi plaudite, valles;

Garula vicinis perstrepat aura jugis.

Vos quoque perque focos felicia dicite, cives,

Verba, per intactas flore decente vias.

Victima

Victima solennes eat inspectanda per aras,  
Turbaque Palladia fronde revincta comas,  
Mosque ut ab antiquæ reperatur origine Romæ,  
Exterior forda cum bove taurus aret,  
Ac prius infosso tectum quam cingere sulco  
Incipimus, justos thure piate Deos.  
Nulla per obductum decurrant nubila cælum;  
Candidaque augustum concinat omen avis.  
Exsurgat paries, ventos qui pellat, & imbres;  
Qui multa circum luce serenus eat.  
Adsit dispositis series concinna columnis;  
Quæque ornet medias crebra fenestra fores.  
Ipse biceps primo custos in limine Janus  
Occurrat lætis obvius hospitibus.  
Protinus a dextra sacræ, mea turba, sorores  
Cingant virgineis atria prima choris.  
A læva nitidis stratum Pythona sagittis  
Miretur posita Cynthius ipse lyra.  
Ædibus in mediis parvi sinus amphitheatrî  
Visendas Regum præbeat historias.  
Ac primum triplici se se defendat ab hoste  
Fernandus rapido jam metuendus equo.  
Alfonsusque pharetratas, dira agmina, gentes  
Cogat Hydruntinis cedere litoribus.  
Tum juvenis Rex ipse, & Regum insignibus auctus  
Alpinos adigat linquere castra Duces.  
Postremo Federicus, avito lætus honore,  
Dalmaticas grandi classe refringat opes.  
Infestosque Deos, metuendaque jura minatus,  
Indicat nato bella gerenda suo.  
Hic bene conveniens membris variantibus ordo  
Adspiciat celebres e regione situs.  
Exhedræ, xystrique, tablinum, hypocausta, dixit,  
Et quæ privatis usibus apta velim.  
Atque aliæ Occasus, aliæ vertantur in Ortus,  
Quæque habeant Borean, quæque inhibere Notum.  
Jungantur longis quadrata, obliqua rotundis:  
Et capiat structos plurima cella toros.



O studiis placitura meis, o mille per artes  
 Otia Pieriis nostra iuvanda modis:  
 Hic ego tranquillo transmittam tempora cursu:  
 Dum veniat satis mitior hora meis.  
 Viximus ærumnas inter; lacrymosaque Regum  
 Funera: nunc patria jam licet urbem frui:  
 Ut quod tot curæ, tot detraxere labores,  
 Restituat vati Parthenopea suo.

## ECLOGÆ PISCATORIÆ.

## PHYLLIS.

1. *Lycidas, Mycon.*

*Lyc.* Mirabar, vicina, Mycon, per litora nuper  
 Dum vagor, exspectoque leves ad pabula thynnos,  
 Quid tantum insuetus streperet mihi corvus, & udae  
 Per scopulos passim fulicæ, perque antra repostæ  
 Tristia stebilibus complerent saxa querelis:  
 Quum jam nec curvus resiliaret ab æquore delphin,  
 Nec solitos de more choros induceret undis.

Ecce dies aderat, caram qua Phyllida terræ  
 Condidimus, tumuloque pias destrevimus umbras.  
 Ah miseri! & posthac nec tristes linquimus auras:  
 Nec dubitat sævus solatia ferre Pylemon.

*Myc.* Scilicet id fuerat, tota quod nocte vaganti  
 Huc illuc, dum Pausilypi litus omne pererro,  
 Piscosamque lego celeri Nefida phaselo;  
 Nescio quid queruli gemerent lacrymabile mergi.  
 Phyllis ad inferias, Phyllis, (si credimus) illos  
 Ad gemitum, o Lycida, tumulique ad sacra vocabat.

*Lyc.* Eheu, care Mycon, qualis spectacula pompæ,  
 (Nunc recolo) quas ipse manus, quæve ora notavi  
 His oculis! his, inquam, oculis quæ funera vidi  
 Infelix! nec me tandem dolor improbus egit  
 In scopulos, in saxa, rogoque absumsit eodem  
 Ignea vis, vel saltem aliquis Deus æquore merfit.

*Myc.*

*Myc.* O Lycida, Lycida; nonne hoc felicius illi  
 Evenisse putas, quam si fumosa Lycotæ  
 Antra, vel hirsuti tegetem subiisset Amyntæ?  
 Et nunc heu viles hamo sibi quæreret escas:  
 Aut tenui laceras sarciret vimine nallas.  
 Sed tu, si quid habes, veteres quod lugeat ignes,  
 Quod manes, cineresque diu testetur amatos,  
 Incipe: quandoquidem molles tibi litus arenas  
 Sternit, & infani posuerunt murmura fluctus.

*Lyc.* Immo hæc, quæ cineri nuper properata parabam  
 Carmina, ab extremo quum jam cava litora portu  
 Prospicerem, & nivei venerarer saxa sepulchri  
 Incipiam: tu coniferas ad busta cupressus  
 Sparge manu: & viridi tumulum super intège myrto.

*Myc.* En tibi cærulei muscum æquoris, en tibi con-  
 Purpureas, nec non toto quæsita profundo, (chas.  
 Et vix ex imis, evulsa, coralia saxi,  
 Adferimus: tu solennes nunc incipe cantus:  
 Incipe, dum ad Solem Bajanus retia Milcon  
 Explicat, & madidos componit in orbe rudentes.

*Lyc.* Quos mihi nunc, Divæ, scopulos, quæ  
 panditis antra,  
 Nereides? quas tu secreti litoris herbas,  
 Glauce pater, quæ monstriferis mihi gramina succis.  
 Ostendes nunc, Glauce? quibus tellure relicta,  
 Ah miser, & liquidi factus novus incola ponti,  
 Te sequar in medios mutato corpore fluctus,  
 Et feram bifida spumantia marmora cauda.  
 Nam quid ego heu solis vitam sine Phyllide terris  
 Exoptem miser? aut quid nam rapta mihi luce  
 Dulce putem? quidve hic sperem? quid jam morer  
 Infelix? an ut hac vili projectus in alga, ( ultra  
 Arentes tantum frutices, desertaque cernam  
 Litora, & ingrato jactem mea verba sepulchro?  
 Scilicet hos thalamos, hos felices hymenæos  
 Concelebrem? sic speratæ mihi gaudia tædæ  
 Dat Venus? ambiguos sic dat Lucina timores?  
 Quis mihi, quis te te rapuit, dulcissima Phylli?  
 Phylli,

Phylli, meæ quondam requies, spesque unica vitæ;  
Nunc dolor, æternusque imo sub pectore luctus.  
Non licuit tecum optatos conjungere somnos,  
Dulcia nec primæ decerpere dona-juventæ,  
Aut simul extremos vitam producere in annos.  
Nunc te (qui credat?) lapis hic habet; & mihi  
    -nusquam es,

Nusquam terrarum, Phyllis: sed fabula, & umbræ  
Frustrantur miseras per dira insomnia noctes.

Me miserum! qua te tandem regione requiram?  
Quave sequar? per te quondam mihi terra placebat,  
Et populi, lætæque suis cum mœnibus urbes.

Nunc juvat immensi fines lustrare profundi,  
Perque procellosas errare licentius undas

Tritonum immistum turbis, scopulosque cete  
Inter, & informes horrenti corpore phocas,

Quo nunquam terras videam. Jam jam illa tot annis  
Culta mihi tellus, populi que, urbesque, valete:

Litora cara, valete: vale simul, optima Phylli.

Nos tibi, nos liquidis septem pro fluctibus aras

Ponemus: septemque tibi de more quotannis

Monstra maris magni vitulos mactabimus hirtos:

Et tibi septenis pendebunt ostrea fertis,

Ostrea muricibus varita, albisque lapillis.

Hic tibi Nisæ, & flavos resoluta capillos

Cymodoce, mitisque pia cum matre Palæmon,

Et Panope, & Siculi custos Galatæa profundi

Solemnes nectent choreas, & carmina dicent:

Quæ Proteus quondam divino pectore vates

Edocuit, magni quum funera fieret Achillis,

Et Thetidis luctus consolaretur amarus.

At tu, siue altum felix colis æthera, seu jam

Elysios inter manes, cœtusque verendos

Lethæos sequeris per stagna liquentia pisces;

Seu legis æternos formoso pollice flores,

Narcissumque, crocumque, & vivaces amarantos,

Et violis teneras misces pallentibus algas,

Adspice nos, mitisque veni: tu numen aquarum

Sera-

Semper eris, semper lætum piscantibus omen.  
 Ut Nymphis, Nereoque, ut flavicomæ Amphitrite  
 Sic tibi victrices fundent libamina cymbæ.  
 Interea tumulto supremum hoc accipe carmen,  
 Carmen, quod, tenui dum nectit arundine linum;  
 Piscator legat: & scopulo suspiret ab alto:  
*In gremio Phyllis recubat frens amara;*  
*Consurgis gemino felix Sebethe sepulchro.*

*Myc.* Dulce sonant, Lycida, tua carmina: nec  
 mihi malim

Halcyonum lamenta, aut udo in gramine ripæ.  
 Propter aquam dulces cynorum audire querelas.  
 Sed tu (sic faciles vicina Megaria semper  
 Sufficiat conchas: sic proxima Mergilline  
 Ostrea, saxosæque ferat tibi rupis echinos).  
 Quandoquidem nox obscuras jam distulit umbras,  
 Necdum permensus cœlum Sol: incipe rursus,  
 Atque itera mihi carmen: habent iterata leporem.  
*Lyc.* Ne miserum ne coge, Mycon: sat lumina,  
 sat jam

Exhaustæ maduere genæ; dolor (adspice) siccas  
 Obduxit fauces: quatit & sigultibus inum  
 Pectus: anhelantemque animam vox ægra relinquit.  
 Et tamen hæc alias tibi nos, & plura canemus,  
 Fortasse & meliora, aderit, si Musa canenti.  
 Quin & veliferis olim hæc spectanda carinis,  
 Seu Prochytae seu Miseni sub rupe patenti  
 Inscribam, grandesque notas ferrugine ducam:  
 Præteriens quas nauta mari percurrat ab alto:  
 Et dicat: Lycidas, Lycidas hæc carmina fecit.  
 Sed quoniam focii passim per litus ovantes  
 Expectant, poscuntque tuas ad retia vires;  
 Eja age jam surgamus: ego hæc ad busta sededo:  
 Tu socios invise: escas nam querere tempus:  
 Et tibi nunc vacuæ fluitant sine pondere nasse.

## M O P S U S .

2. *Celadon, Mopsus, Chromis, Iolas.*

*Col.* Dic mihi ( nam Baulis, verum si rettulit Ægon ;  
 Bis senos vos, Mopse, dies tenuere procellæ )  
 Quid tu, quid Chromis interea, quid vester Iolas ?  
 Dum Notus insultat pelago, dum murmurat unda,  
 Ecquid desertis vacui lufistis in antris ?

*Mop.* Quid nostræ facerent ingrata per otia Musæ,  
 O Celadon ? neque tum conchas impune licebat  
 Per scopulos, non octipedes tentare paguros.  
 Jam fragilem in sicco munibant saxa phaselum:  
 Raraque per longos pendebant retia remos.  
 Ante pedes ristæque leves, hamique jacebant:  
 Et calami, nassæque, & viminei labyrinthi.  
 Tum Chromis Inarimen spectans: his, inquit, ab oris  
 ( Ah dirum exilium ) nostræ solvere carinæ:  
 Quum Regem post bella suum comitata juventus  
 Ignotis pelagi vitam committeret undis.  
 Quæ tamen, ut fama est, Ligurum per saxa, per altas  
 Stæchadas amicuit: Rhodanique inuenta per amnem  
 ( Nam, bene si memini, Rhodanum referebat Amilcon )  
 Oceani madidas vidit refluentis arenas,  
 Et quæ cœruleos procul adspicit ora Britannos;  
 Quæ, ( nisi vana ferunt ) quoties maris unda recedit,  
 Indigenæ captant nudos per litora pisces.  
 Ne, Chromi, ne luctus renova, respondit Iolas:  
 Sat tuus hæc nobis Lucrini nuper ad undam  
 Narravit Lycabas: Solem se scilicet illic  
 Trans fluctus, trans & nubes vidisse cadentem  
 Haud aliter, quam si nostris e montibus illum  
 Cajetæ adspiceret longe post litora ferri,  
 Nec strepitum sensitse ruentis ab æthere currus.  
 Præterea mores populorum, urbesque, locosque  
 Exposuit, quernasque domos, & lignea tecta.

Ad-

Addidit & varias, ( heu barbara nomina ) gentes:  
 Bellovacos, Morinosque: & ( quos quis dicere possit? )  
 Tarbellos: latis errare & flumina campis:

Nescio quem Ligerim testis se innasse carinis.  
 Sed mea nunc alia: poeunt sibi pectora curae.  
 Tu modo, si quid habes ( & te quoque Chloridis ardor  
 Excruciat ) scopulo hoc mecum meditare vicissim.  
 Audiet, & gracilem percurreret Mopsus avenam.  
 Sic illi: ast ego nil contra, sed quæ mihi collo  
 Garrula pendebat, manibus tunc sumta cicutæ est.  
 Scilicet alternos consabar arundine versus

Excipere: alternis nam dicere uterque parabat.  
 Nec mora, jam Chromis hos, hos & referebat Iolas.  
*Chr.* Nereides, pelagi sacrum genus, aut mihi  
 vestris

Munera ferte vadis, duram queis Clorida placem:  
 Aut, si muneribus flecti nequit, æquore toto  
 Quærite, quæ nostrum sanet medicina furorem:

*Iol.* Sirenes, mea cura, audite hæc ultima vota:  
 Aut revocet jam Nisa suum, nec spernat Iolam,  
 Aut videat morientem: hæc saxa impulsæ marinis  
 Fluctibus, hæc misero vilis dabit alga sepulchrum:

*Chr.* Qualis tranquillo quæ labitur æquore cymba,  
 Quam Zephyris summae crispantur leniter undæ,  
 Tuta volat, luditque hilaris per transtra juvenus;  
 Talis vita mihi, mea dum me Chloris amabat.

*Iol.* Adspicis, iratæ feriant ut saxa procellæ:  
 Ut validis imæ Cauris turbentur arenæ?  
 Jam scopulis ferit undæ, tremit jam terra tumultu  
 Fallor, an hæc ipsa est Nisæ indignantis imago?

*Chr.* O Proteu, pastor liquidæ maris, o pater, orex,  
 ( Quandoquidem insanos odistis numina fastus )  
 Quære Pithecusas tu cui licet: atque superbæ:  
 Dic Hyale, falsum te pascere monstra per æquor.

*Iol.* Ille habet, ille meos scopulus mihi servat  
 amores,  
 Qui propior terræ est: illum pete, Glaucè natatu:  
 Neve manus duri contemnat Nisa mariti,

Dic

Dic te squamigeras traxisse ad litora prædas.  
*Chr.* Est Veneri Cypros gratissima, Creta Tonanti,  
 Junonique Samos, Vlcano maxima Lemnos:  
 Ænariz portus Hyale dum pulchra tenebit,  
 Nec Samos Ænariam vincet, nec maxima Lemnos.  
 Nisa colit Prochyten: Prochytes si commoda norint,  
 Ortygiam Phæbe, Tritonia jactat Hymetton:  
 Nisa colit Prochyten: Prochytes si commoda norint,  
 Ortygiam Phœbe, Tritonia linquat Hymetton.

*Chr.* Hic specus, hic rupes, texendisq; optima nassis  
 Vimina sunt, junci, densæque per avia myrtus;  
 Si mihi nunc Pholoe, vel tantum Chloris adesset,  
 Quam bene pugnaces possem contemnere ventos!

*Iol.* Nulla mihi sine te rident loca, displicet æquor,  
 Sordet terra, leves odi cum retibus hamos:  
 At si aderis tu, Nisa, placebunt omnia: lætus  
 Tunc ego vel Libycis degam piscator arenis.

*Chr.* Dat rhombos Sinuella, Dicarchi litora pagros,  
 Herculeæ mullum rupes, synodontas Analphas:  
 Parthenope teneris scater ambitiosa puellis:  
 Quis mihi nunc alias scrutari suadeat algas?

*Iol.* Influxiis mugil versatur, fargus in herbis,  
 Polypus in scopulis, mediis melanurus in undis:  
 Ante tuas, meas Nisa, fores ego semper oberro:  
 Quæ mihi det tales jucundior insula portus?

*Mor.* Hactenus, o Celadon, resonis sub rupibus illos  
 Inter se vario memini contendere cantu,  
 Horrida ventosi ridentes murmura ponti.  
 Qui tamen & laudes, & munera digaa tulere  
 Carminibus, sed quæ nequeat contemnere Triton:  
 Hic, quam Circeio nudus sub gurgite cepi,  
 Nativis concham maculis, & murice pictam:  
 Ille recurvato nodosa corallia trunco.



# PETRI BEMBI

## *HENDECASYLLABI.*

---

### PASTORUM CHORUS.

**P**astores tua turba te rogamus,  
 Seu tu nomine Pan arundinator,  
 Seu Faunus dubii potens futuri,  
 Barbatus, capripesque, cornigerque,  
 Seu malis pater Incubus vocari:  
 Nos & res tueare Dive nostras.  
 En jam ver redit, & dies rebellem  
 Paullatim sibi vindicat teporem:  
 Jam collis viret, & sinu soluto  
 Florentes tibi porrigit genistas.  
 Pastores tua turba te rogamus,  
 Nos & res tueare Dive nostras.  
 Nunc annus puer, & tenellus orbis:  
 Nunc sol purior, & colora tellus:  
 Nunc ludit Venus alma: nunc sorores  
 Festas Gratia poscit ad choreas.  
 Pastores tua turba te rogamus,  
 Nos & res tueare Dive nostras.  
 Novum montivagæ thymum capellæ  
 Tondent, & cytisi comam, arbutique



Pascunt purpureos oves per agros,  
Et pugnam cupidi cient mariti.  
Pastores tua turba te rogamus,  
Nos & res tueare Dive nostras.  
Nunc, o nunc opus est, Pater, volenti  
Aspires genio, & gregem revifas,  
Dum liber stabulis: tibi dicatum  
Ne qua fors populum gravis fatiget.  
Pastores tua turba te rogamus,  
Nos & res tueare Dive nostras.  
Tu fures avidum genus coerce:  
Tu morbos abige atra sævientes:  
Tu bellum jubeas bonus, famemque  
Ignotis præcul exulare terris.  
Pastores tua turba te rogamus,  
Nos & res tueare Dive nostras.  
Defendat saturas nemus capellas:  
Fida non egeant oves canum vi:  
Audaces lupus inter erret agnos:  
Cumque hædis Libyci accubent leones.  
Pastores tua turba te rogamus,  
Nos & res tueare Dive nostras.  
Abfit fraus scelerum comes, suoque  
Se livor miser imbuat veneno:  
Et lis cedere discat, & solutam  
Devinctus metuat furor quietem.  
Pastores tua turba te rogamus,  
Nos & res tueare Dive nostras.  
Sit pax candida, sit beata, plena  
Pomis copia, frugibusque cornu:  
Qualis cum positum recenter orbem  
Saturnus Jove sanctior regebat.  
Pastores tua turba te rogamus,  
Nos & res tueare Dive nostras.  
Audis nos Pater? an novam per agros  
Suspiras Venerem, & preces recusas?  
Ah cur nos fugis? hi tui poetæ:

*Hæc*

Hæc olim tibi ducitur chorea.  
Pastores tua turba te rogamus,  
Nos & res tueare Dive nostras.  
Scimus quid sit amor, quid obstinata  
Defigit tacitum jectur sagitta:  
Adsis tu tamen, ipse dum laboro  
Cœpti carminis explicare pensum.  
Pastores tua turba te rogamus,  
Nos & res tueare Dive nostras.  
Et ver pulvereum, humidam & vehat Sol  
Æstatem pecori laborioso:  
Neu laxent pluvix, vel impotenti  
Sidus ubera comprimat calore.  
Pastores tua turba te rogamus,  
Nos & res tueare Dive nostras.  
Tum fons vitreus, & perennis unda  
Festinans placido sonet susurro,  
Quo sitim veniat, meridiemque  
Umbrosa pecus elevare ripa.  
Pastores tua turba te rogamus,  
Nos & res tueare Dive nostras.  
Gregi hæc poscimus: at gregis magistros  
Præfens perpetua leves juvenia,  
Quam lusus comitetur, & voluptas,  
Et nudos Venus osculans amores.  
Pastores tua turba te rogamus,  
Nos & res tueare Dive nostras,  
Sic te nec fatux petant puellæ,  
Nec Nymphæ fugiant meticulosæ,  
Dum tellæ gelidi nemus Lycei,  
Et gratum tibi Mænalon revisunt:

## EPIGRAMMAT A.

## 1. JACOBI SANNAZARII EPITAPHIUM.

Da sacro cineri flores ; hic ille Maroni  
Sincerus Musa proximus, ut tumulo.

## 2. RAPHAELIS SANCTII URBINATIS,

*Epitaphium.*

Hic ille est Raphael, metuit quo sopite vinci  
Rerum magna Parens, & moriente mori.

## 3. HERCULIS STROZZÆ EPITAPHIUM.

Te ripa natum Eridani Permessus alebat,  
Fecerat & vatem Marsque, Venusque suum.  
Injecere manus juveni, & fatalia duris  
Stamina pollicibus persequere Dæ.  
Uxor honorata manes dum conderet urna,  
Talia cum multis dicta dedit lacrymis:  
Non potui tecum dulcem consumere vitam:  
At jam adero amplexans te cinerem ipsa cinis.

## 4. POLITIANI TUMULUS.

Duceret extincto cum mors Laurente triumphum;  
Lætaque pullatis invehetur equis,  
Respicit infano ferientem pollice chordas,  
Viscera singultu concutiente virum.  
Mirata est, tenuitque jugum; furit ipse, pioque  
Laurentem cunctos agitat ore Deos:  
Miscebat precibus lacrymas, lacrymisque dolorem,  
Verba ministrabat liberiora dolor.  
Rigit, & antiquæ non immemor illa querelæ,  
Orphæo Tartaræ cum patuere viæ:

Hic

Hic etiam infernas tentat rescindere leges,  
 Fertque suas, dixit, in mea jura manus.  
 Protinus & fentem preussit duro Poetam,  
 Rupit & in medio pectora docta sono.  
 Heu sic tu raptus, sic te mala fata tulerunt,  
 Arbiter Ausonix Politiane lyrae.

## E L E G I Æ.

## 1. FAUNUS AD NYMPHAS.

Dicite cur nostros Nymphæ fugiatis amores:  
 Quid Faunus, quo sic despiciatur, habet?  
 Cornua si mihi sunt; sunt & sua cornua Baccho:  
 Inque sinus vocat hunc Cressa puella suos.  
 Ignea si frons est, an non frons ignea Phœbo est?  
 Hoc tamen est Clymene facta parente parens.  
 Barba riget suffusa genis? dedit improba sæpe  
 Oscula barbato Deianira viro.  
 Intonso densoque tegor præcordia villo?  
 Nil ideo Marti est Ilia quæsta suo.  
 Capripedem arguitis? quid claudio turpius? at tu  
 Nupisti claudio, Cypria pulchra, Deo.  
 Denique si qua meæ pars est non bella figuræ,  
 Exemplum a cœlo, quod capiat, habet.


## 2. DE PANE, ET GALATEA.

Pana Deum Siculi per iniquas litoris undas  
 Eludit tarda dum Galatea fuga,  
 Seque adeo spe provectus: studioque sequendi  
 Plus medium infido tingeret ille mari:  
 Quo fugis o Galatea? mane, mane o Galatea:  
 Non ego sum, dixit, non ego, Nympha, Cyclops,  
 Qui flavum avulsis jaculatus rupibus Acin,  
 Sævitiæ liquit tristia signa suæ.  
 Pastorum pecorisque Deus, cui garrula cera  
 Prima dedit varios fistula juncta modos,

Quem gelidi frondosa colunt pineta Lycei;  
 Lætaque Mænaliæ Parrhasis ora iugo.  
 Unam de cunctis te diligo Neptuninis:  
 O Galatea mane, o jam Galatea mane.  
 Ille loquebatur: fundo declive maligno.  
 Litus erat: gressum non tenere pedes.  
 Sed pelagi dum cæca urget male cautus, & instat,  
 Qua refugit pendens, subtrahiturque solum;  
 Labitur, & summas dorso convertit arenas:  
 Labentem intortis obruit unda fretis:  
 Utque Deam, Galatea iterans, Galatæa vocabat;  
 Implere tenues ora vocantis aquæ.  
 Tum primum latices epotavisse marinos:  
 Pana ferunt, ponti nec latuisse Deum:  
 Sed quia Nereidas ibat vexare puellas.  
 Offensum fluctus non tenuisse suos.  
 Ergo illum nandi insuetum glauca excipit alto,  
 Unda sinu: exultant irrequieta vada.  
 Marmora ter superare manu conatus amara,  
 Ter circumfusus est revolutus aquis.  
 Nympha Dei lapsum cupidis spectarat ocellis,  
 Grator & pulchro risus in ore fuit.  
 Spectarant, sparsi ut steterant per litora, Fauni,  
 Pan, comites Fauni, grataque turba tua:  
 Et mixtus Faunis, cordi cui semper amores,  
 Nympharum, & querulo tibia rauca sono,  
 Incubus, & Satyri, & coniferæ Silvanus,  
 Arboris agresti cinctus honore caput.  
 Qui simulatque ipsum gentis videre parentem,  
 Pana sub impuris mergier æquoribus:  
 Nympha redi, Galatea redi, neu desere amantem,  
 Ingeminant omnes: candida Nympha, redi.  
 Ah tantum ne admisse tuis sit dedecus undis,  
 Quod taceant nulli post, Galatea, dies.  
 Ingeminant Divi: clamoribus ista resultat,  
 Arida pumiceum qua lavit Ætna pedem.  
 Illa metum fallax simulare, & tendere in altum,  
 Et vanas surda rejicere aure preces:

Quo magis ii tristes mæsti versare querelas ,  
Et pelagi expertes dicere amore Deos .  
Pectora pars pulsare manu , pars currere in undas :  
Cedit , & argutos tardat arena pedes .  
Omnia quæ obliquo lente nans respicit ore ,  
Unaque tot gaudet fallere Nympha Deos .  
Utque satis lusit , certe sat lusimus , inquit ,  
Successuque mei non caruere doli .  
Atque ita jactatis relegit freta versa lacertis ,  
Pronaque non longum vincere tendit iter :  
Tum summo apprensam cornu sustollit : at illi  
Clauserat insolitus lumina victa sopor .  
Ut rediit cum luce animus : quo percitus æstro  
Conjugium affectas , dixit , inepte , meum ?  
Perque ausus vada falsa sequi regna invia vobis ,  
Invitam pergis sollicitare Deam ?  
Numen aquæ gaudet tumidarum numine aquarum ,  
Conveniunt votis vota propinqua meis .





# HIERONYMI FRACASTORII

## EPIGRAMMAT A.

### 1. IN NATALEM DIEM. JANI FREGOSII CÆSARIS FILII.

**S** Acrorum si plena Deo sunt pectora vatam,  
 Si norunt triplices fata futura Deæ:  
 Fortunate Infans, verus tibi gloria vates,  
 Grandia concordēs concinuere Deæ.  
 Ecce tuo felix nasci novus annus ab ortu  
 Incipit, atque omen nomine habere tuo.  
 Cresce cito, magnique Patris mirarier acta.  
 Incipe, & invicti Cæsaris arma sequi.  
 Tempus erit, tibi quum partis jam mille trophæis,  
 Et fessi rebus compositis Latii,  
 Barbaricis captis opibus, Ducibusque subactis.  
 Multa tibi circum tempora laurus eat.  
 Tum læta ante tuum stabit Victoria templum,  
 Claudet & ærata limina athena fera.

### 2. IN MORTEM JO: BAPTISTÆ

#### MONTANE

*Medici Veronensis,*

Dum medica, Montane, docēs ope vincere fata,  
 Et Lachesi invita vivere posse diu,  
 Lethæo indignans pressit te Parca sopore,  
 Et secuit vitæ granda fila tuæ.  
 Sic animas & tu, Aesclepi, dum subtrahis Orco,  
 Te quoque sævorum perdidit ira Deum.

AD

3.

## AD MARSANGIUM

*Fluvium prope villam Jo: Baptista Rhamnusi  
in agro Patavino.*

Qui modo fons, Marsange, humilis, modo corni-  
bus ingens

Per salicū rapido laberis amne nemus.

Vere novo, Marsange, mihi flue lenior undis;

Uberior sitiens quū coquit arva Canis.

Frigentes æstare tibi Rhamnusus umbras

Sparget, & ad gelidas ipse sedebit aquas.

Vere rosam violasque feret: pictasque corollas

Pulchra tibi hinc Nais, hinc Galatea dabit.

## E P I S T O L Æ.

## 1. AD JO: MATTHÆUM GIBERTUM.

Ille tuus, Giberte, sacras qui in montibus aras  
Melfineis tibi constituit, qui teque, tuumque  
Per nemus omne canit, perq; omnia litora nomen,

Hæc enata suis mittit tibi poma sub hortis.

Aurea, quæ quondam Medorum e finibus Atlas

Transtulit, & magno servabat tuta Dracone:

Mox victor sacra exspoliens pomaria Perseus,

Dum levibus nostrum talaribus sera tranat,

Donavit Charitæ Benaci ad flumina Nymphæ.

Insper hos, Giberte, tibi dat munera pisces,

Qui quondam Etrusci nautæ, nostraque fuere

Esigie, nunc Benaci sub gurgite nantes

Cærule convertunt sinuatis æquora caudis.

Quod si forte juvat tanti miracula facti,

Atque hominum quondam versas audire figuras,

Ipse edam, Salor quæ quondam ad litora Battus,

Battus amor Dryadum cecinit, mihi rettulit Ægon.

Forte senex Cretæ patris Saturnus ab oris

Ad



Ab Jove depulsus, regnum, sedesque quietas  
 Quærebat Latio in magno, fataliaque arva:  
 Jamque diem medio Sol inclinabat ab axe,  
 Quum fessus, longaque via siccatus, & æstu,  
 Ad vada Benaci viridi prospectat in herba  
 Vefcentes nautas, & puri grandia Bacchi.  
 Pocula miscentes: placido quos ore salutans,  
 Ecquis, ait, vestrum, pueri, succurrit egenti,  
 Defefsoque seni? quis pocula parva ministrat,  
 Extinguitque sitim? poscenti, illudere nautæ,  
 Et ridere senem. Quis enim præsentibus undis  
 Possit habere sitim? en flumine largius illo  
 Ebiberis, gelidaque æstum solabere lympha.  
 Illusus Deus immixtis in flumina palmis.  
 Haurit aquas; pronusque bibit: tum versus ad illos,  
 Quo tamen e pretio, pueri, ducetis ad illas.  
 Remigio cautes, quæ fluctibus undique circum  
 Clauduntur, mediisque jacet parva insula in undis,  
 Ostenditque locum: pretium gens impia iniquum,  
 Postulat. At pactus senior tamen omnia firmat,  
 Adjuratque Deos testes, scanditque phaselum.  
 Illi autem, dum nave cita liquida æquora sulcant,  
 Ignari, quisnam sedest Deus: eja age nobis.  
 Fare, senex, quonam latebras pro crimine quæris.  
 Anne fugam subrepto auro, dominoque relicto,  
 In loca tuta paras? Sed te tua fata sequuntur,  
 Demens, quem nullæ poterunt servare latebræ.  
 Nomine Carpus erat, qui tam temeraria verba  
 Dixerat, ingeminant comites, aurumque reposcunt,  
 Proferri subreptum aurum: ni proferat, omne  
 Vi rapiant, pulsumque rate in media æquora turbent.  
 Quos placidus dictis senior demulcet amicis.  
 Errusci nautæ, quæ nunc mens impia suadet  
 Nec servare fidem vos, nec meminisse Deorum?  
 Dicenti jam vis, jam dextra inferitur. At ille,  
 Qui tandem agnosci posset Deus: impia, dixit,  
 Gens inimica Deum, dabitur, quod poscitis, aurum:  
 Hoc jammo sub fonte aurum pascetis avari.

Di,

Dixerat. At si illis veniam poscentibus, & vox  
 Deficit, & jam se cernunt mutescere, & ora  
 In rictum late paulum producta dehiscunt:  
 In pinnas abiire manus, vestisque rigescit  
 In squammas, caudamque pedes sinuantur in imam.  
 Qui fuerat subita obductus formidine, mansit  
 Pallidus ore color, quanquam livoris iniqui  
 Indicium suffusa nigris sint corpora guttis.  
 Carpus aquas, primus Numen qui læsit, in amplas  
 Se primus dedit, & fundo sub condidit imo.  
 Inde alii celeri se se in media æquora saltu  
 Præcipitant, vacuamq; ratem & sine remige linquunt.  
 Jamque Deus super unus erat: subit ipse magistri  
 Munus, & adductis pelagi petit ultima ripis.  
 Expositus ripa placidas conversus ad undas,  
 Ecquid io, Nymphæ Benacides, ista super sit  
 Navis, & hunc amnem sacrum male fausta carina,  
 Et vestras sulcabit aquas? En certe ita & hujus  
 Criminis hæc scopulo semper monumenta ma-  
 nebunt..

Dixit, & in partem rupis conversa pendit  
 Cum remis ratis ipsa suis, ubi cernere conchas  
 Nunc etiam licet, externo quas litore nautæ  
 Collectas miseri media imposuere carina..  
 Ex illo nunc Benaci per litora nantes,  
 Atque auri venas fundo pascuntur in imo,  
 Nunc etiam a primo retinentes nomina Carpo.

## 2.. AD FRANCISCUM TURRIANUM.

Turri, si aut mihi villa & lar sit lætior, aut tu  
 Ferre domum tenuem possis, parvosq; penates  
 Urbe procul ruri se se abscondentis amici,  
 Quantum ego te his mecum Caphiis in montibus optem,  
 Montibus his, ubi, si querulæ nemora alta cicadæ  
 Non rumpant, equidem vix norim ætatis adesse  
 Tempora, tam leni misceat Julius aura  
 Sed quid, si est angusta domus, dum pulvere & omni

Munda situ: dum sit nullo turbata tumultu;  
Nescia curarum, nullius conscia culpæ:  
Alta ubi per totum sit pax, & amica Camænis  
Otia, & integri per magna silentia somni?  
Quid refert, alius minio laquearia rubra  
Si inspicere, ipse velim fuligine nigra videre?  
Si non dejectum cælo Jovis igne Typhoea.  
Terrigenasque alios, spirantia signa, videbis  
Admirans opus æterni memorabile Juli;  
At bona Libertas aderit, quæ rura beata  
Præcipue insequitur, simplexque incedit & exlex.  
Hic tibi, si paullo digitus sit inunctior, aut si  
Potanti insonuit cyathus, vel si pede utroque  
Non steteris, nemo objiciet, nemoque sedentem  
Arguet, hoc illi si fors super incubuit crus.  
Stare, sedere, esse ex libito, & potare licebit.  
Forfitan & mihi quid vitæ, quid sit studiorum,  
Nosse optas, quo vel damnes, vel singula laudes.  
Mane venit, juvat Auroram Solemque videre  
Nascentem, qui non alio confurgit Eo  
Pulchrior, unde nova lætantur singula luce,  
Et silvæ, scopulisque, & pictis nubibus aer.  
Parte aliena Benacum alto de colle saluto,  
Centum cui virides invergunt flumina Nymphæ:  
Ipse sinu magno Genitor magno excipit amne.  
Tum juvat aut spectare boves mugitibus alta  
Complentes nemora, aut pulsas pascua capras.  
Præ caperit: cui barba jubat, cui cornua pendent  
Intorta, & grandes olido de corpore setæ.  
Pone gregem reliquum compellit arundine virgo  
Upilio, multo armantur cui baltea fuso.  
Interea natos discentes rustica amare  
Numina, vicini nemoris gelidam voco in umbram,  
Qui libros, qui secum horæ solatia portant.  
Hic legitur, viridique toro, saxove sedetur  
Glanditera sub figo, aut castanea hirsuta.  
At varix circum silvis, & frondibus ælis  
Assuetæ ludunt volucres, atque æthera mulcent.  
Tum

Tum densum nemus, atque umbræ per gramina læta  
Jejunas nos invitant spatiantur horas.

At fessi hæc inter pueri sitiuntque, dolentque  
Plus æquo retineri, & jam Musasque, librosque;  
Et Pana, & gelidi pinus odere Lycæi.

Ergo præcurrere, & aquas, & vina pararunt  
Lucenti in vitro, & flores sparsere nitentes.

Advenio. Primas atro lita mora cruore,  
Aut grossi menfas ineunt, cors cetera, & hortus

Sufficit. Interea crebro sonat area pulsu,  
Increpitat seges, & duræ sub Sole coloni

Alternis terram feriunt, & adorea flagris.

Fit clamor, resonat tellus rupesque propinquæ,

Et palææ sursum strepitu jactantur inanes:

Læta Cores alto ridens despectat Olympo.

Umbra diem reliquum, somnus, librique, viæque  
Producunt, dum siccam æstu Canis excoquit urbem.

Verum, ubi cæruleis serus se se extulit undis

Vesper, & in cælum surgentia sidera vexit,

Vicina e specula, magni admirator Olympi,

Alta rupe sedens, natis astra omnia monstrat.

Accendoque animos patriæ cœlestis amore.

Illi admirari, & cognoscere sidera discunt

Cepheæque, Arctonq; & servantem plaustrea Bootæ.

Hæc ergo præferre urbi, & contemnere magna

Si possis, quid te teneat, ne tu ocyus ad nos

Accurras? etiam has sedes, hæc limina magnus

Naugerus subiit, nec dedignatus adire est

Battus amor Musarum, ipsum quo tempore primus

Pana, atque antiquos cecinit Telluris amores.

Hic me etiam desueta Deæ, medicumque, senemq;

Carmina iusserunt canere, & ridere beato

Illudentem urbem, & male sani murmura vulgi.

Verum, hæc Gibertus ne viderit ipse, caveo

Ni forsan Bubulone animum, curasque relaxans

Propter aquam viridi lætus confederis herba

Qua placidus leni descendit Tartarus amne.

Scilicet hic numeros non aspernatur, & audit

Nos

Nos etiam, & nostram, quamvis sit rustica, Musam.  
 Verum, ubi se sibi restituit, mentemque recepit  
 Illam alto intentam cœlo, seu sacra Sacerdos  
 Munera obit, totum seu contemplatur Olympum,  
 Tum supra & Musas, & ruris Numina supra est.  
 Vitam agitans Divum, Diis se cœlestibus æquans.



## ANDREÆ NAUGERII

*H E N D E C A S Y L L A B I.*

D. IN VANCIIUM VICUM PATAVINUM..

**B**Landa, o Naiadum cohors sororum,  
 Quæ Vanci nitido latetis amne,  
 Eusæ colla decentibus capillis,  
 Quos large ambrosii rigant liquores,  
 Comptæ & carbaseo sinus amictu;  
 Exite e liquidis simul latebris,  
 In vestros simul hic adeste lusus,  
 Quos large Zephiro favente tellus  
 Vernos florida suggerit per agros.  
 En scandentibus hinc & hinc flagellis;  
 Per flavas salicum comas pererrans  
 Vitis pampineas ministrat umbras;  
 Per quas sibila murmurantis auræ  
 Jucundum tenero strepunt susurro.  
 Hic gemmantibus hinc & hinc rosetis,  
 Cultas texere vos licet coronas;  
 Et passim simul omnium colorum  
 Lectos in calathis refert flores;  
 Quæ comptas pariter comas revinctæ,

Quæis.

Queis sparsæ tereres simul papillas,  
 Ductetis pariter choros licentes :  
 Ductetis hilares simul choreas.  
 Sed quid splendidius nitescit aer?  
 Quid fragantius huc feruntur auræ?  
 Rident omnia, & aere in sereno  
 Spirant Cyprii, Syrique odores..  
 Agnosco; resonis strepunt querelis.  
 Olores Paphii, Cupidinumque  
 Concussæ ex humero sonant pharetræ;;  
 Ad flores properat suos Dione:  
 Nunc vos Vanciades simul sorores,  
 Instaurate choros licentiores..  
 Et novæ Venerem decens choreæ,  
 Et chori Venerem licentiores.  
 Huc mitis, Dea, mitiorque semper  
 Adsis muneribus benigna nostris,  
 Quæ versis tibi fundimus quasillis :  
 Quæ pictis tibi teximus coronis..  
 Incultis face, Vancium rosetis.  
 Præsum vicere, floridumque Tibur..  
 Hæc non bruma rigens, calorque lædat :  
 Hæc non flamina pestilentis Austri;  
 Sed semper tibi cultius nitescant :  
 Sed semper genitalibus Favonii.  
 Tua in munera mulceantur auris..

## 2a. IN OBITUM BORGETTICATULI..

Borgettus lepidus catellus ille,  
 Cujus blanditiâs proterviores,  
 Et lusus herus ipse tantum amabat,  
 Quantum tale aliquid potest amari:  
 Nec mirum; dominum suum ipse norat.  
 Cara bima velut puella matrem.  
 Et nunc illius in sinu latebat:  
 Nunc blande affliebat huc & illuc  
 Ludens, atque avido appetebat ore.

Ere-

Erectis modo cruribus, bipesque,  
 Mensæ adstabat herili, heroque ab ipso  
 Latratu tenero cibum petebat.  
 Nunc raptus rapido, maloque fato  
 Ad Manes abiit tenebricosas.  
 Miselle, o Canis, o miser Catelle,  
 Nigras parvulus ut timebis umbras:  
 Ut sæpe & Dominum tuum requires!  
 Cui pro deliciis, jocisque longum  
 Heu desiderium tui relinquis.

### EPIGRAMMATA

#### 1. IDMONIS VOTA AD AURAS.

Auræ, quæ levibus percurritis aera pennis,  
 Et strepitis blando per nemora alta sono:  
 Serta dat hæc vobis, vobis hæc rusticus Idmon  
 Spargit odorato plena canistra croco.  
 Vos lenite æstum, & paless sejungite inanes,  
 Dum medio fruges ventilat ille die.

#### 2. IOLÆ VOTA AD PANEM.

Ille tuus, Pan montivage, venator Iolas  
 Suetus in audaces cominus ire feras:  
 A quo & adhuc rictusque suum, exuviasque leonum  
 Sacra tibi agrestis munera pinus habet:  
 Nunc jam annis gravis hæc devicti cornua cervi  
 Dedicat, imbelli congrua dona senti.  
 Quam tamen Herculeæ facta inter forcia clavæ  
 Is quoque sit laudem visus habere labor:  
 Tu, Dive, hæc inter viridis decora illa juventæ  
 Suscipe: neve illis esse minora puta.

### 3. AUGONIS VENATICI CANIS EPITAPHIUM.

Venator celerem mœrens Augona Melampus  
 Confossum rapido dente ferocis apri,  
 Hac illi in ripa tumulum, frondente sub umbra;  
 Erigit: hoc ipso concidit ille loco.  
 Non impune quidem prædo sceleratus abiit:  
 Procubuit jaculis cæsus, & ore canum.  
 Tu tamen e cunctis canibus præstantior, Augon,  
 Fide Augon, filvis qui modo terror eras,  
 Tu, dilecte, jaces; sed ab alta hac fascia pinu,  
 Millusque, & nullo vincula juncta suo,  
 Quin decisa feri cervix tibi pendeat hostis:  
 Sintque una ex animo signa dolentis heri.

### 4. INVITATIO AD AMOENUM FONTEM

Et gelidus fons est: & nulla salubrior unda:  
 Et molli circum gramine terra viret:  
 Et ramis arcent soles frondentibus alni:  
 Et levis in nullo gravior aura loco est:  
 Et medio Titan nunc ardentissimus axe est:  
 Exustusque gravi sidere fervet ager.  
 Siste, viator, iter: nimio jam torridus æstu es:  
 Jam nequeunt lassī longius ire pedes.  
 Accubitu languorem, æstum aura, umbraque virenti,  
 Perspicuo poteris fonte levare suum.

### 5. VOTA CERERI, BACCHO, ET PALI.

Dat Cereri has Theleson spicas, hæc ferta Lyxo,  
 Hæc nivei lactis pocula bina Pali.  
 Pro quibus arva Ceres, vites secundet Iacchus:  
 Sufficiat pecori pabula læta Pales.



## 6. ALCMONIS VOTA AD VULCANUM.

Has, Vulcane, dicat silvas tibi villicus Acmon &  
 Tu sacris illas ignibus ure, Pater.  
 Crescebant ducta e Statii propagine silvis  
 Jamque erat ipsa bonis frugibus umbra nocens.  
 Ure simul silvas: terra simul igne soluta  
 Fertilior largo fenore messis eat.  
 Ure istas: Phrygio nuper mihi consita colle  
 Eac, pater, a flammis tuta sit illa tuis.

## E L E G I E

24

## AD CEREREM

Aspice, magna Ceres, tibi quos semente peracta  
 Ducimus agrestes, rustica turba, choros,  
 Tu face, ne nimio semen putrescat ab imbre:  
 Neu sulcos rapido frigore rumpat hiems:  
 Neu sterilis surgat silva infelicitis avenæ:  
 Et quæcumque bonis frugibus herba nocet:  
 Neu terræ prostrata animosi statibus Euri  
 Decidat, aut denso grandine læsa seges.  
 Neu direpta avide rapiant frumenta volucres,  
 Monstrave, quæ terræ plurima sæpe ferunt,  
 Sed quæ credidimus bene cultis femina campis,  
 Uberius largo fenore reddat ager.  
 Sic erit. Interea nivei carchesia lactis.  
 Fundito, & annoso mella liquata mero.  
 Terque satas circum felix eat hostia fruges:  
 Cæsaque mox sanctos corruat ante focos.  
 Nunc satis hæc. Post messiem alii reddentur honores:  
 Et sacras cingent spicas ferta comas.

AD

## A D T U R R I U M.

20.

## VERIS DESCRIPTIO.

*Terei, & Progne, nec non & Orphei.  
fabula. inferuntur.*

Jam tristi canos glacie concreta capillos:  
 Afflata tepidi fugit Hiems Zephyri:  
 Jam nitidum os Ver. molle auras in. luminis audet  
 Proferre, & teneros ferre per arva pedes:  
 Tempora. diversa. tollens balantia, fertis.  
 Purpureo. matris. Chloridos e gremio...  
 Summittit. varios. tellus. secunda. colores,  
 Convertit molles quo puer ipse gradus:  
 Et. passim quacumque vagos deflectit ocellos;  
 Dissugiunt toto nubila cuncta polo..  
 Is prope, & incutiens blandas in. pectora flammis,  
 Omnia jucundo. accendit. amore. Venus..  
 Quam. circum. vario. texunt e flore. coronas.  
 Perfusæ. Assyrio. rore. comam Charites.  
 Hinc atque. hinc mille. aligeri pueri assultantes:  
 Conjiciunt. certa. spicula. acuta. manu..  
 Concipiunt. dulces. animalia. cuncta. calores:  
 Perfultantque. vagi. pabula. læta. greges,  
 Ipse. suam. de colle. canens Amaryllida pastor,  
 Pascentes. tenui. carmine. mulcet. oves..  
 Percussæque. nova. dulcedine. corda. volucres:  
 Dant. lætos. passim. per. nemora. alta. sonos..  
 Sola. gemit, ramoque. sedens. miserabilis. alto.  
 Absumentum. mater. Thracia. plorat. Ictum..  
 Dii. bene, quod. nostræ. tam. longe. a. finibus. ora:  
 Exactum. hoc. dira. est. in. regione. scelus..  
 Heu. puer. infelix, matri. dum. brachia. tendit.  
 Assueto. cupiens. se. implicuisse. sinu;  
 Illa. ferox. animi, cæcoque. agitata. furore:  
 Ayulsum. duro. diripit. ense. caput..

Quid:

Quid facis ah, deimens? ferro quem perdis iniquo,  
Is lac dulce tuis hausit ab uberibus.  
Huic tu longinquam votis optare senectam,  
Huic solita es teneras dicere blanditias.  
Heu miserum, genitor, nati, infelixque sepulchrum,  
Ut tibi nunc toto pectore sensus abijt,  
Infandæ nosti quum conjugis impia facta,  
Atque epulas mensis tristibus appositas!  
Nempe furis, strictoque ruis violentior ense:  
Sed sublata alis effugit illa novis.  
Perpetuum flet, ut merita est: longisque querelis  
Antiqui pœnas persolvat sceleris.  
Nos, Turri, dum florifero vere omnia rident;  
Spirat & e summis gratior aura jugis;  
Nos hic, qua nitida pellucens rivulus unda  
Labitur, & leni murmure dulce sonat;  
Cantemus molles formosæ Amathusidos ignes:  
Quidque ferox arcu, quid face possit Amor.  
Armenias domat hic tigres, favaeque leænas:  
Eripit hic summo, quum libet, arma Jovi.  
Hoc duce palentes umbras Oeagrius Orpheus;  
Tristiaque horrendi limina regis adit:  
Nec timuit sævæve Hecates immania monstra;  
Armataeæve atris Eumenidas facibus.  
Hoc cogente, omni quum pectore consternatus,  
Abrupto nollet vivere conjugio;  
Paullatim Eurydices, veterumque oblitus amorum,  
In Calaim tota mente Boreiadem  
Exarsit: penitusque infano perditus igne  
Sensit ferventes intima ad ossa faces.  
Formosæ o Calai, pulchræ genus Orithyæ,  
Te virides silvæ, te cava saxa sonant.  
In te suspirat, solum te cogitat Orpheus;  
Per te sollicito nulla quies animo est.

M. A N T O N I I  
FLAMINII

H E N D E C A S Y L L A B I

I. AD ALEXANDRUM FARNESIUM CARD.

PULCHRÆ Naiades, bonique Fauni,  
Dilectum juvenem vocate ad istas  
Mecum delicias. Ades, quiritum  
Alexander ocelle: sat tulisti  
Dura frigora, sat graves calores,  
Et casus varios periculorum.  
Te vidit Tagus aurifer citatis  
Equis currere, te rapacis unda  
Rheni, te Liger, & Garumna vidit  
Iratos properantem adire Reges,  
Et componere bella, foederumque  
Leges dicere: te feras per alpes  
Nuper terrificis euntem in armis  
Faunisque stupuere, Oreadesque,  
Dum cinctus legionibus Latinis  
Petis Vindelicas tremendus oras,  
Et magnum Carolum tuo labantem  
Firmas praesidio, trucesque nostris  
Agris Teutonicas minas repellis.  
Sed jam desine, jam satis laborum  
Pro cara Italia subisti? omitte  
Curas Urbis, & Orbis, æstuosa  
Dum Canicula sævit, otiumque  
Præfer dulce negotiis, ut alti

Virtus Scipiadae solebat olim  
Festitare, tumultuosa Romae  
Linquens moenia ter, quaterque in anno,  
Hic quiesce parumper. hic molestis  
Te furare laboribus: licebit  
Horas fallere servidas legendo  
Musae versiculos Horatianae,  
Et quae Maenides facer, facerque  
Canit Virgilius: licebit antra,  
Et fontes gelidos adire: risus,  
Et joci comites procul fugabunt  
Curas, tristitiamque; nec pudebit  
Modo incompósitos videre motus  
Saltantis Pholoe: modo assidere  
Canenti Meliboe: aves tenaci  
Visco fallere, piscibus juvabit  
Dolos tendere vitreis sub undis.  
Nec cervi, leporeve, capreaeve  
Absunt; accipiterque copiosas  
Hic praedas agit: omnibus venusta  
Rura denique gaudiis redundant.  
Ergo moenia Romuli, & severa  
Cuncta desere: sed cavebis illas  
Turmas innumerabiles clientum  
Tecum ducere: sit comes Maphæus,  
Et Mirandula, Romulusque doctis  
In primis homines bonique: ad illos  
Addantur alii viri elegantes,  
Sed pauci tamen: haud beata gustes  
Ruris comoda, ni superfluentes  
Pompas Urbis in urbe derelinquas.

## 2. DE LAUDIBUS MANTUÆ.

Felix Mantua, civitatum ocelle,  
 Quam Mars Palladi certat usque & usque  
 Claram reddere gentibus, probisque  
 Ornare ingeniis virorum, & armis!  
 Te frugum facilis, potensque rerum  
 Tellus, te celebrem facit virente  
 Qui ripa, calamisque flexuosus  
 Leni flumine Mincius susurrat,  
 Et qui te lacus intrat, advenisque  
 Dites mercibus invehit carinas.  
 Quid palatia culta, quid Deorum  
 Tempia, quid memorem vias, & urbis  
 Moles nubibus arduis propinquas?  
 Pax securo loco, quiesque nullis  
 Turbata exiliis, frequensque rerum  
 Semper copia, & artium bonarum.  
 Felix Mantua, centiesque felix,  
 Tantis Mantua dotibus beata,  
 Sed felix magis, & magis beata,  
 Quod his temporibus, rudique sæclo  
 Magnum Castaliona protulisti!

## 3. AD BACCHUM

Hanc vitem tibi dedico racemis  
 Gravem purpueris, pater Lyæ;  
 Pro qua tu mihi vineam tuere  
 Non dico a Satyrisve, capreisve,  
 Non a grandinis impetu, vel Austri,  
 Sed a Pygmalione Formiano,  
 Qui sua horribili voratione  
 Plus nocere queat duabus horis,  
 Quam grando, Satyrique, capreæque,  
 Et venti rabies duobus annis.

AD

## 4. AD STEPHANUM SAULIUM.

Candidissime Gratiarum alumne,  
Ne carus tibi sim, nec ulla signa  
Amoris mihi mutui rependas,  
Ni te plus amo, quam solet tenella  
Unicam genitrix amare natam.  
Nec mirum; quid enim potest amore  
Tuo dulcius esse? vel quis ullo  
Fuit tempore dignus æque amari?  
Honores alius sequatur, auri  
Acervum cumulet nitentis: ipse  
Sim beator omnibus beatis,  
Annuant modo Cœlites, ut una  
Tecum vivere, tecum obire possim,  
Jucundissime Sauli, honore, & auro,  
Et cara mihi carior salute.

## 5. AD PETRUM CARNESECUM.

O Dulce hospitium, o lares beati,  
O mores faciles, o Atticorum  
Conditæ sale colloctiones,  
Quam vos ægro animo, & laborioso,  
Quantis cum lacrymis miser relinquo!  
Cur me sæva necessitas abire;  
Cur vultum, atque oculos, jocosque suaves  
Cogit linquere tam venusti amici?  
Ah Reges valeant, opesque Regum,  
Et quisquis potuit domos potentum  
Anteponere candidi sodalis  
Blandis alloquiis, facetiisque.  
Sed quanquam procul a tuis ocellis,  
Jucundissime Carnefese, abibo  
Regis imperium mei secutus,  
Non loci tamen ullâ, temporisve

Intervalla tuos mihi lepores,  
Non mors ipsa adimet: manēbo tecum,  
Tecum semper ero, tibi que semper  
Magnam partem animæ meæ relinquam,  
Mellite, optime, mi venuste amice.

## 6. AD LUDOVICUM STROZZAM

Strozzam Flaminius suum salutat  
Benaci liquidam jacens ad undam  
Sub myrto beneolente, dum superba  
Terit limina Principum misellus  
Strozza. Tuna molesta in urbe semper  
Inclusus, variis agri beati  
Nunquam deliciis frueri? nunquam  
Ruris gaudia noveris? Miselle,  
Rumpe obstantia claustra, rumpe lentas  
Moras, si sapis, optimumque amicum  
Vise. Hic Virgilium tuum, meumque  
Catullum vacui legemus: hic tu  
Cultis versiculis canes amœnos  
Hortos, & vitrei lacus decentes  
Nymphas: me cithara bonum Gibertum  
Juvat dicere, cujus hic agellus  
Mibi munere partus: hunc agellum  
Ille donat habere, quo nec alter  
Baccho, & Palladi gratior, nec alter  
Musis otia, & abditos recessus  
Præbet commodius: modo hæc benigni  
Faxint propria dona Di, talenta  
Cræsi despicio, Midæque acervos.

## 7. AD NICOLAUM ORMANETUM.

Quid, o candide amice, semper ista  
Juvat vivere in Urbe, cursitando  
Nunc per limina Principum superba,  
Nunc subsellia judicum terendo?  
Ormanete, fugit levis juvenia



Ventis ocyor, & subit senectus  
 Curva, quam sequitur ferox tenebris  
 Mors operta: nec illius furorem  
 Arcet nobilium favor: clientem, &  
 Par onum rapit illa. Amice, quæso  
 Vive, dum licet, otioque dulci  
 Ruris, elue amara civitatis.  
 Si gustare mei semel quietem  
 Agelli potes, & periclitari.  
 Quam sit suave, tumultuosa ab Urbe  
 Semotum sibi vivere, otiosa  
 Numquam sit mihi vita, ni potentum  
 Fortunasque, domosque, gratiamque  
 Arbitraberè vix pili æstimandas.  
 Tunc dices: nihil est profecto mirum  
 Meus Flaminius quod esse lætus  
 Fortuna exigua, previque censu  
 Audet, nil populi leves honores  
 Curans, nil rutilos Midarum acervos.

## EPIGRAMMATA

### AD AGRESTES DEOS.

Pan pater, & Sylvane senex, Faunique bicornes,  
 Tuque pharetratæ candida turba Deæ,  
 Si mea vos dulci delectat fistula cantu,  
 Si semper vobis annua dona fero,  
 Parcite purpureos, quæso, violare racemos,  
 Neu tangant avidæ lutea pruna manus.  
 Hunc agrum dat habere mihi Farnesius heros:  
 Gratus ego hæc illi munera prima dico:

2.

### AD LIGURINAM

Jam rapidus torret mediis Sol æstibus agros;  
 Ad vallem niveum duc, Ligurina, gregem.  
 Hic

Hic avium cantus, hic sonus nitidissimus antro  
 Proflit, hic densis quercubus umbra cadit:  
 Et circum flores examina læta susurrant,  
 Et Zephyri blando murmurat aura sono.  
 Hic laudes; formosa, tuas mea fistula dicet:  
 Tu Dryadum calamo dulcia furtiva canes.

3. DE LYGDA RIDENTE.

Aspicias ut læti surgunt per gramina flores?  
 Explicat ut virides arbor ubique comas?  
 Ut melius fulgent soles, ut nubila cælo  
 Diffugiunt, terris diffugiuntque nives?  
 Hæc facies, hæc est Lygdæ ridentis imago;  
 Tristitiam vultu sic fugat illa suo.

4. DE LIGURINA FLENTE.

Vidisti nitidas per candida lilia guttas  
 Ludere, cum tenui decidit imber aqua?  
 Et rorem de puniceis stillare rosetis,  
 Cum spirat nascens frigora blanda dies?  
 Hæc facies, hæc est Ligurinx flentis imago;  
 Illius lacrymis me ferus urit Amor.

E L E G I A

DE SE NEAPOLI PROFICISCENTE.

Pausilypi colles, & candida Mergilina,  
 Et myrteta sacris confita litoribus,  
 Si mihi post tantos terræque marisque labores  
 Contigerit vestra limina adire Dez;  
 Limina, quæ vates specula fundavit in alta  
 Actius, Eois clarus & Hesperiiis;  
 His ego pileolum figam, & calcaria, & ensem,  
 Et quæcumque vagus arma viator habet.  
 Nec mihi jam quisquam vel prudentissimus ullas  
 Aut pelagi, aut terræ suaserit ire vias;

Non mihi Persarum si detur regia gaza;  
 Non mihi si rubri serviat unda maris.  
 Quis furor est, nullis unquam requiescere ter is,  
 Atque alia ex aliis semper adire loca?  
 Nec vitare graves æstus, nec frigora sæva,  
 Nec timuisse vagæ mille pericla viæ?  
 Felix, qui parvo contentus vivit agello,  
 Nec linquit patriæ dulcia tecta domus!  
 Quem versare juvat sæcunda ligonibus arva,  
 Et nitidam vitis fingere falce comam.  
 Aut gelidam summo lympham deducere clivo,  
 Æstibus ac mediis arida prata bibant.  
 Aut tondere gregem lucenti vellere amictum,  
 Et tonsum liquidis mergere fluminibus.  
 Hic laribus certis, certisque sodalibus utens  
 Magnorum vita Cœlicolum potitur.  
 Nec violentus eum crudeli vulnere satro,  
 Nec fera cæruleo perdidit unda mari.  
 Ille suis moriens suprema dat oscula natis  
 Deficiens casto conjugis in gremio.  
 Illa viri fugientem animam dulci excipit ore  
 Et claudit tenera lumina cara manu:  
 Dehinc tumulum viridi componit margine fontis,  
 Quæ vetus arboreis decidit umbra comis.  
 Huc madefacta piis lacrymis fert liba quotannis  
 Cum pueris veniens mæsta puella suis:  
 Et magna manes compellat voce mariti,  
 Spargens fœtilibus lac niveum calathis:  
 Nec potis est dulci tumulto se avellere, donec  
 Hesperus invitam cogit abire domum.  
 O fortunati cineres, umbræque beatæ,  
 Morte obita si quem talia fata manent!  
 At, me, dum terras, & vœstra per æquora curro;  
 Si vocet in Stygiam pallidus Orcus aquam,  
 Quis tumulum faciet? tumulo quis tristitia libans  
 Dona, peregrinas flebit ad inferias?  
 Jam valeant Alpes, & nimbifer Apenninus,  
 Tuque maris nostri litus utrunque vale.

Me juvat umbrosis vitam nunc degere in hortis,  
Et Phœbo, & Musis otia digna sequi.  
Tum rerum causas, eventaque dicere: qua sint  
Lege colenda homini numina sancta Deum:  
Qui deceant mores, faciat quæ vita beatum:  
Quid verum falsis distet imaginibus  
In primis celebrare Patrem fidibus juvat, a quo  
Ex nihilo Vates omnia facta canunt;  
Cœlicolæ quem Tergeminum venerantur & Unum;  
Qui mare, qui terras, qui supera alta regit.  
O utinam ille suo me sistat numine sancto  
Ad fortunati litora Pausilypi!  
Litora divino quondam celebrata Maroni,  
Et patrio Minci flumine cara magis.  
Litora, quæ toties viderunt Calliopeam  
Distantein vati carmina docta suo.  
Sirenes illis stupuerunt versibus: illis  
Carminibus omnis Nereis obstupuit.  
Ipse pater Tegeæus amœna vireta Lycæi  
Linquens insolitis cantibus intererat:  
Quem comitabantur silvarum numina Fauni  
Et Nonacrinæ maxima turba Deæ.  
Ille coronatus viridanti tempora myrto  
Dicebat laudes, candide Daphni, tuas:  
Et quæ Mænalius dulci cantarat avena,  
Dum pascit niveas Alphefibœus oves.  
Tum miseros Galli consolabatur amores,  
Duritiam incusans, pulchra Lycori, tuam:  
Hinc lætas segetes, & Bacchi dona canebat,  
Et pecus, & liquidis dulcia mella favis:  
Mox sese attollens numero graviore sonabat,  
Trojanis referens horrida bella Ducis;  
Erroresque vago, & diruta Pergama flammis,  
Visaque Tartarei pallida regna dei;  
Tum patri celebrata prius certamina, pæne  
Fœmina cum Phrygiæ perdidit una rates.  
In primis fatum miseræ desiebat Elisë,  
Quam tulit heu diro, vulnere sævus amor.

Siste ratem, *Ænea*, properas quid funus amanti?  
Per Veneris quæso numina, siste ratem.  
Quod si forte tuæ mors est tibi cara puellæ,  
Ah saltem in gremio concidat illa tuo.  
Vos, o cærutæ formosa *Doride* natæ,  
Vos dominum ad litus, quæso, referte meum.  
Sic vestro nulli veniant in amore dolores:  
Sic vobis semper mutuus adsit amor.  
Ille canit: cello properant de vertice lauri,  
Et prata omnigeno flore colorat humus.  
Tu ne sacrum felix aluisti terra *Maronem*?  
Tu ne pio celas ossa beata sinu?  
An ne etiam, ut fama est, *Vatis* placidissima sæpe,  
Inter odoratum cernitur umbra nemus?  
Felices oculi, fortunatissima silva,  
Et quidquid sancto nascitur in nemore?  
Cui non sit dulci patria tua dulcior ora?  
Quis non te lucis præferat *Elysiis*?  
Jam mihi *Benaci*, letissima litora sordent,  
Jam formosus aquis *Mesulus* irriguis.  
Me tibi, terra beata, dico; tu meta laborum.  
Jamque senescentis grata quies, animi.  
Tu, dum fata sinunt, lucemque, auramque ministra:  
Tu, precor extincti corporis ossa tege.

# BALTHASSARIS CASTILIONIS

ELEGIÆ

PROSOPOPOEIA.

LUDOVICI PICI MIRANDULANI.

**C**Redite, mortales, animæ post fata supersunt.  
Diraque mors nostri nil nisi corpus habet.  
Fabula nec manes vana est exire sepulchris.  
Per noctem, tenebris & volitare vagos.  
Nam modo, dum nostro Mirandula milite cincta est,  
Vidi ego vera quidem, sed caritura fides.  
Nox erat, & noctem superans candore nivali  
Clara repertusso lumine Luna magis.  
Ipse ego sub muris fossa defensus opaca  
Scrutabar, tutum qua magis esset iter.  
Astitit hic subito manifestum manibus ipsa,  
Ante oculos Picus visus adesse meos.  
Tristis erat facies, atroque inspersa cruore;  
Et lacerum ambusto nunc quoque crine caput.  
Obstupui, gelidusque tremor per membra cueurit;  
Et subito arrepta est hirta timore coma.  
Ille autem torvum despectans castra, repente  
Infremuit, gemitu solvit & ora gravi.  
O Pater, o Pastor populorum, o maxime mundi  
Arbiter, humanum qui genus omne regis;  
Justitiæ, pacisque dator, placidæque quietis;  
Credita cui soli est vita, salusque hominum;  
Quem Deus ipse Erebi fecit, Cælique potentem,  
Ut nutu pateant utraque regna tuo:

Quid potui tantum infelix committere? culpa  
Aut mea quæ nam in te tam gravis esse potest,  
Ut patriam, natumque meum uxoremque laresque  
Perdere, & excidio vertere cuncta velis?  
Certe ego te propter caput obiectare periclis,  
Nec timui toties velle subire necem.  
Fellina cum imperium jam detrectaret, & in te  
Tristitia civilis sumeret arma furor,  
Hæc mea dextra tuos armis compescuit hostes,  
Et leto multos sanguinolenta dedit.  
Denique dum innumeris cupio te ornare triumphis,  
Sanguinis ipse mei prodigus occubui.  
Vulnera testantur nostros hæc sæva labores,  
Implorantque tuam nomen inane fidem.  
Flens tener in cunis vagitu natus amaro  
Pollicitis queritur pondus abesse tuis.  
Tot perpeffa graves conjux miseranda labores,  
Supplicibus veniam mœsta petit lacrymis.  
Stant miseri squallore patres, trepidæque puellæ,  
Et matrum passis stat pia turba comis.  
Omnes in te animum jam convertere, rogantque,  
Ut tua det fessis dextera rebus opem  
Aspice captivis vacuos cultoribus agros,  
Abductas pecudes, agricolasque boves,  
Disjectasque domos passim, populataque raptis.  
Arboribus late, & frugibus arva suis.  
Tu vero ulterius lacrymis, dulcissima conjux,  
Et gemitu manes lædere parce meos.  
Postquam nulla potest mitis clementia diræ  
Consilium mentis flectere, nec pietas;  
Effuge, quodque unum est nostritibi pignus amoris,  
Dulce onus hinc ulnis fer puerum ipsa tuis:  
Nec mea descendens saxo hic clausa ossa relinquo  
Condita, sed caro tecum habeas gremio,  
Ne rabie immani, tumulto sint eruta avito,  
Et jaceant media semisepulta via.  
Hæc speranda mihi, postquam sectatur & umbram,  
Sævit & in cineres mens male grata meos.  
Nec

Nec finit inferias nostro te ferre sepulchro:  
 Annuaque extincto reddere iusta viro.  
 Sed tamen & Superi cernunt mortalia, habetque  
 Iustitiæ ultorem dextra minax gladium;  
 Inque malos, sit lenta licet, certa ira Deorum est,  
 Pœnaque tam gravior, quam mage sera venit.  
 Nec longum nostro lætabitur impius hostis  
 Sanguine: fata illum non leviora manent.  
 Hæc ille, & plura his; sed verba extrema loquentis  
 Terribilis nostra rupit in aure sonus,  
 Nam subito, ingenti tormenta impulsa ruina  
 Increpuere, gravi terra tremit sonitu.  
 Fulminei ingeminant ictus, volat impete diro  
 Ferrea sulphureo concita ab igne pila.  
 Mœnia tum nutant labefacta: at tristis imago  
 In tenebras querulo mœsta abiit gemitu.

## 2. AD PUELLAM IN LITORE AMBULANTEM.

Ad mare ne accedas proprius, mea vita;  
 protervos  
 Nimirum; & turpes continet unda Deos.  
 Hi rapiunt, si quam incautam aspexere puellam  
 Securos bibulo litore ferre gradus.  
 Quin etiam in siccam exiliunt sæpe, agmine facto  
 Atque abigunt captos ad sua regna homines.  
 Os informe illis, rictus, oculique minaces,  
 Asperaue anguino cortice membra rigent.  
 Barba impexa, ingens, alga, limoque virenti  
 Oblita, oletque gravi lurida odore coma.  
 Hos tu seu pisces, seu monstra obscœna vocare,  
 Sive Deos mavis, si sapias, ipsa cave.  
 Nec tibi sit tanti pictos legisse lapillos,  
 Ut pereas magno, vita, dolore meo.  
 Quin potius diversi abeamus; respice ut antrum  
 Ad dextram viridi protegit umbra solo.  
 Decurrit rivus gelidis argenteus undis,  
 Pictaque odorato flore renidet humus.



Imminet & fonti multa nemus ilice densum ,  
Et volucres liquido gutture dulce canunt .  
Hic poteris tuto molli requiescere in herba  
Propter aquam , & niveos amne lavare pedes .  
Tu mihi ferta tuis contexta coloribus ; ipse  
Texta meis contra mox tibi ferta legam .  
Floribus , & roseis crinem redimita corollis .  
Et compto incedes conspicienda sinu .  
Silvicolas , mea vita , Deos torquebis amore ;  
Ignibus urentur flumina & ipsa meis .  
In de domum formosa mage , & mage culta redibis .  
Rumpetur tacita cum Hippolyte invidia .



# JOANNIS CASÆ

## ELEGIA.

AD M. ANTONII FLAMINII MANES.

**F**laminii Manes, instar mihi Numinis Umbra  
 Flaminii, hæc campis cernis ab Elysiis  
 An tibi, quæ nostri fuerat tam fervida cura  
 Cocytus nigris eluit amnis aquis?  
 Tu solitus Priulique ausus compescere inanes,  
 Et molli versus frangere voce truces.  
 At nunc ille malo Galateum carmine vexat;  
 Et sanctum nobis pellit ab urbe virum.  
 Tu ne ausus, Priuli, Galateum petlere ab urbe,  
 Asperaque in dulcem dicere verba senem?  
 Tu ne auctor, Romæ montani ut munera vici,  
 Fumosi ut curam preferat ille laris?  
 Aureus ille senex, vitæ cui licia Pareat.  
 Intacta ducunt candidiora nive,  
 Qui nec Principibus, urbi nec scilicet ægræ  
 Formidet medicas adplicuisse manus;  
 Quemque adeo nemorum custos, pecorisq; magister  
 Mandarit sacro summus adesse gregi,  
 Hinc eat, & fuscas ignoti ad flumina Melphæ  
 Pascere cum vili conjugè pergat oves?  
 Quid si animis juvenumque senumq; est illius æque  
 Dulcior Hybleis alba senecta favis?  
 Quid si illum retinent quicumq; Amaryllida curant;  
 Hujus ad exemplum peccet ut illa minus?  
 Uxorem hunc tamen ad vetulamq; humilemq; releges,  
 Frigida ut in viduo ne cubet illa toro,

Quæ puras pridem didicit perducere noctes,  
 Et monitis casta est, & proba facta viri?  
 Sed tu, Flamini potius jam nobilis umbra  
 Et multum insigni conspicienda lyra,  
 Ni te cæca hujus cœperè oblivìa lucis,  
 Cum tibi mors avidas intulit atra manus;  
 Huc ades, & Priulum compescas: nam male nobis  
 Jamdudum insolito versus in ore sonat.

## O D E I.

## AD GABRIELEM FAERNUM.

Humida Tyrrheni fugientem flamina venti,  
 Cœlumque pestilens Latii,  
 Me Venerum excipient mitissima litora, & auræ  
 Sulubriores putribus  
 Jam membris senio, & podagra turgentibus acri,  
 Quæ stare fuerunt, nec mala  
 Imbutæ tussis, neque in ipsis fluctibus udæ,  
 Faerne, mireris licet.  
 Prorsus qui Romam liquit, rerum ille carebit  
 Pulcherrimo spectaculo;  
 Nec cœtum æque illustrem hominum, nec Palladis æque  
 Instructa pectora artibus,  
 Terrarum ut cunctas lustrat circumvagus ora,  
 Offendet usquam gentium;  
 Fragmina nec muri aspiciet majora vetusti  
 Non diminutis urbibus.  
 In primis Bromii latices, & frigida fœcis  
 Requiret idem faucibus  
 Pocula lympharum sub terras condita opacas,  
 Aut fossa Lucanam in nivem.  
 Ipse ego, serventi delapsam ex imbrice lympham  
 Nuper, nec altos in scrobes  
 Væ vappam, salices inter quæ nata palustres  
 Cœni saporem patrii  
 Potanti affundet, mediis fœvoribus ardens

Ar-

Afente fauce traxero.

Est idem hospitibus placidos, & dulcia pacis

Impertientes commoda

Mortales cernam, & locupletem civibus urbem

Dispar probantibus nihil.

Cernam loricam violentam, ensisque superbum

Inermibus suffragiis

Constrictum, & diræ execratum cædis, amorem

Longe exulantem gentium.

Illic cum cano Prudentia sera capillo

Paret vicissim, & imperat.

Illo se nusquam propendens contulit, Æquum

Bonæ comes Concordiæ;

Fraudibus Hesperia ut pulsum est, timuitque rapacis

Uncas Licentiæ manus.

# ODE III.

## AD FORTUNAM.

Expers consilii, quæ pede lubrico

Incedis, zephyris mobilior Dea,

Et fluctu Ionii incertior æquoris;

Te, cum læta sinum pandis, & uberes

Fundis divitias, ac miseris ades

Improvisa, boni progeniem Jovis

Dicunt. Tu ratio, tu sapientia,

Servatrix eadem crederis urbium,

Virtutisque sedens in solio nites.

Sed mox torva domos Regum ubi concutia

Et congesta diu munera, turribus

Dejectis, subito turbine dissipas;

Vanæ te comitem stultitiæ ferunt

Deliram. Immeritum tu, titulo bonis

Demto, nobilitas; frena superbiæ

Atris tu manibus detrahis ebriciæ

Successu, & ruere hanc sic temere ad suum

Rides arbitrium, mox humilem truces

Vultus

Vultus deposituram. O utinan meæ  
Oblita ostium prætereas domus ?  
Seu tu sanguineis oppida territas  
Bellis, ingrederis per Latium fera ;  
Seu pacemque gerens, & populos beans ,  
Pennis involitas versicoloribus.  
Nam sic instabilem visere te meos,  
Vel lætam atque hilarem, pertimeam lares.



## JACOBI SADOLETI

CARMEN.

## DE LAOCOONTIS STATUA.

**E**Cce alto terræ e cumulo, ingentique ruinæ  
 Visceribus iterum reducem longinqua reduxite  
 Laocoonta dies aulis regalibus olim  
 Qui stetit, atque tuos ornabat, Tite, penates.  
 Divinæ simulacrum artis: nec docta vetustas  
 Nobilius spectabat opus. Nunc alta revisit  
 Exemptum tenebris redivivæ mœnia Romæ:  
 Quid primum summumve loquar? miserumne parentem  
 Et prolem geminam? an sinuatos flexibus angues  
 Terribili aspectu? caudasque, irasque draconum,  
 Vulneraque, & veros saxo moriente dolores?  
 Horret ad hæc animus, mutaque ab imagine pulsas  
 Pectora non parvo pietas commixta tremori.  
 Prolixum vivi spiris glomerantur in orbem  
 Ardentes colubri, & sinuosi sorbibus ora,  
 Ternaque multiplici constringunt corpora nexu.  
 Vix oculi susterre valent crudele tuendo  
 Exitium, casusque feros: micat alter, & ipsum  
 Laocoonta petit, totumque infraque, supraque  
 Implicat, & rabido tandem ferit ilia, morsu.  
 Connexum refugit corpus, torquentia sese  
 Membra, latusque retro sinuatum a vulnere cernas.  
 Ille dolore acri, & laniatu impulsus acerbo  
 Dat gemitum ingentem, crudosque avellere dentes  
 Connixus, lævam impatiens ad terga chelydri.  
 Objicit: intendunt nervi, collectaque ab omni

Cæ

Corpore vis frustra summis conatibus instat.  
Ferre nequit rabiem, & de vulnere murmur anhelum est.

At serpens lapsu crebro redeunte subintrat  
Lubricus, intortoque ligat genua infima nodo.  
Crus tumet, obsepto turgent vitalia pulsu,  
Liventisque atro distendunt sanguine venas.  
Nec minus in natos eadem vis effera sævit,  
Amplexuque angit rabido, miserandaque membra  
Dilacerat: jamque alterius depasta cruentum  
Pectus, suprema genitorem voce cientis,  
Circumjectu orbis, validoque volumine fulcit.  
Alter adhuc nullo violatus corpora morsu,  
Dum parat adducta caudam divellere planta,  
Horret ad aspectum miseri patris, hæret in illo:  
Et jam jam ingentes fletus, lacrymasque cadentes  
Anceps in dubio retinet timor. Ergo perenni  
Qui tantum statuistis opus jam laude nitentes,  
Artifices magni, quanquam & melioribus actis  
Quæritur æternum nomen, multoque licebat  
Clarius ingenium venturæ tradere famæ:  
Attamen ad laudem quæcumque oblata facultas,  
Egregium hanc rapere, & summa ad fastigia niti.  
Vos rigidum lapidem vivis animare figuris  
Eximii, & vivos spiranti in marmore sensus  
Inserere: adspicimus, motumque, iramque, doloremque,  
Et pæne audimus gemitus, Vos obtulit olim  
Clara Rhodos: vestræ jacuerunt artis honores  
Tempore ab immenso, quos rursus in luce secunda  
Roma videt, celebratque frequens, operisque vetusti  
Gratia parta recens. Quanto præstantius ergo est  
Ingenio, aut quovis extendere fata labore,  
Quam fastus, & opes, & inanem extendere luxum:

## JO: BAPTISTÆ AMALTHEI

## E C L O G Æ.

## I. L Y C I D A S.

**H**is deploratam in silvis, nemorumque latebris  
 Dicemus Lycidæ Musam, quem flumina circum,  
 Quem stevere suo spoliasti gramine colles.  
 Tu modo, cui patriæ assurgunt jam libera regna,  
 Aureaque æterno revocantur sæcula mundo,  
 Cosme, ades, & nostris nunc primum allabere cœptis.  
 Ipse tibi Pario ponens de marmore templum  
 Graminea in ripa, qua Thuscus labitur Arnus,  
 Velocis quondam institutam certamina cursus.  
 Illic victor ovans, & præmia debita laudi  
 Accipiet, populisque suos testatus honores,  
 Victrices refert Tyrrhena per oppida lauros.  
 Interea agrestes ne dedignare Camœnas.  
 Pallida cedebant venienti sidera soli,  
 Cum Lycidas jussus terras lustrare repostas,  
 Effudit miseros extremo hoc carmine questus.  
 Formosi colles, & nymphis cognita rura,  
 Et liquidi fontes, atque addita fontibus antra,  
 Silvarumque valete umbræ: quæ dulcia nobis  
 Otia, quæ caros olim peperistis amores.  
 Jam me complexu eripiunt fata impia vestro,  
 Ut videam iratas errantia monstra per undas,  
 Desertoque iterum mœstos in litore questus.  
 Quod si quando ima audistis sub valle canentem  
 Pastorem Lycidam, teneros dum pasceret agnos:  
 Idem si tenui vobis allusit avena:

Hoc



Hic tandem querar: & vacuo resupinus in antro.  
Te fugiente die, te decedentibus astris  
Tunc, Amarylli, canam. Sed jam his divellor ab agris.  
Rura valete iterum: sic vobis mela genistæ,  
Sic inarata graves tellus effundat aristas:  
Pabulaque ut longo tondent sub sole juvenci,  
Exigua sic nocte novis ros vestiat herbis.  
Aurea mala prius sterili nascentur in alno,  
Atque inculta ferent mites dumeta racemos,  
Quam vestri curam abjiciam. Tamen altera rura  
Ipse colam audaci permensus cœrula pinu.  
Ergo & oves custode alio per pingua prata  
Errabunt, pastæque simul cava in antra redibunt.  
Tuvero spes fida gregis, quænam arva pererres  
Infelix aries? quis te in convalle reducta  
Nunc molliviola, croceis nunc floribus ornet,  
Gramineosque toros viridi de cespite ponat?  
At vos o lauri, quarum fragrante sub umbra,  
Et nostra insolitis caluerunt pectora flammis,  
Nostraque Mænalios meditata est fistula cantus:  
Sic ver assiduam foveat, nec frigora lædant,  
Neve unquam læto rami spolientur honore.  
Ipsi etiam auratis assurgant cornibus amnes  
Supra Indum, & Gangem: lacrymis quos sæpe profusis  
Auximus, & nostro late succendimus igne,  
Cum me ad delicias, formosa Amarylli, vocares.  
Nunc vero, quoniam superi tot gaudia nobis  
Invidere, trucidare tentare pericula ponti,  
Et Pyreneo confidere vertice certum est.

2.

## A C O N.

Oqui Dictæi statuat me in vertice montis,  
 Aut fortunatos Erymanthi sistat ad amnes,  
 Ut saturis panacem calathis, ut molle cyperum,  
 Dictamumque legam, & fragrantis germina myrrhæ:  
 Et relevem infirmos artus languentis Hyellæ.  
 Illa quidem vix ægram animam sustentat anhelò  
 Pectore, & indignis singultibus interrampit.  
 Nec vis ulla potest sævum lenire dolorem.  
 Illam etiam lacrymantem, etiam sua fata querentem  
 Stellarum vigiles ignes, & primus Eous,  
 Et sol Hesperias vidit devexus ad undas.  
 Sol pater, æterno cælum qui lumine lustras,  
 Et quæcunque parit tellus, vegetasque foveæque,  
 Affer opem, & mœstam auxilio solare puellam.  
 Jam tibi Acon teneras vicina ad flumina lauros  
 Inferet: atque ut nil unquam surgentibus obstat  
 Frondibus, avertet glaciem, & defendet ab æstu.  
 Has tibi Acon. At si macies, si pallor Hyellam  
 Liquerit, & niveos decorarit purpura vultus,  
 Ipsa feret, cum ver nitidis se floribus ornat,  
 Ipsa feret, mites cum stringit vinitor uvas.  
 Scilicet & viridi in ripa, qua se hospita densis  
 Extendit ramis arbor, altaria ponet,  
 Semper flore novo, semper quæ vestiat herbis.  
 Illic agrestum chorus, & vicina rufis  
 Sacra feret, supplexque tuos cantabit honores:  
 Straveris ut quondam iratis Pythona sagittis,  
 Tinxeris & sædo victricia tela cruore.  
 Mille tibi aëria pendebunt spicula quercu,  
 Mille arcus, atque apta suo venabula ferro.  
 At vos, quæ nemura, & rorantia fontibus antra  
 Incolitis, Nymphæ, vestras si sæpius aras  
 Verbenæ, primisque rosis donavit Hyella,  
 Et dedit aureolis insignia fecta corymbis,  
 Vos ferte Eous ditantia cinnama lucos,

Feli-

Felicemque Arabum melle, Assyriosque liquores:  
Vos ægram refovet, & tristes pellite morbos.  
En virgo, exanimis virgo tabescit: & ille,  
Ille decor roseo jam jam defloruit ore.  
Qualis purpureus secreta in valle hyacinthus;  
Quem mater tellus aluit, gremioque receptum  
Eduxit largo rore, & felicibus auris,  
Si cœli invasit vitium, aut immanior auster,  
Paullatim lato formæ spoliatus honore  
Deficit, & moriens arentibus incubat herbis  
Nunc etiam insuetos testantur rura dolores,  
Et desolatis squallescunt pabula campis.  
Pro viola mediis horret paliurus in agris:  
Candidaque inflexo ceciderunt lilia thyrsos:  
Et nulla irriguas pingunt vaccinia ripas:  
Et defunt nemori frondes, & gramina pratis.  
Fons quoque defiliens prærupti tramite clivi  
Contraxit liquidas nunc terræ in viscera venas.  
Et desiderio formosæ accensus Hyellæ,  
Vix fertur tenui per lævia saxa susurro.  
Abde caput miserande, & fracta turbidus urna  
Muscoso occultare situ, cæcisque latebris:  
Non o quæ vitreis tecum colludat in undis.  
Abde caput miserande, cavoque inclusus in antro  
Et lucem indignare, & aperti lumina cœli:  
Non o quæ blando currentem carmine sistat:  
Non o quæ dulces latices dulci hauriat ore.  
Crudeles morbi, vestro de semine labes  
Insedit roseisque genis, roseisque labellis,  
Dejecitque decorem oculis: & sævior eheu  
Ingruit, & miseram silvis avertit Hyellam.  
Ah ne dira lues contagia proferat ultra:  
Ah ne artus ultra, pallentiaque occupet ora.  
Parcite jam tenerisque genis, tenerisque labellis:  
Et color, & pulchræ redeat sua gratia formæ.  
Tu vero, mea Hyella, meæ pars altera vitæ,  
Pone metum: en tibi Pœonios fert munera succos  
Ipsa Pales, alacresque ferunt sua dona Napææ,  
Co.

Costumque, Illyricamque irim, vescumque papaver:  
Quorum ope, & effeto fugiant e corpore morbi,  
Et placidus fessis obrepit somnus ocelis.  
Jamque pedem in silvas referes, notosque recessus:  
Adventuque tuo fonti cursum uberis undæ,  
Et nemori frondes, & pratis gramina reddes,  
Et sæcunda novis ridebunt frugibus arva,  
Et tibi odoratos submittet terra colores.



I N I S

NOI

# NOI RIFORMATORI

Dello Studio di Padova .

**A** Vendo veduto per la Fede di Revisione, ed approvazione del P. F. Filippo Rosa Lanzi Inquisitor General del Santo Officio di Venezia nel Libro intitolato: *Selectæ Historicorum Conciones, & Poetarum tum Veterum, tum Recentiorum Selectissima Carmina pro Humanitatis, & Rhetoricæ studiosis. Pars, prima, & secunda, &c.* Stampate non v'esser cosa alcuna contro la Santa Fede Cattolica, & parimente per attestato del Segretario nostro, niente contro Principi, & buoni costumi, concediamo Licenza a Francesco Pitteri Stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia, e di Padova.

Dat. li 19. Agosto 1771.

( Sebastian Giustinian Rif.

( Andrea Tron Kav. Rif.

( Sebastian Foscarini Kav. Rif.

Registrato in Libro a Carte 72. al nu. 598.

Davidde Marchesini Segr.

Regist. al Mag. contro la Best. in Lib. a Ca. 31.

Andrea Grattarol Seg.

MAG 2018 219



